



Ҳазрати

Мухаммед Мустафа

-салляллаху алейхи ве селлем-

Осман Нури ТОПБАШ

Азовское ислямий илимлер медресеси



Ҳазрати
Мухаммед Мустафа

-салляллаҳу алейҳи ве саллем-

وَإِنَّكَ لَعَلَىٰ خُلُقٍ عَظِيمٍ

«(Эй, Ресулим!) Шубесиз, Сен юдже бир ахлякъ узериндесинъ!» (эль-Къалем, 4)

لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن كَانَ يَرْجُو اللَّهَ وَالْيَوْمَ الْآخِرَ وَذَكَرَ اللَّهَ كَثِيرًا

«(Эй муминлер!) Ант олсын ки, Ресулюллахта сиз ичюн Аллахкъа ве ахирет кунюне къавушмакъны умют эткенлер ве Аллахны чокъ зикр эткенлер ичюн, гузель бир орыне бардыр». (эль-Ахзаб, 21)

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا

«Шубесиз Аллах ве мелеклери Пейгъамберге чокъ салават кетирирлер. Эй, муминлер! Сиз де онъа салават кетиринъ ве там бир теслимитнен селям беринъ!» (эль-Ахзаб, 56)

وَمَا آتَاكُمُ الرَّسُولُ فَخُذُوهُ وَمَا نَهَاكُمْ عَنْهُ فَانْتَهُوا وَاتَّقُوا اللَّهَ إِنَّ اللَّهَ شَدِيدُ الْعِقَابِ

«...Пейгъамбер сизге не берди исе, оны алынъ, сизге не ясакълады исе, ондан да сакъынынъ. Аллахтан къоркъунъ. Чюнки, Аллахнынъ азабы четиндир». (эль-Хашр, 7)

يَا أَيُّهَا الَّذِينَ آمَنُوا أَطِيعُوا اللَّهَ وَأَطِيعُوا الرَّسُولَ وَلَا تُبْطِلُوا أَعْمَالَكُمْ

«Эй, иман эткенлер! Аллахкъа итаат этинъ ве Пейгъамберге итаат этинъ ки ишлеринъизни бошуна чыкъарманъ». (Мухаммед, 33)

وَمَن يُطِيعِ اللَّهَ وَالرَّسُولَ فَأُولَٰئِكَ مَعَ الَّذِينَ أَنْعَمَ اللَّهُ عَلَيْهِمُ وَالشُّهَدَاءِ وَالصَّالِحِينَ وَحَسُنَ أُولَٰئِكَ رَفِيقًا وَالصَّادِقِينَ مِنَ النَّبِيِّينَ

«Ким Аллахкъа ве Ресулине итаат этсе, иште, олар Аллахнынъ озьлерине лютфлерде булунгъан пейгъамберлер, сыддыкълар, шейтлер ве салих инсанларнен берабердир. Булар не гузель досттыр!» (эн-Ниса, 69)

أَلَمْ يَعْلَمُوا أَنَّهُ مَن يُحَادِدِ اللَّهَ وَرَسُولَهُ فَأَنَّ لَهُ نَارَ جَهَنَّمَ خَالِدًا فِيهَا ذَلِكَ الْخِزْيُ الْعَظِيمُ

«(Аля) бильмейлерми ки, ким Аллах ве Ресулине къаршы чыкъса, эльбетте онынъ ичюн ичинде эбедий къаладжагъы джеэннем атеши бардыр. Иште, бу – буюк резилликтир». (эт-Тевбе, 63)

Расулюллах -салляллаху алейхи ве селлем- буюра::

«Муакъкъакъ ки мен, гузель ахлякъны тамамламакъ ичюн ёланылдым». (Муватта, Хуснуль-хулукъ, 8)

«Джинлер ве инсанларнынъ исянкарларындан башкъа, ерде ве кокте олгъан бутюн варлыкълар, меним Аллахнынъ Ресули олгъанымны билелер». (Ахмед, III, 310)

«Сизге эки шей быракъмакътам. Буларгъа сым-сыкъы сарылгъан муддетинъиздже асла далалетке тюшмезсинъиз: Аллахнынъ «Китаб»ы (Къуран-ы Керим) ве Расулининъ «суннети». (Муватта, Къадер, 3)

Хазрети Мевлянадан:

«Бу джан бу тенде олгъан муддетче Къураннынъ къулым; Мухаммед Мухтар -салляллаху алейхи ве селлем-нинъ ёлунынъ топрагъыйым...

Бириси сёзлеримден, бундан башкъа бир сёз накъыл этсе, о қишиден де шиқяетчийим, о сёзден де...»

Терджуме
Эсма М. Акмоллаева

Редакторлар
Энвер Къуртумер
Энвер Ногъаш
Айдер Исмаилов
Асадуллах Т. Баиров

Бу китап Осман Нурий Топбашнынъ «Мухаммед Мустафа-1» ве «Мухаммед Мустафа-2» китаплары эсасында азырланылды.

Бу китапта, Хазрети Мухаммеднинъ -с.а.в.- догъувындан ве-фатына къадарки омюри анълатыла. О юдже инсан ве сонъки Пейгъамбернинъ, пейгъамбер олмадан эвельки темиз яшайышы, балалыгъы, яшлыгъы, эвленюви ве балачагъа саиби олувы анълатыла. Ильки вахийнинъ келюви, пейгъамберликнинъ ильки йыллары ве къаршылашкъан зорлукълары, Мединеге иджрети ве Мединеде бир пейгъамбер ве бир лидер оларакъ итибар къазанувы ве энъ сонъунда да Меккеге къайтувы ве Ислям динининъ бутюн арап ярым адасына аким олувы анълатылмакъта.

Китап, Къырым мусульманлары диний идареси тарафындан тасдиқъланып, медресе талелелери, имамлар ве Пейгъамберимизнинъ аятыны огренмеге истеген ватандашларымыз ичюн тевсие этиле.

© Китапнынъ бутюн хакълары сакълыдыр.

Китап Къалай медресесининъ къол тутувынен азырланды.

Адрес: АРК, Джанкойский р-н, с. Майское, ул. Гаспринского, 1.
Тел / Факс: 8 (06 564) 50 691.

СЁЗ БАШЫ

*Небилер сильсилесининъ ильқи ве сонъқи Алърасы,
Сеййидуль-Кевнейн, Расулюс-Саъфалайн,
Имамудь-Харамейн, Варлықънынъ Нуры, алемлерге Рахмет*

ХАЗРЕТИ МУХАММЕД МУСТАФА

-салляллаху алейхи ве селлем-

Бутюн махлюкъатнынъ варлықъ себеби нур-и Мухаммедий олганындан Хазрети Пейгъамбер, салляллаху алейхи ве селлемни ве онынъ «Хабибим» хитабына ляйыкъ шекильде яшагъаны мустесна ве орынек аятыны шу аджиз сатырлар ичинде толусынен ифаде эте бильмек, аслында, мумкюн дегиль. Анджакъ, оны анъламакъ ве анълатмакъ догърусында эр кеснинъ такъатына коре ёл ала бильмесининъ эсапсыз айдалары бар. Иште, буны дикъкъаткъа аларакъ, бир зерре къадар олса да, яза бильгенлеримизнен Хазрети Пейгъамбер, салляллаху алейхи ве селлемнинъ орынек шахсиетинден насип алмакъ, онынъ ахлякъынен ахлякъланмакъ, бизлер ичюн шерефлернинъ энъ буюгидир. Лякин оны энъ ляйыкъ дереджеде анълата бильмек иддасында дегильмиз, эльбет. Бир чыракъ насыл къара без иле ортюлип, ондан сонъ бу без бир иненен тешилгенде, ичеки айдынлыкътан тышкъа окъ киби ышыкъ чыкъкъаны киби, бизим сёзлеримиз де, Аллахнынъ Ресули, салляллаху алейхи ве селлемнинъ мухтешем акъикъаты къаршысында о шекильде анълашылмалыдыр. Чюнки кяинатнынъ Юдже Яратыджысы:



إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ

يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا

«Шубесиз, Аллах ве мелеклери Пейгъамберге (чокъ) саяляват кетирелер. Эй, муминлер! Сиз де онъа саяляват кетиринъ ве там бир теслимиетнен селям беринъиз!» («Ахзаб», 56) буюрып, сайысыз мелеклеринен берабер, «саяят ве селям» ёллагъаны ве «Сенинъ омрюнъе ант этем ки...» («Хиджр», 72) буюраракъ, къадрини юджелькен бу пейгъамберлер Султанынынъ фазл-у кемалыны кереги киби анълап олмакъ келимелернинъ сынъырлы имкъанларынен асла мумкюн дегиль.

Ресулюллах, салляллаху алейхи ве селлемнинъ бир чокъ мубарек ады бар. Буларнынъ энъ башта кельгенлери Къуранда ифаде этильген «Мухаммед» ве «Ахмед»дир. Мухаммед «чокъ макъталгъан», Ахмед исе, «чокъ хамд этиджи» демектир.

Къуран-ы Керимде Мухаммед ады дёрт кере, Ахмед ады бир кере кече. Инджильде исе, айны манадаки «Фараклит» келимеси къулланылгъан. Пейгъамберимиз озю бир хадис-и шерифинде бойле буюра:

«Мен Мухаммедим ве Ахмедим. Мен о Махийим ки, Алах меним нубувветимнен куфюрни ёкъ этеджек. Мен о Хаширим ки, (Къыямет кунюнде) инсанлар мени такъип этерек, хашр этиледжек. Мен Акъибим, Хатемуль-Энбияйым, менден сонъ ич кимсе небий олмайджакъ» (Бухарий, «Менакъиб», 17; Муслим, «Фезаиль», 125).

Ресулюллах, салляллаху алейхи ве селлемнинъ мубарек исим ве сыфатлары бир чокъ эсерлерде зикр этильген. Булардан «Деляиль-и хайрат» адлы эсерде эки юз къадары беян этильген. Бугунь Равза-и Небийнинъ къыбла диварыны нефис ве мукеммель языларнен сюс-леген бу мубарек исим ве сыфатлар бойледир:

Ахмед, Мухаммед, Махмуд, Хамид, Хаммуд, Бешир, Незир, Бурхан, Эмин, Эввель, Ахир, Духа, Хабибуллах, Хади, Хатем, Мухтар,



Мустафа, Мутаххар, Муджеба, Небий, Нур, Рауф, Рахим, Ресулюлах, Ресулос-Сакъалейн, Рахметен лиль-Алемин, Сеййидуль-Мурселин, Сеййидуль-Кевнейн, Имамуй-Харамейн, Имамуй-Муттекьин, Шефиуль-Музнибин, Шемс, Та-Ха, Я-Син...

Пейгъамберимизнинъ бабасы Абдулах, анасы Эминедир. Онынъ мубарек сою Хазрети Исмаилнинъ огълу Къайзар сюлялеси-нинъ энъ шеревлиси олгъан Аднангъа къадар узана.

Ресулюлах, салляллаху алейхи ве селлем Къурейш къабилесининъ эм баба, эм ана тарафындан энъ темиз ве энъ шеревли къорантагъа менсюптир.

Онынъ бир исм-и шерифи де Мустафадыр. Бу исим шу тарихий сечилип сюзюльмекни ифаде эте.

Хазрети Пейгъамбер, салляллаху алейхи ве селлемнинъ менсюп олгъан топлулыгъы не заман экиге айырылса, Аллах Таала Ресулини энъ хайырлы тарафта булундыргъан. Онынъ бутюн варлыкъны айдынлаткъан нуру Хазрети Адем алейхис-селямдан берли энъ темиз ана ве бабалардан кечип, онъа келип еткен (Ахмед, I, 210). Ибн-и Аббас Хазретлери шу мананы ифаде этерек, «Шуара» суресининъ 219-ынджы аетини, бу шекильде тефсир эткен:

«Сен, яни нурунъ, эп седжде эткенлерден долаштырылып, санъа кельген» (Къуртубий, XIII, 144; Хейсемий, VII, 214).

Фахр-и Кяинат салляллаху алейхи ве селлем бу хусусны хадис-и шерифинде бойле ифаде эткен:

«Мен Адем огъуларынынъ энъ хайырлы ве энъ темизлеринден, девирден девирге, къорантадан къорантагъа кечип, ниает шу, ичинде булунгъаным аиледен вуджуткъа кетирильдим!» (Бухарий, «Менакъиб», 23).

«Аллах Таала Ибрахим огъуларындан Исмаилни сечти. Исмаил огъуларындан Кинане огъуларыны сечти. Кинане огъуларындан Къурейшни сечти. Къурейштен Хашим огъуларыны сечти. Хашим огъуларындан Абдुльмутталиб огъуларыны сечти. Абдульмутталиб огъуларындан да мени сечти» (Муслим, «Фезаиль», 1; Тирмизи, «Менакъиб», 1).

Абдульмутталиб огълуна Бени Зухре къабилесининъ буюги Вехб



бин Абди Менафнынъ кызы Эминени истеди. Къурейшнинъ несеп ве шереф тарафындан энъ устюн кызы олгъан Эмине бу теклифке сыджакъ бакъкъанындан себеп, никяхлары кыйылды.

Хазрети Пейгъамбер, салляллаху алейхи ве селлемнинъ анасы, Хазрети Эминенинъ сою Вехб бин Абд-и Менаф бин Кияб бин Мурре шеклиндедир. Зухре, Хашим огъууларынынъ аталары олгъан Къусай бин Киябнынъ къардашы олгъанындан, Хазрети Эминенинъ сою Хазрети Абдуллах иле Киябда бирлешир (Ибн-и Сад, I, 59-60).

Ресулюллах, ана рахмине тюшкенинен, Абдуллахнынъ манълайында олгъан нур Хазрети Эминеге кечти (Ибн-и Хишам, I, 170).

Пейгъамбер Эфендимизнинъ бабасы Абдуллах эвленгенден кыыскъа бир муддет кечкен сонъ Къурейшнинъ бир тиджарет керванынен Шамгъа кеткен эди. Тиджаретини битирип къайткъанда, ёлда хасталанды. Мединеге кельгенинен, аркъардашларына:

«Мен бу ерде, дайыларым Неджджар огъууларынынъ янында бир аз къалайым», – деди ве бир ай анда къалды. Дайылары не къадар гъайрет этсе де, о, яхшы оламады ве о ерде вефат этти. Мединеге комюльди. Абдуллах вефат эткен вакъытта 25 яшында эди (Ибн-и Сад, I, 99).

Эмине къоджасы Абдуллахнынъ вефаты акъкъындаки хаберни алгъанынен пек янды-якълды ве кунълер бою козьаш тёкти, онынъ киби бирисининъ тапыламайджагъыны, эр кес тарафындан пек се-вильгенини, чокъ джумерт ве мерхаметли олгъаныны ифаде эткен мерсиелер сёйледди (Ибн-и Сад, I, 100).

Пейгъамбер Эфендимиз догъмадан эвель бир чокъ иляхий теджеллилер мейдангъа кельгендир. Бутюн кяинат онъа асретлик чеке эди. Чюнки о яратылышнынъ себебидир.

Эвеля, Алах Таала даа эвельки пейгъамберлерден Ресулюллах, салляллаху алейхи ве селлемге иман этип, ярдымджы олмаларына даир ахд алгъан эди. Бу онынъ мейдангъа чыкъаджагъынынъ энъ буюк мужделеринден бирисидир. Ает-и керимеде бойле буюрыла:

وَإِذْ أَخَذَ اللَّهُ مِيثَاقَ النَّبِيِّينَ لَمَا آتَيْتُكُم مِّنْ كِتَابٍ وَحِكْمَةٍ ثُمَّ جَاءَكُمْ رَسُولٌ



مُصَدِّقٌ لِّمَا مَعَكُمْ لَتُؤْمِنُنَّ بِهِ وَلَتَنْصُرُنَّهُ قَالَ أَأَقْرَرْتُمْ وَأَخَذْتُمْ عَلَىٰ ذَٰلِكُمْ إِصْرِي
قَالُوا أَقْرَرْنَا قَالَ فَاشْهَدُوا وَأَنَا مَعَكُمْ مِنَ الشَّاهِدِينَ

«Аллах бир вакъыт пейгъамберлерден: «Мен сизге Китап ве икмет бергенден сонъ, янындакилеринъизни тасдикъ эткен бир пейгъамбер кельгенде, онъа мытлакъа инанып, ярдым этеджексинъиз», дие сёз алгъан, «Къабул эттинъиз ве бу ахтымны бойнунъызгъа алдынъызмы?», дегенде, «Къабул эттик», джевабыны бергенлер. Бундан сонъ Аллах: «О алда шаат олунъ; Мен де сизнен бирликте шаатлыкъ эткенлерден-ним», буюргъан» («Ал-и Имран», 3/81).

Хазрети Ибрахим иле огълу Хазрети Исмаил Кябени къуруп битирген сонъ, эллерини кокке котерип, Пейгъамбер, салляллаху алейхи ве селлем ичюн бойле дуа эткен эдилер:

رَبَّنَا وَابْعَثْ فِيهِمْ رَسُولًا مِنْهُمْ يَتْلُو عَلَيْهِمْ آيَاتِكَ وَيُعَلِّمُهُمُ الْكِتَابَ وَالْحِكْمَةَ
وَيُزَكِّيهِمْ إِنَّكَ أَنْتَ الْعَزِيزُ الْحَكِيمُ

«Эй, Раббимиз! Оларгъа араларындан Сенинъ аетлеринъни оларгъа окъуйджакъ, оларгъа китап ве икметни огретеджек, оларны темизлейджек бир пейгъамбер ёлла. Чюнки устюн келиджи, эр шейни икметнен япыджы ялынъыз Сенсинъ» («Бакъара», 2/129).

Хазрети Иса, алейхи'с-селям да, пейгъамберлигини Израил огъуларына бильдиргенде, Пейгъамберимизни мужделей эди:

وَإِذْ قَالَ عِيسَى ابْنُ مَرْيَمَ يَا بَنِي إِسْرَائِيلَ إِنِّي رَسُولُ اللَّهِ إِلَيْكُمْ مُصَدِّقًا لِّمَا بَيْنَ
يَدَيَّ مِنَ التَّوْرَةِ وَمُبَشِّرًا بِرَسُولٍ يَأْتِي مِنْ بَعْدِي اسْمُهُ أَحْمَدُ...

«Хатырла ки, бир заманлар Меръем огълу Иса: «Эй, Израил огъулары! Мен сизге Аллахнынъ эльчисийим, менден эвель кельген Тевратны догърулайыджы ве менден сонъ келеджек

Ахмед адында бир пейгъамберни мужделейиджи оларакъ кельдим» деген эди» («Саф», 61/6).

Анасы Эмине, Пейгъамберимизге юклю олгъанынынъ ильк кунъ-леринде бир тюш коръди. Тюшюнде онъа:

«Эй, Эмине! Сен бу умметнинъ эфендисинен юклюсинъ! Дюнъягъа кельген вакътында: «Эр кунъджонинъ шерринден оны тек олгъан Аллахкъа авале этем», – деп дуа эт ве онъа «Мухаммед» адыны бер!» – деп сесленильгенини эшитти (Ибн-и Хишам, I, 170).

Шунынъ ичюндир ки, Аллах Ресули, салляллаху алейхи ве селлем, бойле буюргъан:

«Мен атам Ибрахимнинъ дуасы, къардашым Исанынъ муждеси ве анамнынъ юкъусыйым» (Хаким, II, 453; Ахмед, IV, 127-128).

О догъмадан эвель бутюн алем маневий тарафтан мутхиш бир къаранлыкъ ичинде эди. Инсанлар ниает дереджеде бахтсыз бир джеалет батакылыгъында богъулмакъта эдилер. Инсаниет шерев ве сайгъысыны джойгъан эди. Айванлар биле, инсанларнынъ дехшет ве зулумындан зияде бунъалгъан эди. Аят яшалмаз алгъа кельген эди. Алем кедерли, варлыкълар сыкъынтылы, гонъюллер чаресиз эди. Зайыф ве кучъсюзлер кульмекни унуткъан эдилер. Яшамакъ хакъкъы кучълю олгъанларгъа аит эди. Шаир Мехмет Акифнинъ ифадесинен:

Сыртланларны кечкен эди бешер йырытджылыкъта,
Кучъсюзми бир инсан, оны къардашлары ашар эди.
Къуран-ы Керим бу акъикъатны бойле беян эте:

ظَهَرَ الْفَسَادُ فِي الْبَرِّ وَالْبَحْرِ بِمَا كَسَبَتْ أَيْدِي النَّاسِ

«Инсанларнынъ япкъан ишлеринден къуру ве денъизде фесат ортагъа чыкъты» (Рум, 41).

Ульвий тешриф якъынлашкъанда, эр кес, атта, эр шей, даа бир шевкъ ве асрет ичинде о юдже нурнынъ имдаткъа етишип, оларны къаранлыкътан къуртараджагъыны беклей эди. О аб-ы аятнынъ оларгъа икрам ве ихсан этильгенини арзулай эди. Бутюн инсаниет оны беклей эди.

Бунынъ мужде ве ишаретлерни вакъыт-вакъыт корюне эди.

Сулейман Челеби Мевлид-и Шерифинде кунешнинъ биле Хазрети Пейгъамбер, салляллаху алейхи ве селлемге ашыкъ олып, онынъ этрафында перване киби айлангъаныны бойле ифаде эткен:

Деди: «Коръдим», – о Хабибнинъ анасы,

«Бир аджеп нур ки, кунеш перванеси.

Эндицер коктен мелеклер саф-у саф,

Кябе киби къылдылар эвим таваф.

Дедилер: «Огълунъ киби ич бир огъл,

Яратылгъандан джиан кельген дегиль...

Бу кельген ильм-у ледун султаныдыр,

Бу кельген тевхид-у ирфан кяныдыр».



Нейһамберликтен эвель
Җазрети Мухаммед

-салляллаху алейхи ве селлем-



ПЕЙГЪАМБЕРЛИКТЕН ЭВЕЛЬ ХАЗРЕТИ МУХАММЕД

Филь йылы

Йемен валиси Эбрехе, Византия императорынынъ ярдымы иле Сана шеэринде буюк бир кильсе къурдурды. Анджакъ инсанлар бу кильсеге буюк эмиет бермедилер. Бунъа коре Эбрехе чокъ ачуланды ве арапларнынъ мукъаддес сайылып, зиярет этильген Кябени йыкъмагъа къарар берди. Эбрехе буюк бир орду азырлап, Меккеге догъру ёлгъа чыкты. Бу ордуда филлер де бар эди. Эбрехе Кябени йыкып, озюне коре, инсанларны озъ къургъан кильсесине джелъп этеджек эди.

Меккеге якъынлашкъанда, Эбрехе, о дживарларда отлагъан девелерни элине кечире. Бу девелер Пейгъамберимизнинъ къартбасы Абдулмутталибнинъ девелери эди. Эбрехе о къадар ачувлы эди ки, озъ девелерини къайтармакъ ичюн кельген Абдулмутталибге шашып, бойле деди:

– «Мен Кябени йыкъмагъа кельдим. Сен исе девелеринъни тюшюнесинъ!»

Абдулмутталиб исе, Кябе ичюн:

– «Онынъ саиби бар! О, оны къорчалар!» – деди.

Эбрехе исе:

– «Оны менден къорчалайджакъ ич бир кучъ ёкъ!», – деп къычырды.

Анджакъ Кябеге догъру ордусыны арекет эттиргенде, филлер токътап къалдылар. Кок юзюнде эбабиль къушлары пейда олды. Аякъларында пишкен балчыкътан ташларны кетирген бу къушлар оларны Эбрехе ордусынынъ устюне атмагъа башладылар. Бу ташлар неге токъунса, о шейни тешип кече эди. Мекке ёлу бир анда инсан ве филь мезарлыгъына чевирильди. Кичик къушлар агъырлыгъы тонналарнен олгъан филлерни эзип ольдюрдилер. Бу дехшет толу иляхий муджизенинъ мейдангъа кельген йылгъа «филь йылы» деп айтылды.

Аллах Таала бу адисени Къуран-ы Керимде бойле анълата:



«Раббинъ филь саиплерине не этти, корьмединъми?

Оларнынъ фена ниетлерини бошкъа чыкъармадымы?

Устюне эбабилъ къушларыны ёллады.

О къушлар, оларгъа пишкен балчыкътан олгъан ташлар аттылар.

Бойледже, Аллах оларны ашалгъан экин алына кетирди» («Филь», 1-5).

Кябе Аллахнынъ эмири иле инша этильгендир. О, мукъаддес ве мубарек бир ер олгъаны ичюн иляхий муафаза ве къорчалав астында эди.

Ибадетханеге къаршы япылгъан бу арекетке берильген джеза исе, къыяметке къадар айны шекильде япыладжакъ дигер арекетлер ичюн де бир къоркъутув макъсадыны ташыр. Къуранда бойле буюрыла:

«Аллахнынъ месджидлеринде, Онынъ ады анъылмасына мания олгъан ве оларнынъ харап олмасы ичюн тырышкъан кишиден даа залым ким бар? Аслында, олар, о ибадетханелерге къоркъып кирмелери керек (Башкъа тюрюлю кирмеге хакълары ёкъ). Булар ичюн дюньяда ашагъылыкъ, ахыретте де буюк азап бар» («Бакъара», 114)

Пейгъамбер эфендимизнинъ пак сою

Пейгъамберимизнинъ бабасы Абдуллах, анасы Эминедир. Онынъ мубарек сою Хазрети Исмаилнинъ огълу Къайзар сюляесининъ энъ шерефлиси олгъан Аднангъа къадар узаныр.¹

Пейгъамберимизнинъ буюк атасы Аднан, Исмаил -алейхисселям- нынъ союндандыр. (Ибн-и Хишам, I, 1,5). Аднаннынъ огълу Меадднынъ Иса -алейхисселям- нынъ асырдашы олгъаны накълъ этилир.

Расулюллах -салляллаху алейхи ве селлем- Къурейш къабилиси

1 Расулаллах -салляллаху алейхи ве селлем-нинъ несеби шерифлери шойледир: *Мухаммед бин Абдуллах бин Абдулмутталиб бин Хашим бин Абди Менаф бин Кусай бин Киляб бин Мюрре бин Кяб бин Люэй бин Гъалиб бин Фихр бин Малик бин Надр бин Кинане бин Хузейме бин Мудрике бин Ильяс бин Мудар бин Низар бин Меадд бин Аднан.* (Бухари, Менакибуль Энсар, 28; Ибн-и Хишам, I, 1-3; Ибн-и Сад, I, 55-56)

ичинде эм баба, эм де ана тарафындан, энъ темиз ве энъ шереф-ли бир кьорантагъа менсюптир. Аллах Ресули -салляллаху алейхи ве селлем- несебининъ темиз, пак олгъаны акъкъында шойле буюргъан-дырлар:

«Мен, джахилие деврининъ чиркинликлеринден ич бир шейге бу-лашмадан, ана ве бабамдан мейдангъа кельдим. Мен, та Адемден бабама ве анама къадар эп никях махсулы оларакъ мейдангъа кельдим, асла зинадан мейдангъа кельмедим!» (Ибн-и Кесир, эль-Бидае, II, 260).

Онынъ бир исм-и шерифи де Мустафадыр. Бу исим шу тарихий сечилип сюзюльмекни ифаде этер.

Хазрети Пейгъамбер -салляллаху алейхи ве селлем-нинъ менсюп олгъан топлулыгъы не заман экиге айырылса, Аллах Таала, Расулини энъ хайырлы тарафта булундыргъандыр. Онынъ, бутюн барлыкъны айдынлаткъан нуры Хазрети Адем -алейхисселям- дан берли энъ те-миз ана ве бабалардан кечип, озюне келип еткендир. (Ахмед, I, 210). Ибн-и Аббас азретлери, Шуара суресининъ 219-ынджы аетини, бу мананы ифаде этерек, шу шекильде тефсир эткен:

«Сен, яни нурынъ, эп седжде эткенлерден долаштырылып, санъа кельгендир». (Къуртубий, XIII, 144; Хейсемий, VII, 214).

Пейгъамберимиз -салляллаху алейхи ве селлем- бу хусусны Хадиси шерифлеринде бойле ифаде эткен:

«Мен Адем огуумарынынъ энъ хайырлы ве энъ темизлеринден, девирден девирге, кьорантадан кьорантагъа кечип, ниает шу, ичинде булунгъаным аиледен вуджуткъа кетирильдим!» (Бухари, Менакъиб, 23).

«Аллах Таала Ибрахим огуумарындан Исмаилны сеч-ти. Исмаилогул-ларындан Кинане огуумарыны сеч-ти. Кинанеоггуумарындан Къурейшни сечти. Къурейштен Хашимогуумарыны сечти. Хашимогуумарындан Абдулмутталиб огуумарыны сечти. Абдулмутталиб огуумарындан да, мени сечти». (Муслим, Фегаиль, 1; Тирмизи, Менакъиб, 1).

Буюк Ислям алими Ибн-и Халдун, Пейгъамбер эфендимизнинъ несебининъ бу къадар ачыкъ-айдын ве тафсилатлы бир шекильде би-



линмеси ве асалетнен девам этип кельгени акъкъында бойле деген:

«Хазрети Мухаммед -салляллаху алейхи ве селлем- ден башкъа ич бир къулнынъ, не несеби бу дередже къатий билимектедир, не де Адем –алейхисселям- дан, озьлерине къадар сой асалети аралыкъсыз девам эткендир. Бу Аллах Таалаянынъ Пейгъамберине хусусий бир икрамыдыр». (Ибн-и Халдун, I, 115).

Хазрети Пейгъамбернинъ бабасы Абдуллах иле анасы Эминенинъ эвленюви

Хазрети Пейгъамбернинъ вазифелендирилъмесине якъын девирде тевхид² инанчы джоулган, Кябе къавм ве къабилелерге аит путларнен толдырылган, Зем-зем къуюсы да, гъайып этильген алда эди.

Пейгъамбер эфендимизнинъ къартбабасы Абдулмутталиб, Хиджрде юкълагъанда тюшюнде онъа Зем-зем къуюсыны къазмасы айтылды. Даа сонъра да бир ишарет иле къазмасы керек олган ер онъа косътерильди.

Абдулмутталиб къазув ишине башлагъанда, Къурейшлилер:

« -Месджидимизнинъ яныны къаздырмамыз», - деп, кедер эттилер.

Бунунъ узерине Абдулмутталиб, Аллах он эвлят берир ве олар да озьлеринини къорчалайджакъ яшкъа етселер, олардан бирисини Кябенинъ янында къурбан этмекни адады.

Бир муддеттен сонъ, Къурейшлилер, Абдулмутталибде корьген базы алельхусус ал ве ишаретлер себебинен, юмшадылар ве онъа мусааде эттилер. Абдулмутталиб къуюны къазды ве Зем-земни мейдангъа чыкъарды. Вакътынен он эвляды дюньягъа кельди ве озьлерини къорчалайджакъ яшкъа эттилер. Бунунъ узерине тюшюнде:

«Адагъынны ерине кетир», - денилerek, йыллар эвель Аллахкъа берген сёзю озюне хатырлатылды. Адагъыны ерине кетирмек ичюн, сырасынен къочкъар ве сыгъыр сойган Абдулмутталибден эр сефе-

2 **Тевхид** – Аллахны тек танъры оларакъ къабул этмек ве садедже Онъа ибадет этмек.



ринде даа буюги истенильди. О:

«Даа буюги недир?» – деп сорагъанынен:

«Огъланларыньдан бирисини къурбан этмекни адагъан эдинь!» -денильди. Бунунь узерине эвлятларыны топлагъан Абдулмутталиб, Аллах ичюн япкъан адакъны ерине кетирмек ичюн, оларны итааткъа давет этти. Олар да, къаршы чыкъмадан:

«Сен адагъыньны ерине кетир, истегениньни яп!» - дедилер.

Абдулмутталиб къура чекеркен:

«Аллахым! Мен эвлятларымдан бирисини Санъа къурбан этмекни адагъан эдим. Араларында къура чекеджем, олардан истегениньни ал», - деп дуа этти.

Къура Пейгъамбер эфендимизнинъ бабасы Абдуллахкъа чыкъты. Абдулмутталиб, къурбан чалмакъ узьре огълуны Кябеге алып кеткенде, меккедилер, эвлят къурбан этмекнинъ адет алына келеджегинден къоркъып, оны токътаттылар. Абдулмутталибни разы этип, бир алимге алып бардылар. Алим:

«Сизде бир инсан ольдюрменинь джезасы не къадар?» - деп сорады.

«Он деве», - деп джевап бердилер. Бунунь узерине алим:

«Ойле исе, Абдуллах иле он деве арасында къура чекинъ, къура Абдуллахкъа чыкъса, он деве даа къошып, йигирми деве иле Абдуллах арасында текрар къура чекинъ. Бу ракъамны, къура девелерге чыкъкъангъа къадар онар-онар арттырынь!» –деп тевсиеде булунды.

Он деве иле Абдуллах арсында къура чекильгенде, къура Абдуллахкъа чыкъты. Он деве даа иляве этип, къураны текрарладылар, кене Абдуллахкъа чыкъты. Девелернинъ сайысы юзге еткенгенде бу шекильде девам этильди. Сайы юзге баргъанынен, къура девелерге чыкъты. Абдулмутталиб эмин олмакъ ичюн къура чекювини учъ кере даа текрарлады. Бу эснада аякъкъа къалкъып, огълунынъ къуртулмасы ичюн Аллахкъа дуа этти. Эр кересинде де къура девелерге чыкъкъаныны корьгенинен, о еркекилер, севинчлеринден «Аллаху Экбер» диерек, текбир кетирдилер. Сонъра Абдулмутталиб девелерни къурбан чалып, этлерини халкъкъа дагъытты. (Ибн-и Хишам, I, 163-168; Ибн-и Сад, I, 83-85; Хаким, II, 604-4036).



Бугунь, Ислям шериатында, ольдюрильген бир инсаннынъ дие-
тининъ юз деве я да бунынъ бедели оларакъ тайин этильгени, бу та-
рихий адисеге эсаслангандыр.

Расулюлах -салляллаху алейхи ве селлем- Эфендимиз, атасы
Исмаил -алейхисселям- нынъ ве бабасы Абдулахнынъ къурбан ичюн
сечильгенлерине ишарет этип:

«Мен эки къурбанлыкънынъ огълуйым», - дей эдилер. (Хаким, II,
604-4048).

Бу себептен, Аллах Ресули «Ибн-и Зебихайн – эки къурбанлыкъ-
нынъ огълу» деп зикр этилир эди. (Хаким, II, 609-4036).

Хазрети Абдулах, эм озъ къардашларынынъ, эм де дигер бутюн
Къурейш яшларынынъ беден ве ахлякъ тарафындан энъ гузели эди.
Акъл, зекилик ве тербие тарафындан да, кене оларнынъ энъ устюни
эди. (Халейб, I, 51-62). Бу себептен, Къурейшнинъ бутюн къызлары
онынънен эвленмеге истей эдилер. Атта Варакъа бин Невфельнинъ
къыз къардашы Рукъийе Абдулахнынъ манълайындаки нурны коръ-
генинен бунынъ пейгамберлик нурлы олганыны анълагъан эди.
Беклеген сонъ пейгамбернинъ анасы олмакъ шерефине къавуш-
макъ ичюн, Хазрети Абдулахкъа, озюнен эвленмесине къаршылыкъ
юз деве теклиф эткендир. (Ибн-и Хишам, I, 168-169).

Абдулмутталиб, огълуна Бени Зухре къабилесининъ буюги Вехб
бин Абди Менафнынъ къызы Эминени истеди. Къурейшнинъ несеб
ве шереф тарафындан энъ устюн къызы олгъан Эмине бу теклифе
сыджакъ бакъкъанынен, никяхлары къыйылды.

Хазрети Пейгамбер -салляллаху алейхи ве селлем-нинъ ана-
сы Хазрети Эминенинъ сою, Вехб бин Абд-и Менаф бин Кияб бин
Мурре шеклиндедир. Зухре, Хашим огъуларынынъ аталары олгъан
Къусай бин Киябнынъ къардашы олганындан, Хазрети Эминенинъ
сою Хазрети Абдулах иле Киябда бирлешир. (Ибн-и Сад, I, 59-60).

Расулюлах ана рахмине тюшкенинен, Абдулахнынъ манълай-
ында олгъан нур Хазрети Эминеге кечти. (Ибн-и Хишам, I, 170).

Пейгамбер Эфендимизнинъ бабасы Абдулахнынъ вефаты

Пейгамбер эфендимизнинъ бабасы Абдулах, эвлигинден
къыска бир муддет сонъра Къурейшнинъ бир тиджарет керванынен



Шамгъа кеткен эди. Тиджаретини битирип къайткъанда, ёлда хасталанды. Мединеге кельгенинен, аркъардашларына:

«Мен бу ерде дайыларым Неджджарогъуумларынынъ янында бир аз къалайым», - деди ве бир ай анда къалды.

Дайылары не къадар гъайгет этсе де яхшы оламады ве о ерде вефат этти. Мединеде комюльди. Абдуллах вефат эткен вакъытта 25 яшында эди. (Ибн-и Сад, I, 99).

Эмине, къоджасы Абдуллахнынъ вефаты хаберини алгъанынен, пек янды-якъылды ве куньлер бою козьаш тѣкти, онынъ киби бирисининъ тапыламайджагъыны, эр кес тарафындан пек севиленгенини, чокъ джумерт ве мерхаметли олгъаныны ифаде эткен шиирлер сѳйледди. (Ибн-и Сад, I, 100).

Пейгъамберимизнинъ догъувы ве бу эснада юзь берген ательхусус аллар

Ниает, бекленильген Нур милядий 571 сенесининъ апрель 20-сине догъру кельген Ребиуль-эвель айынынъ 12-си, базар эртеси сабасында, Эминенинъ къучагъында дюньямызны шерефлендирди.

Бу тешриф иле бутюн варлыкълар тильге келип:

«Хош кельдинъ, я, Ресулюллах!» деп, къуванкъа толдылар.

Сулейман Челеби кяинатта бутюн варлыкъларнынъ бу тешриф иле догъган севинчини шу сѳзлернен ифаде эткен:

Мерхаба, эй, алий султан, мерхаба,

Мерхаба, эй, кян-ы ирфан, мерхаба!

Мерхаба, эй, сырр-ы Фуркъан, мерхаба,

Мерхаба, эй, дертке дерман, мерхаба!

Мерхаба, эй, Рахметен лиль-алемин,

Мерхаба, Сенсинъ шефиуль-музнибин!

Онынъ дюньягъа кельмесинен Аллахнынъ рахмети бу алемде джошып ташты. Сабалар ве акъшамлар ренкденъиштирди. Дуйгъулар къуветленди. Сѳзлер, сукхбетлер, лезетлер теренлешти, эр шей айры



бир мана, айры бир летафет къазанды. Путлар сарсыларакъ, ерге девирильди. Кисралар мемлекетинде олган Медайин сарайларында дирек ве къулелер йыкъылды. О заман инсанлары тарафындан мукъаддес сайылган Саве голю²⁴, зулум батакълыгъы олган алда, куруды (Ибн-и Кесир, «Бидае», II, 273).

Гонъюллер фейз ве берекетнен ташты. Чюнки алемдеки мекия ве заманда керчеклешкен бу теджелли, о шеревли варлыкънынъ берекети эди. Бу берекет бутюн кяинатны къаврады. О сенеге болукъ сенеси айтылды. Бунынъ ичюн гонъюль инсанлары тарафындан Къадыр геджесинден сонъ энъ къыйметли гедже Ресулюллахнынъ догъган геджеси къабул этильгендир.

О гедже, гуль киби ачылган алемлернинъ Эфендисине ишарет оларакъ, тилер артыкъ бойле демеге башлагъан эди:

*Сувгъа берсин багъбан гульзарны, захмет чекмесин,
Бир гуль ачылмаз юзюнь тек, берсе бинъ гульзаргъа сув.*

«Багъчеван гуль багъчасыны сувармакъ ичюн бошуна захмет чекмесин! Чюнки о, бинъ дане гуль багъчасыны суварса биле, я, Ресулюллах, кене де сенинъ юзюнь киби бир гуль ич бир заман ачылмаз!»

О гуллер гулюнинъ бу ульвий тешрифинен эр шейнинъ вазияти денъишти. Аллахнынъ рахмети, инджи данелери киби, кяинаткъа сепильди ве нургъа асретлик чеккен гонъюллер севинчке толды.

Ибн-и Аббастан бойле ривает этиле:

«Пейгъамбер, салляллаху алейхи ве селлем, базар эртеси куню догъды, базар эртеси куню пейгъамбер олды, базар эртеси куню Меккеден Мединеге иджрет этти, базар эртеси куню Мединеге кельди. Базар эртеси куню вефат этти. Базар эртеси куню (Кябеде акемлик япаракъ) Хаджер-и Эсведни ерине къойды, базар эртеси куню Бедир заферини къазанды. Базар эртеси куню *اَلْيَوْمَ اكْمَلْتُ لَكُمْ دِينَكُمْ* «Бугунъ сизге дининъизни тамамладым» («Маиде», 3) аети назиль олды» (Ахмед, I, 277; Хейсемий, I, 196).

Онынъ догъувы, пейгъамберлиги, хиджрети ве вефатынынъ эп базар эртеси кунюне раст кельмеси бу куннинъ мукъаддеслиги ве эмиетининъ нишанесидир.



Бу мубарек геджеде Ресулюллах, салляллаху алейхи ве селлеминъ кяинаткъа тешрифиде иле базы аলেখусус вакиалар юзь берген эди. Бу муджизелерден бир къачы:

Хазрети Эминенинъ бильдиргенине коре, о не юкюлик, не де догъум эснасында ич бир захмет чекмеген ве Аллах Ресули дюньягъа кельгенде, шаркъ ве гъарп арасыны айдынлаткъан бир нурнынъ озюнден чыкъкъаныны корьген эди. Пейгъамбер, алейхи'с-селям, темиз бир шекильде, эллерини ерге таяп догъган ве башыны семагъа котерген эди. (Ибн-и Сад, I, 102, 150).

О анда шейтан, аятында къопаргъан энъ буюк фиғанларындан бирисини къопаргъан эди. (Ибн-и Кесир, «Бидае», II, 271).

Иран баш къадысы ве дин адамы Мубезан тюшюнде бир такъым кийик девелернинъ бир сюрю джюйрюк атларны оглерине алып, Диджле (Тигр) озенини кечип, Иран топракъларына яйылгъанларыны корьген эди. Семаве²⁵ вадийсини сув баскъан эди. Кисранынъ сарайынынъ 14 диреги йыкъылгъан эди. Иранлыларнынъ мабедлеринде бинъ йылдан берли янып тургъан атеш сёнген эди! (Ибн-и Кесир, «Бидае», II, 273).

Айше, радиаллаху анханынъ анълаткъанына коре, Меккеде тиджаретнен мешгъуль олгъан бир еудий Ресулюллах, салляллаху алейхи ве селлем догъган геджеде Аллах Ресули дюньягъа кельгенини къостерген йылдызнынъ догъганыны корьген, Къурейш меджлислеринден бирисине барып:

– «Эй, Къурейшлилер! Ичинъизде бу гедже баласы догъган бармы?», – деп сорагъан эди.

– «Валлахи, бильмеймиз!» – дедилер. Бунъа джевап оларакъ еудий:

– «Эй, Къурейш джемааты! Сизге сёйлеген сёзюмни яхшы анъланъыз! Бу гедже ахыр заман умметининъ пейгъамбери догъды. Онынъ эки куреги арасында, устюнде тюклери олгъан къара-сары къарышыкъ бир бенъ бар», – деди.

Меджлистекилер еудийнинъ айткъанына айретленген алда дагъылдылар. Эвлерине баргъанларынен еудийнинъ сёзлерини аилелерине анълаттылар. Бир къысмынынъ къоранта азалары:



– «Абдуллахнынъ оғылу доғды. Онъа Мухаммед адыны бердилер!» – дедилер. Олар да еудийнинъ эвине барып:

– «Меккеде бир бала доғъған, хаберинъ бармы?» – дедилер. Еудий:

– «Мен сизге хабер бергенден сонъмы, ёкъса, эвельми?» – деп сорады.

– «Эвель доғъған, ады де Ахмед!» – дедилер.

Риджа эткенинден себеп оны Хазрети Эминенинъ эвине алып бардылар. Хазрети Эмине мубарек оғылуны оларгъа косътерди. Еудий Фахр-и Кяинат, салляллаху алейхи ве селлемнинъ сыртында пейгъамберлик муурини коръгенинен байылды. Айынгъаны вакъыт ондан:

– «Не бар, не олды?» – деп, сорадылар. Еудий:

– «Валахи, артыкъ Израиль оғыуларындан пейгъамберлик кетти! Элеринден китап да кетти! Сонъки пейгъамбернинъ Израиль оғыуларыны ольдюреджеги ве дин адамларынынъ итибарыны тюшюреджеги язылдыр. Араплар пейгъамберликнен буюк иззет ве шеревке иришеджеклер. Эй, Къурейш джемааты! Севининъиз, валлахи, сиз, хабири гъарптан шаркъкъа къадар етишеджек бир къуветке малик оладжакъсынъыз!» – деди. (Ибн-и Сад, I, 162-163; Хаким, II, 657/4177).

Ресулюмах, салляллаху алейхи ве селлемнинъ доғъувына бутюн Мекке халкъы севинген эди. Атта Эбу Лехеб мубарек торунынынъ доғъганыны хабер эткен джариеси Сувейбени азат этип, эдиелер берген эди (Халебий, I, 138).

Бу адисенен алякъалы оларакъ, сонъундан Аббас, радиаллаху анх, шуларны анълата:

Ольгенинден бир йыл сонъ Эбу Лехебни тюшюмде коръдим. Ярамай бир алда эди.

– «Санъа насыл муамеле япылды?», – деп сорадым.

Эбу Лехеб:

– «Мухаммеднинъ доғъганына севинип, Сувейбени азат эткеним ичюн базар эртеси кунълери азабым бираз хафифлетиле. О кунъ, баш пармагъымнен ишарет пармагъым арасындаки шу кичик деликтен чыккъан сувнен серинлейим», – джевабыны берди (Ибн-и



Кесир, «Бидае», II, 277; Ибн-и Сад, I, 108, 125).

Хазрети Пейгъамберимизниң балалыгъы ве генчлиги

Пейгъамберимиз дюнъягъа етим оларакъ коъзлерини ачкъан эди. Буны ифаде этерек, Дженаб-ы Хакъ ает-и керимеде бойле буюра:

أَلَمْ يَجِدْكَ يَتِيمًا فَآوَى

«О, сени етим булып да, имаесине алмадымы?» («Духа», 6).

Фахр-и Кяинат Эфендимизни ильк бир къач кунъ Хазрети Эмине эмиздирди. Даа сонъра Сувейбе адындаки къадын, огълу Месрухнен бирликте, Аллахның Ресулине сют аналыгъыны япты (Ибн-и Сад, I, 108).

Вефакарлыкъ мисали олгъан Ресулюллах, салляллаху алейхи ве селлем де, сют анасы Сувейбеге даима аятында дикъкъат айырыр ве алякъасыны къопармаз эди. Меккеде олгъанда, эм Аллахның Ресули, эм де Хатидже валидемиз онъа яхшылыкъ ве икрамда булуна эди. Пейгъамберимиз Мединеге иджрет эткенинен Сувейбеге даима урба ве ашайджагъыны ёллап, ихтияджларыны къаршылагъан эди. Хиджретниң единджи йылында Хайбер сеферинден къайткъанда, онынъ вефат эткени акъкъында хабер алгъан Пейгъамберимиз:

– «Огълу Месрух не япа?», – деп сорады.

– «О анасындан эвель вефат этти!», – дедилер.

Бундан сонъ Ресулюллах, салляллаху алейхи ве селлем, онынъ акърабаларыдан сагъ къалгъан кимсениң олып-олмагъаныны сорады ве ич бир кимсениң къалмагъаныны огренген эди (Ибн-и Сад, I, 108, 109).

Пейгъамбер Эфендимизниң Сувейбе хатунгъа япкъан бу яхшылыгъы февкъуляде къадыршынаслыкъ мисалидир.

Алемлерниң Эфендисине сют анасы олмакъ шерефи Сувейбеден сонъ, Алиме хатунгъа кечти.



Сют анасына берильмеси

О девирде арапларнынъ бир адети бар эди. Янъы догъган балаларны, сют эммелери ичюн, сахрада яшагъан къабилелерге бере эдилер. Сахра авасы инсанларны даа сагълам ве даа джесур етиштиргени киби, андаки инсанларнынъ къонушмалары даа догъру ве ачыкъ эди. Бойледже, балалар даа сагълам ве гузель лаф эткен бир кимсе оларакъ етише эдилер.

Бу мубарек явру да, арап адетине коре, сют анасы Алиме хатунгъа берильди. Чюнки бу къадын менсюп олгъан Бени Сад къабилеси арап къабилелерининъ энъ догъру лаф эткени эди. Бу весилемен Ресулюмах, саллялаху алейхи ве селлем энъ эдебий ве догъру лаф эткенлерден олгъан, арап эдебиятнынъ зирвеси олгъан Аллахнынъ келямыны теблигъ ве беян этмек вазифеси ичюн балалыгъындан итибарен азырлангъан эди. Бунынъ ичюн де Хазрети Эбу Бекир, радиаллаху анх:

– «Я, Ресулюмах! Сенден даа эдебий лаф эткен бир кимсени мен корьмедим», – дегенде, Аллахнынъ Ресули, саллялаху алейхи ве селлем:

– «Мында шашылыджакъ не бар! Мен Къурейш къабилесине менсюбим ве Сад къабилесинден сют анасына берильдим», – деген эди (Али Муттакый, VI, 174/15247).

Алиме бинт-и Харис, радиаллаху анха, алемлернинъ Султанына сют анасы олувы адисесини бойле анълата:

– «Къытлыкъ укъом сюрген йыл эди. Беяз бир эшекке минип, Сад огъуларындан базы къадынларгъа сют эмиздириледжек бала тапмакъ ичюн, Меккеге догъру ёлгъа чыктыкъ. Ашайджакъ бир шейимиз къалмагъан, янымызда ыргъачы ве къарт бир деве бар эди, амма онынъ бир тамчы сютю биле ёкъ эди. Бир де баламыз бар эди. Не менде, не де деведе онъа етеджек бир сют олмагъаны ичюн, баланынъ агълав сесинден юкълап оламайджакъ алгъа кельдик. Ниает, Меккеге етиштик. Мухаммед, саллялаху алейхи ве селлем такъдим этильмеген ич бир къадын къалмады, факъат ич бир кимсе оны къабул этмеди. Чюнки эр кес бабасы сагъ олгъан бир бала къыдыра эди.



Албуки, о, етим эди. Дегенде, менден башкъа эр кес эмиздиреджек бир бала тапты ве озюнен алып кетти. Мен де бир бала алмадан, артыма къайтмакъ истемедим. Къоджама:

– «Мытлакъа барып, шу етим баланы аладжам!»-дедим.

Бойледже, бардым, оны алдым ве чадырыма къайттым. Къоджам:

– «Оны алып, яхшы яптынь. Ким биле, бельки Аллах бу бала себебинен бизге хайыр ве берекет берер», – деди.

Валлахи, бу баланы къучагыма алып-алмаз, сютлерим толып ташты. Оны эмиздирдим, о тойды. Сют къардашыны да эмиздирдим, о да къана-къана ичип тойды. Гедже олгъанынен къоджам къарт девемизинь янына барды, бир де не корьсюн, сютлери толып ташкъан! Истегенимиз къадар сагъдыкъ, къана-къана ичтик ве тойдыкъ. О гедже не ачлыгъымыз, не де сувсузлыгъымыз къалды. Балаларымыз да раат бир шекильде юкъладылар. Къоджам:

– «Валлахи, чокъ мубарек бир бала алдынь!», – демектен озюни тутып оламады.

Эшекке минип, ёлгъа чыктыкъ. Эвель энъ артта къала тургъан эшек бутюн айванларны кече эди, оны зорнен явашлата эдим. Эр кес шашып, бойле сорай эди:

– «Бу, кельгенде мингениньиз эшек дегильми?»

«Эбет», – деген эдим. Ниает, больгемизге кельдик. О, чоракъ бир ер эди. Бизим къойлар яйылгъан ерлеринден мемелери сютке толгъан алда къайта эдилер. Башкъа инсанларнынъ къойлары ёргун, ач ве сувсагъан алда келе эдилер. Эр кеснинъ къойлары сютсюз олгъанда, биз къойларымызны сагъып, бол-бол сют иче эдик. Мал саиплери чобанларыны сёгерек:

– «Языкъ сизлерге! Айванларымызны Алименинь чобаны отлаткъан ерлерде отлатмайсызмы?», – дей эдилер.

Эбет, акълы эдилер, айны ерлерде отлата эдилер, факъат оларнынъ къойлары ач ве сютсюз келир экен, бизимкилернинъ мемелери сютке толып-таша эди.

Мухаммед, салмялаху алейхи ве селлем, бир куньде, башкъа балаларнынъ бир айда буюгенлери къадар буюди. Бир айда бир се-



нелик бала кьадар буюди. Бир яшына кельгенде, баягы балабан коруне эди. Оны анасына кетиргенде, сют бабасы Эминеге:

– «Огълумны манъа кьайтарынъыз. Меккедеки веба хасталыгыннан кьоркьамыз», – деп, исрар этти. – «Айны вакытта, Онынъ берекетинден махрум олмакъ да истемеймиз». О кьадар исрар эттик ки, анасы:

– «Айды, оны текрар алып кетинъиз!», – демеge меджбур олды» (Хайсемий, VIII, 221; Ибн-и Кесир, «Бидае», II, 278-279).

Сют анасынынъ янында олгъанда, бир кунъ Пейгъмберимиз, сют кьардашы Шейманен уйле сыджагъында кьозуларнынъ янына бардылар. Кьайткъанларында, Алиме кызына:

– «Бойле шиддетли сыджакъта не ичюн тышкъа чыкьтынъыз?», – деп сорады.

Кызы да яшагъан иляхий лютуфны бойле ифаде этти:

– «Аначыгъым! Биз кунешнинъ якъыджы сыджагъыны ич де ис этмедик. Кьардашымнынъ башы устюнде девамлы бир булут тура, бизни кольгелендире эди» (Ибн-и Кесир, «Бидае», II, 279; Ибн-и Сад, I, 112).

Алиме хатун анълатмагъа девам этти:

«Бизде эки ай даа яшады. Мейдангъа кельген базы алельхусус алар себебинен, башына бир шей келеджегинден кьоркьып, оны алып, аман ёлгъа чыкьтыкъ. Меккенинъ юкьары тарафында, къалабалыкъ арасында, оны джойдыкъ (Ибн Хишам, I, 179; Ибн-и Сад, I, 112). Меккелилерни буюк бир телаш сарды, эр кес о масум явруны кьыдырмагъа башлады. Анджакъ тапамадылар. Абдульмутталиб Кябеде дуа эте эди. О эснада коктен бир сеснинъ:

– «Эй, джемаат, феръят этменъиз! Ич шубесиз, Мухаммеднинъ Рабби бардыр. Оны ярдымсыз кьалдырмаз ве зая этмез!», – деп сесленгенини эшиттик.

Абдульмутталиб:

– «Эй, бизге сесленген! Онынъ кьайда олгъаныны да хабер бер!», – деди.

О сес:

– «О, Тихаме вадийсинде сагъдаки терекнинъ янындадыр», –



деп, хабер берди.

Бундан сонъ Абдулмутталиб аман о тарафкъа догъру кетти ве торуныны тапты (Диярбекрий, I, 228).

– «Джаным санъа феда олсун! Мен къартбабанъ Абдулмутталибим», – деди. Оны опти, къучакълады ве кокрегине басты (Халебий, I, 154).

«Духа» суресиндеки:

وَوَجَدَكَ ضَالًّا فَهَدَىٰ

«Сени (балалыгъынъда) шашыргъан вазиятте тапып, догъру ёлгъа ириштирмедими?» («Духа», 7) ает-и керимесининъ бу адисеге ишарет эткени ривает этиле (Замахшерий, VI, 240).

Алиме хатун адисенинъ девамыны бойле аньлата:

«Анасынынъ янына баргъанымызда:

– «Исрарнен алып кеттинъиз, шимди де не ичюн къайтарып кетирдинъиз?» – деп сорады.

– «Ёкъ, валлахи, биз вазифемезни яптыкъ, устюмизге тюшкенни эксиксиз ерине кетирдик. Сонъунда башына кельген адиселерден къоркътыкъ да, алып барып къорантасына теслим этейик, дедик», – дедим. Анасы:

– «Риджа этем, онынъ башына кельген шейлерни манъа аньлатынъыз?», – деди.

О къадар исрар этти ки, аньлатмагъа меджбур олдыкъ. Аньлаткъанларымыз шейлерге ич де шашырмады. Бизге:

– «Затен меним огълумнынъ инсанны шашыртаджакъ пек чокъ алары олгъан эди. Шунунъ ичюн ич къасеветленменъиз. Мен де сизге онен алякъалы корьгенлеримни аньлатайым», – деди ве догъганы вакъыт олгъан алельхусус аларны аньлатты. Сонъра:

– «Айды, оны къалдырынъ ве раат журтунъызгъа къайтынъыз!», – деди» (Хайсемий, VIII, 221; Ибн-и Кесир, «Бидае», II, 278-279).

Алиме хатун дей ки:

«Абдулмутталиб мени энъ гузель эдиелернен озгъарды. Мен журтума тариф этип оламайджакъ къадар чокъ ве къыйметли мал-



ларнен кьайттым. Мухаммед кьартбабасынынъ янында кьалды. Абдульмутталибге онынъ башындан кечкен эр шейни аньлаттым. Абдульмутталиб Оны багърына басып, агълады ве:

– «Эй, Алиме! Ич шубесиз, огълумнынъ шаны чокъ юдже оладжакъ. Мен о замангъа етишмекни не кьадар арзу этем!», – деди» (Бейхакъий, Деляиль, I, 145).

Пейгъамбер, алейхи'с-селям, сют акърабаларына нисбетен омюр бою вефакяр олды. Алиме хатунны эр корьгенде «Аначыгъым! Аначыгъым!» деп, онъа джандан севги ве урьмет косътере, ридасыны (устъ урбасыны) ерге яйып, устюне отурта, бир истеги олса, ерине кетире эди (Ибн-и Сад, I, 113, 114).

Алиме хатун бир кунъ Пейгъамбер Эфендимизни корьмек ичюн Меккеге кельген эди. Эфендимиз о вакъыт Хазрети Хатидженен эвли эди. Олар Алиме хатунны мусафир эттилер ве онъа сайгъы косътердилер. Хазрети Алиме яшагъан юртларында кьургъакълыкъ ве ачылыкъ олгъаныны ве айванларнынъ зайыфлап олгъени акъкъында дертини тѣкти. Фахр-и Кяинат Эфендимиз Хазрети Хатидженен лаф этти. Хатидже анамыз онъа кьыркъ кьойнен минмек ве юклерини ташымакъ ичюн бир де деве эдие этти (Ибн-и Сад, I, 114).

Меккенинъ фетхи эснасында Ресулюллах, салляллаху алейхи ве селлем Эбтах вадийсинде олгъанда, Алиме хатуннынъ кьыз кьардашы оны зиярет этмеге кельген эди. Бир богъчачыкъ ичинде пенир ве ягъ киби шейлер эдие эткен эди. Аллах Ресули ондан аман сют анасыны сорады. Вефат эткенини айткъанынен Пейгъамберимизнинъ козьлери яшнен толды. Кимлернинъ сагъ кьалгъаныны сорады. Даа сонъра да бу кьадынгъа урба кийдирилъмесини, бир деве ве эки юз дирхем кумюш пара берильмесини эмир этти.



Биринджи Шерх-и Садр – юрек ачылув адисеси

Аллах Таала иляхий сырларнынъ ала бильмеси ичюн Ресулюллах, салляллаху алейхи ве селлемнинъ кокрегиини бир къач кере ачтыргъан, ичини темизлетип, раатлыкъ, сукюнет, мерхамет, шевкъат, иман ве икмет киби ульвий табиятларнен толдурылгъандыр. Буларнынъ ильки сют анасынынъ янында олгъанда керчеклешкен эди. Бу адисени Фахр-и Кяинат Эфендимиз озю анълаткъан.

Бир адам Ресулюллах, самалаху алейхи ве селлемге:

– «Пейгъамберлигининъ энъ биринджи алямети не эди?», – деп сорагъанда, Аллах Ресули, салляллаху алейхи ве селлем, бойле буюрды:

– «Меним сют анам Сад бин Бекр огъуларындан эди. Мен ве сют къардашым айванларымызны алып кеттик. Янымызгъа ашамакъ ичюн де ич бир шей алмагъан эдик. Мен:

– «Къардашым, айды, бар, анамдан бираз аш ал да, кель!»- дедим.

О кетти, мен айванларнынъ янында къалдым. Чокъ вакъыт кечмеден, беяз урбалы эки мелек кельди, бириси дигерине:

– «Бу, омы?», – деп сорады.

Дигери де:

– «Эбет», – деди.

Аман яныма кельдилер, мени сыртым устуне яткъыздылар, кокрегимни ачтылар. Сонъра юрегимни чыкъардылар, оны ярып, ичинден эки къара къан пыхтысы чыкъардылар.

Сонъра бири дигерине:

– «Айды, бар, манъа къар суву кетир!», – деди.

Онен ичими ювдылар. Сонъра кене:

– «Айды, шимди де бурчакъ суву кетир!», – деди. Кетирди, онен де юрегимни ювдылар. Сонъра: «Айды, шимди раатлыкъ ве сукюнетни кетир!», – деди.

Оны юрегиме ерлештирдилер.

Даа сонъра бири дигерине:

– «Айды, къапат ве оны пейгъамберлик мууринен мууръле!», –



деди.

Мелек де юрегимни къапатты ве нубуввет мууринен муурьледди. Даа сонъра кеттилер... Чокъ къоркъкъан эдим. Сонъ эвге къайтып бардым ве башыма кельген шейлерни бирер-бирер сют анама аньлаттым... (Ахмед, IV, 184-185; Ибн-и Кесир, «Бидае», II, 280; Хайсемий, VIII, 222).

Базы менба китапларында бильдирильгенине коре, бу адисе Пейгъмберимиз дёрт яшында экенде юзь берген (Ибн-и Сад, I, 112).

Энес, радиаллаху анх:

– «Мен Аллах Ресулининъ коксюндеки о яра изини эп коре эдим», – деген эди (Муслим, «Иман», 261).

Шанлы Ресулюллах Эфендимизнинъ кокюси ярылмасындаки икметлерден базылары шулардыр:

Аллах Таала бойледже, Ресулининъ ал ве шаныны бутюн инсанларгъа бильдирген ве оны балалыгъындан итибарен вахий ичюн азырлагъан. Маневий темизлик амелияты олгъан шерх-и садр адисесининъ инсанлар козетмеге биледжек шекильде мейдангъа кельмеси де, онынъ рисалетине иман ве тасдикини теминлемек икметине эсаслангъан.

Медине ёлджулугъы ве анасынынъ вефаты

Пейгъмберимиз алты яшында олгъанда, анасы, Хазрети Эмине, бабасынынъ джариеси Умму Эйменни де янына алып, оны бабасы Хазрети Абдуллахнынъ къабрини зиярет этмек ичюн Мединеге алып барды. Мединедеки дайыларынынъ эвинде бир ай яшадылар.

Аллах Ресули, салляллаху алейхи ве селлем, Мединеде дайыларынынъ балаларынен ойнады, атта ялдамагъа да бу зияретинде огренди (Ибн-и Сад, I, 116).

Фахр-и Кяинат Эфендимиз о куньлернинъ хатыраларыны бойле аньлата эди:

«Еудийлерден бир такъым кимселер яныма келе, манъа бакъып, тура эдилер (Ибн-и Сад, I, 116). Кене бир кунь еудийлерден бир адам манъа пек дикъкъатлы бакъкъан сонъ, къайтып кетти. Тек башыма



олгъаным бир кунь текрар яныма келип:

– «Эй, бала! Сенинъ адынъ недир?», – деп сорады.

– «Ахмед!», – дедим.

Сыртыма бакъкъанынен:

– «Бу бала, бу умметнинъ пейгъамберидир!», – деди.

Дайыларым бу алны анама аньлаткъанынен, анам къоркъмагъа башлады. Бойледже, Меккеге къайтмакъ ичюн аман ёлгъа чыкытыкъ (Эбу Нуайм, Делаиль, I, 163-164).

Хазрети Эмине ёлда хасталанды ве Эбва дейильген ерде отуз яшында вефат этти ве анда дефин этильди. Вефатындан эвель етим яврусына севги ве шефкъат толу козьлеринен терен-терен бакъты, оны багърына басаракъ, мубарек огълуна шуларны айтты:

«Аллах сени мубарек эйлесин! Эгер тюшюмде корьгенлерим догъру чыкъса, сен Джелял ве Икрам саиби Аллах тарафындан Адем огъуларына хелял ве харамны бильдирмек ичюн сайланаджакъ-сынъ. Аллах сени путлардан ве путпересликтен къорчалайджакъ. Эр аят саиби оледжек. Эр янъы эскиреджек. Эр буюген сонъуны буладжакъ, ёкъ оладжакъ. Мен де оледжем, амма эбедиен хатырланаджам. Чюнки темиз бир эвлят дюньягъа кетирдим ве артымда хай-ырлы бир хатыра къалдыраракъ кетем!» (Диярбекрий, I, 229-230; Кямиль Мирас, «Теджрид» терджимеси, IV, 549).

Бу акъыкъатны аньлагъан шаир Ариф Нихат Асыя Хазрет-и Эминеге бойле хитап эткен:

Эй, Эбвада яткъан олю,

Багъчанъда ачты дюньянынъ

Энъ гузель гулю!

Пейгъамберимиз бу шекильде анадан да оксюз къаларакъ, Умму Эйменнен Меккеге къайтты.

Ресулюллах, салляллаху алейхи ве селлем, омюри боюнджа бакъ-ыджысы Умму Эйменни сыкъ-сыкъ зиярет этер ве онъа «ана» деп, хитап эте эди. Онъа «Анамдан сонъра меним анам!» я да «Бу, меним къоранта азаларымдан сагъ къалгъан бир кишидир!», – деп ильтифат эте, урьмет ве севги косьтере эди (Ибн-и Эсир, «Усудуль-гъабе», VII, 303-304; Ибн-и Сад, VIII, 223).



Къартбабасы Абдулмутталибнинъ имаеси

Аллах Таала башта бабасыны сонъра да, анасыны гъайып эткен Хабиб-и Эдибини къорчалайджысыз къалдырмады. Мубарек етим-ни къартбабасы Абдулмутталиб багърына басты. Эвлятларындан ич бирине косътермеген шефкъат ве севгини онъа косътерди.

Абдулмутталиб юкълагъанда я да одасында ялынъыз олгъанда, янына ич кимсе киралмаз эди. Лякин, Эки Джихан Кунеши, къартбабасындан ич айырылмаз, одасында ялынъыз олгъаны, атта, юкълагъан вакъытта биле, янына сербест кирип чыкъа эди (Ибн-и Сад, I, 118).

Кябенинъ кольгесинде яткъан Абдулмутталибнинъ миндери устуне, бабаларына сайгъы себебинден, огулларындан ич бири-си отурмаз эди. Олар бабаларынынъ этрафында аякъта тура эдилер, Фахр-и Кяинат Эфендимиз исе, келип дедесининъ миндерине раат отура эди. Оны миндерден турсатмакъ истеген эмджелерине Абдулмутталиб:

– «Быракъынъыз огулумны! Валлахи, онынъ шан ве шерефи юк-сек оладжакъ!», – деп, миндерининъ устунде янына отуртып, артыны сыйпай эди. Гузеллер гузели торунынынъ япкъан эр шейни къартбабасы бегене эди (Ибн-и Хишам, I, 180).

Абдулмутталиб Алемлернинъ Эфендисиди оладжакъ кичик торуны софрагъа кельмегендже, аш ашамай, «Огулумы яныма кетиринъыз» дей эди (Ибн-и Сад, I, 118). Аш кетирильген вакъытта да, оны янына алып, базан да тизине отуртып, ашнынъ энъ гузель ве лезетли ерлерини онъа ашата эди (Белязурый, I, 81).

Къытлыкъ ве къургъакълыкъ укюм сюрген, инсанлар буюк къый-ынджылыкъ ичинде олгъан кунълерде меккелилер ягъмур дуасы ичюн Эбу Къубейс дагъына чыкъкъан эдилер. Абдулмутталиб де еди яшындаки Хабиб-и Экрем Эфендимизни омузына аларакъ, дагънынъ тѣлесине чыкъкъан эди. Джемаат онынъ янында сыра-сыра турды. Абдулмутталиб омузында Пейгъмберимиз олгъан алда эллерини ко-терип, дуа этти. Инсанлар тургъан ерлеринден даа айырылмагъанда, кок, санки ярылып, сувуны бошатмагъа башлады ве Мекке вадийси



рахмет дерьясынын ичинде кьалды (Ибн-и Сад, I, 90; Ибн-и Эсир, «Усудуль-гъабе», VII, 112; Диярбекрий, I, 239).

Ресулюллах, салляллаху алейхи ве селлем, секиз яшына кельгенде, кьартбабасы Абдулмутталиб вефат этти.

Хазрети Пейгъамбер, салляллаху алейхи ве селлемнинъ бир замандан сонъ ана-баба имаесинден махрум кьалмасынынъ да бир чокъ икмети бар. Бу икметлернинъ энъ муими пейгъамберлик ве давет иле алякьалы эсасларны бабасындан я да дедесинден огренди шеклинде илери сюрюле биледжек иддаларгъа имкян бермемектир.

Айрыджа, Аллах Ресули ана-баба ве кьартбабасындан айырылып, бабадан огъулгъа кечкен джахилие урф-адет ве анъанелеринден кьорчалангъан, инсан эли тиймеден, тамамен Раббининъ тербиесинен етишкен. Бунынъ ичюн бир хадис-и шерифте:

«Мени Раббим тербие этти ве тербиемни де пек гузель япты» буюрган (Суютий, I, 12).

Дигер тарафтан, Пейгъамбер Эфендимизнинъ ана-баба тербие-синден узакъ олгъанына бакъмадан, улвий бир ахлякъ узьре етишмеси онынъ пейгъамберлиги делиллеринден бирисидир.

Онынъ етим оларакъ етишмесининъ башкъа бир икмети де кьальбининъ даа индже ве дуйгъулы алгъа кельмеси ве ялынъыз Аллахкъа тевеккюль этюв дереджесине иришмесидир. Фахр-и Кяинат, салла-лаху алейхи ве селлем, етимликнинъ ве зайыф олмакънынъ адджжысыны бутюн шиддетинен дуйгъаны ичюн, аяты бойюнджа эп зайыф инсанларнынъ кьорчалайыджысы олгъан. Бир хадисинде:

«Озь етимини я да башкъасына аит бир етимни кьорчалагъан кимсенен мен дженнетте бойле ян-янаша оладжакъмыз», буюрган ве ишарет пармагъынен орта пармагъыны косътерген (Муслим, «Зухд», 42; бакъ. Бухарий, «Эдеб», 24; «Талякъ», 14).

Бир башкъа икмет де шудыр ки, Аллах Таала аятнынъ эр дереджесиндеки инсаннынъ Ресулюллах, салляллаху алейхи ве селлемден орьнек ала бильмеси ичюн, оны энъ зайыф ал олгъан етимликнен аяткъа башлаткъан, чешит мертебелерден кечиререк, девлет реислигине къадар юксельткен.



Эмджеси Эбу Талибнинъ имаеси

Ресулюллах, салляллаху алейхи ве селлемнинъ дедеси Абдульмутталиб вефат этеджеги заман бутюн эвлятларыны топлалды. Оларгъа анджакъ торунына пек яхшы бакъмаларыны васиет этти. Зубейирнен Эбу Талиб, Фахр-и Кяинат Эфендимизнинъ бабасы Абдуллахнен бир анадан олгъанлары ичюн, къура чектилер. Къура Эбу Талибге чыкты.

Эбу Талиб Пейгъамберимизге нисбетен эмджелерининъ энъ мерхаметлиси ве энъ шефкъатлысы эди (Ибн-и Эсир, «Усудуль-гъабе», I, 22). Онынъ бир къач деведен башкъа малы ёкъ эди, къорантасы исе, чокъ балалы эди. Бу фукъареликке бакъмадан, Эбу Талиб Къурейшнинъ эфендисиди эди. Сёзю динълене, эмирлерине къаршы чыкъмай эдилер. Бабасы Абдульмутталиб киби, о да агъызына ички къоймай эди (Халейб, I, 184).

Эбу Талиб мубарек торуны устюнде титрей, оны озъ эвлятларындан даа чокъ севе эди. Алемлернинъ Эфендисини янына алмагъандже, юкъламаз, не вакъыт бир ерге кетеджек олса, оны да бераберине ала эди.

Пейгъамберимиз, алейхис-саяту вес-селям олмадан, аш ашагъанларында, тоймай эдилер, лякин онен бирликте ашалгъаны вакъыт, тоя, атта ашлары да арта эди. Софрагъа ялынъыз бир кишиге етеджек микъдарда къюлгъан сюттен эвель мубарек етим ичип, даа сонъ башкъаларына берильгенде, эписи бу сюттен тойып-тойып иче эди. Бу себептен Эбу Талиб аиле азаларына:

– «Токътангъыз! Эвлядым кельсин!», – дей эди (Ибн-и Сад, I, 119-120, 168).

Эбу Талибнинъ къадыны Фатиме хатун сонъ дередже фазилетли ве яхшы къальпли бир къадын эди. Фахр-и Кяинат Эфендимиз мусульман олып, Мединеге хиджрет эткен бу мухтерем къадынны, сагъ олгъанда барып, зиярет эте, онынъ эвинде къушлукъ юкъусыны юкълай эди (Ибн-и Сад, VIII, 222).

Фатиме хатун вефат эткенде, Аллах Ресулининъ козьлеринден яшлар акъкъан, «Бугунъ анам вефат этти!» буюрып, кольмегини онъа



кефен эткен, дженазе намазыны кылдырып, къабринде бир муддет узангъан эди. Бу япкъанларынынъ себебини сорагъанларгъа бойле джевап берген:

– «Эбу Талибден сонъ, бу къадын къадар манъа яхшылыкъ япкъан ич кимсе ёкътыр! Ахыретте дженнет урбалары киймеси ичюн, онъа кольмегимни кефен яптым. Къабирге алышмасы ичюн де, онынъ устуне бираз узандым!»

Ресулюллах, салляллаху алейхи ве селлемнинъ бу къадар кедерленгенине тааджип эткенлерге:

– «О, меним анамдан сонъ, анам эди. Озь балалары ач тургъанда, о, эвеля меним къурсагъымы тойдурыр, сачымны тарар ве гуль ягъынен ягълар эди. О, меним анам эди!», – буюргъан. Сонъра да онынъ ичюн бойле дуа эткен:

«Аллах санъа магъфирет этсин ве хайырнен мукафатландырсын! Аллах санъа рахмет этсин, аначыгъым! Сен меним анамдан сонъра анам олдынъ! Озюнь ач олгъанда, мени тойдурдынъ! Озюнь киймей, мени кийдире эдинъ! Энъ лезетли ашларны манъа къаптырдынъ, озюньни махрум эте эдинъ! Буны да ялынъыз Аллах ризасы ве ахырет юртуны умют этип япа эдинъ!» (Хаким, III, 116-117; Хайсемий, IX, 256-257; Якъубий, II, 14).

Экинджи Шерх-и Садр

Пейгъамбер юрегининъ мерхамет, шефкъат ве рахметнен толдурылмасы

Эбу Хурейре, радиаллаху анх, Пейгъамбер Эфендимиз, салляллаху алейхи ве селлемден ич кимсенинъ сорап олмагъан шейлерни сорамакъ хусусында сонъ дередже джесюр арекет эте эди. Бир кунь Фахр-и Кяинат Эфендимизден:

– «Я, Ресулюллах! Пейгъамберликнен алякъалы ильк корьген аляметинъ недир?», – деп сорады.

Эки джиан сеадет рехбери олгъан Аллах Ресули бойле буюргъан:

– «Эй, Эбу Хурейре, мадам ки, сорадынъ, айтайым. Мен он яшла-



рында эдим. Бир куню чёльге чыккыан эдим. Башымнынъ устюнден кельген бир сестен сескендим. Бир адам башкыасындан сорады:

- «Бу, омы?». Дигери джевап берди:
- «Эбет, бу одыр».

О замангъа къадар кимседе корьмегеним юзлернен, кимседе къаршылашмагъаным рухларнен, ич кимседе корьмегеним урбаларнен къаршыма чыктылар. Юрип, манъа догъру кельген о эки адамдан эр бириси бир элимден тутты, факъат токунгъанларыны ис этмедим. Бири дигерине:

- «Айды, оны ерге ятырт!», – деди.

Мени узатып, ерге ятырттылар, мен ич бир къыйынлыкъ ве зорлукънен къаршылашмадым. Кене бириси дигерине:

- «Айды, коксюни ач!», – деди ве о да ачты. Факъат не къан корьдим, не де бир аджы дуйдым. Онъа кене бойле деди:
- «Айды, о ердеки кин ве аседни чыкъар!»

О да коксюмден къан пыхтысы киби бир шей чыкъарды. Сонъ оны фырлатып атты.

- «Айды, шимди онынъ ерине шефкъат ве мерхамет ерлештир!», – деди. Чыкъаргъан шейлери буюклигинде ве кумюшке бенъзеген бир шей къойгъанларыны корьдим. Сонъ сагъ аягъымнынъ баш пармагыны тутып ойнатты ве:

- «Айды, селяметнен кет!», – деди.

Мен турып кеткенимде, ичим шефкъат ве мерхаметнен толу эди. Ондан сонъра да эп кичиклерге нисбетен шефкъат, буюклерге нисбетен де мерхамет ис эттим» (Ахмед, V, 139; Хайсемий, VIII, 223).

Пейгъамберимизнинъ къой бакъувы

Пейгъамберимиз эмджеси аятта олгъанда ве тиджаретке башламадан эвель, бир муддет чобанлыкъ япкъан эди. Бу вазифе араплар арасында къолай сайылгъан бир зенаат дегиль эди. Шерефли ве зенгин инсанларнынъ балалары да япкъан бир иш эди. Айрыджа, чобанлыкънен аман-аман бутюн пейгъамберлер мешгъуль олгъанлар. Бунынънен Аллах Таала, оларгъа теблигъ вазифесини бермеден



эвель, идареджиликте керек олгъан бир такъым хусусиетлер къазан-дыргъан.

Ресулюллах, салляллаху алейхи ве селлем, бир кунь:

– «Аллах Таала ёллагъан эр бир пейгъамбер къой бакъкъандыр», – буюргъан. Бунъа коре сахабилер:

– «Сен де къой бакътынъмы, я, Ресулюллах?», – деп сорадылар.

Сервер-и Алем, салляллаху алейхи ве селлем, Эфендимиз:

– «Эбет, уджрет къаршылыгъында халкънынъ къойларыны отла-та эдим», – деди. (Бухарий, «Иджаре», 2, «Энбия», 29; Ибн-и Мадже, «Тиджарет», 5).

Эмджелеринен берабер ёлджулыкълары

Пейгъамберимиз он эки яшында олгъанда, ильк оларакъ, эм-джеси Эбу Талибнен берабер Шамгъа сеят эткен эди. Экинжи тид-жарет ёлджулыгъы он алты яшында Йеменге олгъан эди.

Эбу Талиб Къурейш буюклеринден бир группанен Димешкъка кеткен эди. Пейгъамбер Эфендимиз де онен берабер эди. Ёлда ра-хип Бахиранынъ монастырына якъынлаштылар ве онъа якъын бир ерде къонакъладылар. Бахира о девирдеки христианларнынъ энъ намлы алими эди.

Бахира, керван келеяткъанда, бир булутнынъ кервандан бир ки-шини кольгелендиргенини, терекнинъ кольгесине отургъанларында да, терек далларынынъ о кишининъ устюне догъру эгильгенини коре. Бунъа айретленип, о, кервангъа якъынлашты ве:

– «Эй, Къурейш джемааты! Мен сиз ичюн аш азырладым. Кичик-буюк, къул-урь – эпинъизни бу софрагъа давет этем», – деп айтты.

Албуки, Бахира даа эвель кельгенлеринде, оларнен меракълан-магъан ве янларына кельмеген эди. Кервандакилернинъ эписи со-фрагъа кельген, ялынъыз Кяинат Эфендиси эшьяларнынъ янында къалгъан эди. Бахира кельгенлерге бирер-бирер бакъты, китапла-рында окъугъан сыфатларны ич бирисинде коръмеди.

– «Эй, Къурейш! Керванынъызда олып да, бу ерге кельмеген кимсе бармы?», – деп сорады.



Къурейшлилер:

– «Бахира! Бир баладан башкъа кимсе къалмады. Арамызда энъ генчимиз олгъаны ичюн, оны эшьяларымызнынъ янында къалдырдыкъ», – дедилер.

Бахира:

– «Оны да чагъырынъыз, бу софрада о да олсун», – деди.

Мухаммедуль-Эминни кетирип, софра башына отурттылар. Рахип оны корер-корьмез, дикъкъатлы-дикъкъатлы бакъмагъа ве баштан аякъкъа сюзмеге башлады. Даа сонъра да, элинден тутып:

– «Бу, Алемлернинъ Эфендисидир! Бу, Алемлер Раббининъ Ресулидир! Аллах оны Алемлерге рахмет оларакъ ёллайджакъ!», – деди.

Къурейш буюклери онъа:

– «Буны къайдан билесинъ?», – деп сорадылар.

– «Мен онынъ васыфларыны бизге эндирильген китапта окъудым. Сиз якъынлашкъан вакъытта, онъа седжде этмеген не таш, не терек къалды, эписи де седжде эттилер. Бу джансыз шейлер ялынъыз бир пейгъамберге седжде этерлер. Мен оны, айрыджа, Пейгъамберлик муури иле де таныдым. Бу муурь курек кемиклери арасындадыр», – деди.

Бахира Пейгъамберимизге ве эмджесине базы суаллер берди ве алгъан джевапларнынъ бильгилери иле догъру кельгенини корьгинен, къанааты къавийлешти. Эбу Талибге чевирилип:

– «Торунынъны аман мемлекетинъе алып къайт! Еудийлернинъ онъа зарар бермелеринден сакъын! Валлахи, олар оны корип танысалар, оны ольдюрмеге тырышырлар. Бу бала араплардандыр. Албуки, еудийлер келеджек пейгъамбернинъ Исраиль огулларындан олмасыны истейлер. Торунынънынъ ал ве шаны пек буюк оладжакъ», – деди.

Эбу Талиб де рахип Бахиранынъ тевсиесине уйып, мубарек торуныны аларакъ, аман Меккеге къайтты (Ибн-и Исхакъ, с. 54-55; Ибн-и Сад, I, 153-155; Тирмизий, «Менакъиб», 3).

Хильфуль-фудуль

Харам айларда япылган дженклерге араплар арасында «Фиджар дженклери» дейиле эди. Фиджар дженклери дёрт кере олган эди. Къурейш ве Кинане къабилелеринен Хевазин къабилеси арасында олып кечкен дёртюджи Фиджар дженкинде Пейгъамбер, саллялаху алейхи ве селлем де булунган эди.

О, эр заман ялынъыз Хакънынъ, хакълынынъ ве мазлумнынъ янында ер ала эди. Бу муаребеде, йигирми яшларында экенде, эмджелеринен берабер иштирак эткен, факъат ич кимсенинъ къаныны тёммеген эди. Ялынъыз душман сафларындан атылган окъларны топлагъан ве эмджелерине берген эди (Ибн-и Хишам, I, 198; Ибн-и Сад, I, 126-128).

Бу дженктен къайткъан сонъ, харам айлардан бириси олган Зилькаде айында, Йеменли Зубейд къабилесинден бир адам, сатмакъ макъсадынен, Меккеге тиджарет малыны кетирген эди. Къурейшнинъ илери кельгенлеринден Ас бин Ваиль бу малны о адамдан сатын алды, анджакъ парасыны бермеди. Бу адам Абдуддар, Махзум, Джумах, Сехм ве Адий б. Каб огъулары киби, Меккенинъ илери кельген аилелерининъ буюклерине мураджат этип, ярдым этмелерини истеди. Факъат олар, бу мазлумгъа ярдым этмек ерине, Ас бин Ваильни къорчалап, адамны азарладылар.

Чаресизлик ичинде къалган адам, Къурейшнинъ буюкклери Кябенинъ чевресинде отургъан бир вакъытта, Эбу Къубейс дагына чыкъаракъ, къычыра-къычыра шиир окъуды, огърагъан зулум ве хакъсызлыкъны илян этерек, ярдым истеди. Ярдым ичюн биринджи арекет эткен зат Пейгъамбер Эфендимизнинъ эмджеси Зубейир олды. О ве Къурейшнинъ буюкклери Абдуллах бин Джуданнынъ эвинде топландылар.

Абдуллах оларгъа софра азырлады. Сонъра «Ким олса-олсун, Меккеде зулумгъа огърагъан кимселернинъ хакъкъыны алгъангъа къадар, залымгъа къаршы мазлумны къорчаламакъ» акъкъында ахтлаштылар. Деньизлерде бир къыл парчасыны сылатаджакъ къадар сув булунгъандже ве Хира ве Себир дагълары еринде тургъандже, бу



ахтларына садыкъ оладжакъларына емин эттилер.

Хильфуль-фудуль джемиети, ильк оларакъ, Ас бин Ваильден Йеменли адамнынъ хакъкъыны алмакънен арекетке башлады. Даа сонъра да Меккеде зулумгъа ве хакъсызлыкъкъа огърагъан пек чокъ кимселерге ярдым элини узатты, адалетни тиклемек ичюн, гъайрет этти (Ибн-и Кесир, «Бидае», II, 295-296; Ибн-и Сад, I, 128-129).

Ресулюллах, салляллаху алейхи ве селлемнинъ джахилие девринде бегенип, къошулгъан бир джемиет бар – бу да «Хильфуль-фудуль»дыр. Чюнки бу джемиет адалет джемиети эди. Зулум ве хакъсызлыкъкъа мани олмакъ ичюн къурулгъан эди. Пейгъамберимиз бу джемиет акъкъында пейгъамберлик кельген сонъ, бойле буюрды:

«Абдуллах бин Джуданынъ эвинде эмджелеримнен бирликте Хильфуль-фудульде олдым. О меджлистен о къадар мемнюн олдым ки, онынъ ерине манъа къызыл девелер (арап ичюн дюньяда энъ къыйметли шей) берильсе, о къадар севинмез эдим. О анълашмагъа шимди чагъырылсам, кене разылыкъ берир эдим» (Ибн-и Кесир, «Бидае», II, 295).

Рахип Настуранынъ тасдикълавы

Хазрети Пейгъамбер ичинде олгъан тиджарет керваны Шам топракъларындан Бусрагъа кельген эди. Салляллаху алейхи ве селлем Эфендимиз Бусра базарында рахип Настуранынъ монастыры якъынларында бир зейтюн тереги астында къонакълады. Настура Мейсерени таный эди. Онъа:

– «Эй, Мейсере! Шу терекнинъ астындаки зат кимдир?», – деп сорады.

Мейсере:

– «Бу Къурейш къабилесинден бир заттыр!», – деди.

Рахип:

– «Козълеринде азчыкъ къырмызылыкъ бармы?», – деп сорады.

Мейсере:

– «Эбет, козълеринде девамлы къырмызылыкъ ола!», – деди.

Настура:



– «Иште, о, пейгъамберлернинъ сонъкисидир! Кешке мен онынъ пейгъамбер оларакъ ёлланыладжакъ замангъа етишсем эди!», – деди (Ибн-и Сад, I, 130-156; Ибн-и Кесир, «Бидае», II, 297-298).

Керван Меккеге къайтмакъ ичюн Бусрадан чыкты. Мейсере, сыджакъ шиддетленген вакытларда, эки мелекнинъ Пейгъамбер Эфендимизни кунештен кольгелендиргенини корьди. Нетиджеде, олар буюк бир кярнен Меккеге къайттылар (Ибн-и Сад, I, 130, 156-157).

Хазрети Хатидже иле эвленюви

Мейсере Шам ёлджулыгъы эснасында корьген аельхусус вакъ-иаларны, Пейгъамбер Эфендимизнинъ сурет ве алларыны, къайтып кельгенде Хазрети Хатиджеге тефсилятлы бир шекильде анылатты. Бунъа коре де, Хатидже валидемиз Алемлернинъ Эфендисини иле эвленмеге истеди.

Хазрети Хатидженинъ аркъадашы, Нефисе бинт-и Умеййе, бу эвленювнинъ насыл олгъаныны бойле анылата:

«Хатидже бинт-и Хувейлид беджерикли, гъайретли, сагълам табиатлы ве шерефли бир къадын эди. Къавмининъ эркеклери онъа эвленмек ичюн джаныны биле бермеге азыр эдилер. Лякин Хазрети Хатидже Фахр-и Кяинат, саллялаху алейхи ве селлем Эфендимизнинъ табияты ве шахсиетини пек бегенген эди. Хазрети Мухаммед, алейхи'с-селям, Шам тиджаретинден къайткъандан сонъ, Хатидже онынъ эвленмеге истеги олып, олмагъаныны бильмек макъсадынен мени онъа ёмлады:

– «Эй, Мухаммед! Сен не ичюн эвленмейсинъ?», – деп сорадым.

– «Маддий имкяным ёкъ экенде, насыл эвленейим?», – деди.

– «Эгер имкянынъ олса, мал, шереф ве гузеллик саиби бир къадыннен эвленир эдинъми?», – деп сорадым.

– «Ким бу къадын?», – деп сорады.

– «Хатидже!», – дедим.

– «Санъа коре, бу мумкюнми?», – деп сорады.



– «Буны манъа къалдыр!», – дедим.

– «Ойле исе, мен де сенинъ дегенинъни япарым!», – деди.

Аман кетип, вазиетни Хатиджеге бильдирдим» (Ибн-и Сад, I, 131).

Хазрети Хатидже, Нефисе Хатуннынъ муждеси узьре, Ресул-и Экрем, салляллаху алейхи ве селлем Эфендимизге эвленмек теклифинде булунды. Алемлернинъ Эфендисиси бу вазиет акъкъында эмджеси Эбу Талибге хабер берди. Эбу Талиб, Хазрети Хатидженинъ эмджеси Амр бин Эседге кетти ве къудалыкъ этти.

Эбу Талиб ве Хазрети Хатидженинъ эмджеси огълу Варакъа бин Невфель къаршылыкълы никях хутбеси окъудылар. Даа сонъра, Амр аякъкъа турып:

– «Эй, Къурейш джемааты! Шаат олунъыз ки, мен Хатидже бинт-и Хувейлидни Мухаммед бин Абдуллахкъа никяхладым!», – деди (Диярбекрий, I, 264; Якъубий, II, 20).

Ресулюллах, салляллаху алейхи ве селлем, Хазрети Хатиджеге мехир оларакъ 20 дане яш деве берди (Ибн-и Хишам, I, 206; Ибн-и Эсир, «Усду'ль-гъабе», I, 23).

Пейгъмберимиз, эвленгенде, 25 яшларында эди. Шерефли къадыны Хазрети Хатидже малы ве джаны иле онъа янъы бир кучъ менбасы олды. Бахтлы къадын Хазрети Хатидже Пейгъмберимизден он беш яш буюк, балалы-чагъалы ве тул бир къадын эди.

Шерефли бир къорантагъа менсюп олгъан Хазрети Хатиджеге юксек ахлякъы себебинден Исламдан эвель «Афифе» ве «Тахире», Исламдан сонъра да, «Хатиджету'ль-Кубра» дейильген эди (Ибн-и Сад, VIII, 14-15.).

Аллах Ресули, салляллаху алейхи ве селлем, «(Ахыретнинъ) энъ хайырлы къадыны Меръем бинт-и Имрандыр. (Дюнъянынъ) энъ хайырлы къадыны исе, Хатидже бинт-и Хувейлиддир», – деп буюргъан (Бухарий, «Менакъыбу'ль-Энсар», 20; Муслим, «Фезаилу'с-Сахабе», 69).

Ресулюллах, салляллаху алейхи ве селлемнинъ бу эвленювинден онынъ нефсаний арзу-истеклерине мейиль берген бир инсан олмагъаны, атта, оларгъа ич де къыймет бермегени анылашыла. Эгер



айткъанымызнынъ терси олса эди, Аллах Ресули озюнден буюк, тул бир къадыннен дегиль, даа яш бир кимсенен эвленир эди. Анджакъ Аллахнынъ Ресули эвленеджек къадында яшлыкъ, гузеллик киби фаний шейлер ерине, шерев, фазилет ве ахлякъ киби ульвий сыфатлар арагъан.

Пейгъамберимизнинъ эвлятлары

Пейгъамберимиз салляллаху алейхи ве селлем-нинъ Хазрети Хатиджеден Къасым, Абдуллах, Зейнеп, Рукъийе, Умму Гульсум ве Фатиме дюньягъа кельди. Биринджи огълунынъ Къасым олгъаны ичюн, Пейгъамбер Эфендимиз -aleyhi-c саяту ве-с селям- ге «Эбуль-Къасым»³ лагъабы берильгендир.

Къасым эки яшында экенде вефат этти.

Расуллаллах -салляллаху алейхи ве селлем-нинъ башкъа огълу Абдуллахкъа, Ислям девринде дюньягъа кельгени ичюн, Тайиб ве Тахир де деп айтылгъан эди. (Ибн-и Сад, I, 133). О вефат эткенден сонъ, Къурейш мушриклеринден Ас бин Ваил, Пейгъамбер Эфендимиз акъкъында:

«Быракъынъыз оны! О, эбтер, несли девам этмейджек бир адамдыр. Ольгенден сонъ, ады анъылмаз. Сиз де артыкъ ондан къуртулур ве раатлыкъкъа къавушырсынъыз,» - деди.

Бунынъ узерине Аллаху Таала Кевсер суресини эндири:

إِنَّا أَعْطَيْنَاكَ الْكَوْثَرَ. فَصَلِّ لِرَبِّكَ وَانْحَرْ. إِنَّ شَانِئَكَ هُوَ الْأَبْتَرُ

(Расулим!) Шубесиз, биз санъа Кевсерни⁴ бердик. Шимди сен Раббинъе къуллыкъ эт ве къурбан чал. Шубесиз санъа богъуз эткен, асыл сонъу кесик олгъандыр., (эль-Кевсер, 1-3) (Ибн-и Сад, III, 7; Вахиди, с. 494).

3 Эбуль-Къасым – Къасымнынъ бабасы. Пейгъамберимизнинъ лакъабы.

4 Кевсернинъ келиме манасы, чокълукъ, пек чокъ шей, эр шейнинъ чокъу демектир. Ке - сер келимеси – пейгъамберлик, Къуран, Ислам, хайыр, бахт, шефаат, намаз ве Пейгъамбер Эфендимиз -салляллаху алейхи ве селлем-нинъ муджизелери оларакъ тефсир этильгендир. Сахих риваетлерге коре Кевсер – Хазрети Пейгъамберининъ дженнеттеки хавузыдыр. Къыямет куню бу хавузынынъ янында Хазрети Мухаммеднинъ уммети топланаджакъ. (Бухари, Тефсир, 108)

Аллах Расулининъ огълу кучюк яшта вефат эткен сонъ, Хазрети Хатидже -радиаллаху анха-:

«Эй, Аллахнынъ Ресули! Баламнынъ сюти ташты. Кешке Аллах онынъ омюрини, сют деврини тамамлагъангъа къадар узатса эди!» - деди. Буннынъ узерине Пейгъамбер –салляллаху алейхи ве селлем-:

«О сют деврини дженнетте тамамлайджакъ!» буюрды.

Хазрети Хатидже валидемиз:

«Я Расуляллах! Шает буны (кесен кес оларакъ) бильсе эдим, баланынъ олюми назарымда енгиллешир эди!?» - деди.

Пейгъамберимиз -салляллаху алейхи ве селлем-:

«Итесенъ, Аллахкъа дуа этейим де, санъа онынъ сесини эшиттирейим», - буюрды.

Анджакъ Хатиджетуль-Кубра -радиаллаху анха-, теслимиет ве сядыкълыкъ васфыны бир даа косътерип:

«Ёкъ, я Расулюллах! Мен Аллах ве Расулини тасдикъ этем (*инанам*),» - деди. (Ибн-и Мадже, Дженаиз, 27)

Аллах Расулининъ дёрт къызы бар эди. Энъ буюклери Хазрети Зейнеп эди. О догъулгъанда Пейгъамберимиз -алейхисселям- отуз яшында эди. Даа сонъ Хазрети Рукъийе догъулды (Диярбекри, I, 273-274)

Рукъийеден сонъ Хазрети Умму Гульсюм, ондан сонъ да Хазрети Фатиме догъулды. Расулюллах -салляллаху алейхи ве селлем- бу вакъытта отуз беш яшында эди ве Кябе янъыдан инша этильмекте эди. (Ибн-и Сад, VIII, 19-26)

Сонъ оларакъ, хиджрий секизинджи йылда Марие валидемизден Эфендимизнинъ огълу Ибрахим дюньягъа кельди. Ибрахимге эбе анайлыкъ япкъан Умму Рафининъ къоджасы Эбу Рафий, догъумны Аллах Расулине муджделеди. Бу хаберден чокъ севинген Расулюллах -салляллаху алейхи ве селлем- онъа бахшышлар берди. Янындакилерге де:

«Бу гедже бир огълум догъулды, онъа атам Ибрахимнинъ адыны бердим,» - буюрды. (Муслим, Федаил, 62)

Ибрахим, он еди я да он секиз ай яшагъан сонъ, вефат этти. (Асри Чубукъчы, ДИА, «Ибрахим» мд. XXI, 273-274)

Кябеде акемлик

Меккеде бир сель кечкен эди. Бу сельден Кябе баягы зарар корьген эди. Бундан себеп, оны тамирлемек ичюн кябилелер омуз-омузга чалыштылар.

Кябени темелине кьадар йыкып, яньыдан кьурмагъа кьарар берильди. Бу сырада бир гемининь шиддетли фуртунадан Мекке якынларындаки Шуайбе лиманында кьуругъа чарпылып, парчалангъаны акькында хабер кельди. Гемии йымшакъ тюз таш, кересте ве демир киби иншаат мальземелерини кетире эди. Барып, гемидеки тахталарны сатын алдылар. Кябени йыкьув ве кьурув ишлерини, кьура чекип, пайлаштылар.

Кьурейшлилер Кябенинь озьлерине тюшкен кьысмыны йыкып, яньыдан япмагъа башлайджакъ олгъанларында, Эбу Вехб бин Амр турды ве:

– «Эй, Кьурейш джемааты! Кябенинь кьуруджылыгына, кьазанчларыньызынъ хелял олмагъаныны кьарыштырмангъыз! Онъа не харам ёлдан кьазанылгъан мал, не фаиз парасы, не де бирисинден хахьсыз оларакъ алынгъан пара кьошулмасын!», – деди (Ибн-и Хишам, II, 210; Ибн-и Кесир, «Бидае», II, 305).

Кьурейшлилер Кябени йыкьсалар, азапкьа огьрайджакъларындан кьоркькьанлары ичюн, кьарарсыз бир алда эдилер. Араплар арасында мевджут олгъан Кябеге нисбетен тазим ве урьмет, Ибрахим алейхи'с-селямнынъ шериатындан муафаза этилип кельген бир мукъаддес эманет эди. Кьурейш джемаатынынъ буюклеринден олгъан Велид бин Мугьире:

– «Сизинь Кябени йыкьувдаки гьаенгъиз недир? Яхшылыкьмы, ёкьса яманлыкьмы?», – деп сорады.

– «Эльбетте, яхшылыкь!», – дедилер.

Велид:

– «Эй, кьавмим! Сиз Кябени йыкьмакьнен оны яньыдан кьурмакь истемейсингъизми? Аллах Таала тюзельтиджилерни эляк этмез!», – деди ве Кябени йыкьмагъа энъ звель о башлады. Дигерлерии де онъа уйдылар! (Абдурраззакъ, V, 319).



Кябенинь диварларыны бир сыра таш, бир сыра да ахшап багълама киришлернен оререк, юксельтилер. Пейгъамберимиз да Кябенинь тамиринде эмджеси Аббас иле берабер иштирак этти. Сыра Хаджер-и Эсведни ерине къоймагъа кельгенде, эр кябиле бу шерефли вазифени озю япмакъ истегени ичюн, давалашмагъа башлады. Араларында серт тартышмалар ве чекишмелер башлады. Меселе асед ве ихтираскъа чевирильди. Къан тѣкюлмесине аз къалды. Абдуддар огуллары ичи къан толу бир чанакъ кетирдилер, ольгенге къадар дѣгюшмек ичюн Адий бин Каб огуллары иле анълашма яптылар ве дженклешмеге азырландылар. Еминлерини къуветлендирмек ичюн, эллерини къан толу чанакъкъа батырдылар. Къурейшлилернинъ бу аллары дѣрт я да беш гедже девам этти.

Ниает, Къурейшлилернинъ энъ къарты олгъан Эбу Умеййе юксек сеснен:

– «Эй, къавмим! Биз ялыньыз хайыр истемектемиз, яманлыкъ истемеймиз. Сиз бу хусуста къызгъанчлыкъ ярышына кирменъиз. Быракъынъыз къавгъаны! Мадам ки, бу меселени озъара чеземедик, Харемнинъ къапысындан ильк киреджек затны арамызда акем тайин этейик. Укюмине де разы олайыкъ!», – деп, элинен Месджид-и Харамнынъ Бени Шейбе къапысыны косътерди.

Ве о анда Алемлернинъ Эфендиси Харемнинъ къапысында корюнди. Эр кесни татлы бир кулюмсеме къаплады. Кельген Мухаммеду'ль-Эмин эди.

Чюнки Пейгъамбер Эфендимиз Къурейшлилер арасында яшагъандан берли, кечкен эр бир кунъ онъа олгъан севгилери, урьмет ве сайгъылары даа да арта эди. Атта, бир деве сояджакъ олсалар биле, Сервер-и Алем Эфендимизни арай эдилер. О да, келип, ишлерининъ берекети ичюн оларгъа дуа эте эди (Абдурраззакъ, V, 319; Ибн-и Кесир, «Бидае», II, 304).

Бу себептен Къурейшлилер оны корер-коръмез:

– «Иште, эль-Эмин! Арамызда онынъ акем олмасына разымыз!», – дедилер.

Онъа меселени анълаттылар. О да, эр кябиледен бир киши сайлады ве устюндеки урбасыны чыкъарып, ерге серди. Сонъра Хаджер-и



Эсведни урбасынынъ устуне кьойдырып, сайлагъан адамларнынъ эр бирисине бир уджуны туттурды. Мубарек ташны бирликте котердилер. Пейгамберимиз де оны озь эллеринен ерине ерлештирди. Бойледже, Эфендимиз къабилелер арасында чыкъаджакъ дженкке мания олды (Ибн-и Хишам, I, 209-214: Абдурраззакъ, V, 319).

Онынъ бу ферасетли арекети, ахлякынынъ иришилмейджек мукеммеллиги ве бунынъ киби юксек хусусиетлер оны «Султану'ль-Энбия» дереджесине юксельтеджек пейгамберликинъ даа билинмеген аляметлери эди. Бельки Меккеде догъып, буюген Мухаммед Мустафа, салляллаху алейхи ве селлемнинъ пейгамбер оладжагъы даа билинмей эди, амма тевхидден айырылмагъан базы юксек дереджели къуллар тарафындан Ахыр заман пейгамберининъ келеджеги билинмекте ве вакътынынъ якъынлашкъаны да ис этильмекте эди. Къусс бин Саиде бойле къуллардан бириси эди.

Къусс бин Саиденинъ хитабы

Къусс бин Саиде Ияд къабилесининъ буюги олып, Иса алейхи'с-селямнынъ дининде олып, бир танърыгъа инангъан, шаир бир инсан эди. Онынъ мешхур Укъаз ярмалыгъында араларында Хазрети Пейгамбер, салляллаху алейхи ве селлем де булунгъан бир джемааткъа япкъан, пейгамберлер ёлланмасыны анълаткъан шу хитабы чокъ ибретлидир:

«Эй, инсанлар!

Келинъиз, динъленъиз, акълынъызда тутунъыз; ибрет алынъыз!

Яшагъан олер, ольген чюрюр, оладжакъ олуру. Ягъмур ягъар, отлар осер; балалар догъар, аналарнынъ-бабаларнынъ ерини тутар. Сонъра эписи ёкъ олып кетер. Вакъиаларнынъ арды кесильмез, эписи бир-бирини такъип этер.

Дикъкъат этинъиз, айткъанларыма къулакъ асынъыз! Коктен хабер бар, ерде ибрет алынаджакъ шейлер бар! Ер юзю яйылгъан бир тёшек, кок юзю юксек бир таван. Йылдызлар юрер, денъизлер токътар. Кельген къалмаз, кеткен кельмез. Аджеба, кеткенлер о ерде мемнюн олгъанлары ичюн къалалармы, ёкъса вазиятлери агъыр да,



юкьугъа далалар?

Емин этем, Аллахнынъ къатында бир дин бар ки, шимди кутькен динимизден даа севимлидир (Ислям динине ишарет этмекте).

Ве Аллахнынъ келеджек бир Пейгъамбери бар ки, кельмеси пек якъындыр. Онынъ кольгеси башынъыз устюне тюшти. Не гузель о кимсе ки, онъа иман этип де, о да онъа хидает эйлесе! Вай о бахт-сызгъа ки, онъа исыян ве къаршылыкъ этсин!

Языкълар олсун омюрлерини гъафлет ичинде кечирген уммет-лерге!

Эй, инсанлар!

Гъафлеттен сакъынынъ! Эр шей кечиджидир, анджакъ Дженаб-ы Хакъ бакъыйдыр. О, бирдир, ортагъы ве ярдымджысы ёкъ. Табыныладжакъ Одыр. О, догъмагъан ве догъурмагъан.

Эвель келип-кечкенлерде бизлер ичюн ибрет чокътыр.

Эй, Ияд къабилеси! Къаны бабаларынъыз ве деделеринъыз? Къаны донатылгъан сарайлар ве таштан эвлер япкъан Ад ве Семуд? Къаны дюньядаки варлыгъына гъурурланып да къавмына «Мен синъинъ энъ буюк Раббинъизим» деген Фираун ве Немруд?

Бу ер оларны дегирменинде чекти, тоз япты. Кемиклери биле, чю-рип дагъылды. Эвлери де йыкылып, изсиз къалды. Мемлекетлерини шимди копеклер шеньлендире. Сакъын олар киби гъафлетте олманъ-ыз. Оларнынъ ёлуна тюшменъиз. Эр шей фаний, анджакъ Дженаб-ы Хакъ бакъыйдыр.

Олюм озенининъ киреджек ерлери бар, амма чыкъаджакъ ери ёкътыр! Кичик-буюк, эр кес кочип кете. Эр кеске олгъан манъа да оладжакъ» (Бейхакъий, «Китабу'з-Зухд», II, 264; Ибн-и Кесир, «Бидае», II, 234-241; Хейсемий, IX, 418).

Къусс бин Саиде бу гузель сёзлерни сёйлегенде, пейгъамбер Хазрет-и Мухаммед Мустафа, саллялаху алейхи ве селлемнинъ о ерде олгъанындан хабери ёкъ эди. Бир муддет сонъ Къусс вефат эт-кен. Анджакъ къабилеси, пейгъамберлик кельгенде, келип, Аллахнынъ Ресулине иман этилир.

Ресулюлах, саллялаху алейхи ве селлем оларгъа:

– «Къусс бин Саиденинъ Укъаз ярмалыгъында, деве устюнде

«Яшагъан олюр, ольген чюрюр, оладжакъ олур!» деп, хутбе окъугъаны ич де хатырымдан чыкъмай. Бу хутбени окъуйджакъ кимсе бармы?», – буюргъан.

О хутбени къабилелеринден аман эр кес окъуп оладжагъыны сёйледилер. Алемлернинъ Эфендисиде бунъа чокъ севинген.

О ерде олгъан Эбу Бекир, радиаллаху анх, да:

– «Я, Ресулюллах, о кунъ мен де о ерде эдим, сёйлегенлерининъ эписи эзберимдедир», – деген ве хутбени башындан сонъуна къадар окъугъан.

Артындан Иядкъабилесинден бириситурып, Къуссбин Саиденинъ шиирлерини окъуды. Бу шиирлерде Пейгъамберимизнинъ сою олгъан Хашим огулларындан буюк бир пейгъамбернинъ чыкъаджагъы ачыкъ айтылгъан эди (Ибн-и Кесир, «Бидае», II, 234-241).

Ресуль-и Кибрия, салляллаху алейхи ве селлем Эфендимиз, Къуссбин Саиде акъкъында бойле буюргъан:

– «Аллаху Таала Къуссбин Саидеге рахмет этсин! О, оны къыямет куню айры бир уммет оларакъ тирильтеджектир!» (Ибн-и Кесир, «Бидае», II, 239).





Ҳейъатберликнинг
Мекке Дебри



ПЕЙГЪАМБЕРЛИКНИНЪ ИЛЬК УЧЪ ЙЫЛЫ

Вахийнинъ башланмасы: Садыкъ тюшлер

Алемлернинъ бар олмасына себепчи олгъан Пейгъамбер Эфендимиз, темиз бир генчлик ве ульвий аиле аятынен сергилеген мустесна мукеммеликлернинъ артындан къыркъ яшында экенде, пейгъамберлик рутбесине наиль олды. Къыркъ яшына алты ай къалгъанда, иляхий къудрет онъа Меккедеки Хира къобасыны мукъаддес бир мектеп оларакъ ачты.

Гизли джерьян эткен бу талим дерсханесинде китап, дефтер ве къалемге ихтиядж дуймадан, Рабби иле озю арасында эбедий сыр олгъан дерслерни алды. Вахийге азырланды.

Бу азырлыкънынъ ильк алты айлыкъ саифеси, акъыл черчевемизге сыгъа бильген джеэти иле «руя-и садыкъа»лар суретинен кече. Яни Ресулюллах, салляллаху алейхи ве селлем, гедже не корьсе, о, куньдюз айнен керчеклеше эди. Хазрети Айше, радиаллаху анха, бойле буюргъан:

«Небий-и Экрем Эфендимизге кельген вахий юкъуда руя-и салиха (садыкъа) шеклинде башлагъан. Корьген эр тюшю, саба айдынлыгъы киби, ачыкъ-айдын керчеклеше эди» (Бухарий, «Беду'ль-Вахий», 3).

Пейгъамберлик чокъ буюк ве агъыр бир вазифе олгъанындан себеп, бу вазифеге башламадан эвель Пейгъамбер Эфендимизнинъ азырланмасы ичюн Джебраиль алейхи'с-селям, онъа, эвеля, тюшлеринде кельмеге башлады.

Алкъаме бин Къайстан ривает этильгенине коре, пейгъамберлерге эндирильген хаберлер, эмир ве ясакълар, башта тюш оларакъ



бериле эди, даа сонъра да вахий оларакъ эндирильди (Ибн-и Кесир, «Бидае», III, 55).

Бу себеп иле пейгъамберлернинъ вахий алув ёлларындан бири-си де тюштир. Бунъа Ибрахим алейхи'с-селямнынъ сёзю делильдир, ает-и керимеде:

يَا أَيُّهَا النَّبِيُّ إِنِّي أَرَى فِي الْمَنَامِ أَنِّي أَذْبَحُكَ فَانْظُرْ مَاذَا تَرَى

«Балачыгъым! Тюшюмде сени богъазлагъанымны корем, бир тюшюн, не дерсинъ?» («Саффат», 102).

Бунен берабер, пейгъамберлернинъ козьлери юкълар, къальплери исе, юкъламаз (Бухарий, «Менакъиб», 24).

Буннынъ ичюн оларнынъ тюште де вахий алмаларына ич бир ма-ния ёкътыр.

Хазрети Пейгъамбер, салляллаху алейхи ве селлем, даа сонъра-лары садыкъ тюш акъкъында:

«(Садыкъ тюшлер) Пейгъамберликнинъ къыркъ алтысындан би-рисидир» деп, буюргъан (Бухарий, «Табир», 26, Муслим, «Руя», 6).

Керчектен де, бу алты айлыкъ девир йигирми учъ йыл пейгъам-берликнинъ къыркъ алтысындан бирисине мусавийдир.

Ильк вахий ве вахийнинъ кесилюви (Биринджи йыл)

Аллахнынъ Ресули, салляллаху алейхи ве селлем, къыркъ яшын-да эди.

Вахийни алмакъ ичюн корьген алты айлыкъ азырлыкъ деври биткен эди.

Мубарек Рамазан айынынъ 17-джи куню эди (Ибн-и Сад, 1, 194). Ресуль-и Экрем Эфендимиз, адет узьре, Хира къобасында эди. Джебраиль, алейхи'с-селям, кельген ве Хазрети Пейгъамберге:

– «Окью!», – деген.

Пейгъамбер Эфендимиз:

– «Мен окьюмагъа бильмейим!», – деген.

Бундан сонъ Джебраиль Хазрети Пейгъамбер, салляллаху алейхи ве селлемни, такъаты кесильгендже сыкъкъан. Ве текрар:



– «Окью!», – деген.

Фахр-и Алем Эфендимиз:

– «Мен окьюмагъа бильмейим!», – деп, джевап берген.

Джебраиль, алейхисселям, экинджи кере Хазрети Пейгхамберни такъаты кесильгендже сыкъкъан. Ве текрар:

– «Окью!», – деген.

Хазрети Пейгхамберни, салляллаху алейхи ве селлем:

– «Мен окьюмагъа бильмейим! (Не окьюйым?)», – деген.

Джебраиль, алейхи'с-селям, Пейгхамберимизни учюнджи кере сыкъкъан сонъ, быракъкъан ве онъа иляхий вахийни бильдирген.

Бойлеликнен:

إِقْرَأْ بِاسْمِ رَبِّكَ الَّذِي خَلَقَ. خَلَقَ الْإِنْسَانَ مِنْ عَلَقٍ. إِقْرَأْ وَرَبُّكَ الْأَكْرَمُ. الَّذِي عَلَّمَ بِالْقَلَمِ. عَلَّمَ الْإِنْسَانَ مَا لَمْ يَعْلَمْ.

«Яраткъан Раббинънинъ адынен окью! О, инсанны алякъ-тан (эмбриондан) яратты. Окью! Инсангъа бильмегенлери-ни бильдирген, къалемнен (язмакъны) огреткен Раббинъ энъ буюк керем саибидир» («Алякъ», 1-5) иляхий эмир иле Аллах Ресулининъ шахсында бутюн инсанлыкъкъа Раббининъ энъ буюк лауфу олгъан Къуран-ы Керим энмеге башлагъан.

Хазрети Пейгхамбер, салляллаху алейхи ве селлем, сема къапыларындан ер юзюне рахмет ве шифа оларакъ энмеге башлагъан Къуран-ы Мубинден ильк оларакъ бу ает-и керимелерни айдынлаткъан эди. Джебраиль алейхи'с-селям, айырылып кеткенинен, Пейгхамберимиз, юреги титреп, эвге къайта ве Хазрети Хатидженинъ янына келип:

– «Мени сарып ортюнъиз, мени сарып ортюнъиз!», – деп, айта. Бир муддет раатлангъандан сонъ, олып кечкен бу алны инсанлыкъкъа нумюне олгъан Хатидже-и Кубра анамызгъа анълатты. Эндишели шекильде:

– «Я, Хатидже! Шимди манъа ким инаныр?», – деди.

О мубарек рефикъа Пейгхамбер Эфендимизге:

– «Аллахкъа емин этем ки, Аллах, джелле джеллялюху, ич бир

вакыт сени утандырмаз, чюнки сен акърабанъны имае этесинъ. Озь ишини япмагъа аджиз олгъанларгъа ярдым этесинъ. Фукъареге инфакъ этесинъ, кимсенинъ япамайджагъы къадар эйиликлер япасынъ. Мусафирге икрам этесинъ. Хакъ ёлунда мейдангъа кельген адиселерде (халкъкъа) ярдым этесинъ. Эй, Аллахнынъ эльчиси! Сени мен къабул этип, тасдикъ этем. Бу Аллах ёлуна эвель мени давет эт!», – деп, оны ильк тасдикъ этти ве онъа ильк дестек берген кимсе олды.

Яни Хазрети Хатидженинъ арекетлери онъа:

– «Хайыр анджакъ хайыр кетире! Ихсаннынъ къаршылыгъы ихсандан башкъа не ола биле!», – дей эди.

Бойледже о, Ресулюллах, салляллаху алейхи ве селлемнинъ тертемиз кечкен аятыны айдын истикъбалнынъ муждеджиси ве себепчиси оларакъ дегерлендирген эди. Бу акъта Дженаб-ы Хакъ буюра:

هَلْ جَزَاءُ الْإِحْسَانِ إِلَّا الْإِحْسَانُ

«Яхшылыкънынъ къаршылыгъы яхшылыкътан башкъа бир шей олурмы?» («Рахман», 60).

Бундан сонъра Хазрети Хатидже, радиаллаху анха, Ресуль-и Экрем, салляллаху алейхи ве селлемнен эмджесининъ огълу Варакъа бин Невфельге кеттилер.

Варакъа бин Невфель о джахилие девринде путкъа тапмагъан алчакъгонъюлли бир христиан эди. Ибранидже бильген, Инджильден язылар яза эди. Баягъы къартайгъанындан себеп козьлери коръмей эди. Хазрети Хатидже онъа:

– «Эй, эмджемнинъ огълу! Динъле, бакъ, къардашынынънынъ огълу нелер сёйлей?», – дей.

Бунъа джевап оларакъ Варакъа меракънен:

– «Не бар экен, къардашымнынъ огълу?», – деп сорагъанда, Ресулюллах, салляллаху алейхи ве селлем, корьген шейлер акъкъында онъа хабер бере.

Анълатылгъан шейлерден ахыр заманнынъ энъ юдже акъыкъатыны къаврагъан Варакъанынъ юзю башта кулюмсеп парылдады, сонъра терен тюшюнджелерге даларакъ, сакинледи ве:

– «Бу корьгенинь, Аллах Таалаянынъ Мусагъа ёлмагъан Намус-и Экбердир (Джебраильдир). Ах, кешке сенинь давет куньлериньде генч олса эдим! Къавминъ сени юртунъдан чыкъараджагъы вакъыт, кешке аятта олса эдим!», – дей.

Аллах Ресули, салляллаху алейхи ве селлем айретнен:

– «Олар мени юртумдан чыкъараджакълармы?», – деп сорады. О да:

– «Эбет! Чюнки кетиргенинь киби бир дин кетирген эр пейгъамбер душманлыккъа огърап, юртундан чыкъарылды. Эгер сенинь давет куньлериньде етишсем, санъа чокъ ярдымым олур», – джевабыны берди.

Бу субеттен чокъ кечмеден, Варакъа вефат этти. Вахий де бир муддет кесильди, кельмеди (Бухарий, “Беду’ль-вахий”, 1; “Энбия”, 21; “Тефсир”, 96; Муслим, “Иман”, 252).

Аллах Таала даа сонъра назиль эткен аетлерде, Ресулине хитап этип, бойле буюра:

وَكَذَلِكَ أَوْحَيْنَا إِلَيْكَ رُوحًا مِّنْ أَمْرِنَا مَا كُنتَ تَدْرِي مَا الْكِتَابُ وَلَا الْإِيمَانُ وَلَٰكِن جَعَلْنَاهُ نُورًا نَّهْدِي بِهِ مَن نَّشَاءُ مِنْ عِبَادِنَا وَإِنَّكَ لَتَهْدِي إِلَى صِرَاطٍ مُّسْتَقِيمٍ

«Иште, бойледже, санъа эмиримизнен Къуранны вахий эттик. Сен китап недир, иман недир, бильмез эдинъ. Анджакъ, биз оны къулларымыздан истегенимизни онен догъру ёлгъа ириштиргенимиз бир нур яптыкъ. Шубесиз, сен догъру ёлны косьтересинъ» («Шура», 52).

إِنَّا أَوْحَيْنَا إِلَيْكَ كَمَا أَوْحَيْنَا إِلَى نُوحٍ وَالنَّبِيِّينَ مِن بَعْدِهِ...

«Биз Нухкъа ве ондан сонъки пегъамберлерге вахий эткенимиз киби, санъа да вахий эттик» («Ниса», 163).

Ресулюллах, салляллаху алейхи ве селлемге кельген ильк вахийнинъ ильк сёзю «Окъу!» олмасы мунасебетинен буны эхл-и ал ве эхл-и къальб (ал ве гонъюль адамлары – софулар) бойле тефсир эткенлер:

«Окью! Эр шейни окью! Аллаһның китабыны окью! Аллаһның аетлерини окью! Кяинат китабыны окью! Даима окью! Аллаһның аетлерини окью! Кяинат китабыны окью! Даима окью! Хидаетке иришмек, яньлыш ёлдан узакълашмакъ ичюн окью! Иманьныны бутюнлештирмек ичюн окью! Аллаһ адынен окью! Яраткъан Раббининъ адынен окью! Инсаннь кьуруяткъан къан томарындан яраткъан, лякин онъа эр шейни окьумаъ, айдынлатмаъ, анъламаъ ве анълагъаныны яшатмаъ имкяныны берген юдже Раббинъ адынен окью! Инсангъа окьув ниетини эдие этип, энъ буюк лютуфны косътерген Аллаһның адынен окью! Огрнемек ичюн окью! Кьудрет къалемининъ бу алемге сызгъан эр сатырыны окью! Инсангъа бильмегенини огреткен Аллаһның адынен окью!»

Бу себептен Мевляна Хазретлери дюньявий китапларны окьув деври ичюн «хам эдим», кяинатнынъ эсрарыны окьув деври ичюн «пиштим», иляхий эсрарнынъ якъыджылыгъындан къаврулма деври ичюн де «яндым» ифаделерини кьуланаракъ, кечирген маневий ба-самакъларны ифаде эткен.

Аеттеки «окью» эмири чокъ муимдир. Анджакъ, онынъ Аллаһның адынен олмасы да айны дереджеде эмиет ташымакъта ве «окью» эмирине таби оларакъ насыл оладжагъыны бильдирмектедир.

Ильк энген бу ает-и керимелерден шу нетиджелерни чыкъармакъ мумкюн:

- Эр ишке Аллаһның адынен башламалы.
- Қъан томарындан яратылгъан ве энъ гузель шекильни алгъан инсан аджиз олгъаныны ич бир вакъыт унутмамалы.

الَّذِي عَلَّمَ بِالْقَلَمِ عَلَّمَ الْإِنْسَانَ مَا لَمْ يَعْلَمْ

«Қъалемнен язы язмакъны ве инсангъа бильмегенини огреткен» («Алякъ», 4-5) аетлеринде заманымызда инсаннынъ бильген эр шейи Дженаб-ы Хакъ тарафындан огретильгенине ишарет этильмекте.

– Бу себептен Раббимизнинъ юджелигини даима хатырамызда тутмалымыз, ич бир вакъыт Онъа къаршы исьянкъар олмамалымыз.



Ильк вахийден сонъра Аллахнынъ Ресулининъ арды-сыра келеджек олгъан дигер вахийлерге эйидже азыр олмасы ичюн, вахий бир муддет кесильди. Чюнки вахийнинъ анылашылмасы о къадар буюк бир вазифе эди ки, оны къолайлыкънен устюне алмакънынъ имкяны ёкъ эди. Бу себептен Дженаб-ы Хакъ:

إِنَّا سَنُلْقِي عَلَيْكَ قَوْلًا ثَقِيلًا

«Догърусы, биз санъа (ташынмасы) агъыр бир сёз вахий этеджекмиз», – деп буюра («Музземмилъ», 5).

Бу себепнен Аллахнынъ Ресули (с. а. в.) садыкъ руюларнынъ артындан бирден бирге вахий мелегини къаршысында корьгенде, шашты. Хазрети Хатидженинъ теселли бермеси ве Варакъанынъ да догърултмасынен гонълуне раатлыкъ кельген эди.

Артыкъ о, вахийнинъ яньыдан башламасыны сабырсызлыкънен арзу эте эди. Вакъты-вакытынен ильк вахий кельген Хира дагъына чыкъа, беклей эди.

Бу вахий кельмеген куньлерде онъа теселли берген ялынъыз Хазрети Хатидже олды. Бунынъ ичюндир ки, Хазрети Пейгъамбер, салляллаху алейхи ве селлем, онынъ рухий теренлик, инджелик ве зерафетини ич бир заман унутмады. Хазрети Хатидженинъ вефатындан сонъра бир къурбан кесиледжек олса, бир къысмыны онынъ акърабаларына ёлар эди. О, Пейгъамберимизнинъ унутылмаз буюк бир хатырасы эди.

Ресулюллахнынъ аяты олып кечкен пейгъамберлерге биле насип олмагъан, хаял биле этильмеген шерев тежеллилери иле толудыр. Аллах, джелле джеллялюху, «Хабибим» деп, тек онъа хитап этти. Миладж пейгъамберлер арасында ялынъыз онъа насип олды.

Онынъ руханиети, Месджид-и Акъсада бутюн пейгъамберлерге имамлыгъынен сабит олды. Муса, алейхи'с-селямдаки «لَنْ تَرِنِي» сыры онда «قَابَ قَوْسَيْنِ أَوْ أَدْنَى» оларакъ тежелли этти.

Аллахкъа къавушмакъ аны олгъан намаз умметке кичик бир миладж оларакъ икрам этильди. Айрыджа намаз башта элли вакъыт оларакъ эмир этильген эди. Ресулюллах, салляллаху алейхи ве сел-

лемнинъ ялварувы нетиджесинде намаз уммет-и Мухаммедге беш вакыт оларакъ фарз къылынды.

Етим ве уммий олгъан (окуп язмагъа бильмеген) Пейгъамберимиз ич бир кимседен илим огренмеген алда бутюн инсанларгъа рехбер, гизлилик алемининъ акъикъатларына терджиман ве Хакъ мектебининъ оджасы оларакъ кельди. Зия Паша дегени киби:

Бир мектепке олды ки мудавим,

Аллах эди затына муаллим.

Хазрети Муса бир такъым укюмлер кетирген эди. Хазрети Давуд Аллахкъа дуа эйлемек ве гузель макъамынен сайланды. Хазрети Иса инсанларгъа джумертлик ахлякъыны ве дюньяда зухд ичинде яшмакъны огретмек ичюн ёллангъан эди. Ислам пейгъамбери Хазрети Мухаммед Мустафа, салляллаху алейхи ве селлем исе, буларнынъ эписини кетирди. Укюмлер кетирди. Нефсини темизлеп, айдынлыкъ бир къальб-и селим ве бир къальб-и муниб иле Аллахкъа дуа этмекни огретти. Энь гузель ахлякъны огретти ве яшайышнен бу ахлякъкъа нумюне олды. Дюньянынъ алдатыджы эгленджилерине алданмакъны тевсие этти. Къыскъасы, бутюн пейгъамберлернинъ эмир ве вазифелерини шахсиетинде, излеринде ве амеллеринде топлады. Сой ве эдеп юджелиги, гузеллик ве кемал сеадети, эписи онда топлангъан эди.

Шубесиз, онынъ къыркъ яшына кирмеси, инсанлыкъ тарихыннынъ денъишюв нокъталарындан бириси олды.

О, къыркъ йыл къою джаиль джемиет ичинде яшады. Ортагъа къояджакъ мукеммелликлернинъ чокъусы халкъынынъ даа эвель бильмеген шейлери эди. Девлет адамы, ваазджы, хатип оларакъ ич билинмей эди. Буюк бир сераскер олгъанындан сёз этмек анда турсун, сырадаки адий бир аскер оларакъ да билинмей эди.

Кечкен миллетлернинъ ве пейгъамберлернинъ тарихыны, къыямет кунюни, дженнет ве джехеннемни анълаткъаны дуолмай эди. Ялынъыз озъ шахсына аит юксек бир аятнынъ ве юксек бир ахлякънынъ ичинде яшай эди. Лякин иляхий бир эмир иле Хира къобасындан къайткъанынен о, бутюнлей денъишкен эди.

Вахийнинъ текрар башланувы



Фетрет-и вахий алты ай девам этти.

Аллах Ресули, салляллаху алейхи ве селлем, вахийнинъ текрар башланувыны бойле анылаткъан:

«Мен (бир кунъ) кеткенимде, бирден коктен бир сес эшиттим. Башымны котердим. Бир де бакътым ки, Хирада манъа кельген мелек (Джебраиль), кокнен ер арасында бир курсий устюнде отургъан. Пек зияде къоркътым. (Эвиме) къайттым:

«Мени ортюньиз, мени ортюньиз!», – дедим.

(Мен, устум ортюли бир алда экенде, Джебраиль, алейхи'с-селям, кельди) Аллах Таала (онынъ вастасынен манъа):

يَا أَيُّهَا الْمُدَّثِّرُ. قُمْ فَأَنْذِرْ. وَرَبَّكَ فَكَبِّرْ. وَتَيْبَاكَ فَطَهِّرْ. وَالرُّجْزَ فَاهْجُرْ.

«Эй, ортюсине сарылгъан (Пейгъамбер)! Тур да, тенбиеле! Раббинъни юджельт! (Яни онынъ юджелигини текбирнен сёйле ве эр кеске бильдир!) Урбанъны темизле! (Яни тышыны ве ичинъни темиз тут; гузель ахлякънен ахлякълан!) Ярамай шейлерден узакъ тур! (Муддессир», 1-5) аетлерини эндирди.

Бунъдан сонъра вахий бир даа кесильмеди» (Бухарий, «Тефсир», 74/4, 5; Муслим, «Иман», 255-258).

Аллах Таала буюра:

وَلَقَدْ وَصَّلْنَا لَهُمُ الْقَوْلَ لَعَلَّهُمْ يَتَذَكَّرُونَ

«Ант олсун ки, Биз, тюшюнип ибрет алсынлар деп, олар ичюн вахийни бир-бирисиннъ артындан етиштирдик (яни вахийни аралыкъсыз ёлладыкъ)» («Къасас», 51).

Вахийнинъ аралыкъсыз девам этмеси де Къуран-ы Керимнинъ иджазындандыр. Чюнки бутюн инсанларнынъ бир арагъа келип ве ярдымгъа чагъыра биледжеклери эр кесни чагъырып, бир аетини биле мейдангъа кетиремейджеклери ульвийликтеки аетлернинъ Аллах Ресули, салляллаху алейхи ве селлемге бир-бирисининъ артындан энмеси Къуран-ы Керимнинъ вахийге таянгъанынынъ буюк делилидир. Бу, онъа ич бир шекильде инсанларнынъ киришмесининъ мумкюн олмагъанынынъ энъ ачыкъ бир делилидир.

Башкъа тарафтан, бинъ бир чалышма ве гъайрет нетиджесинде азырлангъан энъ уфакъ шиир китабы биле бир чокъ нукъсанлыкъларнен мейдангъа кельгени бир акъикъаттыр. Анджакъ, иляхий вахийде бойле бир хусусиет ёкътыр, о, ильк шеклинен эбедиен сакъланып къала. Иляхий вахий сайысыз муджизелерни ичине алгъан ве бутюн инсанлыкъ нукъсанлыкъларындан темиз бир сёз оларакъ лютуф этильген. Бу да Къуран-ы Керимнинъ хакъ ве юдже олгъаныны косътермек ичюн етерлидир.

«Муддессир» суресининъ энмеге башламасындан сонъ, Аллах Ресули, салляллаху алейхи ве селлем, раатланмакъ ичюн яткъан еринден аман турды. Хазрети Хатидже валидемиз, радиаллаху анха, не олгъаныны анъламагъаны ичюн тааджипленди ве:

– «Не ичюн турдынъ, раатланмадынъ?», – деп, сорады.

Аллах Ресули, салляллаху алейхи ве селлем де:

– «Энди раатланма вакъты кечти!», – деп, буюрды ве янъы кельген вахийни бильдирди.

Джебраиль алейхи’с-селям, вахий кельген ильк кунълерде Пейгъамбер Эфендимизге абдест алмакъны ве намаз къылмакъны огретти. Аллах Таала Ресулининъ гонълюне хош келеджек бир ибадетни эмир этмекнен оны севиндирген ве юзюни кульдюргендир.

Алемлернинъ Эфендиси буюк бир севинч ичинде эвине къайты. Аллахнынъ онъа кельген буюк икрамы акъкъында рефикъасына хабер берди ве онъа да абдест ве намаз къылмакъны огретти (Ибн Исхакъ, с. 117 ; Ибн Хишам, I, 262-263).

ПЕЙГЪАМБЕРЛИКНИНЪ 4 СЕНЕСИ

Эмир этильген шейни анълат!

Учъ йыл девам эткен гизлилик девринден сонъ, яни пейгъамбер-ликнинъ 4-джи йылында, Аллах Таала бойле буюрды:

فَاَصْدَعْ بِمَا تُؤْمَرُ وَاَعْرِضْ عَنِ الْمُشْرِكِينَ اِنَّا كَفَيْنَاكَ الْمُسْتَهْزِئِينَ

«(Эй, Ресулим! Артыкъ) санъа эмир этильгенни ачыкъ сёйле! Мушриклерден юзь чевир. Сени мыскъыллагъанлар-гъа нисбетен Биз санъа етермиз!» («Хиджр», 94-95).

Бу ает-и керимеде теблигъинъ артыкъ ачыкътан япылмасы эмир этильген эди.

Бир башкъа ает-и керимеде бу хусус даа ачыкъ, атта тенбиелей-иджи махиетте, бойле ифаде этиле:

يَا أَيُّهَا الرَّسُولُ بَلِّغْ مَا أُنْزِلَ إِلَيْكَ مِنْ رَبِّكَ وَإِنْ لَمْ تَفْعَلْ فَمَا بَلَّغْتَ رِسَالَتَهُ وَاللَّهُ يَعْصِمُكَ مِنَ النَّاسِ إِنَّ اللَّهَ لَا يَهْدِي الْقَوْمَ الْكَافِرِينَ

«Эй, Ресулы! Санъа эндирильгенни теблигъ эт! Эгер буны япмасанъ, пейгъамберлигинъни япмагъан олурсынъ! Аллах сени инсанлардан къорчалайджакътыр. Шубесиз ки, Аллах къафир топлулыгъыны хидаетке, догъру ёлгъа ириштирмез» («Маиде», 67).

Артыкъ Аллах Ресули, салляллаху алейхи ве селлем, Аллах Тааланынъ буюргъаны киби:

قُلْ يَا أَيُّهَا النَّاسُ إِنِّي رَسُولُ اللَّهِ إِلَيْكُمْ جَمِيعًا الَّذِي لَهُ مُلْكُ السَّمَوَاتِ وَالْأَرْضِ
لَا إِلَهَ إِلَّا هُوَ يُحْيِي وَيُمِيتُ فَأَمِنُوا بِاللَّهِ وَرَسُولِهِ النَّبِيُّ الْأُمِّيَّ الَّذِي يُمُنْ بِاللَّهِ
وَكَلِمَاتِهِ وَاتَّبِعُوهُ لَعَلَّكُمْ تَهْتَدُونَ

**«Де ки: «Эй, инсанлар! Акъикъатен, мен эпинъизге коклер-
нинъ ве ернинъ саиби олгъан Аллахтан кельген Онынъ эльчи-
сийим. Ондан башкъа танъры ёкътыр, О, тирильте ве ольдю-
ре. Ойле исе, Аллахкъа ве уммий пейгъамбер олгъан Ресулине
– ки о, Аллахкъа ве онынъ сёзлерине инаныр – иман этинъ ве
онъа уйынъыз ки, догъру ёлны тапарсынъыз» («Араф», 158)
деп, инсанларны ачыкътан-ачыкъ Ислямгъа давет этмеге башлайд-
жакъ эди.**

Лякин Пейгъамбер бу ишке не ерден ве насыл башлайджагъы-
ны бильмей тургъанда, башкъа бир вахий кельди:

وَأَنْذِرْ عَشِيرَتَكَ الْأَقْرَبِينَ. وَاحْذِرْ جَنَاحَكَ لِمَنِ اتَّبَعَكَ مِنَ الْمُؤْمِنِينَ. فَإِنْ
عَصَوْكَ فَقُلْ إِنِّي بَرِيءٌ مِّمَّا تَعْمَلُونَ. وَتَوَكَّلْ عَلَى الْعَزِيزِ الرَّحِيمِ. الَّذِي يَرِيكَ حِينَ
تَقُومُ.

**«(Эвель) энъ якъын акърабанъны тенбиеле. Санъа уйгъан
муминлерге (мерхамет) къанатынъны кер. Эгер санъа къар-
шы кельселер, де ки: «Мен сизинъ япкъанларынъыздан, ич
шубесиз ки, узакъым». Сен О буюк ве бол мерхамет саибине
ишанып таян. О (гедже намазгъа) тургъан заманынъда, сени
коре» («Шуара», 214-218).**

Хазрети Пейгъамбер, салляллаху алейхи ве селлем, иляхий эмир
керек эткени киби, эвель якъын акърабаларыны давет этти. Оларгъа
икрам этти. Сонъ да бойле сёйледиди:

«Эй, Абдильмутталиб огуллары! Мен сизге дюньянынъ ве ахыре-
тинъ энъ хайырлы динини кетирдим. Манъа Къуран вахий олды ки,
о Къураннен сизни ве онынъ етишкени эр кесни тенбиелемек ичюн.

Манъа бу иште ким ярдым этеджек?»

Бу сёзлерге ич кимсе эмиет бермеди. Эр кес сусты. О заман даа кичик бала олгъан, анджакъ иман къафилесинде биринджилер олма шерефине наиль олгъан Хазрети Али турып:

«Эй, Аллахынъ Ресули! Санъа мен ярдымджы олурым!» – деди.

О ерде олгъанларнынъ мыскыллайджы кулюмсемелери къаршысында Аллах Ресули джиханны айдынлаткъан кулюмсемесинен Хазрети Алиге айланып, онынъ башыны сыйпады (Ахмед, I, 111, 159; Хейсемий, VIII, 302-303).

Аллах Ресули, салляллаху алейхи ве селлемнинъ ильк япкъан даветини о сырада бир бала олгъан Хазрети Алиден башкъа ич бир кимсе къабул этмеди.

Даветке энъ якъынларындан башламасы эмир этильген Пейгъамберимиз, бир кунъ Сафа тёпесине чыкъаракъ, Къурейш къабилесине сесленди. Олар да бу сесленювге джевап оларакъ Сафа тёпеси этрафына топландылар. Ресулюмах, салляллаху алейхи ве селлем, юксек бир къаянынъ устюнден оларгъа бойле хитап этти:

«Эй, Къурейш джемааты! Мен сизге шу дагъынъ этегинде я да шу вадийде душман атлары бар, сизге тезден уджюм этеджек, малынынъ элиньизден аладжакъ, десем, манъа инаныр эдинъизми?».

Олар да, ич тюшюнмеден:

«Эбет, инанырмыз! Чюнки шимдигедже сенинъ ич ялан сёз сёйлегенинъни эшитмедик!» – дедилер.

О ерге кельген эр кеснинъ тасдикини алгъан Аллах Ресули, салляллаху алейхи ве селлем, оларгъа шу иляхий акыкъатны бильдирди:

«О алда, мен шимди сизге алдынъызда шиддетли бир азап куню олгъанындан, Аллахкъа инанмагъанларнынъ о адджы азапкъа огърайджакъларындан хабер берем. Мен сизни о агъыр азаптан къуртармакъ ичюн ёлланылдым.

– Эй, Къурейшлилер! Меним алым душман корьген бир кишининъ къорантасына зарар береджек деп, къоркъкъан, оларгъа хабер этмек ичюн чапкъан бир кишининъ алы кибидир.

Эй, Къурейш джемааты! Сиз юкюгъа далгъанынъыз киби олед-



жексинъиз. Юкъудан уянган киби тириледжексинъиз. Къабирден турып, Аллахнынъ огюне барып, дюньяда япкъан эр арекетинъиз ичюн эсап береджегинъиз акыкъаттыр. Сонъунда хайыр ишлернинъ ве ибадетлеринъизнинъ мукаяфатыны, яман ишлернинъ де джезасыны ве шиддетли азабыны кореджексинъиз! Мукаяфат – эбедий дженнет; джезалар да – девамлы джехеннемдир» (Бухарий, «Тефсир», 26; Ахмед, 1, 281-307; Ибн-и Сад, 1, 200).

О ерде олгъанлардан Аллах Ресули, салляллаху алейхи ве селлемнинъ бу сёзюне къаршы чыкъкъан адам корюнмеди, лякин эмджеси Эбу Лехеб:

«Айды шу! Эллеринъ къурусын! Бизни бу ерге бунынъ ичюн чагъырдынъмы?», – деп, къаба ве ярашмагъан сёзлер къууланды, акъаретинен буюк пейгамбернинъ къальбини къырды.

Эбу Лехебнинъ бу арекети акъкъында «Теббет» суреси энди:

تَبَّتْ يَدَا أَبِي لَهَبٍ وَتَبَّ مَا أَغْنَىٰ عَنْهُ مَالُهُ وَمَا كَسَبَ سَيَصْلَىٰ نَارًا ذَاتَ لَهَبٍ
وَأَمْرُهُ حَمَالَةَ الْحَطَبِ فِي جِيدِهَا حَبْلٌ مِّن مَّسَدٍ

«Эбу Лехебнинъ эки эли къурусын! Къуруды да. Малы ве къазангъанлары онъа файда бермеди. О алевли бир атеште янаджакъ. Одун ташыйыджы оларакъ, бойнунда хурма лифинден букюльген бир йип олгъан алда къадыны да (атешке киреджек)» («Теббет», 1-5) (Бухарий, «Тефсир», 26/2; 34/2; 111/1, 2; Муслим, «Иман», 355).

Аетте Эбу Лехебнинъ къадыны да анъыла. Чюнки о да, къоджасы киби, Аллах Ресули, салляллаху алейхи ве селлемге пек чокъ эзиетлер берген, кечеджек ёлларына тикенлер ташлагъан эди.

Ресулюллах, салляллаху алейхи ве селлемнинъ гъайретлери нетиджесинде алалары Хазрети Сафие ве Хазрети Атике, Хазрети Аббаснынъ азатлы къулу Эбу Рафи, Эбу Зерр ве къардашы Амр бин Абесе мусульман олдылар.

Фахр-ы Кяинат Эфендимиз бундан сонъ инсанларны Исламгъа давет этмеге девам этти. Аджылыкъ мевсиминде Укъаз, Медженне, Зульмеджаз киби ярмалыкъларда, инсанлар топлу олгъан вакыт-

ларда оларнынъ янларына барып, раст кетирген эр кеске, эфенди-ыргат, зайыф-къуветли, зенгин-фукъаре демеден, Ислямны теблигъ эте, оларны Аллахнынъ бирлигине иман этмеге давет ве тешвикъ эте эди (Ибн-и Сад, I, 216-217).

Пейгъамберликнинъ бу девринде энген аетлер, умумиетнен, къыяметнинъ дехшетинден хабер бере эди:

إِنَّ عَذَابَ رَبِّكَ لَوَاقِعٌ مَا لَهُ مِنْ دَافِعٍ يَوْمَ تَمُورُ السَّمَاءُ مَوْرًا وَتَسِيرُ الْجِبَالُ سَيْرًا
فَوَيْلٌ يَوْمَئِذٍ لِلْمُكَذِّبِينَ الَّذِينَ هُمْ فِي خَوْضٍ يَلْعَبُونَ يَوْمَ يُدْعَوْنَ إِلَى نَارٍ جَهَنَّمَ
دَعَا هَذِهِ النَّارُ الَّتِي كُنْتُمْ بِهَا تُكَذِّبُونَ

«Раббинънинъ азабы мытлакъа юзь береджек. Онъа ма-ниа оладжакъ ич бир шей ёкъ. О кунъ кок салланып сарсылыр. Дагълар еринден юрип кетер. О кунъ яланлагъанларнынъ вай алына! Олар кирген сапыкълыкълары ичинде ойнап тургъанлар. О кунъ джехеннем атешине итекленип атылырлар да, «Иште, яланлап тургъанынъыз атеш будыр!» («Тур», 7-14).

Ресул-и Экрем Эфендимиз, салляллаху алейхи ве селлемнинъ пейгъамберлигини илян этмеси ве даветке ачыкътан башламасын-дан сонъ мушриклер ве путларнынъ алейхинде ает-и керимелер на-зиль олмагъа башлады:

إِنَّكُمْ وَمَا تَعْبُدُونَ مِنْ دُونِ اللَّهِ حَصَبُ جَهَنَّمَ أَنْتُمْ لَهَا وَارِدُونَ

«Сиз ве Аллахтан гъайры табынгъанынъыз шейлер дже-хеннем якъарлыгъыдыр, сиз о ерге киреджексинъиз» («Энбия», 98).

قُلْ إِنَّمَا أَنَا بَشَرٌ مِّثْلُكُمْ يُوحَىٰ إِلَىٰ أَنَّمَا إِلَهُكُمُ إِلَهُ وَاحِدٌ فَاسْتَقِيمُوا إِلَيْهِ وَاسْتَغْفِرُوهُ
وَوَيْلٌ لِلْمُشْرِكِينَ

«Де ки: «Мен де, анджакъ сиз киби бир инсаным. Манъа иляхынъыз тек бир илях олгъаны вахий этиле. Артыкъ Онъа ёнелинъ, Ондан магъфирет истенъиз. Вай, ортакъ къошкъан-

ларнынъ алына!» («Фуссылет», 6).

Пейгъамберимиз мушриклер табынган путларны айыпламагъа башлагъан, имансызлыкъ ве шашкынлыкъ ичинде олип кеткен аталары янълыш ёлда олгъаныны сёйлеген вакъыт, Къурейш мушриклер Пейгъамбер Эфендимизни ред ве инкяр эттилер. Онъа къаршы душманлыкъ этмек хусусында бирлештилер. Анджакъ, Эбу Талиб Аллах Ресулини къорчаламагъа девам эткени ичюн онъа ич бир шей япамадылар (Ибн-и Сад, I, 199).

Эбу Джехиль, Эбу Лехеб, Велид бин Мугъире, Умеййе бин Халеф, Ас бин Ваиль, Надр бин Харис, Укъбе бин Эби Муайт, Утбе бин Рабаи киби къою мушриклер Пейгъамберимизге къаршы душманлыкъта ашыры кетип, эбедий зияннга тюштилер ве бахтсыз олдылар.

Ресулюллах, салляллаху алейхи ве селлемнинъ эр тюрю манияларгъа бакъмадан, Ислямны теблигъ этмеси мушриклерни чокъ ратсызлай эди. Мусульманларгъа уджюм этмеге башладылар. Чюнки янъы кельген дин оларнынъ меънаатларына зарар кетире эди. Аман Эбу Талибге чапып кельдилер. Вазиятни анълатып, торунына мания олмасыны риджа эттилер. Эбу Талиб оларны незакетнен къаршылады. Хазрети Пейгъамберге де ич бир шей сёйлемеди.

Бойледже, ич бир шейнинъ денъишмегенини корьген мушриклер текрар Эбу Талибге кельдилер ве:

– «Эй, Эбу Талиб! Артыкъ сабырларымыз къалмады! Къардашынынъ огълу бизим динимизни ве иляхларымызны яманлай. Бизни де ахмакълыкъта къабаатлай. Эгер торунынъ шу якъан ишлеринден вазгечмесе, эм санъа, эм торунынъа къаршы чыкъаджакъмыз. Я оны бу иштен вазгечир, я да оны къорчаламакътан вазгеч! Биз онынъ чаресини озюмиз бакъармыз!» – дедилер.

Эбу Талиб бу сёзлерни динълегенден сонъ, Аллах Ресули, салляллаху алейхи ве селлемге йымшакълыкънен мушриклернинъ ниетлерини анълатты. Оны къорчаламакътан вазгечмейджегини сёйледи, анджакъ мушриклерге къаршы кельмек истемегенини де анълата-
ракъ:

– «Мени де, озюньни де къорчала!», – деди.

Аллах Ресули, салляллаху алейхи ве селлемнинъ эмджесининъ

бу сйзлерине джаны агъырды. Чюнки эмджесининъ сёзлери, керек олса, оны къорчаламакътан вазгечеджеги манасына келе эди. Мубарек козьлери яшланды. Чюнки мусульманлар даа зайыф эдилер. Зенгинлик ве къуветке къул олгъан азгъын Къурейш мушриклерине къаршы тураджакъ кучълери ёкъ эди.

Бу эснада Ресулининъ къаршылашкъан зорлукъкъа даянып олмасы ичюн Аллах бойле буюрды:

وَاذْكُرْ اسْمَ رَبِّكَ وَتَبَتَّلْ إِلَيْهِ تَبْتِيلًا رَبُّ الْمَشْرِقِ وَالْمَغْرِبِ لَا إِلَهَ إِلَّا هُوَ فَاتَّخِذْهُ
وَكَيْلًا

«Раббинънинъ исмини хатырла! Эр шейни ташлап, бутюн варлыгъынънен Онъа ёнелъ! О (Аллах ки), кунъдогъушнынъ да, кунъбатышнынъ да Раббидир. Ондан башкъа илях ёкътыр. Ойле исе, ялынъыз Онынъ имаесине сыгъын!» («Музземмиль», 8-9).

Бундан сонъ Аллах Ресули, салляллаху алейхи ве селлемнинъ къайгысы дагъылды. Сарсылмаз бир иман ве устюн бир федакярлыкънен эмджеси Эбу Талибге шу мешур сёзлерни сёйледиди:

«Эй, эмдже! Аллахкъа емин этем ки, бу адамлар бир элиме Кунешни, бир элиме де Айны къойсалар, мен кене де бу давадан вазгечмем!»

Бу сёзлернинъ артындан козьлери яшлы алда Пейгъамберимиз о ерден айрылды.

Бойле бир джевап беклемеген Эбу Талиб сарсылды. Иман этмеген олса да, Хазрети Пейгъамберни эвляды киби севе эди. Бабасы Абдильмутталиб вефат этмеден аз эвель огъланларыны топлагъан ве Хазрети Пейгъамберни ким озь имаесине аладжагъыны сорагъан. О заман Эбу Талиб:

«Баба! Билесинъ, зенгин дегилим, анджакъ йымшакъ къальпли ве шефкъат саибийим. Къардашымнынъ огълуна бакъмакъны джаныма миннет билирим. Бу хусуста санъа сёз берем; Оны манъа эманет эт!» – деп, риджа эткен эди.

Бу себептен Алемлер эфендисининъ бойле кедерли бир шекиль-

де яныннан айырылмасына Эбу Талибнинъ мерхаметли юреги даянамады. Онынъ артындан кычырды:

«Эй, кърдашымнынъ оғлу! Кель, истегенинъи сёйле! Емин этем ки, ич бир шей кършысында сени оларгъа теслим этмем!» (Ибн-и Хишам, I, 276-278; Ибн-и Кесир, «Бидае», III, 96-97).

Бу адисенинъ артындан Эбу Талип Хашим оғулары иле Муталлиб оғуларыны чагъырды. Олардан къранталарынынъ шерефи адына Хазрети Пейгъамбер, салляллаху алейхи ве селлемни кърейшлилерден кърчаламаларыны риджа этти. Буны Эбу Лехебден гъайры эр кес къабул этти (Ибн-и Хишам, I, 281; Ибн-и Эсир, «Кямиль», II, 65).

Эбу Талибге япкъан мураджатларынынъ файда бермегенини корьген мушриклер, бу сефер догърудан догъругъа Аллах Ресули, салляллаху алейхи ве селлем эфендимизге мураджат этип:

– «Сен, союнь темиз, макъамынъ юксек бирусисинъ! Шимдиге къадар араплар арасында кимсенинъ япмагъаныны япасынъ, айтмагъаныны айтасынъ. Арамызгъа айрылыкъ кетирдинъ. Бизни бири-биримизге душман эттинъ. Бойле арекет этмектен макъсадынъ недир?

Зенгин олмакъ ичюн бойле япасанъ, санъа истегенинъ къадар мал берейик. Къабилелер арасында сенден зенгин кимсе олмасын!

Реислик япмакъ истесенъ, аман сени озюмизге баш этейик, Меккенинъ акими ол!

Гузель бир къадыннен эвленмек истесенъ, санъа Кърейшнинъ энъ гузель къадынларындан къайсы бирини истесенъ, онъа эвендирейик!

Эгер джинлернинъ, шейтанларнынъ шеррине оғрагъан олсанъ, табиплерге алып барайыкъ. Сени къртурмакъ ичюн бутюн федакярлыкъларгъа къатланайыкъ.

Не истесенъ, япмагъа азырмыз. Етер ки, кель, бу давадан вазгеч!», – дедилер.

Заваллы мушриклер инсаннынъ энъ буюк алдатыджылары олгъан мал-мульк, реислик ве къадын иле Хазрети Пейгъамбер, салляллаху алейхи ве селлемни давасындан вазгечирирмиз, деп, зан эткен эдилер. Бу юкъарыда теклиф этильген инсанны ёлдан ураджакъ

шейлерге «ёкъ» джевабыны бермек чокъ къыйын эди. Чюнки зенгинлик, шурет ве шехвет нефсининъ къулу олгъан инсаннынъ учъ буюк тузагъыдыр.

Анджакъ, Аллах Ресулининъ нурлу аятында бу ве бенъзери алда-тыджы, кечиджи шейлернинъ ич де ери ёкъ эди:

– «Мен сизден ич бир шей истемейим. Не мал, не мулък, не салтанат ве не де реислик! Меним тек истегеним шудыр: Путларгъа тапмакътан вазгечинъыз, ялынъыз бир олгъан Аллахкъа ибадет этинъыз!» (Ибн-и Кесир, «Бидае», III, 99-100).

Мушриклер исе, нефислерине къул олгъанлары ичюн, онынъ юдже давасыны бир тюрюю анълап оламай эдилер, о, путларгъа тапар, деп, умют эте эдилер. Бунъа коре де Хазрети Пейгъамбер, салаллаху алейхи ве селлем озюни бойле такъдим эте эди:

قُلْ إِنِّي نُهِيتُ أَنْ أَعْبُدَ الَّذِينَ تَدْعُونَ مِنْ دُونِ اللَّهِ لَّمَّا جَاءَ نِيَ الْبَيِّنَاتِ مِنْ رَبِّي

وَأُمِرْتُ أَنْ أُسْلِمَ لِرَبِّ الْعَالَمِينَ

«(Ресулим!) Де ки: «Манъа Раббимден ап-ачыкъ делил-лер кельгенинен, Аллахны быракъып, о табынгъан шейлерге къуллукъ этмек манъа ясакъланды ве манъа алемлернинъ Раббине теслим олмакъ эмир этильди» («Мумин», 66).

قُلْ إِنَّمَا أُمِرْتُ أَنْ أَعْبُدَ اللَّهَ وَلَا أُشْرِكَ بِهِ إِلَيْهِ أَدْعُو وَإِلَيْهِ مَآبُ

«Де ки: «Манъа факъат Аллахкъа къуллукъ этюв ве Онъа ортакъ къошмамакъ эмир этильди. Мен ялынъыз Онъа чагъырам ве дёнюш де, ялынъыз Онъадыр» («Рад», 36)

إِنَّمَا أُمِرْتُ أَنْ أَعْبُدَ رَبَّ هَذِهِ الْبَلَدَةِ الَّذِي حَرَّمَهَا وَلَهُ كُلُّ شَيْءٍ وَأُمِرْتُ أَنْ أَكُونَ مِنَ الْمُسْلِمِينَ وَأَنْ أَتْلُو الْقُرْآنَ فَمَنْ اهْتَدَى فَإِنَّمَا يَهْتَدِي لِنَفْسِهِ وَمَنْ ضَلَّ فَقُلْ إِنَّمَا أَنَا مِنَ الْمُنذِرِينَ

«Манъа бу шеэрни (Меккени) токъунылмаз япкъан Раббиме къуллукъ этмек эмир этильди. Эр шей де, затен Онъа аиттир. Манъа мусульманлардан олып, Къуран окъумакъ эмир этиль-

ди. Артыкъ ким догъру ёлгъа кельсе, ялынъыз озю ичюн кельгендир, ким де азса, онъа де ки: «Мен факъат тенбиеджи-лерденим» («Немль», 91-92).

قُلْ إِنِّي هَدَيْتَنِي رَبِّي إِلَى صِرَاطٍ مُسْتَقِيمٍ دِينًا قِيَمًا مِّلَّةَ إِبْرَاهِيمَ حَنِيفًا وَمَا كَانَ مِنَ الْمُشْرِكِينَ قُلْ إِنْ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ لَا شَرِيكَ لَهُ وَبِذَلِكَ أُمِرْتُ وَأَنَا أَوَّلُ الْمُسْلِمِينَ قُلْ أَغَيْرَ اللَّهِ أَبْغَى رَبًّا وَهُوَ رَبُّ كُلِّ شَيْءٍ

«Айт: «Шубесиз, Раббим мени догъру ёлгъа, дос-догъру динге, бир Аллахкъа инангъан Ибрахимнинъ динине ириш-тирди. О, Аллахкъа ортакъ къошкъанлардан дегиль эди». Айт: «Шубесиз, меним намазым, къурбаным, аятым ве олюим – эписи алемлернинъ Рабби Аллах ичюндир. Онынъ ортагъы ёкътыр. Манъа факъат бу эмир этильди ве мен мусульман-ларнынъ биринджисим». Айт: «Аллах эр шейнинъ Рабби ол-гъанда, мен Ондан башкъа Рабб къыдыраджаммы?» («Энам», 161-164).

قُلْ هَذِهِ سَبِيلِي أَدْعُو إِلَى اللَّهِ

«(Ресулим!) де ки: «Иште, бу, меним ёлумдыр. Мен Аллахкъа чагъырам...» («Юсуф», 108).

قُلْ مَا أَسْأَلُكُمْ عَلَيْهِ مِنْ أَجْرٍ وَمَا أَنَا مِنَ الْمُتَكَلِّفِينَ

(Ресулим!) Де ки: «Бунъа къаршылыкъ мен сизден ич бир хакъ истемейим. Ве мен олгъанындан башкъа корюнгенлер-ден де дегилим» («Сад», 86).

Ресулюллах, салляллаху алейхи ве селлемнинъ бу къатий арекет-лери къаршысында мушриклер, ич олмаса, путларны яманламакъ меселесини чезмек истедилер. Хазрети Пейгъамберден путларны айыпламасыны талап эттилер. Бундан сонъ Аллах бойле буюрды:

فَلَا تُطِيعِ الْمُكَذِّبِينَ وَذُؤَالُو تَدْهِنُ فَيَذْهَبُونَ

«(Акъикъатны) ялан сайгъанларгъа боюн эгме! Олар иштейлер ки, сен йымшакъ даврансанъ да, олар да санъа йымшакъ даврансын» (Мушриклернинъ Ресулюллахтан тевхид курешинде йымшакъ арекет этюв меселесиндеки истеклерине ишарет этильмекте) («Къалем», 8-9).

إِذَا لَذَقْنَاكَ ضِعْفَ الْحَيَاةِ وَضِعْفَ الْمَمَاتِ ثُمَّ لَا تَجِدُ لَكَ عَلَيْنَا نَصِيرًا

«О вакъытта, ич шубесиз, санъа аятнынъ ве олюмнинъ сыкъынтыларыны къат-къат таттырыр эдик, сонъра бизге нисбетен озюнь ичюн бир ярдымджы да тапалмаз эдинъ» («Исра», 75).

Яни, тевхид меселесинде йымшакъ арекет этюв бойле вакъытта биле ясакълангъан эди. Чюнки бу, диннинъ даа там къурулмадан бо-зулмасына себепчи олур, бу исе, мушриклернинъ чиркин макъсатла-рындан бириси эди. Анджакъ, олар истегенлерине наиль оламанъа-ны ичюн, озъ талапларыны джаильдже буютерек, путларнынъ вазие-терини къуртармагъа чалыша эдилер. Бунунъ ичюн шу кулюнчли теклифни япмакъ къарарына кельдилер:

«Сен бизим путларымызгъа табын; биз де сенинъ Аллахынъа къуллукъ этермиз. Бойледже, арамыздаки зытлыкъ чезильген олур», – дедилер.

Бу мантикъкъа уймагъан хаталы ёлгъа Къуран-ы Керим бойле джевап берди:

قُلْ يَا أَيُّهَا الْكَافِرُونَ لَا أَعْبُدُ مَا تَعْبُدُونَ وَلَا أَنْتُمْ عَابِدُونَ مَا أَعْبُدُ وَلَا أَنَا عَابِدٌ مَا عَبَدْتُمْ وَلَا أَنْتُمْ عَابِدُونَ مَا أَعْبُدُ لَكُمْ دِينُكُمْ وَلِيَ دِينِ

«(Ресулим!) айт: «Эй, кяфирлер! Мен сиз табынаяткъанла-рынъызгъа табынмам. Сиз де меним табынгъаныма табын-майсынъыз. Мен де сизнинъ табынгъанларынъызгъа асла табынаджакъ дегилим. Эбет, сиз де меним табынгъаныма та-бынамакъта дегильсинъиз. Сизинъ дининъиз – сизге, меним диним де – манъа» («Кяфирун», 1-6) (Ибн-и Хишам, I, 386).



Ресуль-и Экрем Эфендимиз, салляллаху алейхи ве селлемнинъ юдже даветине башта, умумиетле, фукъаре, къул ве зайыф кимселер иман эттилер. Бунунънен берабер Хазрети Эбу Бекир киби зенгинлерден иман эткенлер олса да, оларнынъ сайысы чокъ дегиль эди.

Ишкендже⁵ деври

Эбу Талибге япылган теклифлерден бир нетидже аламагъан, Аллах Ресули, салляллаху алейхи ве селлемден де ич бир мусбет джевап корьмеген мушриклер меселени къоркъутув ёлунен чезмек истедилер. Илык вакъытлары къабилеси ве къорантасы кучлю олганларгъа зарар кетиремедилер. Чюнки мусульманларгъа нисбетен япылган зулумлар даа умумий дегиль эди.

Бу сырада мушриклернинъ эскенджелерине огърагъанлар даа зияде кимсесиз, къул ве джариелер эди. Оларгъа япылмагъан ишкендже къалмагъан эди ...

Хазрети Хаббаб, атеш къорлары устуне яткъызылган, атеш беденинден ириген ягълардан сёнгенге къадар коксуне бастырылып бекленген эди.

Хаббаб, радиаллаху анх, демирджи эди; базы мушриклерден де аладжакъ парасы бар эди. Борджунынъ къайтарылмасыны истеген вакъытта, онъа:

– «Башта Мухаммедни инкяр эт, сонъ аладжагъынны берермиз!», – деп, айта эдилер.

О да, фаний дюнья менфаатыны бир кенаргъа быракъып:

– «Мен оны асла инкяр этмем! Мен онен бераберим!», – деп, эбедий сеадетини сайлай эди.

Чеккен бу азаплардан бирисини о, озю бойле анылаткъан эди:

– «Бир кунъ аладжагъымы истемек ичюн Ас бин Ваильге кеткен эдим.

О:

– «Мухаммедни инкяр этмегендже, паранъны бермейджем», –

⁵ Ишкендже - зулум, эзиет, къыйынчылыкъ.

деди.

Мен де:

– «Сен ольгенге къадар, атта янъыдан тирильгенге къадар Мухаммедни асла инкяр этмейджем», – дедим.

– «Яни, демек, мен оледжем, сонъ бир даа тирильтиледжем, ойлеми?», – деп сорай Ас.

Мен:

– «Эбет», – джевабыны бердим.

Ас бин Ваиль:

– «Ойле исе, янъыдан тирильтилгеним вакъыт малларым олур да, иште, о вакъыт мен санъа борджумы одерим», – деди.

Бундан себеп шу аетлер назиль олды:

أَفَرَأَيْتَ الَّذِي كَفَرَ بِآيَاتِنَا وَقَالَ لَأُوتِيَنَّ مَالًا وَوَلَدًا. أَطَّلَعَ الْغَيْبَ أَمْ آتَاهُ عِنْدَ
الرَّحْمَنِ عَهْدًا. كَلَّا سَنَكْتُبُ مَا يَقُولُ وَنَمُدُّ لَهُ مِنَ الْعَذَابِ مَدًّا. وَنَرَاهُ مَا يَقُولُ
وَيَأْتِينَا فَرْدًا

«(Ресулим!) Аетлеримизни инкяр эткен ве: «Ич шубесиз, манъа мал ве эвлят бериледжек» деген адамны корьдинъми? О гъайбны бильдими, ёкъса, Аллахнынъ къатындан бир сёз алдымы? Эльбетте, ёкъ! Биз онынъ сёйлегенини язаджакъмыз ве азабыны узаткъан сайын узатаджакъмыз. Онынъ дегенине биз варис олурмыз (малы ве эвляды бизге къалыр), о озю исе, янымызгъа яп-ялынъыз келир» («Мерьем», 77-80) (Бухарий, «Тefsир» 19/3; Муслим, «Мунафикъун», 35-36; Тирмизий, «Тefsир», 19/3162).

Хаббаб, радиалаху анхнынъ саибеси Умму Энмар да онъа ишкендже этмек мевзусына башкъалардан артта къалмайып, атеште къыздырылгъан демирнен Хазрети Хаббабнынъ башыны тамгъа лагъан эди. Хаббаб, радиалаху анх, Пейгъамбер, алейхи'с-селямгъа келип, Умму Энмарнынъ япкъанларындан шикает этти. Ресулюллах, салляллаху алейхи ве селлем:

«Аллахым! Хаббабкъа ярдым эт!» деп, дуа эткенден сонъ, Умму



Энмар башындан бир дертке огърады ве копеклер киби улумагъа башлады. Онъа башыны атешнен тамгълатмасыны тевсие эттилер. Бундан сонъ Хаббаб, радиаллаху анх, демирни атеште кыздырып, онен Умму Энмарнынъ башыны тамгъалады (Ибн-и Эсир, «Усду'ль-гъабе», II, 115).

Хазрети Билял да энъ агъыр эскенджелерге маруз кългъанлардан бириси эди. Сахабий Умеййе бин Халеф Билялгъа акъылгъа кельмейджек эскенджелер япа эди. Къызгын кълмларгъа ятыртып, устуне буюк ташлар къоя эди, базы вакъытларда да Мекке сокъакъларында сюреклея эди. Билял-и Хабеший, радиаллаху анхны бир кунъ бир гедже сувсуз кълдыргъандан сонъ, онъа бир кольмек кийдирип, шиддетли сыджакъ астында къызгын кълмлар устунде тутта, бедениннъ ягъы иригенджеге къадар беклете эди.

Мушриклер Билял, радиаллаху анхкъа эр тюрю эскенджени япсалар да, истегенлери шейни сёлеттиремедилер. О даима:

– «Эхад, Эхад, Эхад (Аллах бир, Аллах бир, Аллах бир)!», – деп, айта эди (Ахмад, I, 404; Ибн-и Сад, III, 233; Белязурий, I, 186).

Мушриклернинъ эскенджелери кунъ кунъден арта, зайыф ве кимсесиз муминлерден сонъра Аллах Русули ве янында олгъан Эбу Бекир, Зубейр бин Аввам, Хазрети Осман, Мусаб бин Умейр киби варлыкълы ве сою кучлю инсанлар да эзиет ве эскенджелернен къаршылашмагъа башладылар.

Мушриклер Меккели хорлагъанларны къозгъап, Пейгъамбер, салляллаху алейхи ве селлем Эфендимизге уджум эте эдилер. Онъа шаирлик, сиирбазлыкъ ве делилик киби, ич кимсенинъ инанмайджакълары ялан ве ифтираларнен эзиет эте эдилер (Ибн-и Хишам, I, 309-310).

Абдуллах бин Амр, радиаллаху анхнынъ озъ козюнен корип, анълаткъанына коре, бир кунъ Ресуль-и Экрем, салляллаху алейхи ве селлем, Кябенинъ Хиджр къысмында намаз къылгъанда, Укъбе бин Эби Муайт келип, оны коре. О, Пейгъамберимизни богъмакъ ичюн урбасыны бойнуна сарып, кучьнен чекмеге башлады. Хазрети Эбу Бекир етишип, оны омузындан тартып, узакълаштырды ве:

– «Раббинъизден ап-ачыкъ делилленен кельген бир киши-

ни «Раббим Алах» дегени ичюн ольдюреджексинъизми?» – деди (Бухарий, «Тефсир», 40).

Бутюн буларгъа ве дигер залымджа тавырларгъа рагъмен Алах Ресули, салляллаху алейхи ве селлем, тевхид давасында мушриклернен ич бир шекиль ве суретте узлашувгъа янашмады, динини дёнъиштирмеге чаре бермеди. Эм де о, асхаб-ы кирамдан сорай эди:

– «Ичинъизден ким барып, Кябеде мушриклерге Къуран окъур?»

Бу теклифке джан-гонъюльден «Мен, эй, Ресулюллах» деген Абдуллах бин Месуд Кябеде мушриклерге Къуран окъугъан ве бу себептен о бахтсыз залымлар тарафындан котекленген эди.

Аркъадашлары:

– «Биз сенинъ бу алгъа огърайджагъынъдан къоркъкъан эдик!» – дедилер.

О:

– «Меним назарымда олардан даа зайыф вазиятте олгъан ич кимсе ёкътыр! Истесенъиз, мен ярын да кетер, оларгъа текрар Къуран окъурым!», – деген эди.

Аркъадашлары:

– «Ёкъ! Оларгъа бегенмегенлери шейни динълеттинъ. Санъа бу къадары етер!», – дедилер (Ибн-и Хишам, I, 336-337).

ПЕЙГЪАМБЕРЛИКНИНЪ 5-ДЖИ СЕНЕСИ

Хабешистан хиджрети

Ресул-и Экрем, салляллаху алейхи ве селлем Эфендимиз, къурейшлилернинъ инсафсыз эзиетлери къаршысында мусульманлар-гъа хиджрет эмирини бере. Чюнки олар диний вазифелерини урь ве сербест япамай эдилер. Айрыджа, динни йама вазифелери де бар эди.

Асхаб-ы Кирам къайда хиджрет этип оладжакъларыны сорагъанда, Ресул-и Экрем Эфендимиз:


– «Хабешистангъа! Чюнки анда халкъына зулум этмеген бир укумдар бар. Эм де о ер догърулыкъ улькесидир. Аллах Таала сыкъ-ынтыларымыздан бир къуртулыш ёлуны лютуф эткенге къадар, анда къалынъыз!», – буюрды (Ибн-и Хишам, I, 343; Ибн-и Сад, I, 203-204).

Бу ильк хиджрет Мекке деврининъ 5-джи йылында, Реджеб айында япылды. Ильк къафиле он эки эркек иле беш къадындан тешкиль этилип, умумий сайылары он еди киши эди. Ичлеринде Осман бин Аффан, къадыны Хазрети Рукъие, Зубейр бин Аввам, Мусаб бин Умейр, Абдуррахман бин Авф, Эбу Селеме, Умму Селеме, Осман бин Мазун, Ибн-и Месуд, радиаллаху анхум, киби асхабнынъ огде кельгенлери де бар эди.

Ильк мухаджирлер Хабешистанда учъ ай къалдылар. Чюнки мусульманлар арасында мушриклер де артыкъ иман эткен деген бир хабер даркъалды. Бундан себеп хиджрет къафилеси Меккеге къайтты. Отуз учъ эркек, алты къадындан мейдангъа кельген отуз докъуз



кишилик бир къафиле пейгъамберликнинъ бешинджи йылында, Шевваль айында, Меккеге якъынлашкъанда, мушриклернинъ мусульман олгъанлары акъкъындаки хабернинъ темельсиз олгъаны огренильди. Хабеш улькесине кери къайтмакъ чокъ къолай бир иш дегиль эди. Имаеджилерсиз Меккеге кирмектен де къоркътылар. Анджакъ, мушрик олгъан акъраба ве достларынынъ имяесинен гизли алда Меккеге кирмеге имкян булдылар (Ибн-и Хишам, II, 3-8; Ибн-и Сад, I, 206; Хейсемий, VI, 33).



Гъараник меселеси

Аллах Ресули, салляллаху алейхи ве селлем, янъы энген «Неджм (Йылдыз)» суресини Харем-и Шерифте, о ерде олгъанларгъа юксек сеснен окъуды. Суренинъ сонъунда седжде аети кельгени ичюн, Хазрети Пейгъамбер салляллаху алейхи ве селлем Аллахкъа седжде этти. Онынъен берабер бу ерде олгъан мусульман-мушрик, инсанджин, эр кес, седждеге бардылар (Бухарий, «Тефсир», 53/4).

Анджакъ, мушриклер суренинъ ичинде кечкен путларынынъ исимлеринден долайы, Аллахкъа дегиль, озъ путларына седжде эткен эдилер.

Иште, сонърадан уйдурылгъан ве «Гъараник меселеси» деп, ортагъа чыкъарылгъан резиль иддиагъа темель япылмагъа истенильген адисе бундан ибареттир.

Меккели мушриклернинъ Ислям динине киргени акъкъындаки хабернинъ даркъалмасынынъ себеби, мусульманларнен мушриклернинъ айры-айры эки седждени айны вакъытта къылмасыдыр.

Ишнинъ темели ялынъыз бундан ибарет олмасына рагъмен, сонъралары «Гъараник меселеси» деп адландырылгъан бир ифтира ортагъа атылды. Санки шейтан аетлернинъ арасына «путларнынъ шефааты умют этиледжек» манасында бир фысылты иляве этти, мушриклер де бундан мемнюн олып, седждеге баргъанлар. Анджакъ, янълэшлыкъ сонърадан анълашылгъан эди, эльбетте!

Бу адисени факъат Ислям душманлыгъыны куткен базы шаркъшынаслар киби бир такъым кимселер акъыкът зан эткенлер. Амма тефсир, хадис, сиер ве Ислям тарихы алимлери эм ривает тарафындан, эм де иддианынъ Ислям акъидесине уймагъаны тарафындан бу уйдурылгъан адисени тедкъыкъ этип, къатий шекильде яланлагъанлар.

Биринджиден, Аллах Ресули, салляллаху алейхи ве селлем, иляхий вахийни инсанларгъа теблигъ этюв вазифесинде гъафлеттен, янълмадан муафаза этильген. Шейтаннынъ пейгъамберлернинъ рисалет вазифелерине киришмеси асла мумкюн дегиль. Аллах Таала шейтаннынъ мумин къуллар устюнде биле бир кучьнинъ олмагъаныны биль-

диргени такъдирде («Хиджр», 42), шейтаннынъ Пейгъамберимизнинъ теблигине киришмеси ич де мумкюн дегильдир.

Пейгъамбер Эфендимиз рисалетинде эр тюрлю унутув, гъафлет, гунях ве хатадан узакътыр, о кетирген Къуран-ы Керим де иляхий муафаза астындадыр. Ает-и керимелерде буюрыла:

لَا يَأْتِيهِ الْبَاطِلُ مِنْ بَيْنِ يَدَيْهِ وَلَا مِنْ خَلْفِهِ تَنْزِيلٌ مِنْ حَكِيمٍ حَمِيدٍ

**«Онъа (Къуран-ы Керимге) не огюнден, не де артындан ба-
тыл якъынлашмаз. О, бутюн кяинат макътагъаны икмет саиб
тарафындан парча-парча эндирильген»** («Фуссилет», 42).

إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ

**«Ич шубе ёкъ ки, Къуранны Биз эндирдик, ве, эльбетте,
оны кене де биз къорчалайджакъмыз»** («Хиджр», 9).

Гъараник иддасы кечкен ривает сенед тарафындан мердуттыр. Бу хусуснен алякъалы оларакъ Ибн-и Хузейме «Гъараник адисеси зындыкъларнынъ яланларындандыр» деген (Исмаил Джеррахогълу, ДИА, «Гъараник» мад., XIII, 363).

Сахих хадислерни ривает эткен ич бир китапнынъ буны накъиль этмемеси, ич бир ишанчлы равининъ буны сахих ве муттасыл бир сенеднен ривает этмемеси, онынъ чюрюклигини косътермек ичюн етерлидир (Къады Ияд, II, 132).

Гъараник иддасы акъыл тарафтан да мумкюн дегильдир. Чюнки Гъараникте ширк иддасы бар. Албуки, Ислям дини ильк андан ити-барен келиме-и тевхидни теблигъ эткен. Ислямнынъ темель ташы олгъан тевхид инамынынъ къаршысында бу киби иддаларнынъ акъ-ылгъа сыгъаджакъ ич бир тарафы ёкътыр. Бу меселе иле алякъалы «Неджм» суресинде баштан сонъуна къадар ширк ве Аллахкъа ортакъ къошмакъ тенкъид этильмектедир, путларнынъ къуру исимлерден ибарет олгъаны, мушриклернинъ сырф зан ве авеслерине уйгъанла-ры бильдирильмектедир. Бойле бир муддет ичинде мушриклернинъ бегенип, седжде этеджеклери бир сёзнинъ къарыштырылмасы мум-кюн дегильдир.

Бу ботенге энъ гузель джевап, иште, бу суренинъ башында бериле:

* مَا ضَلَّ صَاحِبُكُمْ وَمَا غَوَىٰ وَمَا يَنْطِقُ عَنِ الْهَوَىٰ إِنْ هُوَ إِلَّا وَحْيٌ يُوحَىٰ

«Аркъадашынъыз (Мухаммед) аддини ашмады ве батыл-гъа инанмады, о арзусына коре де лаф этмез. О (онъа бильдиргенлер) вахийден башкъа шей дегиль» («Неджм», 2-4).

Ислям алимлери тарафындан бу меселенинъ мусульманларгъа къаршы кинли бир душманлыкънынъ эсери оларакъ ортагъа чыкъарылгъаны пек чокъ джеэттен исбат этильген. Он учъ сенелик Мекке деври ширкни ёкъ этмек ве юреклердеки инамны пекитмекнен кечкендир. Чюнки тевхид инамы юректе Аллахтан башкъа эр анги бир варлыкънынъ ортакълыгъыны къабул этмей.

Экинджи Хабешистан хиджрети

Биринджи Хабешистан хиджретине пек къулакъ асмагъан Къурейш мушриклери мухаджирлернинъ яхшы къаршыланып алынганларыдан хабердар олгъанларынен, теляшкъа къапылдылар. Олар, Ислям этрафкъа яйылса, оны токътатып оламайджакъларыны тюшюне эдилер. Хабешистан укумдарындан мусульманларны кери истемек хусусында бир къараргъа келип, аман анда Абдуллах бин Рабаи ве Амр бин Асны чешит эдиелернен ёлдадылар.

Эбу Талиб Къурейшлилернинъ Неджашийге эльчи ве эдиелер ёллагъанларындан хабердар олгъанынен, мухаджирлерни мушриклернинъ айнеджилигинден къорчаламакъ макъсадынен Неджашийге оны макътагъан бир шиир язып ёллады (Ибн-и Хишам, I, 356).

Амр ве аркъадашы Неджаший иле корюшмеден эвель, онынъ ярдымджыларына чешит эдиелер берип, оларны озъ тарафына чектилер. Мушриклернинъ эйети даа сонъра Неджашийге эдиелерини такъдим эттилер ве бойле дедилер:

– «Эй, укумдар! Бизден бир такъым акъылы чалышмагъан яшлар сенинъ мемлекетинъе келип сыгъындылар. Олар аталарынынъ динини терк эттилер, сенинъ дининъе де кирмедилер. Олар янъы бир

дин ортагъа чыкъардылар. Акърабалары оларны къайтарып кетирмек ичюн бизни санъа ёладылар. Чюнки къавмимиз буларны эр кестен даа яхшы таный ве къабаатларыны эр кестен даа яхшы биле».

Олар Неджашийнинъ Джафер ве аркъадашларыны динълемесинден къоркъа эдилер. Олар Неджаший сораштырмадан, мухаджирлерни оларгъа теслим этмесини истей эдилер.

Укумдарнынъ везирлери де:

– «Эфендим! Бу адамлар догъру айталар. Қъавимлери оларны даа яхшы биле. Сен оларны бу адамларгъа теслим эт, мемлекетлерине алып кетсинлер!», – дедилер.

Неджаший ачувланды ве:

– «Ёкъ! Мен оларны динълемеден, аман теслим этмейджем! Мени башкъаларгъа терджих этип, мемлекетиме сыгъынгъан бу джемааткъа яманлыкъ япмайджам», – деди ве хабер ёллап, мухаджирлерни янына чагъырты.

Неджаший озюнинъ дин адамларыны да чагъырды. Олар Неджашийнинъ чевресинде, китаплары ачыкъ бир вазиятте отурдылар.

Мухаджирлер кельгенинен Неджаший эр эки тарафны да хузурында юзь-юзьге кетирди. Тарихий бир эеджан яшанды. Мусульманлардан сёз айтаджакъ Хазрети Джафер, радиалаху анх, эди.

Неджаший мухаджирлернинъ реиси Джафер Тайяргъа чеврильди:

– «Къурейшлилер эльчи ёладылар, Меккеге къайтманъызны истейлер», – деди.

Джафер укумдаргъа:

– «Эй, укумдар, булардан соранъыз! Къулмызмы, бизлерни кери истейлер?», – деди.

Неджаший Амр бин Аскъа бакъты. О да шойле джевапланды:

– «Ёкъ, эписи урьлер!»

Къонушма бойле девам этти:

– «Соранъыз булардан! Биз борджлу кимселермизми ёкъса, бизлерни кери истейлер?»

– «Ёкъ ич бирисининъ кимсеге борджу ёкъ!»



– «Соранъыз булардан! Биз къатильмизми, бизлерни иникъам алмакъ ичюн чагъыралар?»

– «Ойле дегиль, бойле бир истегимиз де ёкъ!»

– «Ойле исе, бизлерни неден кері истейлер?»

О вакъыт Амр бойле деди:

– «Булар деделеримизнинъ дининден айрылдылар. Иляхларымызны акъарет этелер. Яшларымызнынъ инамларыны бозалар. Халкъымызнынъ арасына фитне, болюджилик сокътылар. Бутюн Мекке халкъы экиге болюнди».

Неджаший:

– «Сиз не меним диниме, не де озъ къавминъизнинъ динине кир-мейсинъиз, сизинъ къабул эткенинъиз бу дин насыл бир диндир?», – деп сорады.

Джафер Тайяр сёзге башлады:

– «Эй, эмир! Биз джаиль бир къавим эдик. Таштан, агъачтан япылгъан путларгъа илях деп, табына эдик. Ольген айванларнынъ этлерини ашай, къыз балаларымызны тири-тири ерге коме эдик. Къумар ойнай, фаизджилик япа эдик. Зинаны ве бир къадыннынъ бир къач эркекнен джинсий мунасебетте олмасыны хош коре эдик. Акърабаларымызгъа нисбетен вазифелеримизни бильмей эдик. Къомшуларымызнынъ хакъларыны танымай эдик. Кучълюлер за-йыфларны эзе, зенгинлер фукъаренинъ аркъасынен къазана эди. Арамызда хакъ-укъукъ недир, билинмей эди.

Аллах Таала бизлерге мерхамет этти, тюзельмемизни тиледи ве ичимизден бир пейгъамбер ёлады. О пейгъамбер асыллы, сою ве къабилеси темиздир. Оны «Эмин» (ишанчлы) деп исимлендирген эдик. О бизни Аллахнынъ бирлигине чагъырды. Онъа ибадет этмекни огретти. Деделеримизнинъ путларындан къуртарды. Бутюн ахлякъ-сызлыкълардан узакълаштырды. Къан тѣкмекни, къумар ойнамакъ-ны, ичкини, фаизни, яланджылыкъны, етимлернинъ малларына токъ-унмакъны ясакълады. Бизге эп эйиликлерни огретти. Догърулыкъны, сѣзде турмакъны, къомшу ве акърабагъа яхшы давранмакъны, къадынларнынъ шерефини, къыз балаларнынъ аятыны къуртарма-мызны эмир этти. Бизни вахшийликтен къуртарды. Меденийликке



къавуштырды. Бизим эйи бир инсан олмамызны теминледи. Онынъ ёлундан юремиз. Бу себептен къурейшлилернинъ душманлыгыны къазандыкъ. Чешитли эскенджелерге огърадыкъ. Факъат эскенджелер даянылмаз алгъа кельгенинен, динимизден къайтмакъ истемегенимиз ичюн, Пейгъамберимизден рухсет алып, укъмдарлар арасында сизни сайладыкъ ве мемлекетинъизге кельдик. Юртунъызда зулумгъа огърамайджагъымызны умют этип, къорчаламанъызгъа сыгъындыкъ!»

Джафер, радиаллаху анхнынъ айткъанларыны дикъкъатнен динъ-леген Неджаший:

«Аллах тарафындан Пейгъамберинъизге ёлланылгъан вахийден эзберден бир шей билесинъми?», – деп сорады.

Джафер, радиаллаху анх:

– «Эльбетте», – деди ве «Меръем» суресининъ ильк аетлеринден Яхъя ве Иса, алейхимусселамларнынъ догъумларынен алякъалы аетлерни окъуды. Неджаший ве онынъ адамлары тесирленип агъладылар.

Сонъ Неджаший:

«Аллахкъа емин этем ки, бу сёзлер Хазрети Муса ве Хазрети Исагъа энген вахийнен айны менбадандыр», – деди ве Къурейшнинъ эльчилерине чеврилип:

– «Мен бу мухаджирлерни сизлерге теслим этип оламам!», – деп, теклифлерини къабул этмеди.

Эльчилер Неджашийнинъ янындан айрылгъанлары вакъыт, Амр:

– «Аллахкъа емин этем ки, Неджашийге буларнынъ Иса бин Меръемнинъ бир къул олгъанына инангъанларыны хабер береджем ве оларнынъ тамырларыны къурутаджам!», – деди.

Эртеси кунъ, Неджашийнинъ хузурына чыкълп:

– «Эй, укъмдар! Олар Иса бин Меръем акъкъында пек агъыр бир сёз сёйлейлер! Истесенъ, янынъа чагъыр да, онынъ акъкъында нелер айткъанларыны сора», – деди.

Неджаший мусульманларны текрар янына чагъырды ве оларгъа:



– «Мерьем огълу Иса акъкъында не тюшюнесинъыз, айтынъыз бакъайыкъ», – деди.

Джафер Тайяр Хазретлери:

– «Биз оны Пейгъамберимиз огреткени киби билемиз. Аллах Ресули онынъ акъкъында бойле буюра:

– «Иса Аллахнынъ къулу, Ресули, Руху ве эр шейни ташлап, озюни Аллахкъа адагъан Хазрети Мерьемге берильген Келимесидир», – дегенинен Неджаший ерден бир пытачыкъ алып:

– «Аллахкъа емин этем ки, Иса бин Мерьем де сенинъ айткъанларындан башкъа бир шей дегильдир! Сизинъ айткъанларынынънен Хазрети Исанынъ акъыкъаты арасында шу къадар бир фаркъ биле ёкътыр!», – деди.

Неджаший буны айткъанынен этрафындаки везирлер мырылданмагъа башладылар. Неджаший оларгъа:

– «Валлахи, сиз мырылдасанъыз биле, акъыкъат будыр!», – деди.

Мухаджирлерге де:

– «Барынъыз! Сизлер меним мемлекетимде аманлыкътасынъыз! Сизге тиль узаткъан кимсе джезаландырыладжакъ. Дагъ къадар алтын берселер биле, мен сизден бирисине эзиет этмек истемем. Кетирген эдиелерини де шу эки адамгъа къайтарып беринъыз! Меним оларгъа ихтияджым ёкъ! Эгер пейгъамбернинъ янында олса эдим, онынъ аякъларына сув төкер, онъа хызмет этер эдим!», – деди (Ибн-и Хишам, I, 356-361; Ахмед, I, 202-203, Хейсемий, VI, 25-27).

ПЕЙГЪАМБЕРЛИКНИНЪ 6-ДЖИ ЙЫЛЫ

Хазрети Хамзанынъ мусульман олувы

Аллах Ресули, салляллаху алейхи ве селлем, мушриклерге Кябеде Къуран-ы Керим окъумакъ ичюн тек асхабыны ёлламай эди. Вакъты-вакътынен озю де барып, оларгъа Аллахнынъ аетлерини окъуй эди. Бир кере Эбу Джехиль Хазрети Пейгъамбер, салляллаху алейхи ве селлемни пек чокъ акъарет этти. Этрафында топлангъан мушриклерге кучъ ве къуветини косътермеге истеген Эбу Джехиль даа зияде къылынмагъа башлады. Буны корьген бир къадын чапып барып, авдан янъы къайткъан Хазрети Хамзагъа хабер берди:

– «Эй, йигитлер йигити! Торунынъны Кябеде акъарет этелер, къоркъам ки, онъа эзиет этип бир феналыкъ япаджакълар!», – деди.

Хазрети Хамза аджеле Кябеге барды ве мельун Эбу Джехильге мания олды. Элиндеки яйнен о пис адамнынъ башына ойле бир урды ки, Эбу Джехильнинъ башындан къанлар акъмагъа башлады. Бойле бир шейнинъ оладжагъыны тюшюнмеген иман душманы, шашкъын бир вазиятте джаныны къуртармакъ ичюн о ерден къачты. Буны корьген дигер мушриклер де яваш-яваш дагъылдылар. Чюнки эписи Хамзанынъ кучюни пек яхшы биле эди. Ондан Къурейшининъ бутюн пельванлары сакъына ве къаршысына чыкъмагъа джесюрликлери етмей эди.

Бундан сонъра Хазрети Хамза Алемлернинъ Эфендисини олгъан торуну Мухаммед Мустафа, салляллаху алейхи ве селлемнинъ янына келип:

– «Иште, интикъамынъны алдым я, Мухаммед; энди раат ол!», –



деди.

Ресул-и Экрем де, эмджесининь бу арекетине джевап оларакъ:

– «Эй, эмдже! Мен, аслында, сенинь мусульман олувыньдан къуванаджам!», – дегенинен, Хазрети Хамзанынь гоньлюндеки гъафлет перделери котерильди ве о, йигитлер йигити акыкьятны анълап, тебессюм иле торунына бакъты ве онынъ юдже нуруны сейир эте-ете:

أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ

– деп, келиме-и шехадет кетирди.

Хазрети Хамза, радиаллаху анх, Пейгъамберимизден эки яш буюк эди ве онынъ эм эмджеси, эм де сют къардашы эди (Ибн-и Хишам, I, 312-313; Хаким, III, 213; Ибн-и Кесир, «Бидае», III, 84).

Аллах Ресули «Эй, эмдже! Мен, аслында, сенинь мусульман олувыньдан къуванаджам!» деп, шахсий интикъамынынъ алынмасыны дегиль, онынъ хидаетке къавушаджагъыны бильдирип, дюнья ерине ахыретни терджих эткенини косьтергендир.

Бу адиседен Ислямны юджельткен хызметлерни шахсий менфатларымызгъа терджих этмек ве бу хусустаки хызметлер ичюн севинмек керек олгъанымызны огренемиз.

Хазрети Хамзанынь мусульман олгъаны кунь Эбу Бекир, радиаллаху анх, Пейгъамберимизге эп берабер Месджид-и Харамгъа барып, анда олгъан инсанларны Ислямгъа давет этмеге исрар этти. Аллах Ресули исе:

– «Эй, Эбу Бекир! Даа сайымыз пек аз!», – буюрды.

Хазрети Эбу Бекир даа чокъ исрар эткенде, Пейгъамбер Эфендимиз асхабынен бирликте Дару'ль-Эркямдан чыккып, Месджид-и Харамгъа кете. Кябеге кельгенде, Эбу Бекир, радиаллаху анх, инсанларны Аллахкъа ве Онынъ Ресулине имангъа давет этмеге башлагъан эди. Мушриклер апансыздан Хазрети Эбу Бекир ве мусульманлар устюне уджюм этип, оларны котеклемеге башладылар. Атта фасыкъ Утбе Эбу Бекир, радиаллаху анхнынъ устюне чыккып, оны таптады ве юзюне демир табанлы аяккъабысынен тепти. Эбу Бекирнинъ бедени къан ичинде къалды. Эбу Бекирнинъ къабилеси

олған Тейм оғулары оны зорнен мушриклернинъ элинден къуртардылар.

Тейм оғулары оны эсини джойған бир алда эвине кетирдилер. Оледжегини тюшюнип, аман Месджид-и Харамға кирдилер ве:

– «Эгер Эбу Бекир оледжек олса, валлахи, биз де Утбени ольдюримиз!», – дедилер.

Хазрети Эбу Бекир акъшам озюне кельди ве башта бинъ бир заметнен шуны сорады:

– «Ресулюллах насыл, яхшымы?»

Анасы Уммухайр девамлы:

– «Бир шей аша, ич!», – деп, исрар эткен вакъытта Эбу Бекир, радиаллаху анх, оны дуймаған киби:

– «Ресулюллах не япа, не алдадыр?», – деп, сорай эди.

Уммухайр:

– «Балам! Достунъ акъкъында бир шей бильмейим», – деди.

Хазрети Эбу Бекир анасыны Ресулюллах акъкъында бильги алмакъ ичюн мусульман бир къадын олған Умму Джемильге ёллады. Умму Джемиль келип, Хазрети Эбу Бекирни бойле перишан бир алда корьген сонъ, озюни тутамадан ферьят этти:

– «Аллахкъа емин этем ки, санъа буны япкъанлар, ич шубесиз, фасыкъ ве кяфирдир! Оларнынъ санъа япкъанларыны Аллах янларына быракъмасын», – деди.

Даа сонъ Эбу Бекирнинъ суалине джевап берип, Аллах Ресулюнинъ Дару'ль-Эркъамда сагъ-селямет олганыны бильдирди. Хазрети Эбу Бекир:

– «Аллахкъа емин олсун ки, Ресулюллахны корьмеден не ашар, не ичерим!», – деди.

Орталыкъ сакинлешип, эр кес эвлерине дагъылған вакъыт, анасы ве Умму Джемиль къолтукъларына кирип, Эбу Бекир, радиаллаху анхны Пейгъамберимизнинъ янына кетирдилер.

Хазрети Эбу Бекир Фахр-и Кяинат, салляллаху алейхи ве селлемни корер-корьмез, тизлерине къапалды. Къыйметли достунынъ бу алы Алемлернинъ Султаны Эфендимизни сонъ дередже кедерлендирди. Хазрети Эбу Бекир:



– «Анам, бабам санъа феда олсун, меним ич бир къасеветим ёкъ, я, Ресулюллах! О фасыкъ мени азчыкъ хырпалады, о къадар», – деди ве Алах Ресули, салляллаху алейхи ве селлемден анасынынъ хидаети ичюн дуа этмесини истеди.

Пейгамберимизнинъ дуасы берекетинен Эбу Бекир, радиаллаху анхнынъ анасы да иман этти (Ибн-и Эсир, «Усду’ль-гъабе», VII, 326; Ибн-и Кесир, «Бидае», III, 81).

Мусульман сайысынынъ суръатнен чокълашмасы ве Хазрети Хамза радиаллаху анх киби батырларнынъ Ислямгъа кирмесинден себеп теляшлангъан мушриклер бир топлашув япып:

– «Мухаммеднинъ вазиети джиддийлешти, о, ишлеримизни къарыштырды. Ырымда, этнеде, шиирде энъ алим кимсемизни онъа ёллайыкъ да, онынънен лаф этсин!», – дедилер.

Пейгамберимизге Утбе бин Ребианы ёлладылар. Утбе мушриклернинъ даа эвель якъан теклифлерини зиядесинен текрар этип, узун-узон лаф этти. Алах Ресули оны сёзлерини битиргенине къадар сессиз динъледи. Сонъра:

– «Эбу’ль-Велид! Айтаджакъларынъ биттими?», – деп сорады.

Утбе:

– «Эбет!» – демесинен, Ресулюллах салляллаху алейхи ве селлем:

– «Энди сен мени динъле!», – буюрды ве «Бисмиллях» чекип, «Фуссилет» суресини окъумагъа башлады. Седжде аети олгъан 37-джи аетини окъуп, седжде эткенден сонъ:

– «Эбу’ль-Велид! Окъугъанларымы динълединъ. Артыкъ, иште, сен, иште, О!», – буюрды.

Утбе туруп, аркъадашларынынъ янына кельгенде, олар:

– «Валлахи, Эбу’ль-Велид бир тюрю олгъан. Алы да фена ?!», – дедилер.

Янларына кельгенде, эеджаннен Утбеге:

– «Не олды, анълат?», – дедилер.

Утбе:

– «Валлахи, ойле бир сёз динъледим ки, бу вакъыткъа къадар ич эшитмеген эдим. О не шиир, не ырым, не де этнедир! Мухаммед:

فَإِنْ أَعْرَضُوا فَقُلْ أَنْذَرْتُكُمْ صَاعِقَةً مِثْلَ صَاعِقَةِ عَادٍ وَثَمُودَ

«Эгер юз чевирселер, оларгъа сёйле ки: «Ад ве Семуд (къавимлерининъ) башына кельген йылдырымгъа ошагъан бир йылдырымнен сизни тенбие этем» («Фуссилет», 13) айткъанда, даа чокъ окъумасын деп, элимнен агъызыны тутып, акърабалыгъымыз акъкыы ичюн емин эттим. Мухаммеднинъ айткъаны эр шейнинъ мейдангъа кельгенини бильгеним ичюн, бизге азап келеджегинден къоркътым.

Эй, Къурейш джемааты! Келинъ, мени динъленьиз! Оны озы ишинен баш-баша къалдырынъыз, арадан чекилинъиз! Эгер оны башкъа араплар ольдюрселер, сиз де башкъасынынъ элинен ондан къуртулырсынъыз. Арапларгъа аким олса, онынъ акимieti сизинъ акимietиниз, онынъ къудрет ве шерефи сизинъ къудрет ве шерефинъиз демектир. Бойледже, Мухаммед саесинде инсанларнынъ энъ сеадетлиси олурсынъыз!», – деди.

Къурейшлилер:

– «Эй, Эбу'ль-Велид! О санъа да тилинен этне япкъан!», – дедилер.

Утбе:

– «Меним фикрим будыр. Сиз насыл истесенъиз, ойле япынъыз!», – джевабыны берди (Ибн-и Хишам, I, 313-314; Ибн-и Кесир, «Бидае», III, 111-112).

Хазрети Умернинъ мусульман олувы

Хазрети Умер Аллах Ресулинден он учъ яш кичиктир. Сою докъузынды бабада Пейгъамбер Эфендимизнен бирлеше.

Мушриклер Дару'н-Недведе топланалар ве Хазрети Пейгъамберни ольдюрмек ичюн Умерни сайлап ёллайлар. Умер Алемлернинъ Эфендисини ольдюрмек истегинен ёлгъа чыкъа. Ёлда Нуайм бин Абдуллах, радиаллаху анхкъа раст келе.

Нуайм:

– «Эй, Умер! Къайда кетесинъ?», – деп сорай.

О:

– «Аталарынынъ динини быракъып, янъы бир дин кетирген Мухаммедни ольдюрмеге кетем», – дей.

Нуайм, радиаллаху анх:

– «Эй, Умер! Валлахи, нефсинъ сени алдатты! Сен оны ольдюр-сенъ, Абду Менаф огуллары сени сагъ къалдырырлар деп тюшюне-синъми?! Сен эвель озъ аилење бакъсанъ, даа яхшы олур!», – дей.

Хазрети Умер:

– «Кимни айтасынъ?», – деп сорай.

Нуайм, радиаллаху анх:

– «Эништень Саид бин Зейд ве къардашынь Фатимени айтам! Валлахи, экиси де мусульман олдылар», – деди.

Нуайм Умернинъ ярамай ниетини анълап, вазиетни Аллах Ресулине бильдирмек ичюн фырсаат къазанмакъ тюшюнджесинен Умерни къардашы ве эништесининъ эвине алып кельди. Янъы хабер алгъан Умер чокъ гъадапланды ве айланып, къардашынынъ эвине кетти.

О арада, къардашы ве эништесининъ янында Хаббаб, радиалла-ху анх, Къуран-ы Керим окъуй эди. Эв саиплери Умернинъ кельгени-ни корип, Хаббабны эвнинъ бир одасына сакъладылар. Фатиме да аман Къуран-ы Керим саифелерини сакълады.

Умер эвге киргенде:

– «Не эди о эшиткен сёзлерим?», – деп сорады.

Эништеси ве къыз къардашы:

– «Сен янълыш дуйдынъ, мында ойле бир шей ёкъ!», – дедилер.

Умер:

– «Ёкъ! Валлахи, экинъизнинъ де Мухаммедге таби олгъанынъ-ыздан хаберим бар!», – деди ве ачувнен эништесине уджюм этти, оны урмагъа башлады. Арагъа кирген къардашы Фатимеге де къол узатты. Фатиме:

– «Я, Умер! Не япсанъ, яп! Истесенъ, бизни ольдюр. Биз мусуль-манлыкътан асла вазгечмемиз!», – деди.

Къардашындан бойле бир джевап беклемеген Умер шашырды.

Фатименинъ юзю ал-къан олгъан эди. Къыз къардашынынъ

юзюндеки кыанларны корип пешман олды ве:

– «Шу окыугъанларыңызны кетиринъ бакъайым!», – деди.

Къыз кярдашы:

– «Биз сен о саифелерге бир шей япарсынъ деп къоркъамыз!», – деди.

Умер:

– «Къоркъма!», – деди ве танърылар адына оны окыугъандан сонъ къайтараджагына емин этти.

Бундан сонъ Фатиме, онынъ мусульман оладжагына умют этип:

– «Эй, кярдашым! Сен путкъа табынган муддетче темиз дегильсинъ! Амма Къуран язылы саифеге темиз олгъандан башкъасы элинен токъунамаз!», – деди.

Умер туруп ювунды, Фатиме Хатун онъа саифелерни берди. Сонъ ает-и керимелерни окыумагъа башлады:

طه. مَا أَنزَلْنَا عَلَيْكَ الْقُرْآنَ لِتَشْقَى. إِلَّا تَذَكُّرَةً لِّمَن يَخْشَى. تَنزِيلًا مِّمَّنْ خَلَقَ
الْأَرْضَ وَالسَّمَوَاتِ الْعُلَى. الرَّحْمَنُ عَلَى الْعَرْشِ اسْتَوَى. لَهُ مَا فِي السَّمَوَاتِ
وَمَا فِي الْأَرْضِ وَمَا بَيْنَهُمَا وَمَا تَحْتَ الثَّرَى. وَإِنْ تَجْهَرُ بِالْقَوْلِ فَإِنَّهُ يَعْلَمُ السِّرَّ
وَأَخْفَى. اللَّهُ لَا إِلَهَ إِلَّا هُوَ لَهُ الْأَسْمَاءُ الْحُسْنَى. وَهَلْ آتَيْكَ حَدِيثُ مُوسَى. إِذْ رَأَى
نَارًا فَقَالَ لِأَهْلِهِ امْكُثُوا إِنِّي آنَسْتُ نَارًا لَّعَلِّي آتِيكُم مِّنْهَا بِقَبَسٍ أَوْ أَجْدُ عَلَى النَّارِ
هُدًى. فَلَمَّا آتَاهَا نُودِيَ يَا مُوسَى. إِنِّي أَنَا رَبُّكَ فَاخْلَعْ نَعْلَيْكَ إِنَّكَ بِالْوَادِ الْمُقَدَّسِ
طُوًى. وَأَنَا اخْتَرْتُكَ فَاسْتَمِعْ لِمَا يُوحَى. إِنَّنِي أَنَا اللَّهُ لَا إِلَهَ إِلَّا أَنَا فَاعْبُدْنِي وَأَقِمِ
الصَّلَاةَ لِذِكْرِي. إِنَّ السَّاعَةَ آتِيَةٌ أَكَادُ أُخْفِيهَا لِتُجْزَى كُلُّ نَفْسٍ بِمَا تَسْعَى. فَلَا
يُصَدِّكَ عَنْهَا مَنْ لَا يُؤْمِنُ بِهَا وَاتَّبَعَ هَوَاهُ فَتَرْدَى

«Та. ха. Биз Къуранны санъа, кучълук чекерсинъ деп дегиль, анджакъ Аллахтан къоркъкъанларгъа бир огют олсун, деп эндирдик. (Къуран) ерни ве юдже коклерни яраткъан

Аллах тарафындан пеш-пешине эндирильгендир. Рахман, Аршкъа истива эткендир. Коклерде, ерде ве экиси арасында олгъан шейлернен, топракънынъ алтында олгъанлар – эп Онынъдыр. Эгер сен, сёзни ачыкъ сёйлер исенъ, билесинъ ки, О, гизлини де, гизлининъ гизлисини де билир. Аллах – озюнден башкъа илях олмагъандыр. Энъ гузель исимлер Онъа махсустыр. (Ресулим!) Муса (вакъиасынынъ) хабири санъа келип етими? О вакъытта, о бир атеш корьген ве аилесине: Бекленъ! Эминим ки, бир атеш корьдим. Бельки, ондан сизге бир мешале кетиририм я да атешнинъ янында бир ребер тапарым, деген эди. О ерге баргъанда онъа (тарафымыздан): Эй, Муса! деп сесленильди: Мухакъкъакъ ки, мен, эбет мен сенинъ Раббинъим! Аман папучларынынъ чыкъар! Чюнки сен мукъаддес вадий Туваадасынъ! Мен сени сечтим. Шимди вахий этильгенге къулакъ бер. Мухакъкъакъ ки, мен, ялынъыз мен Аллахым. Менден башкъа илях ёкътыр. Манъа къуллукъ эт; мени анъмакъ ичюн намаз къыл. Къыямет куню мытлакъа келеджек. Эр кес пешинден чапкъан шейининъ къаршылыгыны булсун, деп аман-аман, оны (озюнден) гизлейджем. Онъа инанмагъан ве нефсининъ истеклерине уйгъан кимселер сакъын сени ондан (къыяметке инанувдан) вазгечтирмесин; сонъунда махв олурсынъ!» (Таха, 1-16)

Бу аетлерни окъугъан Умер шашты ве:

«Бу сёзлер не къадар гузель! Не къадар дегерли!»- деп айткъаныны озю де дуймады.

Къураннынъ фесахат ве белягъаты онъа сонъ дередже тесир этти. Бу сёзлер, бир инсаннынъ асла сёйлейемейджеги акъикъат ве икметлернен толудыр. Бир ан терен-терен тюшюнджелерге далды.

Хазрети Умернинъ сёзлерини эшиткен Хаббаб -радиаллаху анх-, сакълангъан ерден чыккып:

«Эй, Умер! Валлахи Ресулюллахнынъ дуасы санъа насип оладжакъ. Пейгъамберимиз кечкен кунъ:

«Я Рабби! Исламны Эбуль-Хакем бин Хишам я да Умер бин Хаттабнен кучьлендир!»- деп дуа этти. Эй, Умер! Артыкъ Аллахтан



кьоркь!»- деди.

Хазрети Умер, Хаббабгъа:

«Эй, Хаббаб! Сен мени Мухаммеднинъ булунгъан ерге алып кет де мусульман олайым!»- деди.

Аман ёлгъа чыкътылар. Бу сеферки адымлар, иман, ашкъ ве эд-жан ичинде Ресулюллахнынъ акъикъатыны идрак этебильменинъ му-хаббет ве истегинен толу эди.

О, Эркъамнынъ эвине баргъанда оны Хазрети Хамза кьаршыла-ды. Белинде кылычы азыр вазиятте эди. Чюнки Нуайм -радиаллаху анх-, оларгъа даа эвельки хаберни берген эди. Ондан сонъ Умернен нелер оладжагъыны кимсе бильмей эди.

Пейгъамберимиз да турып догъру Умернинъ янына барды. Оны кьаршылады ве не ичюн кельгенини сорады. Хазрети Умер джева-быны бир джумленен берди:

«Мусульман олмагъа кельдим, я РесульАллах!»

Бунынъ узерине Аллах Ресули, салляллаху алейхи ве селлем, Аллахкъа шукюр этерек:

اللَّهُ أَكْبَرُ

буюрды. Бутюн асхаб юксек сеснен текбир кетирмеге башлады. Бойледже, Аллах Ресули салляллаху алейхи ве селлемнинъ бир дуасы даа джевабыны алды.

Хазрети Умер кьонушмагъа башлагъанында къальби раат бир шекильде ильк сёйлегени сёз келимеи шехадет олды:

أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ

Пейгъамбер Эфендимизнинъ дуасы, Умер бин Хаттабгъа насип олды. Эбу Джехиль исе, тюшкен бахтсызлыкъ чукъурында эляк олад-жакъ эди. (Ибн-и Хишам, I, 365-368)

Хазрети Умернинъ Аллах Ресулининъ янында келиме-и шаха-дет кетирип Ислямгъа кирмесинден сонъ, онынъ теклифинен бу-тюн мусульманлар топлу оларакъ Эркъамнынъ эвинден чыкътылар. Текбирлер кетирип Кябеге догъру юрьмеге башладылар...

Бу вазият мушриклерни къркътты. О вакъыт Аллах Ресули Хазрети Умерге, хақ иле батылны айырғаны ичюн «Фарукъ» сыфатыны берди. (Диярбекри, I, 296)

Хазрети Умер о куньлерни бойле аңлатыр:

«Мусульман олып да эзийет ве джефа чекмеген, муджаделе этмеген кимсе ёкъ эди. Амма манъа кимсе токъунмаз эди. Озь озюме дедим ки:

«Мусульманлар чешитли мусибетлерге огърағаны вакъыт, мен селяметте кълмакъ истемем!»

Ислямгъа киргеним гедже тюшюндим, Мекке мушриклеринден, Ресулюллах, салляллаху алейхи ве селлемге кършы душманлыкъта энъ огде олған ким исе, онъа барып мусульман олғанымны айтмагъа кърар бердим. Саба олғанда Эбу Джехильнинъ кълпысыны чалдым. Кълпыгъа чыкъты:

«Хош кельдинъ, эй, Умер! Не хабер кетирдинъ?»- деди.

Мен:

«Аллах ве Ресулине иман этип, онынъ кетирген бутюн шейлерни тасдиқ эткенимни санъа бильдирмеге кельдим!»- дегенде, манъа лянет этип кълпыны юзюме кълпатты. » (Ибн-и Хишам, I, 371)

Даа сонъ Хазрети Умер, Къурейшнинъ ярамаз мушриклеринден дайысы Велид бин Мугъиреге ве акъикъат душманы олған башкъа эки мушрикке де барып, бу гузель хаберни айтты. Факъат олардан ич бири онъа бир шей япмагъа джесарет этмедилер, кълпыны юзюне чарпарақъ, эвлерине чекинген эдилер.

Абдуллах ибн Месуд -радиаллаху анх- бойле дер:

«Хазрети Умернинъ мусульман олмасы - бир фетих, хиджрети – бир ярдым, халифелиги де – бир рахмет эди! Умер -радиаллаху анх- мусульман олғангъа къадар Кябенинъ янында ачыкътан намаз кълламаз эдик. О мусульман олғанынен Къурейшли мушриклернен муджаделе этти, олар да бизни сербест быракътылар. (Хейсеми, IX, 62-63)

Хазрети Умер, хиджретке къадар Ислям огърунда муджаделе этти ве пек чокъ зорлуқларгъа маруз кълды.

ПЕЙГЪАМБЕРЛИКНИНЪ 7-9-ДЖИ ЙЫЛЛАРЫ

Мушриклернинъ мусульманларны ёкъ этюв сиясети: учъ сене девам эткен бойкот

Ислям, бутюн къаршылыкъларгъа рагъмен кунъ кечтикче кенишлей ве бу вазият мушриклернинъ кин ве аседлерининъ артмасына себеп ола эди. Бу алгъа даянмагъан мушриклер, Пейгъамберимизни ольдюрмек хусусында анълаштылар:

«Оны гизли я да ачыкътан, мухакъкъакъ ольдюреджекмиз!»- деп емин эттилер.

Эбу Талиб, Къурейш мушриклерининъ бу джинаетни ишлемеге азыр олгъаныны корьгендже, Аллах Ресулюнинъ аяты акъкъында эндишеге тюшти. Хашим ве Мутталиб огулларыны топлап, Фахр-и Кяинат, салмялаху алейхи ве селлем Эфендимизнинъ янында булунмаларыны ве оны эр тюрюлю телюкелерден къорчаламаларыны эмир этти.

Мухаррем айынынъ догъгъан геджеси, Эбу Талиб башларында олмакъ узьре, Аллах Ресули, бутюн Хашим ве Мутталиб огулларыны Эбу Талибнинъ маалмесинде топладылар. Ялынъыз Эбу Лехеб оларгъа къатылмады, мушриклернинъ сафында ер алмагъа девам этти.

Бунунъ узерине мушриклер, Ислямны даа чокъ яйылып къуветленмесинден эвель ёкъ эте бильмек ичюн бир тедбир тюшюндилер: икътисадий ве ичтимаий бир бойкот ве баскъынен бу диннинъ тазе кутуджилерини бунъалтып, ёнельдиклерини нурлу истикъаметтен гуя кери чевирмек!..Бу макъсаднен, Эбу Джахильнинъ башчылыгында топлангъан къаранлыкъ къальплер, мусульманлар ве оларны къор-



чалагъан Хашим огулларынен эр тюрю алыш-веришни кесмектен, къыз алып-бермек киби медений мунасебетлерге къадар, бутюн бешерий мунасебетлерни къопардылар. Буны бир ахтнаменен де тас-дикълап, Кябе диварына астылар.

Бу саифени Мансур бин Икриме язгъан эди. Саифенинъ язылгъан куню Аллах Ресули дуа этти ве Мансурнынъ эли къуруды. Бунынъ узерине мушриклер араларында:

«Хашим огулларына зулум эткенимиз ичюн Мансур мусибетке огърады!»- дегеге башладылар. (Ибн-и Хишам, I, 372-373; Ибн-и Сад, I, 208-209; Бухарий, Хадж, 45)

Бу бойкот узерине, эвельдже Меккенинъ фаркълы мааллелеринде дагъыныкъ бир суретте яшагъан мусульманлар, араларындаки алякъаны даа къолайлаштырмакъ ичюн, Хазрети Пейгъамбернинъ эмджеси Эбу Талибнинъ мааллесине кочтылер. Ресулюллах, саллялаху алейхи ве селлем де Эркъамнынъ эвинден чыкып, бу мааллеге ерлешти.

Эбу Талиб, эр анги бир ярамайлыкъ я да суикъасткъа къаршы бутюн тедбирлерни алгъан эди. Пейгъамбер Эфендимиз акъшам бир ятакъта ятар, гедже инсанлар юкьугъа далгъандан сонъ Эбу Талиб, огулларындан бирисини, Аллах Ресулининъ ятагъына ятыртыр, Эфендимизни де онынъ ерине ёллар эди. (Ибн-и Кесир, «Бидае», III, 132)

Буюк бир махрумиет деври башлады. Эбу Джехиль ве онынъ адамлары, гедже-куньдюз мусульманларынынъ мааллесини козете эдилер ве анда къачакъ эрзакъ кирмесине дахи мания олмагъа чалыша эдилер.

Чаршы ве базарлардан мусульманлар тарафына кеткен ёлларны кестилер. Сатылмакъ ичюн кельген ашларны, мусульманларгъа кечирмейип, оларны озьлери сатын ала эдилер. Мусульманларнынъ тек хадж мевсимлерде Эбу Талиб мааллесинден тышкъа чыкъмагъа имкянлары ола эди. Бу эснада муминлерден бири бала-чагъасы ичюн бираз ашайджагъыны алмакъ ичюн эр анги бир сатыджынынъ янына барса, Эбу Лехеб аман эрзакъ юклерининъ башына тура:

«Эй, туджджарлар! Фиятларны Мухаммеднинъ асхабына ойле



юксельтинъиз ки, олар сизден бир шей аламасынлар! Сиз меним зенгин ве сёзюни ерине кетирген бир кимсе олгъанымны билесинъиз. Бойле якъанынъыз такъдирде сизге бир зарар кельмейджегине мен кефилим!»- дей эди.

Мусульманлар ачлыкътан агълагъан балалары ичюн ашамагъа бир шей аламадан къайта эдилер. Туджджарлар эртеси саба Эбу Лехебнинъ янына келе, о да къалгъан малларыны юксек фиатнен ала эди. (Сухейли, II, 127-128)

Бу агъыр вазият къаршысында Ресулюллах, салляллаху алейхи ве селлем ве Хазрети Хатидже валидемиз, бутюн серветлерини мусульманларгъа дагъыттылар. (Якъуби, II, 31)

Мушриклер маалле ёлларыны къапатмакъ ичюн япылгъан бутюн гъайретлерге рагъмен, базы Меккелилер сакълыджа акърабаларына ярдым эте эдилер. Хаким бин Хизам бир керваннен Шамдан богъдай кетирген эди. Бир девенинъ узерине богъдай юклеп гизли маалле ёлуна кетирди ве девесинден тюшип, оны мусульманларгъа догъру къувалады. Олар да девенинъ узериндеки богъдайны алдылар. Бир башкъа гедже девеге ун юклеп, маалленинъ ичине ёлады.

Бу девирде мусульманлар пек чокъ къыйынлыкъ чектилер. Бази керелер терек япракъларынен къарынларыны тойдурмакъ зорунда къалдылар. Бала-чагъа ачлыкътан баягъы зайыфлагъан эди. Оларнынъ феръятлары, маалленинъ тышарысында биле дуола эди.

Мушриклернинъ бу якъаанларындан макъсат, Хазрети Пейгъамбер, салляллаху алейхи ве селлемни озълерине теслим этмегенлерине къадар мусульманларны ач быракъмакъ ве бу шекильде, Аллахнынъ Ресулини ольдюрмек ичюн фырсат къазанмакъ эди. Амма Эбу Талибнинъ тедбир алмасынен Хашим огулларынен бирлешкен мусульманлар, Пейгъамберимизни къорумакъ ичюн къанларыны сонъ тамчысына къадар акъытмагъа къарар берген эдилер.

Бойкотнынъ битмеси

Бинъ-бир зорлукънен кечкен учъ сененинъ ичинде, Аллах Таала бир агъач къуртуны, мушриклеринъ Кябеге аскъанлары анълашма



саифесине ёллады. Къурт «Бисмике Аллахумме: Сенинь исминънен башларым Эй, Аллахом» джумлесинден башкъа, зулум ифаде эткен бутюн языны ашады. Ресулюлах саллялаху алейхи ве селлем, озюне вахийнен хабер этильген бу вазиятти Эбу Талибге накъиль этти. Эбу Талиб бу хаберни къардашларына бильдирди ве :

«Энъ гузель эльбиселеринъизни кийип, Къурейшлилеринъ янына кетинъиз! Озьлери фаркъына бармаларындан эвель саифелерининъ акъибетлери акъкъында оларгъа хабер беринъ!»- деди.

Эбу Талиб ве къардашлары мушриклерге бу хаберни бергенлеринде аман бир адам ёллап, саифени кетиртилер ве оны Пейгъамберимизнинъ айткъаны шекильде коръдилер. Къурейшлилернинъ эллери янларына тюшти! Эбу Талиб бундан къувет ве джесарет булып:

«Артыкъ, зулум эткенинъизни, акърабанен алякъаны кесип, ярмайлыкъ япкъанынъызны анъладынъызмы?!»- деди.

Мушриклерден ич бири Эбу Талибге джевап беремеди. Ялынъыз:

«Бу сиирден башкъа бир шей дегильдир!»- дедилер ве зулумларына девам эттилер.

Къурейшнинъ илери кельгенлеринден базылары исе Хашим огулларына къаршы япкъанлары шейлерден бири-бирлерини къабаатладылар:

«Къардашларымызгъа къаршы бу япкъанымыз зулумдан башкъа бир шей дегильдир!»- дедилер.

Пейгъамберликнинъ онунджы сенесине келинген эди ки, Къурейшлилерден бир-къач киши бойкотны токътатмакъ ичюн аретке кечти. Хишам бин Амр, Зухейр бин Эби Умейеге:

«Эй, Зухейр! Дайыларынь бир шей алып сатмакътан, эвленмектен... махрум этилип тарлыкъ ве ёкълыкъ ичинде къывраныркен, сенинь истегенинъни ашап ичменъе, кийинип къушанманъа гонъюлинъ насыл разы ола? Валлахи Эбу Джехильни, озъ дайыларына къаршы бойле бир анълашмагъа давет этсе эдинъ, ич бир вакъыт разы олмазды», - деди.

Хишам, Зухейрни къандыргъан сонъ Мутим бин Адий, Эбу-ль

Бахтери ве Зема бин Эсведни де тек-тек янына чекти. Бу беш киши Меккенинъ юкъарысындаки Хаджун мевкъиинде гедже топланып не япмалары керек олгъаны акъкъында къонуштылар. Аньлашманы бозгъангъа къадар арекет этеджеклерине де емин эттилер.

Саба олгъанда Месджид-и Харамгъа кеттилер. Зухейр узеринде къыйметли бир эльбисе олгъаны алда Кябени таваф этти ве:

«Эй, Меккелилер! Бизлер истегенимиз киби ашап ичейик, кийинип къушанайыкъ да, Хашим ве Мутталиб огуллары алыш-вериштен махрум къалып эляк олсунлар, бу оладжакъ шейми?! Аллахкъа емин этерим ки, акърабалыкъ багъларыны кескен шу залым аньлашма саифеси йыртылгъанына къадар отурмайджагъым!»- деди.

Эбу Джехиль итираз этсе де, дигер дёрт аркъадашы аньлашгъанлары шекильде Зухейрни дестеклегенлери себебинден мусбет бир ава эсти. Мутим турып Кябенинъ ичинде асылы олгъан саифени йыртты. Бунунъ узерине Адий бин Къайс, Зема, Эбу-ль Бахтери ве Зухейр сияхланып, Хашим ве Мутталиб огулларынынъ янына кеттилер, оларны Эбу Талиб мааллесинден чыкъарып эвлерине кетмелерине ёл ачтылар. Бойледже, мусульманлар учъ йыллыкъ къыйын бир девирден Аллахнынъ лютфюнен къуртулгъан эдилер. Эбу Талиб, бойкотны токътаткъанларны бир шиирнен макътады. Мушриклер де Пейгъамберимизнинъ Исламны теблигъ этмесине мани оламайджакъларыны аньладылар ве умютлерини джойдылар. (Ибн-и Хишам, I, 397-406; Ибн-и Сад, I, 210-211)

Шакъкъ-ы Къамер: Айнынъ экиге ярылув муджизеси

Аллах, догъру ёлгъа давет ичюн вазифелендирген пегъамберлерини, инсанларны инандырмакъ ичюн ве къаршылашаджакълары имансызлыкъ инатыны енъмек ичюн аджайип кучъ саиби этти. Айрыджа, пейгъамберлерине инсанларнынъ озълерине табий оламалары ичюн бир такъым инсан кучюнинъ тышында олгъан лютюфлер да берди ки, буларгъа «муджизе» денилир.

Муджизелер эр пейгъамберге, кенди девирлеринде айрет уяндыргъан къудрет ве къуветке таялы оларакъ лютуф этильгендир.



Меселя, Хазрети Муса девринде сиирбазлыкь пек яйгын эди. Бу себепле онъа бунынънен багълы бир муджизе берильди: аса ве без эль...

Хазрети Иса девринде де тыб ильми тераккый эткен эди. Табиплер, халкънынъ къаршысында чокъ устюн бир итибар къазангъан эдилер. Бунынъ ичюн онъа да энъ маир табиплерни биле аджизликке тюшюрген бир муджизе эдие этильди: олюлерни тирильтмек киби...

Ресулюлах, саллялаху алейхи ве селлемнинъ бу буюк муджизеси, бойкот йылларында, яни Мекке деврининъ докъузынджы сене-синде мейдангъа кельгендир.

Бир гедже Аллах Ресули, саллялаху алейхи ве селлем, Раббине дуа этти ве Ай да экиге болюнди, бу муджизе эр тарафтан корюльди. Ай экиге айрылгъанында бир парчасы Эбу Къубейс дагъы тарафында, дигер парчасы Къуайкъыан дагъы тарафында корюнди. Буны корьген мушриклер, кене имангъа кельмедилер. Атта Эбу Джехиль «Сиирбазлыкьтыр!» деп бу муджизени де инкяр этти.

Бу муджизени корьген мушриклер, Хазрети Пейгъамбер, саллялаху алейхи ве селлем акъкъында:

“Бизни сиирледи, амма эр кесни сиирлеп оламаз!”- дедилер.

Бунынъ узерине, Мекке тышындан узакъ ерлерден кельген керванларгъа да бойле бир адисе акъкъында соралды. Олар да Айнынъ ярылгъаныны корьгенлерини сёйледилер. Бу адисенинъ артындан шу ает-и кериме энди:

اِقْتَرَبَتِ السَّاعَةُ وَانْشَقَّ الْقَمَرُ. وَإِنْ يَرَوْا آيَةً يُعْرِضُوا وَيَقُولُوا سِحْرٌ مُّسْتَمِرٌّ

«Къыямет якълашты ве Ай ярылды. Олар бир муджизе корьселер, аман юзь чевирир ве: «Эскиден берли девам этип кельген бир тылсымдыр», - дерлер. » (эль-Къамер, 1-2) (Вахиди, с. 418; Тирмизи, Тефсир, 54/3286)

Бутюн Мекке халкы, Айнынъ экиге болюнгени акъкъында иттифакъ этти. Къальбинде иман олгъанлар, тасдикъ этти. Килитли къальплер исе, «Не буюк сиирбаз!»- дедилер.



Акыйкатта мешур франсыз астрономы Лефранчоис де Лаланде, Айнынъ кечмиш арекетлерини инджелеркен «Айнынъ ярылмасы» муджизесининъ догърулыгыны кябул этмек зорунда кяалгандыр. (Зекаи Конрапа, с. 110)



ПЕЙГЪАМБЕРЛИКНИНЪ 10-ДЖЫ СЕНЕСИ

Кедер сенеси: Хазрети Хатидже ве

Эбу Талибнинъ вефаты

Мушриклерининъ Муасарасындан сагъ-селямет чыкъкъан Аллах Ресули, салляллаху алейхи ве селлемнинъ ве мусульманларнынъ се-винчи узун сюръмеди. Чюнки бойкот биткен сонъ, оны ве муминлер-ни федакаране имае эткен эмджеси Эбу Талиб вефат этти.

Хазрети Пейгъамбер, салляллаху алейхи ве селлем, эмджеси-нинъ иман этмеси ичюн исрарнен чокъ арекет эткен эди. Эбу Талиб де, бу исрар къаршысында торунына:

«Мен сенинъ акъикъатынны билем. Лякин санъа иман этсем, Къурейшнинъ къадынлары мени айыпларлар»- деп айта эди.

Хазрети Пейгъамбернинъ пейгъамберлигини виджданынен къа-бул эте эди, амма нефисине уяракъ оны ред эте эди. Аллах Ресули, салляллаху алейхи ве селлем, оны иманлы оларакъ рухуны Раббине теслим этмеси ичюн олюм тешегинде олгъанда:

«Эй, эмдже! Не олурсынъ, бир келиме сёйле ки, Аллах санъа сонъсуз сеадет берсин!»- деп риджа этти.

О вакъыт о ерге кельген Эбу Джехиль, бунъа мани олды. Чюнки Эбу Талибге эр вакъыт келимеи шехадетни телькъин эткен Хазрети Пейгъамбер, салляллаху алейхи ве селлемге къаршы Эбу Джехиль:

«Сен аталарыннынъ дининдесинъ!»- телькъинини япа эди.

Эбу Талибнинъ Ресулюллах, салляллаху алейхи ве селлемге сонъ сёзю:

«Мен эски дин (Абдильмутталибнинъ дини) узьре олем. Къурейш



меним ичюн, олюмден кьоркьты да динини деньиштирди деп айтмайджакь олсалар эди, сенинь сёзлериньни кьабул этер эдим!..» - олды (Бухарий, Дженаиз, 81; Ибн-и Сад, I, 122-123).

Бу сёзлер узерине Хазрети Пейгъамбер, салляллаху алейхи ве селлем:

«Мен де сенинь ичюн эр вакъыт истигъфар этеджегим!»- буюрды, факъат эмджесининь эвинден кедерли оларакь айырылгъан эди.

Ресулюллах, салляллаху алейхи ве селлемнинь чокь кедерленип эмджеси ичюн «сенинь ичюн эр вакъыт истигъфарда булунаджагъым!»- деп айтмасындан сонъ ает-и керимеде бойле буюрылды:

إِنَّكَ لَا تَهْدِي مَنْ أَحْبَبْتَ وَلَكِنَّ اللَّهَ يَهْدِي مَنْ يَشَاءُ

«(Ресулим!) Сен севгенинъни хидаетке ириштиралмазсынъ; факъат Аллах истегенине хидает берир...» (эль-Къасас, 56) (Муслим, Иман, 41-42)

Хидает – кьулны «сыраты мустакъим»ге илеткен иляхий нурдыр. Кимнинь гонъюли хидаетке истекли ве хакъкъа мейилли олса, анджакь онъа насип олур. Ает-и керимеде буюрылыр:

يَهْدِي إِلَيْهِ مَنْ أَنَابَ

«...озюне ёнельгенни де хидаетке ириштирир.» (эр-Рад, 27)

Бу хусуста башкъаларынынъ гъайрети, ялынъыз весиле олмакьтыр. Акси алда башкъа бир кимсенинь, пейгъамбер де олса, гъайретинен хидаетнинь насип олмасы эр вакъыт мумкюн дегильдир. Бойледже, Хазрети Пейгъамбернинь о къадар гъайретине рагъмен, Эбу Талиб акъикъатны бильгени алда нефсине енъилип Хакъкъа мейиль этмемеси узерине онъа хидает насип олмагъан эди.

Эбу Талибинь кедерли вефатындан даа учь кунь кечмеген эди ки, Аллах Ресулининь дерт ортагъы, буюк дестеги, джан ёлдашы Сейидет-ун Ниса (къадынларнынъ эфендисе) Хатидже анамыз -ради-аллаху анха- вефат этти. Изтирап устюне бир изтирап даа юкленди. Ресул-и Экрем салляллаху алейхи ве селлем, чокь севгени мубарек

къадыныны, къабри шерифине озь эллериннен эндирди. Гонъюли къасеветли ве кедерли, козьлери яш толгъан эди.

Хазрети Хатидже анамыз Пейгъамберимиз ичюн Ислям дава-сында садыкъ бир мушавир, дерт ортагъы ве сакинлик менбасы эди. Онынъ вефаты Аллах Ресулине:

«Шу уммет устуне кельген эки буюк белядан ангисине даа чокъ кедерленеджегимни билемейим» (Якуби, II, 35; Табери, Тарих, II, 229) айттыраджакъ къадар агъыр кельген эди.

Бу эки гъамлы адисе себебинен Мекке деврининъ онунджы се-несине «Кедер сенеси» деп айтылды.

Эмджеси ве къадынынъ вефатындан сонъ тевеккюль ве тесли-миетининъ ялынъыз Аллахкъа олмасы ичюн, Хазрети Пейгъамбер Эфендимизге корюнген ич бир сыгъанакъ къалмады. Онынъ гонъюль дюньясы бойлеликнен, Хакъ Таалагъа аданды. Чюнки балалыгъында да ана, баба ве деде имаесинден махрум быракъылып Аллахнынъ тербиесинен етиштирилген эди.

Таиф ёлджулыгъы

Эмджеси ве къадынынынъ вефатларынынъ артындан, Хазрети Пейгъамбер саллялаху алейхи ве селлемге япылгъан баскъылар пек артты. О Султануль-Энбиягъа къаршы япылгъан душманджа уджюм-лер вахшийлик дереджесине улашты. Ойле ки, Ресул-и Экрем, салляла-лаху алейхи ве селлемнинъ такъатыны зорламагъа башлады. Бунынъ узерине Аллах Ресули янына Зейд -радиАллаху анх-ны алып Меккеден 160 км. узакъдаки Таиф шеэринге кетти. О ерде он кунъ къалды.

Таифлилерге Ислямны анълатты. Оларны тевхидге давет этти. Буюклеринен корюшип, путкъа тапмакътан вазгечип, бир Аллахкъа къуллукъ япмаларыны телькъин этти. Таиф буюклерининъ янына ба-рып, къонушмагъан киши къалмады.

Факъат бу давет, Къурейшлилер киби путперест бир къавим ол-гъан Таифлилернинъ арасында да къоркъунч бир фыртына къопма-сына себеп олды. Нефислерине къул оларакъ яшагъанлары ичюн ич бири Ислямгъа янашамады. Бунынъ устуне Хазрети Пейгъамбер,



салляллаху алейхи ве селлемге эзиет ве ишкендже этмектен де вазгечмедилер

Башта онъа кульдилер. Сонъра ашаламагъа башладылар. Артындан да ёлунуъ узерине эки сыра олып, къул ве ыргъатларны тизерек, акъарет эттирди ве таш аттырдылар. Бойледже, шеэрден чыкъкъанына къадар Аллах Ресули, салляллаху алейхи ве селлемге эзиет этмекни девам этилер. Атта къуларыны артындан ёллап, бир муддет даа да таш ягъмурына туттылар. О Пейгъамберлер Султанынынъ мубарек беденинден акъкъан къанлар нетиджесинде аякъкъаплары къан толгъан эди. Оны атылгъан ташлардан къорумагъ истеген Зейд-радиаллаху анх- да яралангъан эди. О, эм Аллах Ресулини атылгъан ташлардан озъ беденинен къорчаламагъа тырыша, эм:

«Эй, Таиф халкъы! Ташлагъанынъыз кишининъ бир пейгъамбер олгъаныны билесинъизми?!»- деп айта эди.

Олар зор-замет меккелилерге махсус олгъан бир багъчагъа кирип джанларыны къуртардылар. Ерлер кедерли, коклер кедерли эди. Мелеклер кедерли эди. Джебраиль кедерли эди. Микаиль, Исрафил, Азраиль кедерли эди.

Башта Джебраиль олмагъ узьре мелеклер, Аллах Таалядан изин алып, Ресулюллах, салляллаху алейхи ве селлемнинъ янына кельдилер!

«Я, РесульАллах! Истесенъ, бу къавимни эляк этейик!»- дедилер.

О рахмет менбаасы ве мерхамет Пейгъамбери огърагъаны бу чиркин арекет къаршысында биле беддуа этмейип элерини котерип Аллахкъа бойле дуа этти:

«Аллахым! Къуветимнинъ зайыфлагъаныны, чаресизлигимни, халкъ козюнде ашагъы тюшмемни Санъа арз этем. Эй, мерхаметлилернинъ энъ мерхаметлиси! Эгер манъа нисбетен гъадаплы дегиль исенъ, чеккеним зорлукъ ве беляларгъа даянырым! Аллахым, Сен къавмиме хидает бер! Олар бильмейлер! Иляхи, Сен разы олгъанынъа къадар иште, афунъны тилейим...» (Ибн-и Хишам II, 29-30;Хейсеми, VI, 35)

Ресулюллахнынъ раатлангъаны багънынъ саиби Рабиа огъулары, Алемлернинъ Эфендисининъ вазиятини корип, оны аджыды ве



онъа къулары>Addаснен бир табакъ юзюм ёмладылар.>Addас табакъны Пейгамберимизге узатты:

«Буюрынъыз, ашанъыз!»- деди.

Хазрети Пейгамбер, саллялаху алейхи ве селлем де:

«Бисмиллях»- деп ашамагъа башлады.

Бу сёз>Addаснынъ дикъкъатыны чекти. Шимдиге къадар ич ким-седен бойле бир сёз эшитмеген эди, меракъланып ве тааджипленип:

«Бу сёзни, бу ерде яшагъанлар не билир, не де сёйлерлер!»- деп мырылданды.

Артындан кене тааджипленип:

«Сиз башкъа бир инсансынъыз! Бу ернинъ инсанларына бенъзе-мейсинъиз! Кимсинъиз?»- деди.

Аллах Ресули саллялаху алейхи ве селлем де:

«Сен нерелисинъ, къайсы динденсинъ?»- деп сорады.

Addас:

«Ниновалыйым, христианым!»- деди.

Ресул-и Экрем Эфендимиз:

«Демек сен салих къул, Юнус пейгамбернинъ мемлекетинденсинъ!»- деди.

Addаснынъ шашкъынлыгъы даа да пек артты:

«Сен Юнусны не ерден билесинъ?»- деди.

Пейгамберимиз:

«Юнус меним къардашымдыр. О, бир пейгамбер эди. Мен де бир пейгамберим!»- буюрды.

Бу сёзлер узерине>Addаснынъ гонъюль алеминден иман чокъ-ракълары фышкъырмагъа башлады ве шевкънен еринден къалкъып, Хазрети Пейгамбер –саллялаху алейхи ве селлем–нинъ элине ве аягъына къапанып, келимеи шехадет кетирди. (Ибн Хишам, II, 30; Якъуби, II, 36).

Эфендилери>Addасны бу арекети себебинен къабаатлагъанлары вакъыт, шу джевапны берди:

«Мен озюмни бильгенимден берли, дюньяда ондан даа да хайырлы бир инсан коръмедим! О манъа ойле бир сёз сёйледи ки, оны



анджакъ бир пейгъамбер бильмеси мумкюн эди» (Ибн -и Хишам, II, 31)

Не сеадет ки Аддас, Алах Ресулининъ аятында энъ къыйын шартларда иман этип, оны теселли эткен бир мумин юреги олмакъ шерефини къазанды. Алемлернинъ Эфендиси онынъ мусульман олмасына пек севинди.

Бугунъ Аддаснынъ Ислямгъа киргени ерде онынъ адына япылгъан бир джами бар.

Хазрети Айше -радиаллаху анх- анамыз буюрды:

«Ухуд дженкинден даа да чокъ зорлангъанынъ бир кунъ олдымы, я, Ресулюллах?»

О, бойле буюрды:

«Эбет, сенинъ къавминъден чокъ яманлыкъ коръдим. Бу яманлыкъларнынъ энъ яманы, оларнынъ манъа Акъабе Куню япкъанларыдыр. Айрыджа, Таифли Абдукъулялнынъ огълу Ибн-и Абдиялильге сыгъынмакъ истеген эдим де, мени къабул этмеген эди. (Аксине мени къулларына ташлар аттыртып, эр тарафым къанлар ичинде, япмагъан эзиети къалмагъан эди). Мен де артыма айланып, терен кедерлер ичинде кете эдим. Къарн-ус Сеалиб деген ерге баргъангъа къадар озюме келемедим. О ерде башымы котерип бакъкъаным вақыт, бир булутнынъ мени кольгелегенини коръдим. Дикъкъатнен бакъкъан эдим, булутнынъ ичинде Джебраиль -aleyhi's-селям-ны фаркъ эттим. Манъа:

«Аллах Таала къавминънинъ санъа не айткъаныны ве сени имае этмекни насыл къабул этмегенини дуйгъандыр. Оларгъа истегинъни япманъ ичюн де санъа Дагълар Мелегини ёлмагъандыр», - деп селенди.

Бунунъ узерине Дагълар Мелеги манъа селенип селям берди. Сонъра да:

«Эй, Мухаммед! Къавминънинъ санъа не айткъаныны Аллах эшитти. Мен Дагълар Мелегийим. Не эмир этсенъ оны япмам ичюн Аллах Таала мени санъа ёмады. Не япмамны истейсинъ? Эгер истесенъ шу эки дагъны оларнынъ башына йкъайым!»- деди.



О вакъыт:

«Ёкъ, мен Аллахтан, оларнынъ сойларындан ялынъызджа Аллахкъа ибадет этеджек ве Онъа ич бир шейни ортакъ къошмайджакъ кимселер чыкъармасыны тилерим!»- дедим. (Бухарий, Бедуль-халькъ, 7 Муслим, Джихад, 111)

Итхамлар (Къабаатлавлар)

Ресулюллах, салляллаху алейхи ве селлемге къаршы не япсалар кучьсюз къалган мушриклер, бу сефер онынъ умми (окъумагъа-язмагъа огренмеген) олганыны бильген алда, Къуранны Джабир адындаки христиан бир къуддан огренгенини айтмагъа башладылар. Ич тюшюнмедилер ки, бойле юдже бир диннинъ темелини къуруп оладжакъ бир къул, бу шерефни башкъасына не себепнен быракъсын. Эм озю де христиан оларакъ не ичюн къалсын?

Бунынъ джевабыны Къуран-и Керим бойле берди:

«Шубесиз, биз оларнынъ: «Къуранны онъа анджакъ бир инсан огрете!» дегенлерини билемиз. (Ойле исе ич тюшюнмедилерми), о кишининъ тили эджнебийдир. Албуки, бу (Къуран) ап-ачыкъ бир арапчадыр.» (Нахль, 103)

«(Эй, Ресулим! Олар да аслында билелер ки) сен, бу Къуран-ы Керим кельмеден эвель бир китап окъумадынъ; язы язмадынъ! Эгер окъур-язар олса эдинъ (о вакъыт) башкъаларындан огрендинъ дей биле эдилер...» (Анкебут, 48)

Айрыджа, Аллах Таала мушриклернинъ къабаатлавлары тесиринде къалмамасы ичюн Ресулине де бойле буюрды:

«(Ресулим!) Сен огют бер! Раббининъ лютфу иле сен не кяхинсинъ, не де бир дели!»

«Ёкъса олар: «О бир шаирдир; онынъ заманнынъ фелякетлерине огъравыны беклемектемиз!» дейлерми?» «Де ки: Бекленъ, мен де сизнен берабер беклегенлерденим.» (Тур, 29-31)

«Инкар эткенлер: «Бу ап-ачыкъ бир тылсымдыр» дедилер.» «Ёкъса оны уйдурды демектелерми? Де ки: Эгер мен



оны уйдургъан исем, Аллах тарафындан манъа келеджек шейни узакълаштырмагъа кучюнъиз етмез. О, сизинъ Къуран акъкъында япкъан адден ашувларынынъызны чокъ даа яхшы билир. Меннен сизинъ аранъызда шаат оларакъ О етер!»
(Ахкъф, 7-8)

Мушриклер, догъру ёлгъа кирмек истемегенлери ичюн Аллах Ресулине ве Къурангъа къаршы чешитли къабаатлар уйдурувдан чекинмей эдилер.

Лякин керчек ве догъры олгъанны да биле эдилер.

Атта, Къурейшнинъ башлыкълары, мусульманлыкъларынъ Мекке тышына ташып яйылмасындан къоркъкъанлары ичюн, Велид бин Мугъиренинъ янында топландылар. Озьара: «–Меккеге кельген къабилелерге Мухаммед акъкъында не айтайыкъ?» деп тюшюне эдилер.

Велид, Хазрети Пейгъамбер салляллаху алейхи ве селлемнен корюшип ондан Къуран-ы Керим динълеген эди. О, бойле деди:

«–Мен шиирнинъ эр чешитини билем. Меним ондан динълегеним шиир дегиль эди. Шиирден даа устюн бир сёз эди. О сёзлер, не-сир де дегиль эди. Чюнки ойле къошакъсыз, анълатылышта ачыкълыкъ ве гузель ифаде толу назик бир уйгъунлыкълары мен даа эвель ич бир сёзде эшитмедим.

Фалджы сёзлерине исе, ич бенъземей эди.

Акълый хастасы сёзлери де дегиль эди. Мен онда делиликке ишарет эткен бир тек алямет коръмедим.

Биз онъа сиирбаз да деп оламамыз. Чюнки окъуп уфлемей, тююм багъламай, бу себепнен сиирбазларгъа бенъзеген бир ери де ёкъ!»

Бу сёзлерден сонъ Велид, озъ янълыйш ниетлерине илля бир чыкълыш ёлу тапмакъ ичюн де бойле деди:

«–Лякин о, къардашыны къардашындан айыра. Акърабаларны бир-биринден айыра. Бу себепнен бу сёзлерни де, сиир ве бую оларакъ саймакъ мумкюн!» деди.

Велид бин Мугъиренинъ бу арекетини Аллах, Къуран-ы Керимде бойле анълата:

«Мухакъкъакъ ки о, бир тюшюнди-ташынды, олъчеди,



бичти. Джаны чыкъсын, не шекильде ольчеди де тюшюнди! Сонъ джаны чыкъсын, текрар ольчеди де тюшюнди!.. насыл тюшюнди исе!? Сонъ бакъынды, сонъ къашларыны чатты, юзюни экшитти. Сонъ аркъасыны дёнди ве гъурурыны енъ-алмайып: «–Бу (Къуран), олса-олса сиирбазлардан огренилип накъл этильген бир тылсым ве ялынъыз бир инсан сёзю-дир», - деди.» (Муддессир, 18-25)

Бунъа къаршы Велид, виджданынынъ сесине къулакъ бергени вакъытлар, буюк бир шашкъынлыкъ ве къоркъу ичинде:

«Валлахи, Мухаммедден аз эвель бир сёз динъледим; не инсан сёзю, не де джин сёзю. Онынъ бир татлылыгы ве бир хошлугъы бар. Устю мейвалы, ашасы боллукъ, темели ве ери бол сувлу. О, кесен-кес бу даваны къазаныр, онынъ устуне исе кимсе чыкъып оламаз»-деп Къуран-ы Керимнинъ иришильмез уйгунлыгыны сакъламайып анълатмагъа меджбур къала эди.

Башкъа тарафтан, халкъны Къуран окъунышыны динълемесин-лер деп кедер эткен мушриклер, геджелери Кябеде Къуран окъугъан Хазрети Пейгъамбер, саллялаху алейхи ве селлемни бир къач кере гизленип динълегенлер, тесадюфнен бир-бирлеринен къаршы-къаршыгъа кельгенлеринде де озъ озълерини айыплагъан, ве бир бирлерине:

«–Аман кимсе коръмесин!.. Халкъ бизим бу алымыздан хабери олса, емин этермиз ки, сонъ дередже маскъара олурмыз. Бундан сонъ да ич кимсеге бу мевзуда сёз кечирип оламамыз!..» деп якъан арекетлерни айыплагъан сонъ бир даа бойле бир шей япмайджакъларыны араларында анълашкъан эдилер.

Айрыджа, мушриклер бундан да гъайры, озълерини биле сиирлеген Къуран усулынынъ сонъ дередже тесирли олмасыны дикъкъаткъа алып, инсанларнынъ Къуран сесини эшитмемелери ичюн шамата япа эдилер, я да оны окъунмасыны ясакълай эдилер:

«Инкяр эткенлер: «–Бу Къуранны динълемень; окъунгъанда шамата чыкъарынъ; бельки бастырырсынъыз!..» дедилер.» (Фуссылет, 26)



Къуран-ы Керим – эдебий бир муджизедир.

О девирде яхшы сёз айтувда, ачыкъ ве гузель ифаде этювде энъ юксек нокътагъа етишкен арапларгъа ве къыяметке къадар келед-жек бутюн инсан ве джинлерден Къурангъа бенъзеген бир сёз кетир-мелерини истемектедир.

Бу хусуста Къуран-ы Керимде ильк оларакъ Тур суресининъ 34-джи ает-и керимесинде:

«Эгер догъру иселер, онъа бенъзеген бир сёз кетирсинлер»- деп айтыла.

Мушриклер, бу иляхий теклифнинъ къаршысында беджериксиз ве кучъсюз къалдылар, бундан сонъра, Аллах, оларнынъ кучъсюзлик-лерини даа ачыкъ бир шекильде ифаде этмек узъре шу аетлердеки шартларны теклиф эте:

«Ёкъса оны уйдырды дейлерми? Де ки: Эгер догъру сёй-легенлерден исенъиз, Аллахтан башкъа ярдымгъа чагъырып олгъанларынъызны чагъырынъ да, сиз де онъа ошагъан он суре кетиринъ!» (Худ, 13)

Айрыджа, Аллах Таала Юнус суресининъ 38-джи ает-и керимесинде:

«Ёкъса оны (Мухаммед) уйдырды дейлерми? Де ки: Эгер сизлер догъру исенъиз, айды онъа бенъзеген бир суре кетиринъ ве Аллахтан башкъа чагъырып олгъанларынъызны да (ярдымгъа) чагъырынъ!»- буюрды.

Буны Бакъара суресининъ 23-джи аетинде де текрар этти.

Сонъ олып да, Исра суресининъ 88-джи ает-и керимесинде:

«Де ки: Инсанлар ве джинлер, бир-бирлерине ярдымджы олып, бу Къураннынъ бир бенъзерини ортагъа къоймакъ ичюн бир арагъа кельселер, ант олсун ки, кене де бенъзерини япамазлар..»- буюрды.

Заманымызгъа къадар бу теклифнинъ къаршысында, инанмагъанлар эр заман зиян ве беджериксиз къалып, Къуран сурелерине бенъзеген бир суре кетирип оламадылар.

Бу мевзуда, бир одагъа къапанып айларджа чалышкъан чокъ



мешур ве уста эдебиятчылар чыккыан, лякин мийинлерини иритир-джесине гъайрет этмелерине бакъмайып бир ает биле язып оламагъанлар. Чюнки Къуран, тек ачыкъ ве гузель ифаде муджизеси дегиль, айны заманда бутюн асырларны, ичлериндеки акъикъатларынен бирликте къушаткыан бир муджизелер китабыдыр. Бойле олгъанынен, не заман ве не ерде оледжегинден биле хаберсиз, ве кучъсюз бир инсаннынъ, эльбетте ки къошакъсыз ве юдже акъикъатлар ичине алгъан муджизелернен толу бир ает ортагъа къоймасы имкянсыздыр.

Къуран-ы Керим хусусындаки къабаатлавларында, макъсатларына иришип оламагъан мушриклер, бу кересинде Хазрети Пейгъамбер, салляллаху алейхи ве селлемнинъ мубарек шахсыны макъсат эттилер.

Аллах Ресули, салляллаху алейхи ве селлемнинъ огълу Къасымнынъ, дёрт яшында олгъанда вефат эткенинден айдаланып, онъа «эбтер» дедилер. Яни сою кесильген, несили биткен, деп кулдилер. Бойледже, инсанларнынъ козюнден чыкъарып, онынъ терен тесирини ёкъ этмек истей эдилер.

Лякин бу мевзуда да макъсатларына етишemedилер. Бу акъта, Кевсер суреси юзлерине бир шамар оларакъ энди.

«(Хабибим!) Ич шубесиз, биз санъа Кевсерни бердик! Ойле исе Раббинъ ичюн намаз къыл ве къурбан чал! (Биль ки), асыл эбтер, сою кесик олгъан, буны санъа сёйлегеннинъ озюдир!...»
(Кевсер, 1-3)

Аллах Ресулини къабул этип оламагъанлар

Аллах Ресули, салляллаху алейхи ве селлемни къабул этип оламагъанлар, эвельки пейгъамберлерде олгъанлары киби кибирили идареджи, къопайгъан, кибирили, зенгин кишилер эди. Аллаха Таала буюра:

«Биз анги улькеге бир уярыджы ёлласакъ, мытлакъа о ерининъ зенгин ве къопайчоралары: «—Биз, сизинъ бизге теблигъ эткенинъиз шейлерни къабул этмейип, инкяр этемиз», - деди-



лер.»

«Ве: «–Биз мал ве эвлят тарафындан даа зенгинмиз; биз азапкъа да огъратылмамыз!» дедилер.» (Себе, 34-35)

«(Ресулим!) Чокъ емин эткен, менфур, даима къусур къыдырып, тенкъит эткен, токътамадан лаф ташыгъан, яхшылыкъкъа эп мания олгъан, теджавузкъяр, гуняхкъа татынгъан, къаба ве серт, бутюн булардан сонъ, бир де сойсузлыкънен тамгъалангъан кимселерден ич бирине, малы ве огъулары бардыр дие, сакъын боюн эгме!»

«(Оларнынъ эр бири) озылерине аетлеримиз окъунгъаны вакъытта: «–Эвелькилернинъ масаллары!» дерлер...» (Къалем, 10-15)

Ниает, акъкъында Теббет суреси назиль олгъан Эбу Лехеб:

«–Мени башкъаларынен бир туткъан дин, ёкъ олсун!..» дей эди.

Хазрети Пейгъамбер салляллаху алейхи ве селлемнинъ ве Ислямнынъ энъ буюк душманларынынъ башында тургъан Эбу Джехиль де бойле дей эди:

«–Мухаммеднинъ айткъанларыны догъру олгъаныны билемиз! Лякин шимдиге къадар онынъ къабилеси не эткен исе, биз де этип олдыкъ, олардан артта къалмадыкъ. Шимди исе олар: «Ичимизде бир пейгъамбер бар!»– деп макътаналар. Биз арамыздан насыл онынъ киби бир пейгъамбер чыкъарып олурмыз? Бу мумкюн дегиль!.. О алда мен, асла Мухаммеднинъ пейгъамберлигини къабул этип оламам!..»

Бойле айткъан Эбу Джехиль, душманлыгъындан бир кересинде де бойле деди:

«–Эгер мен онынъ намаз къылгъаныны корьсем, устюне басаджам!»

Даа сонъ Харем-и Шерифте Алах Ресули салляллаху алейхи ве селлемге намаз къылгъан вакътында раст кельди. Сёзюни ерине кетирмек ичюн аман арекетке кечкен олса да, бир анда артына къачмагъа башлады. Не олгъаныны сорагъанларгъа, телаш ве къоркъу ичинде:

«–Онынънен арама аджаип бир атеш парчасы кирди. Меним устюме-устюме кельмеге башлады!..» деди.



Чюнки Аллах Тааля, кьулу ве Ресули Хазрети Мухаммед Мустафа, салляллаху алейхи ве селлемни ве онынънен ёллагъан динини кьор-чалай, эр вакъыт оларны устюн кьыла эди.

Бойледже мушриклер, аля даа Аллахнынъ Ресулини кьабул этип оламайлар, Къураннынъ акъикъатына узакъ тура эдилер, Иляхий кер-чеклерден кьача эдилер. Аллах Тааля буюра:

«Бойле исе оларгъа не ола ки, санки арсландан урькип къачкъан кийик эшеклер киби (аля) огюттен юз чевирелер?!» (Муддессир, 49-51)

Ялынъыз бу юз чевирювлер, вакъыт келе имтихан-ы иляхий ке-реги олып, Аллах Ресулине ве муминлерге кьаршы даянылмаз кый-ынджылыкълар шекилинде мейдангъа чыкъа эди.

Теселлилер

Аллах Ресули, салляллаху алейхи ве селлем де бир инсан эди. Заман-заман озюне япылгъан агъыр арекетлер, оны ынджыта эди. Инсанларны догъру ёлгъа кетирмек ичюн бар кучюнен огъраша эди, амма оларнынъ чиркин арекетлери, Пейгъамберимизни кедерлете эди. Базы вакъытлар ойле кыйын анлар яшай эди ки, мытлакъа бир теселлиге ихтияджы ола эди.

Онынъ теселлиси Раббинден келе эди. Аллах Тааля, Ресулининъ кедерленмесини истемей, оны ает-и керимелеринен теселли этип кучьлендире эди:

«(Эй, Ресулим!) Онынъ (Аллахнынъ) санъа нисбетен ке-рем ве лютфу буюктир.» (Исра, 87)

«Инкяр эткенлернинъ инкярджылыгъы сени кедерлендир-месин! Оларны аз бир вакъыт файдаландырыр, сонъ да агъ-ыр бир азапкъа сюйреклермиз!» (Локъман, 23-24)

«Оларнынъ себебинден кедерленме! Къураяткъан тузакъ-ларындан отърю, зорлукъ дуйма.» (Немль, 70)

Аллах, Пейгъамберимизге сабырны тевсие эте эди:

«(Ресулим!) Оларнынъ дегенлерине сабыр эт! Кунешнинъ догъувындан эвель де, батышындан эвель де Раббинъни



хамд иле тесбих эт!» (Къаф, 39)

Бу ает-и керимелернен къарар ве ниети, къуванч ве истеги арта, Аллах Ресули, салляллаху алейхи ве селлем де асхабынынъ аджыларыны тындыра, оларнынъ гонъюль яраларыны сара эди.

Хаббаб бин Эрет дей ки:

Бир кунъ Аллахнынъ Ресули Кябенинъ кольгесинде турганда, мушриклерден корьген эзиетлерден шикяет эттик.

О да бизге бойле буюрды:

«–Сизден эвельки несиллер арасында, тутулып бир чукъургъа атылган, сонъ пычкъынен баштан ашагъа экиге болюнген ве темир таракъларнен этлери тырмакъланган ве кене де дининден къайтмагъан муминлер олгандыр. Аллахкъа ант олсун ки, Аллах Таала бу динни тамамлайджакъ, аким къыладжакътыр. О дереджеде ки, атлы бир киши, Аллахтан ве къойларына къашкъыр уджюм этиви къоркъусындан башкъа бир къоркъу дуймайып, Санадан, Хадрамеvtkе кетип келеджектир. Не бар ки, сиз сабырсызланасынъыз!..»

Бунъдан сонъ Аллах Ресули салляллаху алейхи ве селлем шу ает-и керимени окъуды:

«Инкяр эткенлернинъ (ферах ичинде) дияр-дияр долашувы сакъын сени алдатмасын! Аз бир файдаланувдан сонъ бараджакълары ер джехеннемдир. О, не фена барыладжакъ ердир! Факъат Раблерине къаршы кельмектен сакъынганлар ичюн, Аллах тарафындан бир икрам оларакъ, ирмакълар акъкъан, эбедий оларакъ къаладжакълары дженнетлер бардыр. Салих кимселер ичюн Аллах къатындаки (ниметлер) даа хайырлыдыр.» (Ал-и Имран, 196-198)

Къыйынджылыкълар чокълашкъанынен, бу манада ает-и керимелернен Аллах Таала мумин гонъюллерни къавийлештире эди. Бир джезттен элем ве къыйынджылыкълар, къуларны Раблерине якълаштырувда тесирли олмасынынъ янында муминлернинъ Аллахкъа тевеккуль ве теслимиетлерини де ольчеген иляхий бир теразе эди. Бойле вакъытларда да мусульмангъа тюшкен энъ гузель давранышны Къуран-ы Керим бойле бельгилей:

«Раббининъ укмюне сабыр эт! (Яни Аллахнынъ укмю



кельгенине къадар беклемесини биль! Бу укюмни беклегенде де сакъын) олардан ич бир нанкёрге я да гуняхкяргъа боюн эгме! Саба-акъшам Раббининъ исмини анъ! Гедженинъ бир къысмында Онъа седжде эт; гедженинъ узун бир къысмында да Оны тесбих эт!» (Инсан, 24-26)

Бу эмирлерге риает эткен мусульманнынъ гонъюлю раатлыкъкъа эреджек, къасевет ве аджыларгъа кокюс кереджек кучъке саип оладжагъы мытлакътыр. Хусусан гедже къылынган техедджюд намазы, къулны Аллахкъа якъынлаштырып рухкъа ойле устюн бир кучъ ве къувет къазандыра эди ки, артыкъ гонъюлю иманнен перчинлеше эди.

Техедджюд эмири, догърудан-догъругъа Хазрети Пейгъамбер салляллаху алейхи ве селлемге махсус олса да, умметине де кучълерине коре берильген бир тевсиедир.

Муминлерге эр тарафынен сеадет ёлларыны багъышлагъан Аллах, Ресулине бойле буюра:

«(Эй, Ресулим!) Де ки: Хакъ кельди, батыл йыкъылып кетти. Мухакъкъакъ батыл йыкъылмагъа меджбурдыр!» (Исра, 81)

Лякин хакъны юджельтмекнен вазифели олганлар, бу хусуста къоларындан кельгенни этмекнен вазифелилер. Чюнки инсан, имтиан макъсадынен юз-юзге келеджеги чокъ къыйындылыкълар ичинде яратылган эди. Бунынъ ичюн о, гъайрет косътермеден, тырышмадан, ич бир вакъыт арзу эткен нетиджеге иришип оламаз! Керчектен Аллах, бу акъикъатны пейгъамберлер ичюн биле кечерли олгъаныны бойле беян эте:

«Ниает, пейгъамберлер уютлерини кесип де, озълерининъ ялангъа чикъарылганларыны зан эткен вакъытларында, оларгъа ярдымымыз келир ве истеген кимсемиз къуртулышкъа ириштирилир. (Факъат) сучлулар топлулыгъындан азабымыз асла кери чевирильмез.» (Юсуф, 110)

Бу аетлерни эшиткен муминлернинъ гонъюллери не къадар раатлыкъкъа ве къуванчкъа къавушып, гъайретлери чокълашса, мушриклернинъ душманлыкъ ве очъ алмакъ макъсатлары да о къадар арта эди. Аллах Ресули салляллаху алейхи ве селлемге япкъан зорлукъ ве



душманлыкъларындан вазгечмек анда турсун, эр кунъ янъы бир зум ве эзиет ёлуны тапа эдилер.

Бу иш о дереджеге барды ки, артыкъ вахийнинъ чокърагъыны къурутмакъ киби ахлякъсыз ве алчакъ бир тюшюнджени биле хатырларына кетире эдилер.

Бу алда Аллах Ресули салляллаху алейхи ве селлем сабырнынъ энъ усть къысмында Аллахкъа сыгъынув алында Онынъ инает ве къорчаламасына сыгъына эди. Лякин иляхий ваде даа керчеклешмей эди. Зорлукълар битип тюкенмек бильмей эди.

Ресули бу аджы ве кедер толу алында рухтан тюшмесин деп, онъа теселли берди:

«(Эй, Хабибим!) Сакъын Аллахнынъ пейгъамберлерине берген сёзден вазгечеджегини тюшюнме! Чюнки Аллах буюклик саибидир, кимсенинъ япкъаныны янында быракъмаз!» (Ибрахим, 47)

Чокъ кечмеден Аллах Таала, сонъ Пейгъамбери алейхи'с-селямгъа, ич бир Пейгъамберге насип этмеген бир лютуфта булунды. Дюнья ве ахыретнинъ бутюн акъикъатыны къаршысына серди. Озь джемалыны сейр эттирди.

ПЕЙГЪАМБЕРЛИКНИНЪ 11-ДЖИ СЕНЕСИ

Акъабе корюшмеси

Бир гедже вакъыты эди...

Кябени зиярет этмеге кельген алты кишилик Мединели бир джемаат, Акъабе мевкъиинде Алемлернинъ Эфендиси, энбиялар Сервери Ресулюллах, салляллаху алейхи ве селлемге раст кельдилер. Онынъ джианларны айдынлаткъан нуруна бакъып «Бу не гузель бир инсан!» деп араларында сёйлештилер. Гонъюллерине тариф этемейджеклери бир лезет берген ве ичлериндеки муаббет филислерини ешерткен рахмет тамчылары акъмагъа башлады. О вакъыт янларына якълашкъан Пейгъамберимиз де, Пейгъамберлик вазифеси талап эткени ичюн эр кесни олгъаны киби оларны да Ислямгъа давет этмек ичюн сесленди:

«Бираз отурсанъыз да субет этсек!»- деди.

Мединели алты кишилик бу бахтлы джемаат, бегенгенлери бу киши иле лаф этмекни джанларына миннет бильдилер. Аман Пейгъамбер Эфендимизнинъ этрафына, ышыкыннынъ этрафында кобелеклер мисали топландылар.

Аллах Ресули, салляллаху алейхи ве селлем, оларгъа Къуран-ы Керимден аетлер окъуп Ислямны теблигъ этти. Эки джианда да сеадетли олмагъа истей иселер, бу иман даветине джевап бермелери керек олгъаныны сёйледи.

Мединелилер, якъында бир пейгъамбер келеджегини даа эвельки яшагъан аталарындан эшиткен эдилер, айрыджа къомшулары олгъан еудийлерден де сыкъ-сыкъ дуйгъан эдилер. Пейгъамбер



Эфендимизниң даветини эшиткендже, бири-бирлерине:

«Аркъадашлар! Валлахи бу, еудийлерниң бизни кьоркьуткъан пейгъамбердир! Сакъын, еудийлер онъа иман этмекте бизни кечмесинлер!»- дедилер.

Ресул-и Экремниң баштан берли хайран олгъанлары, айдан гузель юзюне бир даа бакътылар ве анълаткъан акъикъатларны анълап иляхий даветке «эбет» дедилер. Келимеи шехадет кетирдилер:

أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ

Пейгъамбер Эфендимиз оларгъа, эгер мусульманларнен Мединеге кельселер ярдымджы олып оламайджакъларыны сорады.

Мединениң бу ильк мусульманлары исе, Эвс ве Хазредж къабилелери арасында пек чокъ дженклер олгъаныны, араларындаки душманлыкънының сонъ дереджеге чыкъкъаныны, бу сене келеджек олса, кендилерине там манасынен ярдым эталмайджакъларыны сёйлеп бир йыл вакъыт истедилер. Мединелилерни Исламгъа давет этмеге сёз берип, келеджек сене хадж мевсиминде текрар кельмеге ваде эттилер.

Бу кичик иман къафилеси, мемлекетлерине бам-башкъа бир неше ве севинч ичинде къайттылар. Джахалет кирлеринден арынгъан, узерлериндеки къасеветниң агъырлыгъы дагъылгъан ве бир къуш киби хафифлеген эдилер. Мединеге баргъанлары вакъыт, Кяинатның Эфендиси эки джиан Кунешини анълатмагъа ве оларны Исламгъа давет этмеге башладылар. Мединеде, ичинде Хазрети Пейгъамбер, салляллаху алейхи ве селлемниң баас этильмегени тек бир эв биле къалмады. (Ибн-и Хишам, II, 38; Ибн-и Сад, I, 219; Хейсеми, VI, 40)

Учюнджи Шерх-и Садр (коксюниң ярылмасы): Мираджгъа азырлыкъ

Исра ве Мирадж геджесинде Фахр-и Кяинат, салляллаху алейхи ве селлемниң Аллах Таала иле корюшмектен эвель, темиз пейгъамбер юреги учюнджи кере иляхий теджрибелерге азырланаракъ

кокюслери иман ве икметле толдурылгандыр. (Бухарий, Саят, 1; Муслим, Иман, 263)

Пейгъмберимиз бу адисени бойле аңлатыр:

«Мен Кябенинъ Хатим кысмында ята эдим. Юкьу иле уяныкылык арасында манъа бири кельди, шу ерден шу ерге кьадар (коксюми) ярды. (Буны сёйлегенде богъазындан, коксюнинъ кьыл биткен ерге кьадар олгъан кысмыны косътерди). Къальбимни чыкъарты. Сонъ иман ве икмет иле толу алтын бир кьаб кетирильди. Къальбим (чыкъарылып Земзем суву иле) ювулды. Сонъ ичериси иман ве икметнен толдурылып текрар ерине кьоюлды...» (Бухарий, Бедуль-Халькъ, 6; Энбия, 22, 43; Муслим, Иман, 264)

Махбубнынъ Хабибине олгъан эшсиз икрамы:

МИРАДЖ

Исра адисеси хиджреттен 18 ай эвель олгъан эди.

Исра ве Мирадж оларакъ билинген бу иляхий эдие, козьден бутюн бешерий перделернинъ алынувынен, идракларнынъ тышында ве тамамен иляхий ольчулер иле керчеклешкен бир лютуфтыр. Меселя, бизим аңлагъанымыз манада мекян ве вакъыт ёкъ олды, миллиардларджа инсан омрюне сыгъмайджакъ кьадар узун бир ёлджулыкъ, бир саниеден даа аз бир заман ичинде олгъан эди. Аллах Таала буюра:

سُبْحَانَ الَّذِي أَسْرَى بِعَبْدِهِ لَيْلًا مِّنَ الْمَسْجِدِ الْحَرَامِ إِلَى الْمَسْجِدِ الْأَقْصَى الَّذِي
بَارَكْنَا حَوْلَهُ لِنُرِيَهُ مِنْ آيَاتِنَا إِنَّهُ هُوَ السَّمِيعُ الْبَصِيرُ

«Бир гедже онъа аетлеримизден бир кысмыны косътерейик деп, (Мухаммед) къулуны Месджид-и Харамдан, этрафыны мубарек кьылдыгъымыз Месджид-и Акъсагъа алып баргъан Аллах, нукъсан сыфатлардан узакътыр; О, акъикъатен эшитиджидир, корюджидир. » (эль-Исра, 1)

Ает-и кериме ифаде эткен муим ве тааджиПЛЕНЕДЖЕК ишлерининъ эмиетине дикъкъат чекмек узьре тензихнен, سُبْحَانَ (субхане) сё-



зюнен башлагандыр. Тефсир алимлерининъ беянына коре سُبْحَانَ, Аллахнынъ, нукъсан сыфатлардан узакъ олгъаныны там бир шекильде ифаде этер.

Айрыджа, Аллахнынъ юдже санааты къаршысында, айрет ифадеси оларакъ да къулланылмакътдыр. Айны заманда Аллахны анъма хусусында муим бир тесбихаттыр.

Къыскадан бу келиме;

1. Акъылларгъа айрет берген Исра адисесини юджельтов ве догърултув; къальплернинъ темизленювине земин азырламкътыр. Бу келиме, инсанларны Аллахны махлюкъаткъа бенъзетмек ве джысым шеклинде тюшюнмектен де къорчалар.

2. Мираджны къабул этмегенлерге къаршы, Аллахнынъ аджиллик ве бенъзери эр тюрю нукъсан сыфатлардан узакъ олгъаны акъикъатыны ифаде этер.

Аетнинъ девамында, геджеге дикъкъат чекильмектедир. Чюнки Исра, бир гедже ёлджулыгъыдыр. Вахий бир чокъ вакыт гедже кельгендир. Акъикъатта нафиле ибадетлерде де техедджуд намазы энъ фазилетли ибадеттир.

Месджид-и Акъса ве этрафынынъ мубарек олмасы бойле изах этиле:

1. Дин ве дюнья берекетинен берекетлендирилген. Этрафында ешиликлер ве ырмакълар бар.

2. Пек чокъ пейгъамбер о ерде яшагъан ве бу себеп иле де вахийнинъ эниш меяны олгъан.

3. Исра адисеси себебинен де айрыджа берекетли къылынган.

Бу ёлджулыкът Аллах, къулу ве Ресули Мухаммед Мустафа саллаллаху алейхи ве селлемге аджайып адиселер косътергендир.

Аллах Ресули саллаллаху алейхи ве селлем, о гедже Месджид-и Акъсада бутюн пейгъамберлерге имам олып намаз къылдырды. (Ибн-и Сад, I, 214)

Эбу Хурейре -радиаллаху анх-ден ривает этильгенине коре, Исра геджеси Ресул-и Экрем саллаллаху алейхи ве селлемге биринде шарап, дигеринде сют булунгъан эки савут кетирильди. Хазрети Пейгъамбер, саллаллаху алейхи ве селлем бойле бир бакъкъандан

сонъ сют савутыны алды. Бунынъ узъре Джебраиль:

«Сени, инсаннынъ яратылыш ғаесине уйгун олгъангъа ёнель-
ткен Аллахкъа хамд олсун. Шает, ички толу савутны алса эдинъ, ум-
метинъ бозгунлыккъа тюшер эди», - деди. (Муслим, Иман, 272;
Эшрибе, 92. Айрыджа бк. Бухарий, Тefsир, 17/3, Эшрибе, 1, 12;
Несаи, Эшрибе, 41)

Ресулюллах салляллаху алейхи ве селлем бойледже, бутюн ум-
метини темсиль эте эди. Сют инсаннынъ фыратыны, шарап исе дю-
ньягъа багълылыккыны темсиль этмекте эди.

Аллах ает-и керимеде:

وَمَا يَنْطِقُ عَنِ الْهَوَىٰ

«... О, арзусына коре де лаф этмез!» (эн-Неджм, 3) буюра-
ракъ Пейгъамбер Эфендимизнинъ озъ арзусына уяракъ къонуш-
магъаныны ве озюнден бир шей япмагъаныны бильдиргендир. Асыл
иш корюджи Аллахтыр ве Пейгъамберимиз де Онъа толу манасынен
теслим олгъандыр. Бу ерде Аллах Таала, сютни терджих эттиререк
Хабибини энъ фазилетли олгъангъа ёнелтти.

Исра адисесинен Месджид-и Харамдан Месджид-и Акъсагъа
алып барылгъан Пейгъамбер алейхи'с-селямгъа, бу ерден се-
магъа юкселюв, яни Мирадж шерефи бахшыш этильди. Керчектен
Месджид-и Акъсагъа баргъан Хазрети Пейгъамбер бу ерден Хазрети
Джебраильнинъ реберлигинде «Сидретуль-Мунтеха» гъа къадар чыкъ-
ты. Кяинатнынъ Эфендисе Сертаджы Энбия салляллаху алейхи ве
селлем бу адисени бойле анылатыр:

«Мен Кябенинъ Хатим къысмында юкъу иле уяныкълыкъ ара-
сында эдим... Яныма эшектен буюк, къатырдан кичик беяз бир айван
кетирильди. Бу Буракъ эди. Огюндеки аягъыны козьнинъ корьгени
энъ сонъки нокътагъа къойып ёл ала эди. Мен онынъ узерине минди-
рильген эдим. Бойледже, Джибриль алейхи'с-селям мени алып кетти.
Дюнья семасына къадар кельдик. Къапынынъ ачылмасыны истеди.

«Кельген ким?»- денильди.

«Джебраиль!»- деди.

«Берабер кельген ким?»- денильди.

«Мухаммед алейхиссаламу весселям»- деди.

«Онъа Мирадж давети йиберильдими?»- денильди.

«Эбет!»- деди.

«Хош кельдинъиз! Бу келиш не эйи келиштир!»- денильди ве къапы ачылды.

Къапыдан кечкенде, о ерде Хазрети Адем алейхи'с-селямны корьдим.

«Бу бабанъыз Адем! Селям бер онъа!»- деди.

Мен де селям бердим. Селямымны алды. Сонъ манъа:

«Салих эвлят, хош кельдинъ, салих пейгъамбер, хош кельдинъ!»- деди.

Сонъ Хазрети Джебраиль мени юксельти ве экинджи семагъа кельдик. Бу ерде Хазрети Яхъя ве Хазрети Иса алейхимесселям иле къаршылаштым. Олар тизе огуллары эди. Сонъ Джебраиль мени учюнджи семагъа чыкъарды ве о ерде Хазрети Юсуф алейхи'с-селямнен къаршылаштыкъ. Дёртюнджи къат сеада Хазрети Идрис -aleyhi'с-селям- иле, бешинджи къат сеада Харун -aleyhi'с-селям- иле, алтынды къат сеада исе Хазрети Муса -aleyhi'с-селям- иле къаршылаштыкъ.

«Салих къардаш хош кельдинъ, салих пейгъамбер, хош кельдинъ!»- деди.

Мен оны кечкендже, агълады. Онъа:

«Не ичюн агълайсынъ?»- денильди.

«Чюнки менден сонъ бир деликъанлы пейгъамбер олды, онынъ умметинден дженнетке кетеджеклер, меним умметимден дженнетке кетеджеклерден даа чокъ!»- деди.

Сонъ мени единджи семагъа чыкъарды ве Ибрахим -aleyhi'с-селям- иле къаршылаштыкъ.

Джебраиль -aleyhi'с-селям-:

«Бу бабанъ Ибрахимдир, онъа селям бер!»- деди.

Мен селям бердим. О да селямымны алды. Сонъ:

«Салих огулум хош кельдинъ, салих пейгъамбер, хош кельдинъ!»- деди.



Даа сонъ манъа:

«Я Мухаммед! Умметинъе менден селям сёйле ве оларгъа дженнетнинъ топрагъы чокъ гузель, суву татлы, ери чокъ кениш ве тюмтюз олгъаныны бильдир. Сёйле де дженнетке чокъ терек отуртсынлар. Дженнетнинъ тереклери де «Субханаллахи вель-хамду лилляхи ве ля иляхе иллаллаху валлаху экбер» демектен ибареттир», - деди.

Сонъ Сидретуль-Мунтехагъа чыкъарылдым. Бунинъ мейвалары (Йеменнинъ) Хеджер бардакълары киби ири эди, япракълары да филь къулакълары киби эди.

Джебраиль -алейхи'с-селям- манъа:

«Иште, бу Сидретуль-Мунтехадыр!»- деди. » (Бухарий, Бедуль-Халькъ, 6; Энбия, 22, 43; Менакъыбуль-Энсар, 42; Муслим, Иман, 264; Тирмизи, Тefsир, 94; Деават 58; Несаи, Салат, 1; Ахмед, V, 418)

О ерде Джебраиль -алейхи'с-селям- бойле деди:

«Эй, Аллахнынъ Ресули! Бу ерден огге ялынъыз кетеджексинъ!»

Ресулюллах, салляллаху алейхи ве селлем сорады:

«Не ичюн эй, Джибриль?»

О да джевап беререк:

«Аллах манъа бу ерге къадар кельмеге изин берди. Эгер бу ерден илериге бир адым атсам, янар куль олурым!..»- деди. (Рази, XXVIII, 251)

Артыкъ бундан сонъки ёлджулыккъа Аллах Ресули, салляллаху алейхи ве селлем ялынъыз девам этти. Кендисине табиат устю шейлер лютуф этильди. Аллахнынъ джемалыны коръди.

Бу ёлджулыкътаки табиат устю ваъиаларны ифаде этмек, хаялдан тыш бир акъикъатны, инсан идракининъ черчевесине сыгъдыра бильмек заруретинден догъмакътадыр. Акъикъатен асылы Аллах иле Онынъ Пейгъамбери арасында эбедий бир сыр оларакъ, тамамен гъайб алемининъ шартлары ичинде керчеклешкендир. Бунинънен бирликте, Аллах иле Онынъ юдже Пейгъамбери арасындаки бу сырлар, вахийге инангъанларгъа Раббининъ сонъсуз къудрет, юджелик ве салтанатыны косътерир. Айрыджа, иляхий бир макъсат оларакъ, Хазрети Пейгъамбер, салляллаху алейхи ве селлем Эфендимизнинъ



Таифте корьген зулум нетиджесинде кьальбини толдургъан гъам ве кедер ерине севинч ве кьуванчнен денъиштирмектир. Анджакъ, заман ве мекянный тышында керчеклешкен бу вакъиалар, инсан акъылы ичюн къавранмасы имкянсыз шейлердир.

Бойледже, Пейгъамберимиз Хазрети Пейгъамбер, салляллаху алейхи ве селлем, бутюн пейгъамберлерге берильген лютуфларны ашкъан ве Мираджда Аллахнынъ затына замансыз ве мекянсыз бир алемде **قَابَ قَوْسَيْنِ أَوْ أَدْنَى «аралары, эки яй арасы къадар, атта даа да якъын олды»** (эн-Неджм, 9) деп билинген бир якъынлыкъта булунды. Бу якъынлыкънынъ бир зерресини корьген Хазрети Муса, улю-ль азм пейгъамбери олмасына рагъмен байылып кьалгъаны хатырланса, Пейгъамбер Эфендимизнинъ Аллах къатындаки мевкыйи иле кучюнинъ дереджеси аз-чокъ къаврана билир.

Аллах Таала, Мираджны Къуран-ы Керимде бойле беян буюра:

وَالنَّجْمِ إِذَا هَوَىٰ

«Энмекте олгъан йылдызгъа ант олсун.» (эн-Неджм, 1)

Суренинъ бу шекильде бир антнен башламасы, кяфирлернинъ япаджакълары итиразларгъа къаршы Мираджнынъ акъикъатыны исбат этмек ичюндир. Акъикъатта бу хусус, антнынъ артындан кельген ает-и керимелерле де бойле анылатылыр:

مَا ضَلَّ صَاحِبُكُمْ وَمَا غَوَىٰ. وَمَا يَنْطِقُ عَنِ الْهَوَىٰ. إِنْ هُوَ إِلَّا وَحْيٌ يُوحَىٰ. عَلَّمَهُ شَدِيدُ الْقُوَىٰ. ذُو مِرَّةٍ فَاسْتَوَىٰ. وَهُوَ بِالْأُفُقِ الْأَعْلَىٰ.

«Аркъадашынъыз (Мухаммед) бозукъ ёлгъа кирмеди ве батылгъа инанмады; о арзусына коре де лаф этмез. О (бийли-диргенлери) вахий этильгенден башкъа шей дегиль. Чюнки оны кучлю-къуветли ве устюн яратылышлы бири (олгъан Джебраиль, Раббининъ эмири узьре) огретти. Сонъра энъ юк-сек уфукъта (Сидретуль-Мунтехада) олгъанда, асыл шеклинен догърулды.» (эн-Неджм, 2-7)

Аетте кечкен истива сёзю – кьаплав, кьушатув ве догърулув мана-

ларыны аңлатыр. Тефсир алимлерининь чокуь, бу аетте Джебраиль-aleyхи'с-селям- акькьында сёз этильгенини сёйлемекнен бирликте базылары Хазрети Пейгъамбер, салляллаху алейхи ве селлем акькьында олгъаныны сёйлерлер. Буны дикькъаткъа алсакь, истива – Аллах Ресулининь къадри ве къыйметининь, рутбе ве макъамынынь юксекигини ифаде этмектедир. Яни Аллах Ресули, салляллаху алейхи ве селлем, ильк башта энъ юксек уфукьта догърулды:

ثُمَّ دَنَا فَتَدَلَّى

«Сонъра якъынлашты, деркен, даа да якъынлашты. (Яни, Пейгъамберимиз, булунгъаны ер ве макъамдан даа юкъары чыкъарылды.)» (эн-Неджм, 8)

Бойледже Пейгъамбер, Мираджа энъ юксек уфукьта ялынъыз истива иле къалмайып, Аллахкъа догъру якълашты. Артындан иляхий кучюнинь тесири артты, артты, артты ве Хазрети Пейгъамбер, салляллаху алейхи ве селлем, бир анда энъ юксек уфукьнынь обир тарафына кечти:

فَكَانَ قَابَ قَوْسَيْنِ أَوْ أَدْنَى

«(Мухаммед Мустафа иле Раббининь) аралары, эки яй арасы къадар, атта даа якъын олды. » (эн-Неджм, 9)

Ает-и керимедеки: *قَابَ قَوْسَيْنِ أَوْ أَدْنَى* «Эки яй арасы атта даа аз месафе», керчекни инсан идракине уйдурмакъ ичюн къулланылгъан бир бенъзетюв ифадесидир. Бойле ки,

Ислямдан эвель араплар, бир иттифакъ къурмакъ узьре аңлашаджакълары заман эки яй чыкъарыр, бирини дигерининь узерине къояракъ экисининь «къаб»ыны бирлештириллер, сонъ да экисини берабер чекип оларнен бир окъ атар эдилер. Бу, олардан бирининь разы оладжагъы шейге дигерлерининь де разы оладжагъыны, бири-сини ачувландыргъан шей дигерлерини де ачувландыраджагъыны ифаде эткен бир бераберлик, бутюнлик аңлашмасы эди.

Бунъа коре «къабе къавсейн», эм маддий, эм де маневий якъынлыкьны ичине алгъан ве инсан акъылыны ашкъан юдже бир акъ-



икъаттыр. Яни Мухаммед Мустафа салляллаху алейхи ве селлем, бу нокътада Раббине о къадар якъынлашты ки, оларнынъ арасында бутюн эр шей алынды. Ве догърудан догъру:

فَاَوْحَىٰ إِلَىٰ عَبْدِهِ مَا أَوْحَىٰ

«Аллах о анда къулуна вахийни бильдирди. » (эн-Неджм, 10)

Бу вахийнинъ не олгъаны бойле ифаде этильгендир.

1. Намаз: Мираджа энъ муим хусус, беш вакъыт намазнынъ фарз кылынмасыдыр. Хазрети Пейгъамбер салляллаху алейхи ве селлем Муса алейхи'с-селямнынъ тевсиелеринен Аллахкъа мураджаат эткен ве башта элли вакъыт оларакъ фарз кылынган намаз, беш вакъыткъа тюшюрильди. Бунынъ иле бирликте Аллах, бирге он беререк, беш вакъытны кылгангъа элли вакъытнынъ савабыны береджегини бильдирди. Даа сонъ Аллах бойле буюрды:

«Эр ким бир хайыр ишлемек истер ве оны япмаса, о кимсеге (бу эйи ниетинден долайы) бир савап язылыр, якъаны такъдирде исе он савап язылыр.

Эр ким де, бир яманлыкъ япмакъ истер, анджакъ оны япмаса, кендисине гунах язылмаз. Шаёт о феналыкны япса, бир гунах язылыр!» (Муслим, Иман, 259)

Бу хусустаки узун хадис-и шерифте беян олунгъаны узыре Аллах Таала, башта намазны элли вакъыт оларакъ эмир эткен, Ресул-и Экремнинъ бир къач мураджааты иле беш вакъыткъа тюшюргендир. Бунынъ манасы шудыр: инсанлар узериндеки Аллахкъа къаршы бордж оларакъ намазнынъ элли вакъыт кылынмасы керек, анджакъ Аллахнынъ лютуф ве кереми кереги, бирге он нисбетинде ашлаштырылды. Аллахнынъ шу беянына бакъсакъ:

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ

«Мен джинлерни ве инсанларны анджакъ манъа ибадет этсинлер деп яраттым. » (эз-Зарият, 56), инсаннынъ асыл иши ибадеттир, анджакъ иляхий мерхамет кереги бу сайы, энъ зайыф инсан

дикъкъаткъа алынаракъ экситильгендир. Анджакъ, беш вакъыт устюне де изин берильди, атта керекли олгъаны да ифаде этильгендир. Текмиль муминлер фарз олгъан бу беш вакъыткъа къошма оларакъ Къушлукъ ве Эввабин намазларыны кыларлар ве хусусан, гедже Техеджджуд намазына турарлар. Бутюн булар бу вакъианынъ табиий бир нетиджесидир. Анджакъ, бу киби ибадетлернинъ, инсанларнынъ такъатлары ете биледжегини ве о зевкъкъа улаша биледжегини косътермек ичюн, намаз эмири башта элли вакъыттан башлатылып, сонъунда Пейгъамбер алейхи'с-селямнынъ мураджааты иле бешке тюшюрийгендир.

2. Аллах Ресули салляллаху алейхи ве селлемге хитапнен:

«Пейгъамберлерден ич бири сенден эвель дженнетке кирмейджек, умметлерден ич бири де, сенинъ умметинъден эвель дженнетке кирмейджектир!» деп буюрылгандыр. (Рази, XXVIII, 248)

3. Бакъара суресининъ сонъ эки ает-и керимеси вахий этильгендир.

Муслимде ривает этильген бир хадис-и шерифте буюрылып:

«Ресулюллах, салляллаху алейхи ве селлемге (Мираджда) уч шей берильди: Беш вакъыт намаз, Бакъара суресининъ сонъу (эки аети) ве умметинден ширкке тюшмегенлерге буюк гуняхларынынъ афу этильгени хабери...» (Муслим, Иман, 279)

Бунунъ иле бирликте Мирадждаки вахийнинъ тефсилат ве кейфиедини анджакъ Алах ве Пейгъамбери билir.

Бу ерде ачыкъ олгъан, Аллах Ресули салляллаху алейхи ве селлемнинъ Мирадждаки корьгенлери бир хаял оларакъ дегиль, къальп ве виджданынынъ да тасдикъ эткени бир акъикъат оларакъ корьгени кейфиедир. Яни:

مَا كَذَبَ الْفُؤَادُ مَا رَأَى. أَفَتُمَارُونَهُ عَلَى مَا يَرَى.

«(Мухаммед Мустафанынъ) къозьлеринен корьгенини къальби яланламады. (Эй, инкярджылар!) Онынъ корьгенлери акъкъында шимди онынънен тартышаджакъсынъызмы?»
(эн-Неджм, 11-12)



Аллах Ресули, Мирадж геджеси Раббинен корюшип, сайысыз ибретли адиселер корьген сонъ, ич бир къулнынъ етишмейджеги ху-сусий макъамдан къайткъанда, Джебраиль алейхи'с-селямны къал-дыргъан ерде (Сидретуль-Мунтехада) бир дефа даа асыл суретинде корьди. Аетте буюрылыр:

وَلَقَدْ رَآهُ نَزْلَةً أُخْرَىٰ. عِنْدَ سِدْرَةِ الْمُنْتَهَىٰ.

«Ант олсун (Мухаммед Мустафа), оны (Джебраильни) Сидретуль-Мунтеханынъ янында бир кере даа корьген эди. » (эн-Неджм, 13-14)

Аетте Аллах Ресули, салляллаху алейхи ве селлемнинъ макъам итибарынен Джебраиль -aleyhi'с-селям-дан даа илериде олгъаны-на ишарет этильгендир. Акъикъатта Джебраиль -aleyhi'с-селям-, Мирадж геджесинде кендисининъ: «Бир пармакъ уджу даа якълаш-са эдим, мухакъкъакъ янар эдим!»- дегени макъамда къалгъан ве Пейгъамбер Эфендимиз даа илериге кеткендир. Бу акъикъат, Аллах Ресулининъ дёнюште текрар Джебраильге растламасы иле даа ачыкъ бир шекильде аңлашылмакътадыр.

عِنْدَهَا جَنَّةُ الْمَأْوَىٰ. إِذْ يَغْشَى السِّدْرَةَ مَا يَغْشَى.

«Дженнетуль-Мева да онынъ янындадыр. Сидрени къа-плагъан къапламыш эди. » (эн-Неджм, 15-16)

Фахр-и Кяинат -aleyhi экмелют-тахийят- Эфендимизден сорал-ды:

«Я, Ресулюлах! Сидрени къаплагъан не корьдинъ?»

Буюрдылар ки:

«Алтындан перванелернинъ оны буюрдигини ве эр япрагъында бир мелекнинъ отурып Аллахны тесбих эткенини корьдим. » (Табири, XXVII, 75; Муслим, Иман, 279)

Бу итибар иле Ибн-и Аббаснынъ риваетлерине коре:

Аллах Таала, Мусагъа келям (онынънен лаф этти), Ибрахимге достлукъ ве Мухаммед Мустафагъа да руетуллах (Аллахны, кейфиети бизлер тарафындан билинемейджек бир суретте корьмек) шерефи-

ни лютуф этти. (Табери, XXVII, 64)

Козьнинъ Махбуптан (севгилиден) башкъа бир ерге къоймама-сы эдепнинъ энъ усть нокътасыдыр. Акъикъатен:

مَا زَاغَ الْبَصَرُ وَمَا طَغَى. لَقَدْ رَأَى مِنْ آيَاتِ رَبِّهِ الْكُبْرَى.

«(Мухаммед Мустафанынъ) козю (корьгенинден) шашма-ды ве (оны) ашмады. Ант олсун, о Раббининъ энъ буюк аетле-ринден бир къысмыны корьди. » (эн-Неджм, 17-18)

Бу аетлерден де анълашылгъаны киби Хазрети Пейгъамбер, сал-ляллаху алейхи ве селлем, Джебраиль -aleyhi's-sелям- дахи ич бир махлюкьнынъ худутны ашамагъаны Сидретуль Мунтеханынъ обир тарафына кечирильди. Аетте, инсан акълына «бирлештирильген эки яй арасы я да даа аз» месафе оларакъ бильдирильген кейфиетинен къуллар тарафындан къавранмасы мумкюн олмагъан, гизли бир ко-рюшюв олды.

Бу корюшювде Пейгъамберлер Султаны, сёзлернинъ худутына сыгъмайджакъ дереджеде юдже ве буюк акъикъатлар, яни Раббининъ Рабблик аетлеринден, мульк ве салтанатынынъ буюклигинден, ан-джакъ корьмекнен етишильмеси мумкюн олгъан энъ буюк аетлерни корьди. Бу ерде тефсир алимлерининъ беяны: «Хазрети Пейгъамбер, салляллаху алейхи ве селлем, къальби иле Аллахны корьди » шеклин-дедир. (Табери, XXVII, 63)

Ибн-и Аббас -радиаллаху анх-дан кельген риваетке коре Пейгъамберимиз:

«Мен, Юдже Раббимни корьдим!»- буюргъандыр. (Ахмед, I, 285; Хейсеми, I, 78)

Бир башкъа риваетте Пейгъамбер Эфендимиз «Раббини корь-динъми?» суалине джевапен:

«Бир нур корьдим!»- буюргъанлардыр. (Муслим, Иман, 292)

Энъ догърусыны Аллах билир.

Хазрети Пейгъамбер, салляллаху алейхи ве селлемден, Ибра ве Мираджнен алякъалы бир чокъ хабер накъиль этильгендир. Олардан бир къачы шулардыр:



Аллах Ресули, Мираджада бир топлулыкъ корьди, оларнынъ дудакълары деве дудагъы кибидир. Бир такъым вазифели шахыслар да оларнынъ дудакъларыны кесип, агъызларына таш къоя.

«Эй, Джебраиль! Булар кимлердир?»- деп сорады.

Джебраиль -aleyhi's-селям:-

«Булар, етимлернинъ мамарыны хакъсызлыкънен ашагъанлар!»- деди. (Табири, XV, 18-19)

Сонъ Ресулюллах, салляллаху алейхи ве селлем, башкъа бир джемааткъа раст кельди. Олар да бакъырдан тырнакъларынен юзьлерини ве кокюслерини тырмалай эдилер:

«Эй, Джебраиль! Булар кимлердир?»- деп сорады.

Джебраиль -aleyhi's-селям:-

«Булар, (ошек айтмакънен) инсанларнынъ этлерини ашагъанлар ве оларнынъ шереф ве намусларынен ойнагъанлардыр», - джевабыны берди. (Эбу Давуд, Эдеб, 35/4878)

Даа сонъ Хазрети Пейгъамбер, салляллаху алейхи ве селлем Эфендимиз о ерде; зина-кярларны - леш ашагъан бедбахтлар оларакъ; фаиз ашагъанларны - къарынлары гъает шишкен ве шейтан чарпкъан резиль бир вазиятте; зина этип балаларыны ольдюрген къадынларны да, бир къысмыны кокюслеринден, бир къысмыны баш ашагъы асылы бир алда корьди. (Табири, XV, 18-19)

Бу себепле Пейгъамбер Эфендимиз:

«Эгер меним бильгенимни сизлер де бильген олса эдинъиз, мухакъкъакъ ки, пек аз кулер ве чокъ агълар эдинъиз!»- буюргъандыр. (Бухарий, Тefsир, 5/12)

Ресулюллах, салляллаху алейхи ве селлем бойле буюргъандыр:

«Мирадж геджесинде дженнетнинъ къапысы узеринде шу ибаренинъ язылы олгъаныны корьдим:

«Садакъагъа он мислинен, бордж берювге исе он секиз мислинен мукъфат бериледжектир. »

Мен:

«Эй, Джibriль! Бордж берильген шей не ичюн садакъадан даа устюн ола?»- деп сорадым.

«Чюнки тиленджи янында пара олгъаны алда садакъа истер.



Бордж истеген исе, ихтияджы себебинен истемекте», - джевабыны берди » (Ибн-и Мадже, Садакът, 19)

Пейгъамберимиз дигер бир хадис-и шерифлеринде бойле буюргъанлардыр:

«(Мирадж эснасында) дженнетнинъ къапысында турып ичери бакътым. Чокъусы факъирлер эди. Зенгинлер де (эсап бермек ичюн) апс этильген эдилер. Булардан джехеннемлик олгъанларнынъ атешке атымалары эмир этильген эди.

Джехеннемнинъ къапысында да турдым. О ерге киргенлернинъ чокъу къадынлар эди. » (Бухарий, Рикъак, 51; Муслим, Зухд, 93)

Джехеннемликлернинъ чокъусы къадынлар олмасы, оларнынъ, саип олгъанлары аджеледжи ве эеджанлы фытратлары себебинен корьгенлери эйиликлерге къаршы чокъча нанкъерлик этмелери ве кенди япкъан эйиликлерни де юзге урмалары себебиндендир. Пейгъамбер Эфендимиз бу хадис-и шерифлеринен къадынларны, джехеннемге тюшмемелери ичюн тенбиелемекте.

Мирадж весилесинен шу акъикъаткъа да ишарет этильмелидир ки, инсанлар, заман бакъымындан ялынъыз мазининъ хатыралары иле толу олгъанлары алда, пейгъамберлер, Аллахнынъ тилегени ольчюде, эм мази, эм ал, эм де истикъбаль бильгилери иле донатылгъанлардыр. Ресулюллах, салляллаху алейхи ве селлемнинъ махшер эхвалындан хабер берюви ве бу хаберлерни «корьдим, дуйдым...» киби олгъан бир суретте ифаде буюрмасы, иште бу керчекнинъ бир тезахюридир. Бунынъ иле алякъалы бир мисаль де Ашереи Мубешшереден олгъан Абдурахман бин Авф Хазретлери акъкъындадыр. Хадис-и шерифте буюрылыр:

«О гедже (Мирадж геджесинде) Абдурахман бин Авфын корьдим. Дженнетке, отургъаны еринде сюйрекленип кире эди. Онъа:

«Не ичюн бу къадар агъыр келесинъ?»-дедим

О:

«Я, Ресулюллах! Малымнынъ эсабы себебинен, балаларны биле къартайтаджакъ къадар агъыр къасеветлер кечирдим. Ойле ки, бир даа сизни коремейджем деп зан эттим...» (Мухаммед Парса, Фаслуль-Хытаб, с. 403)



Абдуррахман бин Авф, бу адисени Мирадждан сонъ дуйганында, аман Хазрети Айше -радиаллаху анха-нынъ янына кетип, Хазрети Пейгхамберден бойле бир хадис бармы деп сорады. Айше -радиаллаху анха-, бу хадиснинъ олгъаныны сёйлегенинен, Абдуррахман Хазретлери, о сырада Шамдан янъы кельген керваныны олгъаны киби деръал нефакъаджыларгъа дагъытты.

Керчектен о гедже Аллах Ресули, салляллаху алейхи ве селлем, сайыламайджакъ къадар чокъ аетлер корьгендир. Бу акъкъында бир хадис-и шерифлеринде бойле буюрды:

«(О гедже) кокке юксельтильдим. Ойле бир макъамгъа чыктым ки, о ерде къалемлернинъ гъыджыртыларыны дуя эдим. (Яни ойле бир макъам ве севиеге чыкъарылдым ки, къяинатнынъ къадерининъ насыл джерьян эткенини корьдим.)» (Бухарий, Саят, 1)

Юкъарыдаки хадис-и шерифтен де ачыкъ аңлашылмакъта ки, Аллах Ресули, салляллаху алейхи ве селлем, Мираджа мази, ал ве истикъбални бири-бири ичинде, айны анда яшай эди.

Мирадждан бир къач нокъта

1. Ресулюллах, салляллаху алейхи ве селлем Эфендимиз, бу ёл-джулыккъа чыкъмадан эвель шакъкъы садыр адисеси олгъандыр. Бу да косътере ки, маневий юкселиш, къальп иле мумкюндир. Ойле бир къальп иле ки, ичинде иляхий нурдан башкъа бир шейге ер ёкътыр.

2. Қъальп, сертликтен къуртулгъанынен, иляхий сырлары гонъюлни сармагъа башлар.

3. Ибра адисесинде, къулуны мустесна бир шекильде юрюткен Аллахнынъ къудрети ве юдже бир салтанаты къорюнмектедир.

4. Дигер бир нокъта да Мираджнынъ, аджы ве кедер юкю бир Таиф сеферинден сонъ лютуф этильмеси, мешакъкъатлар артындан севинчининъ кельмесидир.

5. Қуран-ы Керимде бизге бильдирилъген фарзлар, Джебраилъ вастасынен ёланылгъандыр. Намаз исе, Мираджа догърудан догъру, вастасыз Аллах тарафындан эмир этильгендир. Бу да намазнынъ



айры бир эмиети олгъаныны косътерир.

6. Мираджа Пейгъамберимизге сема къапыларынынъ ачыл-масы, онынъ Пейгъамберликнинъ Мекке, Къурейш, Сакъиф иле махдут олмагъаныны, онынъ бутюн къяинатнынъ небиси, Алемлернинъ Эфендисини олгъаныны косътермектедир.

7. Мирадж иле, инсаннынъ текамюлининъ бараджагъы сонъ нокъта косътерильген, яни инсаннынъ юкселишининъ худуты косътерильгендир.

Мираджнынъ акислери

Пейгъамберимиз Къяинатнынъ Севинчи Эфендимиз, Исра ве Мирадж акъкъында Къурейш мушриклерине хабер береджек вакъытта:

«Эй, Джебраиль, къавмим мени тасдики этмез!»- деди.

Джебраиль -алейхи'с-селям:-

«Эбу Бекир сени тасдики этер. О сыддыкътыр», - деди. (Ибн-и Сад, I, 215)

Мушриклер Мирадж адисесини дуйгъанларында, деръал яланламагъа башладылар. Орталыкъкъа бир ошек аким олды. Буны фырсаат билерек, муминлерни де бу ёлда весвеселернен иманларындан вазгечирмек истедилер. Атта Хазрети Эбу Бекирге биле кельдилер. Анджакъ о, Хазрети Пейгъамбер, саллялаху алейхи ве селлемге олгъан кучлю иман ве садакъат ичинде:

«О не сёйлесе догърудыр! Чюнки онынъ ялан сёйлемесине имкян ве ихтимал ёкътыр! Мен, онынъ эр кетиргенине шимдиден инанырым...»- деди.

Мушриклер:

«Сен оны тасдики этесинъ ве бир геджеде Бейтуль-Макъдиске кетип кельгенине инанасынъмы?»- дедилер.

Хазрети Эбу Бекир -радиаллаху анх:-

«Эбет! Бунда шашыладжакъ не бар? Валахи, о манъа гедже я да кунъдюзнинъ эр анги бир вакътында кендисине Аллахтан хабер кельгенини сёйлесе, мен кене оны тасдики этем», - деди.



Даа сонъ Эбу Бекир -радиаллаху анх-, о вакъытта Кябеде булунган Пейгхамбер Эфендимизинъ янына кетти. Онынъ мубарек агъызындан анылатылганларны динъледи ве:

«Садакъта (догъру сёйлединъ), Я, Ресулюллах!..»- деди.

Аллах Ресули де, онынъ бу тасдикинден мемнюн къаларакъ джианны айдынлаткъан тебессюмнен Хазрети Эбу Бекирге:

«Я, Эбу Бекир, сен «Сыддыкъ»сынъ!..» буюрды (Ибн-и Хишам, II, 5)

О кунъден сонъ Эбу Бекир -радиаллаху анх- «сыддыкъ» лагъабынен мешур олды.

Бутюн Асхаб-ы Кирам да Эбу Бекир -радиаллаху анх- киби Аллах Ресули, салляллаху алейхи ве селлемни тасдикъ эттилер.

Муминлерни къандырамагъан мушриклер, бу дефа Пейгхамберимизинъ янына келерек озълериндже оны имтиан этмеге къалкътылар. Бейт-и Макъдисни сорадылар. Аллах оны Ресулининъ козьлерининъ огъуне кетирди. Аллах Ресули -алейхиссалату vessелям-, айнен джевап берди. (Бухарий, Менакъыбуль Энсар, 41; Тефсир, 17/3; Муслим, Иман, 276)

Бу сефер ёлдаки бир кервандан ве о кервандаки базы хусусиетлерден сорадылар. Керван да, о ан тыпкъы Месджиди Акъса киби Ресулюллахнынъ козьлерининъ огъуне кетирильди. Аллах Ресули, салляллаху алейхи ве селлем де керекли малюматны, оларнынъ истегенлеринден даа фазласынен берди. Атта керваннынъ кунеш догъгъанда Меккеге киреджегини де бильдирди.

Алгъан джевапларына шашкъан мушриклер: «Бельки сонъ сёйлегени догъру чыкъмаз» тюсюнджесинен шафакъ вакъыты юкъламайып, эп бирликте керванны беклемеге башладылар. Сонъунда керван корюнди, лякин къальплери килитли олгъанлар, инатлыкъларында девам этерек:

«Бу ап-ачыкъ бир сиирдир!»- дедилер. (Ибн-и Хишам, II, 10)

Аллах Таала:

أَفَعَيْنَا بِالْخَلْقِ الْأَوَّلِ بَلْ هُمْ فِي لُبْسٍ مِنْ خَلْقٍ جَدِيدٍ

«Ильки яратувда аджизлик косьтердикми? Ёкъ, олар янъы бир яратув хусусында шубе ичинделер. » (Къаф, 15) буюрмакътадыр. Эр шейни ёкътан бар эткен Аллахнынъ, къулуны Мираджкъа чыкъармасындан даа къолай не бардыр ки? Буны къабул этмемек, анджакъ сагълам акъылдан марум олмакъны косьтерир.

Заваллы, ахмакъ ве бедбахт мушриклер Мирадж адисесине де инанмадылар, кене Аллах Ресулининъ устюнден кульдилер. Артыкъ Алемлернинъ Эфендиси оларнынъ арасындан айрыладжакъ ве бу нимет, япкъанлары яман арекетлер себебинен элеринден алынаджакъ эди. Чюнки олар, шерефине яратылгъанлары бир Пейгъамберге къаршы акъылгъа, хаялгъа кельмез хакъсызлыкълар ве яманлыкълар япкъан, япкъанларында да адден ашкъан эдилер.

Керчектен япыладжакъ тек шей къалгъан эди: Аллахнынъ, Пейгъамберимизни оларнынъ арасындан чекип алмасы ве онынъ къадри ве къыйметини биледжек башкъа бир джемааткъа ёлмаасы!..

Затен Аллах, Таиф ёлджулыгъындан фазла бир вакъыт кечмеден Къурангъа ве Ресульге бейат этеджек мумтаз джемиетнинъ ильк групасыны Севгили Хабибине ёлагъан эди.

ПЕЙГЪАМБЕРЛИКНИНЪ 12-ДЖИ СЕНЕСИ

Биринджи Акъабе бейаты

Алты кишинен Меккеге келип де Акъабеде иман нуру иле ше-рефленген Мединелилер, бу сене он эки киши оларакъ кельдилер. Булушма ерлери кене Акъабе олды.

Аллах Ресули, салляллаху алейхи ве селлем, янъы кельгенлерни де тевхидге давет этти. Аркъадашларындан Ислямнынъ юджелигини ве гузеллигини эшитип дигер алты киши де иман эттилер.

Акъабе корюшмесинден фаркълы оларакъ, бу сеферки корюшмеде Пейгъамберимизге бейат этильди. Мединелилер, Аллах Ресули, салляллаху алейхи ве селлемнинъ элини тутмакъ суретинен ильк бейатларыны япып сёз бердилер. Бу бейат себебинен экинджи Акъабе корюшмесине «Биринджи Акъабе Бейаты» дейильгендир.

Бу бейатта Мединелилер, Аллах Ресулине шу мевзуларда сёз бердилер:

1. Аллахкъа ич бир шекильде ширк къошмамакъ.
2. Хырсызлыкъ япмамакъ.
3. Зинагъа якълашмамакъ.
4. Къыз балаларыны тири-тири коммемек.
5. Кимсеге ифтира, бефтан этмемек.
6. Аллахкъа ве Пейгъамберине итааттан айрылмамакъ. (Бухарий, Менакъыбуль Энсар, 43)

Мединелилернинъ бу ильк сёз берювлери, Ислям тарихы ичюн бир дёнум нокътасы олды. Бунунъ иле Хиджаз ве бутюн Арабистанда укюм сюрмекте олгъан ширк, зулум ве фена адетлернинъ ортадан

къалдырылмасы хусусында ант этильди.

Мусаб бин Умейрнинъ муаллим оларакъ ёланылмасы ве Мединенинъ Къураннен Фетихи (Пейгъамберликнинъ 12-жди йылы)

Мединели янъы мусульманлар бир мектюп язаракъ, Ислямны огренмек ичюн Ресулюллах, салляллаху алейхи ве семемден кендилерине Къуран-ы Керим окъуйджакъ, Ислямны анълатаджакъ ве намаз къылдыраджакъ бир муаллим ёлламасыны истедилер. Алейхиссалату весселям Эфендимиз де Мусаб -радиаллаху анх-ны ёлады. (Ибн-и Сад, I, 220)

Хазрети Мусаб, чокъ генч яшта хидаетке эрген, аилесининъ онъа агъыр зулумлар япмаларына, атта мирасларындан марум эт-мелерине рагъмен дининден дёнмеген эди. Чюнки о, факъир ве гъарип къалса да, асыл иманнен толу зенгин бир гонъюльге саип эди. Ислямнынъ яйылмасы хусусында пек эеджанлы эди.

Акъыкъатта Мусаб -радиаллаху анх-нынъ Мединеге кетювинен Ислям, о ерде кениш яйылды. Пейгъамбер Эфендимизнинъ теблигъ иле вазифелендирген бу генч сахаби, инсанларгъа Аллахнынъ динини анълатмакъ ичюн геджесини кунъдюзине къатаракъ чалышмагъа башлады. Мусаб -радиаллаху анх-нынъ гъайретлери берекетинен хидаетке ильк бахтиярлардан Эсад бин Зураре эрди. О, Мусаб радиаллаху анхны эвинде мусафир эте ве бутюн чалышмаларында ярдым эте эди.

О, бир кунъ Мусабны янына аларакъ Зафер огъуллерынынъ багъчасындаки къуюнынъ башына отурды. Абдульэшхел Огъуллерынынъ огде кельгенлеринден Сад бин Муаз, буны дуйгъанджа Усейд бин Худайргъа:

«Сен ишини эйи бильген ве кимсенинъ ярдымына мухтадж олмагъан бир адамсынъ. Зайыфларымызнынъ инамларыны бозмакъ ичюн мааллемизге кельген шу адамларнынъ янына кет ве оларны тенбие эт ки, бир даа мааллемизге кельмесинлер. Эсад акърабам олмаса эди, бу ишни кендим япар эдим», - деди.

Усейд аман мызрагъыны аларакъ, о ерге кетти ве къызгъын бир шекильде:

«Сиз не ичюн бу ерге кельдинъиз? Шу янынъдаки ябанджыны,



зайыфларымызнынъ инамларыны бозмасы ичюн кетирдинъми?! Бир даа сакъын бойле бир шей япмагъа тырышма! Эгер джанынъызны севе исенъиз аман бу ерден кетинъиз!»- деди.

Индже акъылнен арекет эткен Мусаб -радиаллаху анх- онъа:

«Бираз отурып, сёйледжеклеримни динълерсинъми? Сен акъыллы бир кимсесинъ, сёзлеримни бегенсенъ къабул этерсинъ, бегенмесенъ къабул этмезсинъ», - деди.

Усейд:

«Догъру бир сёз сёйлединъ!»- дегенден сонъ, мызрагъыны ерге саплап, янларына отурды. Мусаб Ислямны анълатып Къуран-ы Керим окъуды.

Усейд Къуран-ы Керимни динълегени заман, даа къонушмагъа башламадан эвель юзюнде Ислямнынъ нуру парылдады ве къальби Ислямгъа йымшады. Къуран-ы Керим акъкъында да:

«Бу не гузель, не юдже бир сёз! Сиз бу динге кирмек истегенинъиз заман не япарсынъыз?»- деди.

Оларнынъ талиматы узъре Усейд -радиаллаху анх- къалкъып гъусуль алды, эльбиселерини темизледі ве шехадет кетирди. Сонъ да эки рекят намаз къылды ве:

«Кериде ойле бир адам быракътым ки, о сизге таби олса, къавминден ич бир кимсе онъа къаршы чыкъмаз. О, Сад бин Муаздыр! Мен шимди оны сизге ёлларым!»- деди.

Сад къызгъын бир вазиятте янларына кельди. Ниаетинде о да Хазрети Усейд киби Мусаб -радиаллаху анх-ны динълеген сонъ мусульман олды. Сонъ къабилесининъ янына келерек:

«Эй, Абдульэзхель Огъулары! Мени насыл билирсинъыз?»- деп сорады. Олар:

«Сен бизим сеййидимиз (эфендимиз), фикирдже энъ устюнимиз ве реисимизсинъ», - дедилер. Бунынъ узерине Сад -радиаллаху анх-:

«Сиз Аллахкъа ве Ресулине иман этинджеге къадар, эркек ве къадынларынъыз иле къонушмакъ манъа харам олсун»- деди.

О кунъ акъшамгъа къадар бу къабиледен мусульман олмагъан кимсе къалмады. (Ибн-и Хишам, II, 43-46; Ибн-и Сад, III, 604-605; Ибн-и Эсир, Усдуль-Гъабе, I, 112-113)



Хазрети Мусаб, Селиме огулларынынъ итибарлы кимселеринден олгъан Амр бин Джемухны да Ислямгъа давет этти. Онъа Юсуф суресининъ ильк секиз аетини окъуды. Амр тюшюнмек ичюн бираз вакъыт истесе де, бир тюрлю къарар берамады. Бунунъ узерине Амрнынъ даа эвельдже мусульман олгъан огулу Муаз, къабилесиндеки мусульман генчлер иле анълашаракъ, бир гедже бабасынынъ путуны гизлидже якъында булунгъан пислик чукъурына аттылар. Саба бу алны корьген Амр дешет ичинде къаларакъ, путуны чукъурдан чыкъартты ве темизлеп гузель къокъулар силерек ерине къойды.

Айны адисе бир къач кунъ даа текрар этиндже, путны озю къорчаламакъ ичюн бойнуна къылычыны асты. Эртеси куню путуны текрар чукъурда корюндже, ибадет эткени джансыз путнынъ ич бир шейге ярамагъаныны, кендини къорумагътан дахи аджыз олгъаныны анълады ве ширк къаранлыгъындан Ислямнынъ нурлу сабасында уянды. Янълыш яшайыштан, Пейгъамбер вастасынен къуртаргъан Аллахкъа шукюр этти. Даа сонъ да къавмини Ислямгъа тешвикъ этти. (Ибн-и Хишам, II, 61-63; Зехеби, Сийер, I, 182)

Пейгъамберимиз, Мусаб -радиаллаху анх- иле бирликте ильк иман эткенлерден бири олгъан Абдуллах бин Умми Мектумны да Мединеге Къуран огретмек ичюн ёллагъан эди. (Бухарий, Менакъыбуль Энсар, 46)

Ислямнынъ Мединеде бу шекильде эйи корюльгенини хабер алгъан Аллах Ресули, салляллаху алейхи ве селлем ве Меккели мусульманлар, чокъ къувандылар. Ойле ки, о сенеге «Севинч сенеси» денильди. Чюнки артыкъ Медине, Ислямнынъ бешиги олмагъа азыр алгъа келе эди.

Пейгъамбер Эфендимиз бойле буюргъандыр:

«Улькелер къылычнен фетих этильди. Лякин Медине Къуран иле фетих этильгендир». (Беззар, Мюснад, № 1180; Рудани, № 3774)



ПЕЙГЪАМБЕРЛИКНИНЪ 13-ДЖИ СЕНЕСИ

Экинджи Акъабе бейаты

Экинджи Акъабе корюшмесинден бир сене сонъ Мединелилер, кене хадж мевсиминде Ресулюллах, салляллаху алейхи ве селлем иле корюштилер. Бу сефер экиси къадын, етмиш беш киши эдилер.

Кене Аллах Ресулине бейат эттилер. Бунъа да «Экинджи Акъабе Бейаты» дейильди.

Къафиленинъ башында кельген Мусаб -радиаллаху анх- кенди эвине якълашмадан эвель Ресулюллах, салляллаху алейхи ве селлемнинъ янына кетти. Энсарнынъ Ислямны суръатнен къабул этмелерини хабер берди. Алемлернинъ Эфендисини онынъ кетирген хаберлерге къуванды. Хазрети Мусабнынъ эвель Аллах Ресули, салляллаху алейхи ве селлемнинъ янына бармасындан, мушрик анасынынъ хабири олгъанджа чокъ къызды.

О исе:

«Мен Ресулюллах, салляллаху алейхи ве селлемден эвель кимсенинъ янына кетмем», - деди.

Эфендимизден изин истедиктен сонъ анасынынъ янына барды ве оны Ислямгъа давет этти. (Ибн-и Сад, III, 119)

Иште асхабнынъ Ресулюллахкъа севгиси бойле эди.

Джабир -радиаллаху анх- дер ки:

«Хазрети Пейгъамбер, салляллаху алейхи ве селлем Эфендимизнинъ кендисини ве мусульманларны имае этеджек бир къабиле арап да, кимсенинъ онъа къучакъ ачмагъаны кунълерде, Аллах Таала бизни Есриб (Медине)ден онъа ёлады да, биз иман эттик ве кендисини имае эттик. Бизден бири кетип Аллах Ресулине иман этер эди, Эфендимиз де онъа Къуран окъур эди. Эвине дён-



гени вакъыт бутюн эв халкъы онъа уяракъ, мусульман олур эдилер. Исламнынъ анълатылмагъаны бир Энсар эви къалмады. Сонъ да бир арагъа келерек къонуштыкъ ве:

«Ресулюллах, салляллаху алейхи ве селлемни даа не вакъытка къадар Мекке дагъларында эзиет ве джефа ичинде быракъаджакъмыз?!»- дедик.

Бунынъ узерине хадж мевсиминде бейат этмек ичюн онынъ янына бардыкъ». (Ахмед, III, 322; Хаким, II, 681-682)

Бу бахтлы кишилер, Пейгъамбер Эфендимизнен тешрик кунълеринде Акъабе мевкъийинде булушмакъ узьре сёзлештилер. Аллах Ресули Мединелилерге:

«Юкълагъанны уятманъ, вакътында корюшме ерине кельмегенни де беклемень!»- буюрды.

Гедженинъ учте бири кечиндже Фахр-и Кяинат Эфендимиз иле къарарлашгъанлары Акъабе ерине кетип, оны беклемеге башладылар. Ниает, Ресулюллах Эфендимиз эмджеси Аббас иле бирликте кельди. Аббас, даа мусульман олмаса да Эбу Талиптен сонъ торунынынъ имаесини узерине алгъан эди. Мединелилернинъ Аллах Ресулини давет эткенлери вакъыт оларгъа бойле деди:

«Эй, Мединелилер! Бизлер оны душманлардан къорчаладыкъ. Кене де къорчалайджакъмыз. Онынъ арамыздаки ери юксектир. Факъат сиз севги ве сайгъынъыздан долайы даа эминликте олмасы ичюн Мединеге давет этесиз. О да буны истемектедир. Анджакъ оны душманлардан къорчалап олсанъыз мемлекетинъизге алып кетинъиз. Мен сизден оны ярдымсыз быракъмайджагъынъызгъа, алдатмайджагъынъызгъа даир, къатты бир сёз алмакъ истейим. Чюнки къомшуларынынъ олгъан еудийлер торуныма душмандырлар. Оларнынъ тузакъ къурмайджакъларындан эмин дегилим. Бу ишке, анджакъ арап къабилелерининъ душманлыкъларына къаршы келеджек къадар дженк кучюнъиз бар исе киришинъиз. Озь аранъызда бир къараргъа келинъиз де, сонъ бу хусуста ихтиляфкъа тюшменъиз! Шает янынъызгъа баргъан сонъ оны къорчалап оламасанъыз ве душманларнынъ элине береджек олсанъыз, озюнъизге ишанмасанъыз шимдиден бу даветтен вазгечинъиз! Аранъызда къонушмакъ истеген олса буюр-



сын кьонушсын, факъат кьонушмасыны фазла узатмасын. Чюнки эр тарафта мушриклернинъ джасуслары бар! Бу ерден дагьылганынынъ ыз вакыт да, бу меселени гизли тутунъыз!»

Эсад бин Зураре аякъка турып, Пейгхамбер Эфендимизнинъ эмджеси Аббаснынъ сёйлегенлерине джевап оларакъ, бойле бир кьонушма япты:

«Я, Ресулюллах! Сен бизни эвельден берли инангъан динимизни быракъмагъа ве озъ дининъе таби олмагъа давет эттинъ. Бу чокъ зор ве агъыр бир шей олгъаны алда, биз сенинъ бу теклифинъни къабул эттик. Сен бизни, якъын-узакъ бутюн мушрик акъраба ве кьомшулар иле алякъаларымызны кесмеге давет эттинъ! Бу да чокъ зор ве агъыр бир шей олгъаны алда биз сенинъ бу теклифинъни де къабул эттик! Бизлер сени, ялынъыз къавминъ дегиль, эмджелеринъ биле ольдюрмеге истеселер, имае этмеге азырмыз ве сенинъ бу теклифинъни де къабул эттик. Эй, Аллахнынъ Ресули! Биз кендимизни, эвлятларымызны ве къадынларымызны кьорчалагъанымыз киби сени де кьорчалайджакъмыз. Эгер биз бу ахтымызны бозаджакъ олсакъ, Аллахнынъ ахтыны бозгъан бедбахт кимселер олайыкъ! Я, Ресулюллах! Бу санъа къаршы бизим садакъат еминимиздир! Ярдымына сыгъыныладжакъ олгъан исе анджакъ Аллах Тааладыр!»

Хазрети Эсадтан сонъ Абдуллах бин Реваха аякъка къалкъаракъ, Ресулюллах, салляллаху алейхи ве селлемге:

«Я, Ресулюллах! Раббинъ ве кендинъ ичюн бизге истегенинъ шартны кьош!»- деди.

Ресулюллах, салляллаху алейхи ве селлем Эфендимиз бойле буюрды:

«Раббим ичюн шартым, Онъа ибадет этменъиз ве ич бир шейни Онъа ширк кьошмаманыздыр. Кенди акъкъымдаки шартым исе, джанларынынъизны ве малларынынъизны насыл кьорчалай исенъиз, мени де ойле кьорчалайджакъсынъыз!»

Асхаб-ы Кирам:

«Бойле япсакъ къаршылыгъында бизге не бар?»- деп сорады.

Хазрети Пейгхамбер, салляллаху алейхи ве селлем джевабен:

«Дженнет бар!»- деп буюргъанджа, о ердекилер:

«Не кярлы бир алыш-вериш! Бундан не дёнермиз, не де дёнюль-месини истермиз!»- дедилер. (Ибн-и Кесир, Тефсир, II, 406)

Абдуллах бин Реваха, Муте дженкинде бу кярлы алыш-веришни тамамлагъан, Пейгъамберимизден шехит олмакъ муждесини ала-ракъ, дженкте оледжегини биле-биле буюк бир истек иле муаребеге къатылгъан, малыны бейт-уль малгъа, джаныны да Аллахкъа адап, Дженнети Алягъа учкъандыр. Дигер сахабилер де башкъа ерлерде, Аллах ёлундаки джихад ве гъайретлерине девам этерек бу бейатла-рына садыкъ къалгъанлар, маневий тиджаретлерини берекетлендир-генлер.

Мединели мусульманларнынъ якъанлары бу бейатнен алякъа-лы оларакъ шу ает-и кериме назиль олды:

إِنَّ اللَّهَ اشْتَرَى مِنَ الْمُؤْمِنِينَ أَنْفُسَهُمْ وَأَمْوَالَهُمْ بِأَنْ لَهُمُ الْجَنَّةَ يُقَاتِلُونَ فِي سَبِيلِ اللَّهِ فَيَقْتُلُونَ وَيُقْتَلُونَ وَعْدًا عَلَيْهِ حَقٌّ فِي التَّوْرَةِ وَالْإِنْجِيلِ وَالْقُرْآنِ وَمَنْ أَوْفَى بِعَهْدِهِ مِنَ اللَّهِ فَاسْتَبْشِرُوا بِبَيْعِكُمُ الَّذِي بَايَعْتُمْ بِهِ وَذَلِكَ هُوَ الْفَوْزُ الْعَظِيمُ

«Аллах муминлерден малларыны ве джанларыны, озь-лерине (бериледжек) дженнет къаршылыгъында сатын ал-гъандыр. Чюнки олар Аллах ёлунда дженклеширлер, оль-дюрирлер, олюрлер. (Бу), Тевратта, Инджильде ве Къуранда Аллах узерине хакъ бир вадедир. Аллахтан даа чокъ сёзюни ерине кетирген ким бар! О алда Онынънен якъан бу алыш-веришинъиз себебинен севининъ. Иште бу, (акъикъатен) буюк къазанчтыр. » (эт-Тевбе, 111)

Бундан сонъ бир къач киши даа сёз аларакъ къонушты. Оларнынъ артындан Пейгъамбер Эфендимиз Мединелилерге хитап этти ве оларгъа Къуран-ы Керим окъуяракъ Ислямны анылатты. Сонъ да анги шартлар узьре бейат этеджеклерини бильдирди. Эвельки маделерге иляве оларакъ шу хусуслар да бу бейатта зикир этильди:

а. эмир ве акимият муминлерден эр кимде олса олсун, онъа къаршы чыкъмамакъ.

б. Аллах ёлунда юргени ичюн мушриклер ве кяфирлер тарафын-



дан айыпланмакътан къоркъмамакъ.

в. Сеадет ве къыйынджылыкларда, севинч ве кедерде Аллахнынъ Ресулине итаат этмек ве оны озюнден устюн тутмакъ; Оня ич бир суретте къаршы кельмемек.

Пейгъамбер Эфендимиз:

«Ичинъизден манъа он эки накъиб чыкъарынъ ки, олар къабилелерининъ темсильджиси олсунлар!»- буюрды.

Мединели мусульманлар, докъузы Хазредж къабилесинден, учю де Эвс къабилесинден олмакъ узъре он эки накъиб чыкъардылар.

Пейгъамберимиз темсильджилерге:

«Хаварилернинъ Иса бин Меръем ичюн кефиль олгъанлары киби сизлер де къавминъизнинъ кефиллерисинъиз. Мен де мусульман олгъан къавмининъ кефилийим!»- буюрды.

Накъиблер:

«Эбет!»- дедилер.

Пейгъамберимизнинъ эмджеси Аббас, бир терекнинъ тюбюнде Пейгъамберимизнинъ элинден тутуп, Мединели мусульманларга бирер бирер бейат эттирди.

Бу бейатнен, Аллах Ресули, салляллаху алейхи ве селлем давет этилерек Мединеге хиджрети къарарлаштырылды. Чюнки о девирде исми Есриб олгъан Мединенинъ шартлары, эр бакъымдан Ислямга къучакъ ачмагъа азыр алгъа кельген эди.

Бейат, гедже япылгъаны ичюн, бундан Меккели мушриклернинъ хаберлери олмады. Бейат япылып тамамлангъан вакъытта Акъабенинъ узеринден шейтан:

«Эй, Мина халкъы! Эй, Къурейш джемаати! Мухаммед иле янын-да булунгъан ве динлерини деньиштиргенлернинъ сизнен дженклешмек ичюн топланып анылашкъанларындан хабериниз ёкъмы?!»- дие-рек кескин ве узун бир феръят къопарды.

Ресул-и Экрем, салляллаху алейхи ве селлем:

«Бу сес сизни къоркъутмасын! О, Аллахнынъ душманы Иблисинъ сесидир! Динъле, эй, Аллахнынъ душманы! Сени де енъеджегим!»- буюргъан сонъ мусульманларга:

«Аман къонакъ ерлеринъизге къайтынъыз!»- деди.



Аббас бин Убаде -радиаллаху анх-:

«Сени, хакъ дин ве китап иле ёллагъан Аллахкъа емин этерим ки, истесенъ Мина халкъыны да къылычтан кечириримиз!»- деди.

Пейгъамбер Эфендимиз:

«Биз даа бунынънен эмир олунмадыкъ! Сизлер шимди ерлеринъ-изге дёнюнъиз!»- буюрды.

Мусульманлар ерлерине дёнип, сабагъа къадар юкъладылар. Саба Къурейш мушриклеринден базылары янларына келерек Пейгъамберимиз иле анълашма япып япмагъанларыны сорадылар. Ич бир шейден хабер илмагъан къафиледеки мушриклер, емин этерек бойле бир шейнинъ олмагъаныны сёйледилер. Анджакъ, Къурейш мушриктери, Акъабе Бейатыны араштырмагъа девам этилер. Бейат хаберининъ догъру олгъаныны анълагъанларынен, Медине ёлларыны кестилер, мусульманларны булмакъ ичюн эр тарафкъа адамларыны ёлладылар. Мушриклернинъ такъипчилери ёлда Сад бин Убаде -радиаллаху анх-ны якъаладылар:

«Сен Мухаммеднинъ динине кирдинъми?»- деп сорадылар.

«Эбет!»- дегендже, эки элини бойнуна сыкъып багъладылар. Дёгедёге, узун сачынынъ перчеминден чеке-чеке Меккеге алып кеттилер. Онъа зулум ве ишкендже этмеге башладылар. Бундан хабердар олгъан Джубейр бин Мутим иле Харис бин Харб аман кетип Сад -радиаллаху анх-ны мушриклернинъ элинден къуртардылар.

Энсар топланып озьлерини къуртармакъ чарелерини къыдыргъан бир анда Сад -радиаллаху анх- янларына кельди. (Ибн-и Хишам, II, 47-57; Ибн-и Сад, I, 221-223; III, 602-603; Ахмед, III, 322, 461, 462; Хейсеми, VI, 42-44)

Ибн-и Аббас -радиаллаху анхума- бойле дегендир:

Ресулюллах, салляллаху алейхи ве селлем, Хазрети Эбу Бекир ве Хазрети Умер мухаджирлердендир. Чюнки олар мушриклерден къачаракъ Мединеге хиджрет эткенлердир. Айны шекильде Энсардан да мухаджирлер бардыр. Олар да Акъабе геджеси, ширк юрту олгъан Мединеден Ресулюллах, салляллаху алейхи ве селлемге кельгенлер. (Несаи, Бейат, 13)

Акъабе бейатлары, факъат он эки я да етмиш беш кишининъ де-



гиль, бутюн мусульманларнынъ Аллах иле якъанлары бир ахттыр.

Бу дюнья – ахырет аятынынъ сатып алынган бир базардыр. Ресулюлах самялаху алейхи ве селлем иле япылган бу бейаткъа бизим де бутюн къальбимиз иле иштирак этмемиз ве Асхаб-ы Кирам мисали «не кярлы бир алыш-вериш» демемиз керек.

Мусаб -радиалаху анх- Мединеде Ислямнынъ темели олды. Биз де гоньюллерде Ислямнынъ темеллерини атмамыз керек. Теблигъджи керек олса эв-эв юрюмеси ве аркетинен орынек олма-лыдыр. Теблигъджининъ къальби Аллах ве Ресулининъ муаббетинен толса, Мусаб -радиалаху анх- киби, дюньявий лезетлерини Ислям ичюн феда эте билир.



ХИДЖРЕТ (ПЕЙГЪАМБЕРЛИКНИНЪ 13-ДЖИ СЕНЕСИ)

Хиджретке изин берильмеси ве Мединеге хиджрет

Экинджи Акъабе бейатындан сонъ мушриклер, мусульманларнынъ хиджрет япмакъ ичюн азырлыкъ кореяткъанларындан хабердар олдылар ве эзиет япмакъны эп арттырдылар. Мусульманлар бу даянылмаз эскенджелер себебинен Меккеде къаламамакъ къарарына кельгенлери ичюн, вазиетлерини Пейгъамбер Эфендимизге арз эттилер ве хиджрет ичюн изин истедилер. Аллах Ресули, салляллаху алейхи ве селлем, Аллахнынъ изини иле мусульманларгъа Медине ёлларыны косътерди. Бойле буюрды:

«Бундан сизинъ хиджрет этеджегинъиз шеэрнинъ, эки къара ташлыкъ арасында хурмалыкъ бир ер олгъаны манъа косътерильди » (Бухарий, Кефалет, 4)

Оларгъа энсар къардашлары иле къучакълашмаларыны эмир этти ве:

«Аллах Таала сизинъ ичюн къардашлар ве раатлыкъ буладжагъынъыз бир дияр лютуф этти!»- буюрды.

Бундан сонъ мусульманлар дуюрмадан азырландылар, бири-бирлерине ярдым этерек гизли хиджрет этмеге башладылар. (Ибн-и Хишам, II, 76; Ибн-и Сад, I, 226)

Чюнки мусульманларнынъ даа эвель хиджрет этип, гузель къаршылап алынганлары Хабешистан, джиангъа аким оладжакъ бир дин ичюн меркез олмакъ шартларыны ташымай эди. Медине исе эм



сиясий, эм тиджарий, эм де даа бир чокъ джеэтлиринен Ислямгъа меркез ола биледжек сыфаттаки бир шеэр эди. Бунынъ ичюн топлу хиджрет, о мубарек ерге насип оладжакъ эди.

Акыкъатен, Медине мусульманлар ичюн бир сыгынакъ мекяны алына кельген эди. Бойледже Меккели мушриклер де къоркъкъан шейлерине оърадылар. Ислям, Мекке тышына чыккыты ве Мединеде буюк бир итибар къазанды. Бу, мушриклернинъ, Хазрети Пейгъамбер, саллялаху алейхи ве селлемни юртундан чыкъармакъ ичюн раатсыз этип турмаларынынъ озьлери ичюн не къадар буюк зарар ве гъайып олгъаныны бир тюрю анъламамаларындан менбаалана эди. Акыкъатен бу, олар ичюн буюк бир гъайып эди. Факъат олар буны ис этмеге аджиз эдилер.

Аллах Таала Ресулине буюрды:

وَإِذَا لَا يَلْبُثُونَ خِلَافَكَ إِلَّا قَلِيلًا ...

«...Олар да сенден сонъ, юртларында пек аз къаладжакълардыр!» (эль-Исра, 76)

Завалмы мушриклер, о андаки кучьлерине ве нефислерине алданаракъ мусульманларны чекиштирип, устьлеринден кулип, къоркъутып, тиджаретлерини ясакълай, шиддет ве ишкендже этип оларны къоркъутмакъ истей, бойледже Меккедеки кучьлерини муафаза эткенлерине инана эдилер. Ойле экен пек якъын вакъытта нелерге шаат оладжакъ эдилер! Кендилерини мытлакъ ве буюк бир магълюбиет ве перишанлыкъ беклей эди...

Чюнки акъын-акъын Мединеге кеткен мусульманлар, олардан къоркъкъанлары ичюн дегиль, Ислямнынъ темеллерини энъ гузель бир шекильде къурмакъ ичюн хиджрет эте эдилер.

Хазрети Али дер ки:

«Мухаджирлернинъ гизли оларакъ хиджрет эткенлерини эр кес биле. Умер бин Хаттаб бундан мустеснадыр. О хиджрет этеджеги вакъыт къылычыны къушанды, яйыны омузына асты, окъларыны ве мызрагъыны элине алды ве Кябеге кетти. Къурейш мушриклерининъ илери кельгенлери, о сырада Кябенинъ янында отура эдилер. Умер

-радиаллаху анх- Кябени еди дефа таваф эткенден сонъ оларнынъ янына барды ве мушриклерге кычырды:

«Иште, мен Мединеге кетем! Анасыны агълатмакъ, къадыныны тул, балаларыны етим быракъмакъ истегенлер аркъама тюшсин, шу вадийнинъ аркъасында къаршыма чыкъсын!»

Анджакъ, ич кимсе артына тюшип оны такъип этамады. » (Ибн-и Эсир, Усдуль-Гъабе, IV, 152-153)

Мединелилер, Меккеден кельген къардашларыны къучакълап къаршылай, оларгъа джан гонъюльден ярдым эте эдилер. Бу юзден Меккели мусульманларгъа «Мухаджир», Мединели мусульманларгъа исе ярдым эткенлер манасында «Энсар» дейильди.

Аллах Таала буюрыр:

وَالسَّابِقُونَ الْأَوَّلُونَ مِنَ الْمُهَاجِرِينَ وَالْأَنْصَارِ وَالَّذِينَ اتَّبَعُوهُمْ بِإِحْسَانٍ رَضِيَ اللَّهُ عَنْهُمْ وَرَضُوا عَنْهُ وَأَعَدَّ لَهُمْ جَنَّاتٍ تَجْرِي تَحْتِهَا الْأَنْهَارُ خَالِدِينَ فِيهَا أَبَدًا ذَلِكَ الْفَوْزُ الْعَظِيمُ

«(Ислям динине кирмек хусусында) огге кечкен ильк мухаджирлер ве энсар иле оларгъа гузелликнен табий олгъанлар бар я, иште, Аллах олардан разы олгъандыр, олар да Аллахтан разы олгъандырлар. Аллах оларгъа, ичинде эбедий къаладжакълары, земининден ирмакълар акъкъан дженнетлер азырлагъан. Иште, бу буюк къуртулыштыр. » (эт-Тевбе, 100)

Меккенинъ кунъ кечтикче бошалгъаныны корьген мушриклер, яваш-яваш ишнинъ озьлери ичюн не алгъа келеджегини тюшюнмеге башладылар. Аман бир фесат оджагъы олгъан Дарун-Недведе топландылар. Топлашувгъа Неджид шеэринден олгъаныны сойлеген бир къарт да къатылгъан эди. Бу ихтияр, инсан суретине кирген шейтан эди.

Не япаджакъларыны узун-узун тартыштылар. Пейгъамбер Эфендимизни якъалап, апс этмек я да Меккеден сюръгюн этип чыкъармакъ киби бир чокъ теклифлер олды. Теклифлернинъ эписине шейтан къаршы чыкъты. Сонъунда резиль бир къарарда фикир бирлиги-

не кельдилер:

Аллах Ресули, салляллаху алейхи ве селлемни ольдюреджек эдилер. Бу теклифни, деврининъ Фирауны олгъан Эбу Джехиль бойле тильге кетирди:

«Эр къабиледен бирер сиялы генч сайлайыкъ. Онъа бир анда уджом этсинлер. Эп бирликте урып ольдюрсинлер. Бойледже, ондан къуртулайыкъ, раатлыккъа къавушайыкъ! Яшлар бу шекильде япса, онынъ къаны бутюн къабилелерге дагъылыр! Абди Менаф Огъуларынынъ исе, бутюн къабилелернен дженк этмеге кучълери етмез, диет алмагъа разы олулар. Биз де, Абди Менаф Огъуларына онынъ диетини одермиз!»- деди.

Неджидли бир къарт суретиндеки шейтан -Аллах оны лянет этсин: «Иште еринде сёз, бу адамнынъ сёзюдир! Бундан даа акъыллы бир теклиф оламаз», - деди. (Ибн-и Хишам, II, 93-95)

Бу къарар алынгъаны вакъыт Аллах Ресули, салляллаху алейхи ве селлем, Меккеде аман-аман ялынъыз къалгъан эди. О, умметине тюшкюн бир Пейгъамбер оларакъ башта оларны ёллады, кендиси де мухаджирлерден сонъ кетип, оларны артларындан къорчалайджакъ эди. Аллахнынъ мурады да бойле эди. Атта мукъаддес ёлджулыкъта бирден-бир ёлдашы оладжакъ Эбу Бекир -радиаллаху анх-, хиджрет ичюн кендисинден изин истегенинде бойле буюрды:

«Сабыр эт! Бельки Аллах санъа хайырлы бир ёл аркъадашы берир!» (Ибн-и Хишам, II, 92)

Бунъа чокъ севинген Хазрети Эбу Бекир, хиджрет азырлыгъы олмакъ узьре секиз юз дирхемге эки деве сатып алды ве эвинде дёрт ай эмек этип беследи. (Бухарий, Менакъыбуль Энсар, 45)

Мушриклер, алгъан къарарларыны ерине кетирмек ичюн арекетке кечкенлеринде, Аллах Ресули, салляллаху алейхи ве селлем де Аллахтан эмирни алды:

وَقُلْ رَبِّ ادْخِلْنِيْ مُدْخَلَ صِدْقٍ وَّاَخْرِجْنِيْ مُخْرَجَ صِدْقٍ وَّاَجْعَلْ لِّيْ مِنْ لَّدُنْكَ
سُلْطٰنًا نَّصِيْرًا

«(Ресулим! Бойле ялвар) Раббим! Киреджек ериме догъру-



лыкънен кирмемни теминле; чыкъаджакъ еримден де догъру-лыкънен чыкъмамны теминле. Манъа тарафынъдан хакъкъы иле ярдым этиджи бир къувет бер!» (эль-Исра, 80)

Бу ает-и керимеден башкъа, Джебраиль -aleyhi's-селям- да мушриклернинъ бу планыны Хазрети Пейгъамберге бильдирди ве:

«Бу гедже ятагъынъда ятмайджакъсынъ!»- деди. (Ибн-и Хишам, II, 95)

Бунуныъ узерине Хазрети Пейгъамбер, салляллаху алейхи ве селлем, кунъдюзнинъ эр кес истираат эткен уйле сыджагъында Эбу Бекир -радиаллаху анх-нынъ янына барып, хиджрет эмирининъ кельгенини бильдирди.

Хазрети Эбу Бекир:

«Берабермизми эй, Аллахнынъ Ресули?!»- деди.

Ресулюлах, салляллаху алейхи ве селлем:

«Эбет, берабермиз!»- буюрды.

Хазрети Эбу Бекир бу джеваптан ойле мемнюн олды ки, козьашларыны тутамды. (Ибн-и Хишам, II, 97-98)

Даа сонъ Пейгъамбер Эфендимиз, салляллаху алейхи ве селлем, Хазрети Алини чагъыракакъ хиджрет хаберини берди ве узеринде олгъан базы эманетлерни саиплерине теслим этмеси ичюн оны векиль къалдырды. Чюнки Меккеде, къыйметли бир эшьясы олгъанлар, оны Ресулюлахкъа эманет эте эдилер. Чюнки о, эминлик ве сыдыкъ саиби эди.

Мушриклернинъ планларына тедбир оларакъ да бойле буюрды:

«Я Али! Бу гедже меним ятагъымда сен ят! Шу хыркъамны да устюнъе орт; къоркъма! Санъа хошланмайджагъынъ бир тюрю за-рар олмайджакъ!» (Ибн-и Хишам, II, 95, 98)

О гедже Ресулюлах, салляллаху алейхи ве селлем, даа эвинден чыкъмадан мушриклер эвиниъ этрафыны сардылар. Факъат Аллахкъа тевеккуль ве теслимиети сонъсуз олгъан Хазрети Пейгъамбер, салляллаху алейхи ве селлем, ич бир къоркъу ве шашмалав косътерме-ди. Мубарек эллерине бир авуч топракъ аларакъ мушриклернинъ юзюне серпти ве Ясин суресининъ шу ает-и керимелерини окъуп, араларындан сюзюлип кечти:



إِنَّا جَعَلْنَا فِي أَعْنَاقِهِمْ أَغْلَالًا فَهِيَ إِلَى الْأَذْقَانِ فَهُمْ مُقْمَحُونَ. وَجَعَلْنَا مِنْ بَيْنِ أَيْدِيهِمْ سَدًّا وَمِنْ خَلْفِهِمْ سَدًّا فَأَغْشَيْنَاهُمْ فَهُمْ لَا يُبْصِرُونَ.

«Биз оларнынъ боюнларына алкъалар кечирдик. О алкъалар ченгелерине къадар таянмакътадыр. Бунынъ ичюн башлары юкъары къалкъыктыр. Оглеринден бир сед ве артларындан бир сед чектик де, оларны къапаттыкъ, артыкъ коралмазлар!» (Ясин, 8-9)

Коралмаз эдилер, эльбетте. Чюнки оларнынъ къальп кёрлюги козьлерини кёр эткен эди. Араларындан кечкен зат исе, Фахр-и Кяинат олгъан бир Нур эди. Табий ки, кёр къальплернинъ ве козьлернинъ Нурны корьмеси мумкюн дегиль эди. Корьмедилер де.

Къальплери килитли ве акъикъаткъа кёр мушриклер, пейгъамберимизнинъ эви этрафында чиркин бир ниет иле беклегенде, Аллах Ресули, салляллаху алейхи ве селлем, иляхий эминлик ичинде, чокътан Эбу Бекир -радиаллаху анх-нынъ эвине баргъан эди. Чюнки мушриклернинъ бир ниети бар эди, амма Аллахнынъ да ниети бар эди ки, Аллахнынъ истегени шейден башкъа ич бир шей олмаз. Бу хусусны Аллах бойле бильдирир:


وَإِذْ يَمْكُرُ بِكَ الَّذِينَ كَفَرُوا لِيُثْبِتُوكَ أَوْ يَقْتُلُوكَ أَوْ يُخْرِجُوكَ وَيَمْكُرُونَ وَيَمْكُرُ اللَّهُ وَاللَّهُ خَيْرُ الْمَاكِرِينَ

«(Эй, Ресулим!) Хатырла ки, кяфирлер сени тутып багълавлары я да ольдюрювлери, яхут сени (юртунъдан) чыкъарувлары ичюн санъа тузакъ къура эдилер. Олар (санъа) тузакъ къургъанларында, Аллах да (оларгъа) тузакъ къура эди. Чюнки Аллах тузакъ къургъанларнынъ энъ эйсидир. » (эль-Энфал, 30)

Эвинден чыкъкъан сонъ Хазрети Эбу Бекирнинъ эвине кельген Аллах Ресули, салляллаху алейхи ве селлем, кендиси ичюн азырлангъан девенинъ парасыны берди. Бираз эвель мушриклернинъ ортасындан оларгъа корюнмеден кечкен Аллах Ресули, салляллаху алейхи

ве селлем, умметке нумюне олмакъ ичюн бу сефер тедбирли арекет этти. Хазрети Эбу Бекирнен берабер, эвнинъ арт тарафындан чыктылар. Девелери бир къач кунъ даа бу ерде къаладжакъ эди.

Кене индже бир тедбир оларакъ Мединенинъ акси истикъамети-не догъру ёлгъа атландылар.



Эбу Бекир Эфендимиз, Пейгхамберимизнинь де огюнде, де артында кете эди. Аллах Ресули онынь бу арекетини фаркъ этиндже:

«Эй, Эбу Бекир, не ичюн бойле япасын?»- деп сорады.

Хазрети Эбу Бекир:

«Я, Ресулюллах! Сизинь акъкъынъызда эндише эткеним ичюн бойле кете эдим!» - деди.

Ниает Севр магъарасына етиштилер.

Эбу Бекир Хазретлери:

«Я, Ресулюллах! Мен магъараны темизлейим, сиз бу ерде бекленъ!»- деди ве магъарагъа кирди. Магъаранынь ичини темизлеп, ашерат деликлерини къапатктан сонъ:

«Келинъиз артыкъ, эй, Аллахнынь Ресули!»- деди. (Ибн-и Кесир, «Бидае», III, 222-223)

Бу сырада мушриклер, Эбу Джехильнинь башчылыгында Хазрети Эбу Бекирнинь звине кельдилер, къызы Эсмадан бабасы акъкъында «биймейим» джевабыны алынджа, завалмы къызгъа бир шамар урып, кеттилер.

Пейгхамберимиз ве онынь магъара досту къобада бир муддет къаладжакъ эдилер. Бойледже, кендилерини Медине ёлларында арайджакъ олгъан мушриклерден даа раат сакъланаджакъ эдилер. Затен Аллахнынь лютуф ве инаети оларнынь узеринде эди ве къулыннь тедбири тюкенген ерде, иляхий ярдым башлай эди. Акъикъатта, бир такъым мушриклер, излерни такъип этерек, Севр магъарасынынь агъызына къадар кельген эдилер. Анджакъ бакътылар ки, магъаранынь агъызы ич эль тиймеген киби орюмчек агълары иле къапалы эди ве айрыджа бир гогерджин ювасы бар эди. Аллах Тааланынь эмиринен магъаранынь огюнде Пейгхамбер Эфендимизнинь юзюни ортип, косътермейджек алда бир терек осьти! (Ибн-и Сад, I, 229; Ибн-и Кесир, «Бидае», III, 223-224)

Мушриклер, Алемлернинь Эфендисини бу ерде тапамагъан алда, кери дёндилер.

Бу эки азиз ёлджунынь ярдымджысы, даянаджагъы, сыгъынаджагъы ве сакъланаджакъы – Аллаху Таала эди. Бунынь ичюн магъаранынь огюне кельген мушриклер, бир гогерджин ювасы иле орюм-



чек агъындан башкъа бир шей коралмагъан эдилер.

Шаир Ариф Нихат Асыянынь дегени киби:

Орюмчек не авада,

Не сувда, не ерде эди...

Акыкътны корьмеген

Козьлерде эди!

Анджакъ бутюн булар олып тургъанда, магъаранынь ичинде Хазрети Эбу Бекир -радиаллаху анх- назик анларны яшады. Къоркъкъан эди; кендиси ичюн дегиль, Аллах Ресули, салляллаху алейхи ве селлем Эфендимиз ичюн...

Чюнки, мушриклер бираз эгилип бакъсалар, оларны аман кореджек эдилер. Олар магъаранынь сагъыны, солуну долаша ве:

«Эгер магъарагъа кирген олса эдилер, гогерджинлернинь йымыртасы кырылыр, орюмчек агъы да бозулыр эди», - дей эдилер.

Базылары:

«Магъаранынь ичине кирип бакъайыкъ!»- дедиклери вакъыт, Умейе бин Халеф:

«Сизинь ич акъылыньыз ёкъмы? Магъарада не ишинъыз бар?! Узеринде усть-устьке, къат-къат орюмчек агъы булунгъан шу магъарагъа киреджексинъизми?! Валлахи, манъа коре шу орюмчек агъы, Мухаммед догъмадан эвельсине аиттир!»- деди.

Эбу Джехиль исе:

«Валлахи, ойле зан этем ки, о, шу этрафта! Факъат сири иле козьлеримизни багълады, корьмез этти!»- деди. (Ибн-и Сад, I, 228; Халеби, II, 209)

Бу эснада эндише эткен Хазрети Эбу Бекир Сыддыкъ, Ресулюлах, салляллаху алейхи ве селлемге бойле деди:

«Мен ольдюрильсем, олюр кетерим, ниает бир тек кишийим. Факъат санъа бир шей олса, о вакъыт бир уммет эляк олур», - деди.

Пейгъамберимиз аякъта намаз кыла, Хазрети Эбу Бекир де этрафны козете эди. Эфендимизге:

«Шу къавминь сени арап туралар. Валлахи, мен кендим ичюн эндишеленмейим. Факъат санъа зарар бермелеринден къоркъам»,

- деди.



Ресуль-и Экрем Эфендимиз магъара достуна:

«Эй, Эбу Бекир, кьоркъма! Ич шубесиз, Аллах бизим иле!»- буюрды. (Ибн-и Кесир, «Бидае», III, 223-224; Диярбекри, I, 328-329)

Къуран-ы Керимде бу адисе бойле анылатылмактадыр:

الَّا تَنْصُرُوهُ فَقَدْ نَصَرَهُ اللَّهُ إِذْ أَخْرَجَهُ الَّذِينَ كَفَرُوا ثَانِيَ اثْنَيْنِ إِذْ هُمَا فِي الْغَارِ إِذْ يَقُولُ لِصَاحِبِهِ لَا تَحْزَنْ إِنَّ اللَّهَ مَعَنَا فَأَنْزَلَ اللَّهُ سَكِينَتَهُ عَلَيْهِ وَأَيَّدَهُ بِجُنُودٍ لَّمْ تَرَوْهَا وَجَعَلَ كَلِمَةَ الَّذِينَ كَفَرُوا السُّفْلَى وَكَلِمَةُ اللَّهِ هِيَ الْعُلْيَا وَاللَّهُ عَزِيزٌ حَكِيمٌ

«Эгер сиз онъа (Ресулюллахкъа) ярдым этмесенъиз (бу муим дегиль); онъа Аллах ярдым эткендир. Аслында, кяфирлер оны эки адамдан бири оларакъ, (Эбу Бекирнен бирликте Меккеден) чыкъаргъан эдилер; Аслында, олар магъарада эдилер; о аркъадашына: кедерленме, чюнки Аллах бизнен берабердир, дей эди. Бунынъ узерине Аллах онъа (сукюнет теминлеген) ишанчыны эндирди, оны сиз коръмеген бир орду-нен дестекледи ве кяфир олгъанларнынъ сёзюни алчалтты. Аллахнынъ сёзю исе, затен юджедир. Чюнки Аллах устюндир, икмет саибидир. » (эт-Тевбе, 40)

Эбу Бекир -радиаллаху анх- дей ки:

«Магъарада экенде мушриклернинъ аякъларыны коре эдим:

«Эй, Аллахнынъ Ресули, олар аякларынынъ ашагъысына бир бакъаджакъ олса бизни мытлакъа корерлер!»- дедим.

Бунынъ узерине:

«Эй, Эбу Бекир! Учюнджилери Аллах олгъан эки киши акъкъында не ичюн кьоркъасынъ?»- буюрды. (Бухарий, Федаилуль Асхаб, 2, Менакыб, 45; Муслим, Федаилус-Сахабе, 1)

Меккедеки он учъ йыллыкъ теблигъ ве иршад курешинден сонъ, Аллах Ресули, салляллаху алейхи ве селлемге экинджи бир магъара оларакъ косьтерильген Севр – Хирадан фаркълы оларакъ башкъа бир дерс ичюн эди. Иляхий сырлар ве къудрет акъышларыны коръмек, инсан ве кяинат китабындаки иляхий икмет ве къудрет акъышларыны окъумакъ ичюн эди. Иляхий сырларгъа гъаркъ олув ве къальбий

инкишаф эттирюв дерсханеси эди. Бу мусафирлик учь кунь, учь гедже девам этти. Ялынъыз дегиль эди. Аркъадашы, пейгъамберлерден сонъ кяинатнынъ энъ устюни олгъан Хазрети Эбу Бекир эди. Хазрети Эбу Бекир, онынънен магъарада учь кунь аркъадашлыкь япмакь ше-реф, иззет ве фазилетине эрген, «экининъ экинджиси» олгъан эди. Пейгъамберимиз, бу азиз аркъадашына:

لَا تَحْزَنْ إِنَّ اللَّهَ مَعَنَا

«...Кедерли олма; Аллах бизим иле берабердир!..» (эт-Тевбе, 40) буюрмакьнен, айны заманда Аллах иле берабер олманынъ кейфиетини телькьин эте эди. Бу, гизли зикир талимининъ ильк башлангычы ве гонъюллернинъ Аллахкъа ачыларакь раатлыкькъа эрмеси эди.

Яни Севр магъарасы, къулны сонъсуз сырлар фезасындан, Аллахкъа алып бараджакъ ве темель къальбий талимининъ башлангыч мекияны оладжакь ве бу иляхий ёлджулыкьнынъ ильк басамагьы оладжакь эди.

Хазрети Пейгъамбер, салляллаху алейхи ве селлемнинъ къальп алейминдеки сырларны умметине ачмасы, ильк дефа Хазрети Эбу Бекир -радиаллаху анх- иле бу магъарада башлагъан, къыяметке къадар девам этеджек Алтын Сильсиле нинъ ильк алкъасы олгъандыр. Иман, кучюни онъа олгъан севгиден алгъандыр. Бутюн ульвий ёлджулыкьларнынъ темели, онъа олгъан муаббеттир ве Аллахнынъ ризасына барувнынъ тек ёлу, онъа муаббет иле нокъталангъандыр. Чюнки севгининъ шарты, ашкънынъ къануны, севильген кишиге дуолгъан муаббет ве о ашкътан долайы о кишининъ севген шейлерни де севмектир. Муаббетнинъ тазе тутулмасы да рабыта иле мумкюндир. Бу иляхий муаббетни, хам идракимизнен къаврамакь мумкюн дегиль. Ашагьыдаки шу адисенинъ, эр гонъюльге кенди уфкъу ве кучю ольчюсинде тесир этеджеги къанаатындамыз:

Хазрети Пейгъамбер, салляллаху алейхи ве селлемнинъ:

«Эбу Бекирнинъ малындан истифаде эткеним къадар башкъа ич бир кимсенинъ малындан файдаланмадым...» ифадеси къаршысын-



да, Эбу Бекир -радиаллаху анх- козьяшлары ичинде:

«Мен ве малым, ялынъыз сенинъ ичюн дегильми, я, Ресулюллах?»
Ибн-и Мадже, Мукъаддима, 11) деп кендисини эр шейинен берабер
Хазрети Пейгъамбер, салляллаху алейхи ве селлемге адагъаныны
косътергендир.

Севр магъарасында Алах Ресули, салляллаху алейхи ве селлем,
бир ара мубарек башларыны Хазрети Эбу Бекир -радиаллаху анх-
нынъ тизлерине къойып, хафиф бир юкьугъа далгъан эди. О эснада
Эбу Бекир -радиаллаху анх-, магъарада кендилерине чокъ якъын бир
ерде кичик бир делик коръди. Эр анги бир зарарлы ашерат чыккып
да Хазрети Пейгъамбер, салляллаху алейхи ве селлемге зарар кетир-
месин деп, аман аягъынен о деликни къапатты.

Иляхий бир имтиан оларакъ, керчектен бир муддет сонъ тюшюн-
джесинде хакълы чыккыты. Чюнки бир йылан, Хазрети Эбу Бекирнинъ
аягъыны шиддетли бир шекильде тишледи ве зезрини акъытты. О
буюк сахабининъ джаны о къадар янды ки, Ресулюллах, салляллаху
aleyhi ве селлем уянамасын деп ич кыбырдамады, амма козьле-
ринден тюшкен козьяшларыны тутмады. Ойле ки, бу тамчылардан
бир данеси Алах Ресули, салляллаху алейхи ве селлемнинъ мубарек
юзюне тюшти. Бунынъ узерине уянгъан Хазрети Пейгъамбер, салля-
ллаху алейхи ве селлем:

«Не бар, я Эбу Бекир? Не олды?»- деп сорады.

Хазрети Эбу Бекир -радиаллаху анх-:

«Бир шей ёкъ, я, Ресулюллах!»- деди, амма Ресулюллах, саллялла-
ху алейхи ве селлемнинъ исрары узьре меселени анълатты. (Бейхаки,
Делаил, II, 477; Ибн-и Кесир, «Бидае», III, 223)

Алах Ресули, салляллаху алейхи ве селлем, аман мубарек тю-
кюриклерини йылан тишлеген ерге пармакъларынен сюртти. Шу ан
Эбу Бекир -радиаллаху анх-нынъ аджысы тынды ве Алахтан шифа
берильди.

Зайыф бир риваетке коре бу адисе долайысынен Алах Ресули,
салляллаху алейхи ве селлем, йыландан сорады:

«Бу ишни не ичюн яптынъ?»

Йылан да бойле деди:

«Я, Ресулюллах! Мен йыллардыр сени корьменинь асрети иле шу кичик деликте беклеп тура эдим. Тамам арзума наиль оладжагьым вакьыт, ёлумнынъ къапангьаныны корьдим. Анджакъ муаббетимнинъ шиддетине даянамайып оны тишлемек зорунда къалдым».

Бу весиленен шаир, Аллах Ресули, салляллаху алейхи ве селлемнинъ мадде ве мана оларакъ шифа бергенини ве онъа дост олгьанларнынъ бундан истифаде этеджегини беян этмек узьре бойле дер:

Досту гер зехр-и мар ичсе олур аб-ы аят,

Хасмы сув ичсе дёнер эльбетте зехр-и маре сув

(Эгер Ресулюллах, салляллаху алейхи ве селлемнинъ досту олгьан кимсе, йылан зеэри ичсе, о зеэр, кендиси ичюн бир аят суву олур.

Анджакъ, о Юдже Пейгьамберге душман олгьан кимсе, сув биле ичсе, о сув кендисине бир йылан зеэри олур).

Бу акьикьатны косьтерген дигер бир мисаль да Хазрети Умернинъ заманында олгьандыр. Бойле ки:

Ривает этильгенине коре Бизанс императоры, бир зйи ниет оларакъ Хазрети Умерге душманларыны ёкъ этмек ичюн файдалы оладжакъ чокъ къуветли бир зеэр ёлады. Яшайышлары боюнджа бири-бирлерине гизли мунасебетте олгьан Бизанс императорлары ичюн чокъ табийй олгьан бу зеэрлев ишине Хазрети Умер -радиаллаху анх-хош бакьмаз. Оны кетирген эльчининъ огюнде зеэр шишесини элине алыр ве садедже бир бисмиллях чекип олгьаны киби оны ичер. Зеэрнинъ ич бир тесири корюльмез.

Бу адиселер, яни Аллахнынъ изни иле зеэрнинъ тесиринден къорчаланмакъ, анджакъ Аллах Ресули, салляллаху алейхи ве селлемнинъ ёлундан кеткен ве онынънен айнылашкъан мустесна къууларгьа аит бир кейфиеттир.

Хазрети Умер -радиаллаху анх- халифелиги заманында базыларынынъ кендисини Хазрети Эбу Бекирден устюн туткъанларыны эшиткендже:

«Валлахи, Эбу Бекирнинъ о геджеси, Умернинъ бутюн къорантасындан даа хайырлыдыр! Кене Эбу Бекирнинъ о куню, Умернинъ бутюн къорантасындан даа хайырлыдыр! Ресулюллах -алейхи'с-селям-магьарагьа кетмек ичюн эвден чыкъкъаны заман, Эбу Бекир онынъ



янында эди», - дегендир. (Хаким, III, 7/4268)

Пейгъамберимизни бир тюрю тапамагъан мушриклер, оны тапкъан кимсеге буюк мукафатлар ваде эттилер. Бу ваделернен козьлери къамашкъанлар да, ёлларгъа тюшти. Суракъа бин Малик булардан бири эди.

Суракъа, Аллах Ресули, салляллаху алейхи ве селлемге раст кельди. Оны корюр корьмез атыны хызландырды. Факъат бирден бирге атынынъ аякълары къумларгъа батмагъа башлады. Кендиси ерге тюшмеге меджбур олды.

Не къадар огърашса да, къумдан чыкъмагъа ве Пейгъамбер, салляллаху алейхи ве селлемнинъ янына кельмеге кучю етмедиди. Узун бир вакъыт огърашкъан сонъ акълы башына кельди; пешман олды. Аллах Ресулинден афу тиледи. Хазрети Пейгъамбер де дуа этти. Бу дуа берекетинен Суракъанынъ аты къумлардан къуртулды. Бу муджизени корьген Суракъанынъ, о анда къальп алами денъишти ве Ресулюллахкъа самимий бир дост олды. Пейгъамберимизнинъ булунгъан ерини гизли тутмагъа сёз берип, кери къайтты. О тарафкъа кеткенлерни де артына къайтарды. (Муслим, Зухд, 75)

Кулакъларында Аллах Ресулининъ муждеси чынълай эди:

«Эй, Суракъа! Кисранынъ билезиклерини такъынаджагъынъ, къушагъыны къушанаджагъынъ ве таджыны киеджегинъ вакъыт кендинъни насыл ис этеджексинъ?»

Иран фетхинде Кисранынъ билезиклери, къушагъы ве таджы Мединеге кетирилъгени заман, Хазрети Умер Суракъаны чагъырып буларны онъа такъты ве:

«Эй, Суракъа! Элмеринъни котерип: «Аллаху экбер! Хамд олсун О, Аллахкъа ки, буларны «мен инсанларнынъ Раббисим!» деген Кисра бин Хурмуздан чыкъарып Мудлидж огъуларындан Суракъа бин Маликке такътырды!» де!»- буюрды. (Ибн-и Эсир, Усдуль-Гъабе, II, 332; Ибн-и Хаджер, эль-Исабе, II, 19)

Пейгъамбер Эфендимиз Гъамим къасабасына кельгенде, Бурейде бин Хусайб ве къавми иле къаршылашты. Оларны Ислямгъа давет этти. Бунунъ узерине олар да Аллах Ресулине теслим олды ве Ислямгъа кирдилер. Пейгъамберимиз Бурейде -радиаллаху анх-къа



о гедже Мерьем суресининъ баш кысымыны огретти. (Ибн-и Сад, IV, 242)

Бурейде башындаки безз сарыгыны чезерек:

«Я, Ресулюллах! Мусааде буюрсанъыз, байракъдарынъыз олай-ым!»- деди.

Бойледже, Къуба къасабасына къадар Аллах Ресули, салляллаху алейхи ве селлемге байракъдарлыкъ япты.

Бурейдеден сонъ, Шамдан дѣнген тиджарет керванына расткель-дилер. Ичлеринде Зубейр бин Аввам да бар эди. Зубейр, Ресулюллах, салляллаху алейхи ве селлемге ве Хазрети Эбу Бекирге безз урбалар кийдирди. (Бухарий, Менакъыбуль Энсар, 45)

Пейгъамберимиз Мединеге догъру адым-адым якълаша эди. Мушриклер Пейгъамберимизни ольдюрмек ичюн эр кесни аякъкъа турсаткъан эдилер. Амма бу ве дигер пек чокъ техликелерге рагъмен, о кене вазифесини япмагъа девам эте, ёлда къаршылашкъан кимселерге Ислямны анълата эди. Асхаб-ы Кирамдан Сад эд-Делиль -ради-аллаху анх- бойле анълатыр:

«Хиджрет эснасында Аллах Ресули, Эбу Бекир иле берабер бизге кельди. О сырада Эбу Бекирнинъ бир кызы, янымызда сют анасында эди. Ресулюллах, салляллаху алейхи ве селлем къыска ёлдан Мединеге бармакъ истеди. Биз кендисине:

«Бурасы Рекубенинъ Гаир ёлудыр. Бу ерде Эслем къабилесинден Муханан деп билинген эки хырсыз бардыр. Истесенъ оларнынъ узерине биз барайыкъ»- дедик.

Ресулюллах, салляллаху алейхи ве селлем:

«Сен бизни оларнынъ янына алып кет!»- деди.

Бунынъ узерине ёлга чыктыкъ. Рекубе дагыны ашып энмеге башлагъанымызда, о эки хырсыздан бири аркъадашына:

«Бу зат Йеменлидир», - дей эди.

Пейгъамберимиз оларны янына чагырып Ислямны анълатты ве мусульман олмаларыны истеди. Олар да мусульман олдылар. Аллах Ресули, салляллаху алейхи ве селлем исимлерини сорады:

«Биз Муханан (ашаа корюльген эки кишимиз)», - дедилер.

Ресулюллах, салляллаху алейхи ве селлем:



«Бильакис, сиз Мукреман (шерефли эки кимсесинъиз)», - буюрды ве муждеджи оларакъ оларны огюнден Мединеге кетмелерини эмир этти. » (Ахмед, IV, 74)

Бекленген мубарек ёлджу

Бу сырада Мединелилер, Ресулюллахнынъ ёлгъа чыкъкъанындан хабердар олгъан эдилер. Онынъ ёлуна бакъаракъ асретнен беклей эдилер, къаршыламакъ ичюн шеэрнинъ тышына къадар чыкъкъан эдилер.

Ниает Пейгъамберликнинъ он дёртюнджи сенеси Ребиульэвель айынынъ 12-синде базар эртеси куню бир сес бутюн мусульманларнынъ къулакъларында севинч акс-седасы янъгырады:

«Бекленген мубарек ёлджу келе!»

Бу муждели хабер иле текбир сеслери бутюн Мединени чынълатмагъа башлады.

Мусульманлар сияларыны къушандылар. Кими атлы, кими джаяв мукъаддес мусафирни къаршыламагъа ашыкътылар.

Бекленген мубарек къафиле, иляхий имаенен Медине якъындарындаки Къубагъа улашкъанында, орталыкъ къайнады, джиан севинчке толды.

Тепелерден «Талеаль-бедру алейна» нынъ якъыджы намелери, далгъа- далгъа семаны оре, гонъюллерни джоштура эди. Тарих, о андан итибарен къыяметке къадар мейдангъа келеджек вакъиаларны тертиплейджек бир хиджрет такъвими азырлай эди.

Къаршыламагъа кельген мусульманларнынъ эксериети, кяинатнынъ бар олувына себеччи, Алемлернинъ Эфендиси, Хазрети Мухаммед Мустафаны ич де корьмегенлери ичюн танымай эдилер. Бир муддет Эбу Бекир Сыддыкъ Эфендимизни, Пейгъамберимиз зан эттилер.

Хазрети Пейгъамбер, салмяллаху алейхи ве селлем сесини чыкърмай эди. Узерине кунеш кельгендже, Эбу Бекир -радиаллаху анх- аман къалкъып оны урбасынен кольгелемеге башлады. Мусульманлар анджакъ, о вакъыт Пейгъамберимизни таныдылар.



(Бухарий, Менакыбуль Энсар, 45)

Медине бу куньден сонъ, Ислямиетнинъ инкишаф ве тераккъи-ят мекаяны ве кузъгюси олды. Имансызлыкънынъ къаранлыкъ юзю, бу хиджретнен солды. Месджиди Сеадет ве Месджиди Къуба, ульвий бир мана къазанып, къыяметке къадар бу мубарек хиджретнинъ къудсий мекаяны ве хатырасы оларакъ къалды.

Энсарлар мухаджирлерге мал ве мулклерини арз этерек: «Иште малым; ал, ярысы сенинъ!..» дедилер. Федакярлыкъта инанылмаз бир Ислям къардашлыгъынынъ темели бойледже атылды. Медине, Ислям тарихындаки шанлы мевкъына ве ёкъ олмаз итибарына саип олды. Мединедеки ззанлар, рамазанлар, байрамлар, зекятлар, муаребелер умметке нумюне ве мисаль олды.

Пейгъамберимиз Къубада булунгъаны эснада Амр бин Авф Огъуларындан Кульсум бин Хидмнинъ эвинде мусафир оларакъ къалды. Ресулюллах, салляллаху алейхи ве селлем бу ерден чыкъаракъ Сад бин Хайсеменинъ эвине кете, о ерде мусульманларнен отурып, субет эте эди.

Сад бин Хайсеме -радиаллаху анх- бекяр олгъанындан мухаджирлернинъ бекярлары онынъ эвинде къалдылар. Бу себепле Сад -радиаллаху анх-нынъ эвине «Мензилуль-Уззаб: Бекярлар эви» дейильди. (Ибн-и Хишам, II, 110; Ибн-и Сад, I, 233)

Ресулюллах, салляллаху алейхи ве селлем Къубада къалгъаны куньлерде дженазелерни алып барыр, хасталарны зиярет этер, даветлерге къатылыр эди.

Эбу Саид эль-Худри -радиаллаху анх- асхабнынъ хассасиетини косьтерген, о куньлерге аит бир хатыраны бойле накъиль эте:

«Ресулюллах, салляллаху алейхи ве селлем Мединеге янъы кельгени вакъыт энсардан бириси олюм тёшегинде ятса, барып бу акъкъында онъа хабер бере эдик. О да келе, хастанынъ башында тура, истигъфар эте эди. Вефат эткен сонъ да янындакилернен берабер къайта эди. Базан да дженазе комюльгенге къадар беклерди.

Онъа замет бермектен эндише дуяракъ арамызда бойле къо-нуштыкъ:

«Хастамыз вефат эткенге къадар Аллах Ресулине бир шей сёйле-



мейик. Вефат эткендже онъа сёйлермиз. Бойледже о, не ёрулыр, не де вакыт гъайып этер».

Бойле япмагъа башладыкъ. Хастамыз ольгендже онъа кете, хабар бере эдик, О да келир, намазыны кылар, истигъфарда булуныр, кери дёнер эди. Базан да дженазе комюльгенге къадар беклер эди.

Бир муддет бу шекильде яптыкъ. Даа сонъ:

«Валлахи, бойле де япмайыкъ. Бу да Ресулюлахны болдурта. Дженаземиз олгъанында оны Ресулюлах, саллялаху алейхи ве селлемнинъ эвининъ къапысына алып кетейик, о ерде намаз кылдырсын. Бу, онынъ ичюн даа къолай олур», - дедик ве ойле яптыкъ.

Хадиснинъ рависи Мухаммед бин Умер дей ки:

«Бу себептен о ерге «дженазе намазынынъ кылынгъаны ер» анъламында «мусалля» дейильди. Дженазелер эп о ерге алып кетиле эди. Алах Ресулининъ вефатындан сонъ да бу адет девам этти. (Ибн-и Сад, I, 257)

Алах Ресули, саллялаху алейхи ве селлем Къубада экенде, Хазрети Али -керремаллаху веджхех- де, кендисине берильген эманетлерни саиплерине теслим этип, оларгъа етишти.

Асхаб-ы Кирамнынъ Пейгъамберимизге ве онынъ хатыраларына косьтергенлери муаббет, джошкъу ве азамети пек чокъ риваетте мевджуттыр. Бера бин Азиб -радиаллаху анх-, бабасынынъ эр фырсатта, Алах Ресулине аит бир хатыраны динълемек арзусыны бойле анълата:

«Эбу Бекир Сыддыкъ -радиаллаху анх-, бабамдан он учъ дирхемге мейва сатын алды ве:

«Берагъа сёйле де, оны бизим эвге алып барсын», - деди.

Бабам:

«Ёкъ! Манъа Ресулюлах, саллялаху алейхи ве селлемнинъ Меккеден Мединеге насыл хиджрет эткенини анълатмагъанынъ-джагъа къадар олмаз», - деди.

Бунынъ узерине Эбу Бекир -радиаллаху анх- хиджрет ёлджулыгъыны узун-узун анълатты». (Бухарий, Асхабун-Небий, 2; Ахмед, I, 2)



Темеллери такъва иле атылгъан джами: Къуба джамиси

Хиджрет ёлджулыгынынь ильк дурагъы олгъан Къубада Аллах Ресули, салляллаху алейхи ве селлем, Амр бин Авф Огъулларында он дёрт гедже мусафир олды. Иште, мешур Месджиди Къуба, бу эснада япылды. Хазрети Пейгъамбер, салляллаху алейхи ве селлем де, месджиднинь иншасында биззат чалышты.

Къуба месджиди, Ислям тарихында инша этильген ильк месджиддир. Хиджрет киби муим бир адисе эснасында бина этильгени ичюн эмиети буюктир. Бу месджид, Къуран-ы Керимде:

لَمَسْجِدٍ أُسِّسَ عَلَى التَّقْوَى مِنْ أَوَّلِ يَوْمٍ...

«... (Мединеге хиджретнинь) Ильк куньден такъва узерине къурулгъан Месджит» (эт-Тевбе, 108) шеклинде зикир этильгендир.

Эбу Хурейре -радиаллаху анх-:

فِيهِ رَجَالٌ يُحِبُّونَ أَنْ يَتَطَهَّرُوا وَاللَّهُ يُحِبُّ الْمُطَهَّرِينَ

«Онда темизленмекни севген адамлар бар. Аллах да чокъ темизленгенлерни север.»- (эт-Тевбе, 108) аетининь де Къуба халкъы акъкъында назиль олгъаныны бильдиргендир. (Тирмизи, Тефсир, 9/3099; Эбу Давуд, Тахарет, 23/44; Ибн-и Мадже, Тахарет, 357)

Хиджрет эткен ильк мухаджирлер Къубагъа баргъанларында, Амр бин Авф Огъулларынынъ хурма къурутма ерини азырлап, о ерде намаз къылмагъа башладылар. Эбу Хузейфенинъ азатлы къулу Салим, Къуранны энъ гузель окъугъан ве бильген кимсе олгъаны ичюн ильк мухаджирлерге о имамлыкъ япа эди. (Ибн-и Сад, III, 87; IV, 311)

Пейгъамберимиз бу сааны кенишлетерек, Къуба месджидини инша этти. Месджид куб шеклинде олып, ольчюлери 32X32 метр эди. Аллах Ресули, салляллаху алейхи ве селлем, Къубалылардан таш кетирмелерини истеди, олардан бирини алып къыбла тарафына къояракъ, Эбу Бекир ве Умер -радиаллаху анхума-нынъ да айны шекильде сыранен таш къоймаларыны истеди.

Месджиднинь иншасында энъ буюк гъайретни, Аммар бин Ясир косьтерди. Бунынъ ичюн онъа «Ислямда ильк месджид бина эткен»




дейильгендир. (Ибн Хишам, II, 114)

Абдуллах бин Реваха да эм чалышыр, эм шиир сёйлер, бойледже муминлернинъ ёргунлыгыны хафифлетир эди. (Кямил Мирас, Теджрид Терджемеси, X, 106)

Месджиднинъ муеззини Асхаб-ы Кирамдан Сад эль-Къурази -радиаллаху анх- эди.

Къуба Месджидинде, Мединедеки дигер докъуз месджитте олгъаны киби Ислямны огретюв ишлери девам эте, Пейгъамбер Эфендимиз бу ерге эр кельгенинде буны незарет эте эди. (Хамидуллах, Ислям Пейгъамбери, II, 771)

Кяинатнынъ бар олмасынынъ себеби, эки джианынъ сеадет реberi Эфендимиз, салляллаху алейхи ве селлем, джумаэртеси куньлери Къубагъа базан атнен, базан да джаяв оларакъ кетип, о ерде эки рекят намаз къыла эди. (Бухарий, Фазлус-Салат 3, 4; Муслим, Хадж, 516)



Рануна вадисинде ильк джума намазы

Ниает, Къубада он дёрт кунлюк бир мусафирликтен сонъ Аллах Ресули, салляллаху алейхи ве селлем ве онынънен берабер олгъанлар, Мединеге арекет эттилер. Джума куню эди. Уйле вакъты «Рануна» вадийсине барылгъан, намаз вакъыты кирген эди. Аллах Ресули, салляллаху алейхи ве селлем девесинден энди. О сырада, Ислямнынъ кучюни косътерген алямет оларакъ «джума намазы» фарз къылынган эди. Оны къылдырды ве шу хутбелерни окъуды:

1. Хутбе:

«Эй, инсанлар!

Ольмеден эвель тевбе этинъ; фырсат эльде экенде гузель ишлер ишлемеге бакъынъ! Гизли-ачыкъ болджа садакъа бермек ве Аллахны чокъ- чокъ зикир этмек иле Раббинъизнен аранъызны тюзельтинъ! Бойле япарсанъыз, рызыкъ ве ярдым корер, къачыргъан шейлерни эльде этерсинъиз.

Билинъиз ки, Аллах бу йылынъызнынъ бу айында, бу ерде сизге къыяметке къадар «джума намазы»ны фарз къылгъандыр. Адиль олсун-олмасын, башында бир имам олса меним сагълыгъымда я да менден сонъ эр ким кичик корип я да инанмайып бу намазны быракъса, онынъ эки якъасы бир арагъа кельмесин! Ве Аллах, онынъ ишлерини онъундан кетирмесин! О кимсенинъ башкъа намазы ёкътыр, къабул олмаз; анджакъ тевбе эткенлер бунынъ тышында... Чюнки ким тевбе этсе, Аллах онынъ тевбесини къабул этер». (Ибн-и Мадже, Икъаме, 78)

«Эй, инсанлар!

Сагълыгъынъызда ахыретинъиз ичюн азырлыкъ корюнъиз! Мухакъкъакъ, эр биринъиз оледжек ве сюрюсини чобансыз быракъаджакътыр. Сонъ Аллах, онъа терджимансыз ве вастасыз оларакъ дейджек ки: «Меним Ресулим келип де сизге эмирлеримни бильдирмедими? Мен санъа мал-мульк бердим, пек чокъ эйиликлер ве ихсанлар бердим; сен кендинъ ичюн не кетирдинъ?»



Бу суаль иле кьаршылашкъан эр кес, сагъ ве сол тарафкъа бакъаджакъ, бир шей корьмейджек, огюне бакъынджа исе джехеннемни кореджек...

О алда уянынъыз! Кимнинъ ярым хурма иле озюни атештен кьорчаламагъа кучю етсе, оны япсын! Ким ки о ярым хурманы тапмаса, баре татлы бир сёз сёйлеп эйилик этмеге чалышсын! Чюнки бир эйиликке он къаттан еди юз къат къадар савап берилир.

Аллахнынъ селямы, рахмети ве берекети узеринъизге олсун!» (Ибн-и Хишам, I, 118-119)

2. Хутбе:

«Аллахкъа хамд этерим ве Ондан ярдым тилерим. Нефислеримизнинъ шерринден ве ишлеримизнинъ яманлыгындан Аллахкъа сыгъынырым. Аллахнынъ догъру ёлгъа кьойгъаны кишини кимсе о ёлдан чевиремез; догъру ёлдан айыргъанны да кимсе догъру ёлгъа кетиремез.

Шехадет этерим ки, Аллахтан башкъа илях ёкътыр. О, бирдир; ортагъы ёкътыр. Сёзлернинъ энъ гузели Аллахнынъ китабыдыр. Аллах кимнинъ къальбини Къураннен гузеллештирсе ве оны куфюрден сонъ Ислямгъа кирсетсе, о да Къуранни башкъа сёзлерден устюн тутса, иште, о кимсе къуртулгъандыр!

Догърусы, Аллахнынъ китабы – сёзлернинъ энъ гузели ве энъ тесирлисидир.

Аллахнынъ севгенини севинъиз! Аллахнынъ Сёзюнден ве Оны зикир этмектен усанманъыз. Аллахнынъ келямындан къальбинъизге тарлыкъ кельмесин! Чюнки Аллахнынъ келямы, эр шейнинъ энъ юдже олгъаныны айырыр. Амеллернинъ хайырлысыны, къулларнынъ энъ сечкин олгъан пейгамберлерни, икяелернинъ энъ гузель ве ибретлилерини анълатыр. Хелял ве харамны ачыкълар.

Сиз анджакъ, Аллахкъа ибадет этинъиз ве Онъа ич бир шей ортакъ къошманъыз! Ондан хакъкъы иле сакъынынъыз! Япкъанынъыз эйи ишлерни тилинъизнен догъруланъыз! Аллахнынъ келямы иле бири-



биринъизни севинъиз! Мухакъкъакъ билинъиз ки, Аллах ахтынынъ бозулмасына гъадап этер.

Аллахнынъ селямы узеринъизге олсун!» (Ахмед Джевдет Паша, Къысас-ы Энбия, I, 98)

Ресулюллах, салляллаху алейхи ве селлем, Къубадан Мединеге арекет этеджеги вакъыт, дайылары олгъан Неджджар огулларына хабер ёллади. Олар да селяларыны къушанып кельдилер ве Хазрети Пейгъамбер, салляллаху алейхи ве селлем Эфендимизге селям беререк:

«Эминликичинде девелеринъизге мининъиз!»- дедилер. (Бухарий, Менакъыбуль Энсар, 46)

Джума намазындан сонъ Аллах Ресули, салляллаху алейхи ве селлем, девеси Къасвагъа минди, Хазрети Эбу Бекир, Неджджар огуллары ве дигер мусульманларнен берабер Мединеге кирдилер.

Мединели бутюн муминлер, Аллах Ресулини мусафир этмек арзусы ичинде эдилер. Эр кес оны эвине алып бармагъа истегенинден себеп, бу хусуста бири-бирлеринен давалашмагъа башладылар. Бунынъ узерине Аллах Ресули, салляллаху алейхи ве селлем девеси Къасваны къаст этип:

«Айванны быракъынъ, ёлундан чекилинъ; о эмир астында-дыр (не ерде токътайджагъы онъа бильдирильдi)!»- буюрды. (Ибн-и Хишам, II, 112-113)

Чюнки тек бу шекильде ич бир кимсенинъ гонъюли къырылмадан бу меселе аль этиледжек эди.

Бунъа коре мубарек деве, бир эки ерде ятып тургъан сонъ Халид бин Зейднинъ (Эбу Эйюб эль-Энсарининъ) эвининъ огюнде токътады ве ерге эгилип чёкеledi. Эбу Эйюб тарифсиз бир севинч ичинде Ресулюллах, салляллаху алейхи ве селлемни:

«Буюрынъыз эй, Аллахнынъ Ресули! Эвимни шерефлендинъиз!»- диерек эвине давет этти.

Ресулюллах, салляллаху алейхи ве селлем, Эбу Эйюб -радиаллаху анх-нынъ эвине догъру кельгенде Неджджар огулларынынъ кичик къызлары даре чалып къаршысына чыкъты ве:



يَا حَبَّذَا مُحَمَّدٌ مِنْ جَارِ نَحْنُ حَوَارِ مِنْ بَنِي النَّجَّارِ

«Неджджар огулларынынъ кызыларымыз биз!

Хазрети Мухаммеднинъ къомшусы олмакъ не буюк бир шереф-тир!»- диерек медхиелер окъудылар.

Гонъюллер султаны Пейгъамберимиз, салляллаху алейхи ве селлем, оларгъа:

«Сёйлень бакъайым, мени севесингъизми?»- деп сорады.

Олар да:

«Эбет я, Ресулюллах, сени чокъ севемиз!»- дей эдилер.

Оларнынъ неше ве севинчлеринен къувангъан Пейгъамберимиз, салляллаху алейхи ве селлем де:

«Аллах биле я, Валлахи, мен де сизлерни севем! Валлахи, мен де сизлерни севем! Валлахи, мен де сизлерни севем!»- буюрды. (Ибн-и Мадже, Никъах, 21; Диярбекри, I, 341)

Бера бин Азиб -радиаллаху анх- буюра ки:

«Мен, Мединели инсанларнынъ, Ресулюллах, салляллаху алейхи ве селлемнинъ кельмесине севингенлери къадар, башкъа бир шейге къувангъанларыны корьмедим! Бутюн Мединелилер буюк-кичик, къадын-эркек ёлларгъа ве эвлернинъ дамларына чыкъаракъ ве:

«Небийюллах кельди! Я Мухаммед! Я, Ресулюллах! Я Мухаммед! Я, Ресулюллах!», – деп кычыра эдилер». (Бухарий, Менакъыбуль Энсар, 45; Муслим, Зухд, 75)

Энес бин Малик Хазретлери де:

«Мен Ресулюллахнынъ Мединеге киргени куньден даа гузель, даа нурлу бир кунь корьмедим. О кельгенинде бутюн Медине айдынлыкъкъа гъаркъ олды», - дегендир. (Ахмед, III, 122; Тирмизи, Менакъыб, 1/3618)

Мединели мусульманлар Аллах Ресули, салляллаху алейхи ве селлемнинъ Мединеге келювинден дуйгъан къуванчларындан бир деве къурбан эттилер. (Ахмед, III, 301)

Аллах Ресули, салляллаху алейхи ве селлем, «Месджид-и Небий» япылгъангъа къадар о звде мусафир оларакъ къалды.

Эбу Эйюб эль-Энсари, эвнинъ экинджи къатында яшай,

Пейгхамберимиз-салляллаху алейхи ве селлемни де ёрумасын деп биринджи кьатта мусафир эткен эди. Экинджи кьатта яшагъанлары ичюн, аман Пейгхамбер Эфендимиз салляллаху алейхи ве селлемнинъ устюнде булунмайыкъ деп, дивар кенарларына сыгынып ята эдилер. Бир кунъ, бир кьопкьа сув тёкюльген эди. Сув ашагъа кьаткьа акъмасын деп кийген бутюн урбаларыны ташлап, буюк бир те-ляш ичинде ерлерни кьурутмагъа гъайрет эткен эди.

Эбу Эйюб эль-Энсари, Пейгхамберимизнен алякъалы бутюн ху-сусларда бу шекильде арекет эте эди.

Пейгхамберимиз салляллаху алейхи ве селлемнинъ:

«Истанбул эльбетте фетих этиледжектир; оны фетих эткен кьуман-дан не гузель кьумандан, оны фетих эткен аскер де не гузель аскер-дир!» сёзюне наиль олмакъ ичюн, сексен яшында олгъанда Истанбул кьушатмасына кьошулып рухуны бу ёлда теслим эткен эди.

Вефат этмеден эвель кендинден сонъра Истанбулны фетих этме-ге келеджек аскерлерге бир бельги олсун деп, аскерлерге:

«–Меним джеседими, аягъынъыз баскъан сонъ нокътагъа ко-мюнь!» деп буюргандыр.

Хиджрет иле пейгхамберликнинъ Мекке деври кьапанды ве Медине деври башлады.

Он учъ йыл девам эткен Мекке деври боюнджа Мекке мушри-клерининъ мусульманларгъа кьаршы япкъан феналыкъларны беш маддеде топламакъ мумкюн:

1. Махара этюв
2. Акъарет
3. Ишкендже
4. Тиджарий ве медений мунасебетлерни токътатмакъ
5. Мусульманларны хиджретке меджбур этеджек дереджеде арекетлер япмакъ.

Оларнынъ бу алларыны Аллах аетлерде бойле бильдире:

«Шубесиз, гунахкярлар (дюньяда) иман эткенлерге кулер эдилер. Оларнен расткелишкенде къаш-козь ойнатып, масха-



ра эте эдилер. Аилелерине къайткъанларында, (масхаралагъ-анлары себебинден) кейфленерек дёне эдилер. Му'минлерни корьгенде: «Шубесиз, булар бозукъ кимселер», дер эдилер. » (эль-Мутаффиин, 29-32)

Амма вахий иле кучьлендирильген Аллах Ресули, салляллаху алейхи ве селлемге, насыл арекет этеджеги бильдириле эди ве о бу ёлда шу усулларны такъип эте эди:

1. Муминлернинъ гонъюллеринде руханийетни арттырмакъ,
2. Мешакъкъат ве аджыларгъа сабыр косътермек,
3. Гузель сёзлернен насиат этмек,
4. Курешни ич бир себепнен быракъмамакъ,
5. Аллахкъа тевеккюль ве теслимиет косътермек.

Бу усул нетиджесинде Аллах Ресули, салляллаху алейхи ве селлем, эр шейге рагъмен, давасында мувафакъиетли олды ве бутюн маниаларны енъди. Бу узун ве аджы толу он учъ йыллыкъ чалышмаларынынъ нетиджеси – Мединелилернинъ иман этювлери олды. Медине шеэри джогърафий вазияти джеэтинден пек муим бир шеэр эди.



Нейһамберликһи
Медине деври



ПЕЙГЪАМБЕРЛИКНЪ МЕДИНЕ ДЕВРИ

Аллах Ресули -салляллаху алейхи ве селлем-нинъ Мединеге келювинен Ислям ве мусульманлар ичюн янъы бир девир ве тарих саифеси башланды.

Аллах Ресули -салляллаху алейхи ве селлем-, Мединеге бир ға-рип дегиль эди. Аксине, о, янъы бир дюнъянынъ мимары, ребери, янъы къурулгъан Ислям девлетининъ реиси эди.

Онынъ Мединеге келювинен, Ислямнынъ теблигъи ве мусульманларнынъ арекетлери, айры бир кучъ къазанды.

Сой къардашлыгъындан даа кучълю бир къардашлыкъ къурулды. Ислямдан эвель Эвс ве Хазредж къабилелери арасындаки къан да-валары токътатылды.

Энсар ве мухаджирлер арасында керчеклешкен къардашлыкъ, Аллах тарафындан шойле макътанылгъан эди:

«Даа эвельден Мединени юрт эткен ве гонъюллерине иманны ерлештирген кимселер, озылерине кочип кельген-лерни северлер ве оларгъа берильгенлерден долайы, арала-рында бир раатсызлыкъ ис этмезлер. Озылери зарурет ичин-де олсалар биле, оларны озылеринден устюн тутарлар. Ким нефсининъ саранлыгъындан къорчаланыр исе, иште, олар къуртулышкъа иришкенлердир.» (эль-Хашр, 9)

«Муахат» денильген энсар-мухаджир къардашлыгъынен мусульманлар арасындаки джемиет низамыны къургъан Аллахнынъ Ресули -салляллаху алейхи ве селлем-, чокъ вакъыт кечмеден Мединеге яшагъан еудийлерни де язма бир весикъа иле ватандашлыкъкъа къабул этти. Бу, Ислям Девлетининъ къурулушына ресмий шекильде япылгъан ильк адым олды. Бу весикъада ер алгъан мадделер къы-



скъадан ашагыдакилерден ибарет эди:

1. Муминлер бир умметтир.
2. Бозгунджылыкъ япылмайджакъ.
3. Джинает ишленмейджек, эгер ишленгени такъдирде джевап-кярлыккъа чекиледжек ве диет тѣленеджек.
4. Медине ичинде ве тышында эминлик темин этиледжек.
5. Еудийлер дин уриетине саип оладжакълар. Насыл бир дженк чыкъса, эки тараф да бир-бирине ярдым этеджеклер.
6. Эки тараф да мушриклерни къорчаламайджакъ.
7. Медине ичинде дженк япмакъ ясакътыр. Тыштан бир уджюм олса, эр кес озъ мааллелерини къорчалайджакъ. Бир тарафнынъ япкъан барыш анылашмасыны дигер тараф да къабул этеджек.
8. Анылашылмамазлыкъ чыкъса, меселя, Аллах Ресулине алып барыладжакъ, Хазрети Пейгъамбер -салляллаху алейхи ве селлемининъ берген укумге риаат этиледжек.

Аллах Ресули -салляллаху алейхи ве селлем-, бу къарарларны алгъан сонъ Медине Ислям Девлетининъ сынъырларыны шойле бельгиледи:

«Ибрахим -алайхисселям- Меккени харем оларакъ илян эткен эди; мен де Мединенинъ эки тепеси арасыны харем илян этем.» (Ахмед бин Ханбель, IV, 141)

Бу эмир узерине, Эйр ве Севр тепелерине ташлар къююлып, Медине топракъларынынъ сынъырлары бельгиленди. Бу сынъырлар ичинде къалгъан Мединеге де «Харем-и Ресуль» денильди.

Бундан сонъра Аллах Ресули -салляллаху алейхи ве селлем-, эл-лерини котерип бу ульке ичюн дуа этти. Бу дуанынъ берекетинен Медине, о девирден бу девирге къадар бутюн мусульманларнынъ раатлыкъ, сукюнет, рахмет мекаянына чевирильди.

Месджид-и Небий ве эзан

Ильк вакъытларда Мединеде джами ёкъ эди. Аллах Ресули -салляллаху алейхи ве селлем-, къаерде олса, намазларыны о ерде къыла эди.



Чокъ вакъыт кечмеден Хазрети Пейгъамбер -салляллаху алей-
хи ве селлем-, Къубадан сонъра экинджи джамисини де къурдурды.
Бу джами, бугунки Месджид-и Небийнинъ бир парчасы оларакъ бу
кунъге къадар сакълангъандыр.

Месджид-и Небийнинъ бир кошесинде, софа япылды. Бу софагъа
сахабилерден, эви ве къорантасы олмагъан фукъарелер ерлешти-
рильди. Бу инсанларгъа асхаб-ы суффе денильди. Эбу Хурейренинъ
бильдиргенине коре, бу инсанларнынъ сайысы етмиштен зияде эди.

Месджид къурулгъан сонъ намазлар джемаатнен къылынмагъа
башланды. Месджиднинъ имамы Ресулюллах -салляллаху алейхи ве
селлем- нинъ озю эди.

Намаз вакъытыны джемааткъа эшиттирмек ичюн эвель ялынъ-
ыз «намазгъа, намазгъа» сёзлери сёйленди; даа сонъра эзан-ы
Мухаммеди берильди. Эзан ваджип дереджесинде къуветли бир
суннет олды. Билял-и Хабеш, биринджи эзанны окъугъан вакъыт
Мединенинъ бир уджундан башкъа бир уджуна бу юдже давет эши-
тильди; коклер акис-седа берди. Муминлер буюк бир къуванч ичинде
месджидге ашыктылар.

Эзан эм садыкъ рую, эм суннет-и Пейгъамбер, эм де иляхий ва-
хийге эсаслангъандыр. Аллах Таала бу акъкъында шойле буюра:

«Оларны намазгъа чагъыргъанынъ заман...» (эль-Маиде, 58)

Эзан, бинъ дёрт юз йылдан берли мусульманлар ичюн юдже бир
даветтир. Бейнэль-милел бир чагъыртувдыр. Коклернинъ аэнки ве
гузель сесидир.

Шаир эзанны не гузель ифаде эте:

*Эмр-и бюлендсинъ эй, эзан-ы Мухаммеди
Кяфи дегиль седанъа джихан-ы Мухаммеди
Султан Селим-и Эввели рам этмейип эджель,
Фетх этмелийди алами шан-ы Мухаммеди
Кок нургъа гъаркъ олур нидже юз бинъ минареден
Шех-бал ачынджа рух-и реван-ы Мухаммеди
Эрвах джюмлетен корер Алаху Экберни
Акис эйлейиндже арша лисан-ы Мухаммеди*



ХИДЖРИЙ 2 СЕНЕ

Къыбланынъ денъишюви

Хиджретнинъ экинжи сенесине къадар мусульманлар Месджид-и Акъсагъа догъру намаз къыла эдилер. Амма еудийлер бу алдан файдаланып ве озьлерине бир пай чыкъарып, озьлерини мусульманлардан даа къуветли ве устюн коре эдилер. Бойле вазиет Аллах Ресули -салляллаху алейхи ве селлем-ни раатсыз эте эди. Онынъ ичюн энъ догъру къыбла Кябе эди. Бу керчеклешкени такъдирде, айны заманда Меккенинъ фетхи ичюн биринджи адым атылгъан оладжакъ, демек эди. Бунынъ ичюн иляхий изин келмесини асретле беклей эди. Амма бойле изин кельмегени ичюн Аллах Ресули -салляллаху алейхи ве селлем-нинъ истеги ялынъыз тюшюнджелеринде эди. Бу себепле Юдже Пейгъамбер тек беклей эди.

Ниает, Реджеп айынынъ орталарында бир базарэтеси куню Ресулюллах -салляллаху алейхи ве селлем-, Селемеогъуларынынъ месджидинде уйле намазыны къылдыргъаны вакъыт Аллах вахийни ёллади:

«(Эй, Ресулим!) Биз сенинъ юзюньни кокке догъру чеврильгенини (вахий беклегенинъни) коремиз. Иште, шимди сени мемнюн оладжакъынъ бир къыблагъа чевиремиз. Артыкъ, юзюньни Месджид-и Харам тарафына чевир! (Эй, мусульманлар!) Сиз де къайда олсанъыз олунъыз, (намазда) юзлеринъизни о тарафкъа чевиринъиз! Шубе ёкъ ки, эхл-и китап, онынъ Рабблеринден кельген бир керчек олгъаныны пек яхшы билирлер. Аллах оларнынъ япаяткъанларындан хабер-



сиз дегиль.» (эль-Бакъара, 144)

Бу эснада экинджи рекятнынъ сонъуна кельген Аллах Ресули -салляллаху алейхи ве селлем-, аман Кябе тарафына догъру чевирилди. Джемаат да сафларынен берабер чевирильдилер. Эп бирликте янъы кыблагъа ёнельдилер. Намазнынъ къалгъан эки рекяты Кябеге догъру кылынды. Бу себептен, о месджидге «Месджид-уль-Кыблатайн» айтылды.

Кыбланынъ денъишюви, мусульманлар арасында чокъ гузель нетиджелер берген эди; мушрик, мунафыкъ ве еудийлер арасында чешитли ярамай лафларгъа ёл ачты. Ислам душманлары эр тарафкъа лаф даркъта эдилер. Бунунъ ичюн шу ает-и керимелер назиль олды:

«Инсанлардан бир кысым акъылсызлар: «Ёнельген кыблаларындан оларны чевирген недир?» айтаджакълар. Де ки: «Шаркъ да, гъарп да Аллахнынъдыр. О, истегенини догъру ёлгъа къояр.»

«Бойледже, сизинъ инсанлыккъа шаатлар олувынъыз, Ресульнинъ де сизге шаат олувы ичюн сизни орта бир уммет яптыкъ. Сенинъ (арзылап да шу анда) ёнельмеген кыбланы (Кябени) биз анджакъ Пейгъамберге уйгъаныны, окчелери узеринде артына къайткъандан айырты этювинъиз ичюн кыбла яптыкъ. Бу, Аллахнынъ хидает берген кимселерден башкъасына эльбетте агъыр келир. Аллах, сизинъ иманынъызны асла зая этеджек дегиль. Чюнки Аллах, инсанларгъа къаршы шефкъатлы ве мерхаметлидир.» (эль-Бакъара, 142-143)

Мединенинъ вазияти

Исламнынъ ве мусульманларнынъ укумран олгъан Медине деври – бутюн дюньяны айдынлаткъан, дин-и мубиннинъ джиханшумуль заферлер къазангъан ве дженклерде федаярлыкъ косътерген, шехит ве гъазилернинъ къанларынен къавийлешкен муим бир девир эди.

Аллах Ресули -салляллаху алейхи ве селлем-ге ве мухаджирлерге эр шейлеринен къучакъ ачкъан Мединедеки муитни, ильк сенелери бутюнлей раатлыкъ деври деп саймакъ мумкюн дегиль эди. Кене де бир такъым техликелер девам этмекте эди. Чюнки Мединеде энсар



ве мухаджирден башкъа мунафыкълар ве еудийлер де бар эди. Олар эр фырсаттан айдаланып Ислямнынъ гъалебесине кедер этмеге чалыша эдилер.

Мунафыкълар, мусульманлыкъны тыштан къабул эткен киби корюнселер де, аслында эски путларгъа тапмагъа девам эте эдилер. Нуруны мытлакъ суретте тамамлайджакъ олгъан Аллах Таала, оларны агъыр бир шекильде къоркъутты:

«Этрафынъыздаки бедевий араплардан ве Медине халкъындан бир такъым мунафыкълар бар ки, мунафыкълыкъта усталыкъ къазангъандырлар. Сен оларны бильмезсинъ, оларны биз билермиз... Оларгъа эки кере азап этеджекмиз; сонъра да олар буюк бир азапкъа ителеджеклердир.» (эт-Тевбе, 101)

Акыкъатен мунафыкълар, ара бозувда о къадар усталыкъ къазангъан эдилер ки, оларнынъ бу алларыны базы вакъыт Аллах Ресули -салляллаху алейхи ве селлем- биле фаркъламай, лякин Аллах бильдиргени такъдирде хабери ола эди. Чюнки мунафыкълар, озълерине япылмасы мумкюн олгъан энъ уфакъ тенкъит ёлларыны биле анълап, онъа коре къурназлыкънен арекет эте эдилер.

Бу вакъыт Ресулюллах -салляллаху алейхи ве селлем-ни ве муминлерни хиджрет этмеге меджбур япкъан Меккели мушриклер де, бош турмайлар, Мединедеки мунафыкъларнынъ тюшюнип тапкъан фитне оджагъыны къарыштырып тура эдилер. Ислямнынъ о ерде пекинювине даянамайып, девамлы оларакъ мунафыкъларгъа хабер ёмай, ве бойле айта эдилер:

«–Сиз Мухаммедни юртунъызда имаеттинъиз! Оны я ольдюрджексинъиз, я да бизге къайтараджакъсынъиз! Ёкъса, бутюн кучълеримизнен устунъизге юрюш япып, эпинъизни перишан этермиз!»

Эм де мунафыкъларнынъ козълерини къоркъутып, оларны мусульманларгъа къаршы гъадапландырмакъ ичюн айванларыны биле алып къача эдилер.

Орталыкъ чокъ кергинлешкен ве пек хафлы алгъа кельген эди. Мусульманлар геджесинен Медине сокъакъларында невбетчилик япа ве бир баскъын олмасына къаршы эр тюрю тедебирлерни ала эдилер. Атта Аллах Ресули -салляллаху алейхи ве селлем- Эфендимиз



биле, геджелерини юкъусыз кечире эди. Мусульманлар Медине тышына аскер бирликлерини ёллап эр тарафны къорчалай эдилер.

Батн-ы Нахле

Бу сырада кене де орталыкънынъ вазиятини незарет этмек ичюн ёлланылган бирликлерден Хазрети Пейгъамбер -салляллаху алейхи ве селлем-нинъ аласынынъ оғлу Абдуллахнынъ къумандасындаки бир бирлик, «Батн-ы Нахле» янында джасуслар беллеп, меккелилернинъ бир кевванына уджум япты. Бу вакъианы фырсаат бильген ве девамлы Мединенинъ узерине юрьмек ичюн себеп къыдырган Меккели мушриклер аякъкъа турдылар.

Хазрети Пейгъамбер ве мусульманларнынъ зарарына къалабалыкъ чыкъарган мушриклер, Батн-ы Нахле вакъиасынынъ харам айлардан олган Реджеп айына доғру кельмеси себебинден:

«–Мухаммед, харам айыны хелял япып къан тёкти. Эсир алды ве малларыны чекип алды», - дедилер.

Аслында бу уджумни Аллахнынъ Ресули -саллаллаху алейхи ве селлем- эмир этмеген, ондан хабер биле олмаган эди. Бу вакъиадан хабердар олган сонъ, Абдуллахкъа:

«–Мен санъа бойле бир шей ичюн изин бермедим!» деген эди.

Лякин мушриклернинъ, бу ишни яхшы этип буюльтип, мусульманларнынъ зарарына къуланганлары себебинден шу ает-и кериме назиль олды:

«Сенден харам айны, яни онда дженклешмекни сорарлар. Айт ки: О айда дженклешмек буюк гуняхтыр. Факъат (инсанларны) Аллах ёлундан чевирмек, Аллахны инкяр этмек, Месджид-и Харамнынъ зияретине мания олмакъ ве халкъыны о ерден чыкъармакъ исе, Аллах къатында даа буюк гуняхтыр. Фитне де адам ольдюрмектен даа буюк бир гуняхтыр. (Эй, Ресулим!) Эгер оларнынъ кучълери етсе, сизни дининъизден дёндюрмегенге къадар (харам я да хелял айгъа бакъмайып) сизлернен дженклешмеге девам этерлер...» (эль-Бақъара, 217)

Нахледе изинсиз дженклешкенлернинъ вазиятлери де ает-и кериме иле бойле айдынлатыла:



«О кимселер ки, иман этилер; хиджрет этилер ве Аллах ёлунда дженк этилер...Иште, олар, Аллахнынъ рахметине умют эте билерлер. Аллах чокъ багъышлагъан ве чокъ мерхамет эткендир.» (эль-Бакъара, 218)

Бу иляхий ифаделер, мусульманларны сагъламлаштырып, оларгъа destek бере, мушриклерни де мусульманларгъа къаршы кет-кете гъадапландыра эди. Аслында бу аетлер назиль олмаса да мушриклернинъ мусульманларгъа къаршы гъарезликлери буюк эди. Чюнки мусульманларнынъ сайысы кунъ-кунъден арта, Ислям Девлети къуветлене эди. Эм де о вакъытта Ресулюллахнынъ Мединеде яптыргъан бир зали эсапына коре иман эткенлернинъ сайысы 1500 кишиден ибарет олгъаны къайд этильген эди. Бу сайынынъ, кет-кете артувы итибаргъа алынса, табиий оларакъ, мушриклернинъ яваш-яваш ёкъ олмасы анълашыла эди. Айрыджа Медине, меккели мушриклернинъ аят дамары олгъан тиджарет ёлу устюнде эди. Бунунъ ичюн техлике чокълашмадан мусульманларны тар-мар этмекнинъ чаресини тюшюндилер. Мединеге уджум этмеге къарар бердилер.

Меккели мушриклернинъ мусульманлар узерине уджум япмакъ фикрини Эбу Суфьян теклиф этти.

О вакъытта Шамдан къайтаткъан кербаннынъ реиси Эбу Суфьян, Батн-ы Нахлени себеп этип озюнинъ аяты техликеде олгъаныны бильдирди ве кербаныны къорчаламаларыны сорап Меккели мушриклерге хабер ёллады.

Аслында Ресулюллах -салляллаху алейхи ве селлем-нинъ кербангъа уджум япмакънен алякъалы ич бир эмири ёкъ эди. О, ялынъыз янъы къурулгъан Медине Ислям Девлетине япылмасы мумкюн олгъан эр тюрю уджумлерге къаршы мудафагъа азыр олмакъ макъсадынен этрафкъа аскер бирликлерини ёллай эди.

Сизге дженк ачкъанларгъа сиз де дженк ачынъыз!

Медине Ислям Девлети этрафындаки вазият кунъ-кунъден кергинлешмеге башлагъан эди. Аллах Ресули -салляллаху алейхи ве селлем-нинъ о кунъге къадар такъип эткен «сабыр ве даянув» шиарынен барышны яшатмакъ артыкъ мумкюн дегъиль эди. Керчектен де Хазрети Пейгъамбер -салляллаху алейхи ве селлем-, сабыр этмек



ве даянмакътан сонъра, къорчаланмакъ ичюн сияхынынъ да кяфи кельмегенини коререк Раббине ялварды. Ондан вахий бекледи.

Ниает:

«Мен рахмет ве дженк пейгъамберим!» (Ахмед бин Ханбель, ИВ, 396) ифаделеринде ер алгъан ве дини, ватаны ве иляхий даветине уйгъан алда этрафында топлангъан муминлерни къорчаламакъ ичюн керекли олгъан джихад азырлыгына изин берген шу ает-и керимелер назиль олмагъа башлады:

«Озьлерине дженк ачылгъан мусульманларгъа, зулумгъа огърагъан олмалары себебинден (дженк ичюн) изин берильди. Шубе ёкъ ки, Аллах олар ичюн ярдымгъа мытлакъ суретте къадирдир.» (эль-Хадж, 39)

«Сизге къаршы дженк ачкъанларгъа, сиз де Аллах ёлунда дженк ачынъыз! Сакъын адден ашманъыз! Кесинликле Аллах адден ашкъанларны севмез... » (эль-Бакъара, 190)

Ает-и керимеде Хазрети Пейгъамбер -салляллаху алейхи ве селлем-ге дженкнинъ насыл аларда япыладжагъы бильдирилген эди. Алемлерге рахмет оларакъ ёллангъан юдже Пейгъамбернинъ бутюн инсаниетни къаврап алгъан кениш мерхаметине рагъмен буюк ве мушкюль дженклер япмасы, ичтимай барыш ве тынчлыкъ ичюн зарур олгъан тевхид федакярлыгынен багълы эди.

Аллах, джихад изнинен ве эмиринен барабер Ресулине ве муминлерге айры тевсие оларакъ шу ает-и керимелерни ёллады:

«Эй, Пейгъамбер! Санъа ве санъа уйгъан муминлерге Аллах етер! (Душмандан асыл чекинме! Эм де) Эй, Пейгъамбер! Муминлерни (оларгъа къаршы) дженк ичюн джоштур!..» (эль-Энфал, 64-65)

«(Эй, муминлер!) Берген сёзлеринде турмагъан, Пейгъамберни (юртундан) чыкъармагъа тырышкъан ве биринджиден сизге къаршы дженк башлагъан къавимге къаршы дженк этмесинъизми? Олардан къоркъарсынъызми? Эгер инансанъыз, билинъиз ки, къоркъманъыз керек олгъан тек бир Аллахтыр.»

«Оларнен дженклешинъ ки, Аллах сизинъ къолларынынъизнен оларны джезаландырсын; оларны маскъара этсин; сизни оларгъа гъалип япсын ве муминлернинъ юреклерини ферахлатсын; юреклеринден



(залымларгъа къаршы топлангъан) гъадапны (бойледже оларнынъ хакъкындан келерек) сильсин!» (эт-Тевбе, 13-14)

Бу ает-и керимелернен берабер джихаттан артта къалмамакъ мевзусында да тенбиелер кельди:

«Ошунъызгъа кетмегени алда дженк сизге фарз къылынды. Сиз ичюн даа хайырлы олгъаны алда бир шейни севмеменъиз мумкюн. Сизинъ ичюн даа фена олгъаны алда бир шейни севменъиз де мумкюн. Аллах билир, сиз бильмезсинъиз.» (эль-Бакъара, 217)

«Медине халкъына ве оларнынъ этрафында булунгъан бедевий арапларгъа дженкте Аллахнынъ Пейгъамберинден артта къалмалары ве онынъ аятындан эвель озъ аятларыны тюшюнмелери ярашмаз!» (эт-Тевбе, 120)

«(Эй, Ресулим!) Де ки: Эгер бабаларынъыз, огулларынъыз, къардашларынъыз, чифтлеринъиз, сой-акърабанъыз, къазангъан малларынъыз, кесаткъа огърамасындан къоркъкъанынъыз тиджарет, хошлангъан ерлеринъиз, сизге Аллахтан, Ресулинден ве Аллах ёлунда джихад этмектен даа севимли исе, артыкъ Аллахнынъ эмри кельгенине къадар бекленъиз! Аллах, фасыкълар джемиетини догъру ёлгъа ириштирмез!» (эт-Тевбе, 24)

Бу иляхий беянлардан сонъра Аллах Ресули -салляллаху алейхи ве селлем- ве муминлер, мушриклернен дженклешмек ичюн азырлыкъ коръмеге башладылар.

Бу арада мушриклер де, къалабалыкъ бир орду азырлагъан, ве Меккеден ёлгъа чыкъкъан эдилер.



БУЮК БЕДИР ДЖЕНКИ (ХИДЖРИЙ 2 СЕНЕ)

Куфюрге кършы ильк сиялы кършылыкь косьтерюв ве биринджи джихад.

Аллах Ресули -салляллаху алейхи ве селлем-, кергинлешкен сиясий вазиятти адым- адым огренгенинден сонъ, бир олюм-къалым дженки муакъкъакь олгъаныны анълады ве асхабыны топлап сорады:

«–Сизинъ фикринъиздже керваннынъ артындан кетмек уйгунмы я да Къурейш ордусыны кършыламакъ даа уйгунмы?»

Мухаджирлер адындан Хазрети Эбу Бекир ве Хазрети Умер -радыяллаху анхюма-лер аякъкъа турдылар ве Къурейш ордусыны кършыламагъа азыр олгъанларыны айттылар.

Аллах Ресули -салляллаху алейхи ве селлем-, энсарларнынъ да фикирлерини бильмек истеди. О вакъыт энсардан Хазрети Микъдад -радыяллаху анх- аякъкъа туруп бойле деди:

«–Эй, Аллахнынъ Ресули! Бизлер, еудийлернинъ Хазрети Мусагъа айткъаны киби «Сен ве Раббинъ кетип дженклешинъиз!» деп айтмайджакъмыз. Бизлер, санъа Акъабеде бергенимиз сёзге садыкъ къалып сенинъ сагъынъда, солунъда, огюнъде ве артынъда душманнен сонъуна къадар дженклешмеге эр ан азырмыз!..»

Хазрети Микъдаднынъ артындан, Сад бин Муаз Хазретлери аякъкъа турды:

«–Эй, Аллахнынъ Ресули! Бизлер санъа инандыкъ. Кетиргенинъ Къуранынъ хакь олгъанына шаатлыкь эттик. Насыл истесенъ, ойле яп! Шает денъизге далсанъ, бизлер де сеннен берабер денъизге ки-



ермиз. Энсардан бир адам биле артына кьайтмаз!»

Бу сёзлер узерине Хазрети Пейгъамбер -салляллаху алейхи ве селлем-нинъ мубарек юзю тебессюмге толды, хайыр дуа этип шойле буюрды:

«–Ойле исе, айды Аллахнынъ берекети иле юрюнъиз! Сизге муж-делер олсун ки, Аллах эки таифеден башкъа олгъан бирини ваде этти. Валлахи мен, санки къурейшлилернинъ дженк майданында йыкъыладжакъ ерлерни корьген киби олдым...» (1. Эки таифеден бири: Энфаль суресининъ 7-инджи аетинде ваде этильгендир. Къурейштен я да къурейшнинъ Шамдан кельген керванындан ибарет олгъан эки таифеден бири.)

Хиджретнинъ экинжи йылы, Рамазан айынынъ он экиси эди. Аллах Ресули -салляллаху алейхи ве селлем-, энсардан Эбу Любабейни Мединеде озюнинъ ерине къалдырып, 313 аскерлик ордусынен ше-эрден чыкты. Булардан 64 адам мухаджир, къалгъаны энсардан эди. Учъ атлы аскер, еди девели аскер, къалгъанлары да пияде эдилер.

Аллах Ресули -салляллаху алейхи ве селлем-, Рамазан айына догъру кельген бу зор куньлерде аскерлерге оразаларыны бозмаларыны эмир этти. Чюнки мусульманларнынъ дженкте беден иле де кучлю олмалары керек эди. Акыкъатен сеферге къошулгъан бутюн муминлер, сонърадан къаза этмек ниетинен ораза тутмадылар.

Ислямнынъ бу биринджи ордусы Бедирге догъру ёл алды.

Орду Акик ёлуна баргъан эди. Бу эснада Хубейб бин Эсаф ве Къайс бин Мухаррис адында эки киши, гъанимет макъсады иле ордугъа къатылмакъ ичюн Аллах Ресулине етиштилер. Аллах Ресули -салляллаху алейхи ве селлем- Хубейбден сорады:

«–Сиз бизлернен чыктынынъизмы?»

Хубейб:

«–Ёкъ, сен бизим къыз къардашымызынынъ огълусынъ ве къомшумызсынъ. Биз къавмимизнен гъанимет ичюн чыктыкъ!» деди.

Аллах Ресули -салляллаху алейхи ве селлем-, бу сефер:

«–Сен, Аллахкъа ве Ресулине иман эттинъми?» деп сорады.

Хубейб «Ёкъ!» джевабыны берди. Хазрети Пейгъамбер -салляллаху алейхи ве селлем-: «–Ойле исе артынъа кьайт! Биз, бир мушрик-



нинь ярдымына мухтадж дегильмиз!..» деди.

Хубейб тиренди:

«–Къавмим меним урушларда не къадар джесаретли ве душман багърында яралар ачкъан бир батыр олгъанымны яхшы билелер. Мусульман олмасам да, гъанимет къаршылыгъында сенинь янынъда дженклешсем олмазмы?» деди.

Аллах Ресули -салляллаху алейхи ве селлем- де:

«–Ёкъ. Сен башта мусульман ол; сонъра дженклеш!» деп ёлуна девам этти.

Бир аз вакъыттан сонъра Хубейб кене кельди. Айны теклифте булунды. Лякин джевап кене де айны эди. Хубейб бу алгъа тааджипленди. Чюнки о, араплар арасында чокъ джесаретли ве дженкчи бир адам оларакъ танылгъан эди. Лякин Аллах Ресули -салляллаху алейхи ве селлем-, онынъ мушрик олгъаны себебинден ордугъа къошулма сына разы олмады. Мушриклернинъ къалабалыкъ ордусына къаршы аскер сайысы аз олгъан Ресулюлахнынъ бу арекети, Хубейбге терен тесир этти. Гонъюль алемлерининъ теренликлерине далып фаркълы бир алемнинъ акъикъат нурларыны изледи. Эеджангъа тутулып те-к-рар Аллах Ресулининъ артындан чапты. Бу сеферки истеги, эвельки истеклеринден фаркълы эди. Кене Аллах Ресули -салляллаху алейхи ве селлем- онъа текрар:

«–Аллахкъа ве Ресулине иман эттинъми?» суалине буюк бир эеджан ичинде джевап берди:

«–Эбет, я, Ресулюлах!..»

Бунунъ узерине Аллах Ресули -салляллаху алейхи ве селлем-, чокъ севинч дуйды ве:

«–Иште, шимди истегенинъни яп!» буюрды.

Бу вакъиа, бегенильмеген бир макъсат, не къадар зор шартлар ичинде олса да башкъа уйгун олмагъан бир усулнынъ къарыштырылмамасы мевзусында гузель дикъкъат чекеджек бир мисальдир. Къулнынъ вазифеси, керекли тедебирлерни алгъандан сонъ Алахкъа тебеккюльдир ки, Ресулюлах-салляллаху алейхи ве селлем-, Хубейбни иман этмеден ордугъа къабул этмейип бойле япкъан, умметке бу ёлда да орьнек олгъандыр. Чюнки о, юдже Пейгъамбер, эр ишинде



ялынъыз Аллахкъа сыгына ве ялынъыз Хакъкъа ёнеле ве бильдире ки, эр тюрю нусрет ве инает, ялынъыз Дженаб-ы Мевлядандыр.

Бедир дженкинде эр кишилернинъ янына къадынлардан да къошулмакъ истегенлер чыкъкъан эди. Булардан бири олгъан Умму Варакъа да, Ресулюмах -саллялаху алейхи ве селлемге:

«–Эй, Аллахнынъ Ресули! Манъа изин беринъиз; яралыларны тедавий этейим, хасталарынъызгъа бакъайым. Олур ки, Аллах мени шехитликке эрдирир!» деген эди.

Аллах Ресули -саллялаху алейхи ве селлем- де онъа:

«–Сен эвинъде отуруп Къуран окъу; догърусы ки, Алах санъа шехитлик насип этер!» буюрды.

Бундан сонъра Умму Варакъа, асхаб арасында «Шехиде» ады иле танылды. О, шехит олмакъны чокъ арзу эткен эди. Ниает, Хазрети Умер девиринде бир такъым къатиллер тарафындан устуне къадифе ортю бастырылып шехит этильген эди. Буны эшиткен Хазрети Умер -радыяллаху анх- шойле деди:

«–Алах Ресули -саллялаху алейхи ве селлем-, «Шехиде»ни зиярет этмемизни сыкъ- сыкъ бизге тавсие этер эди. Догъру экен!»

Ислям ордусы Бедирге кельгенинде, къурейш ордусы даа эвель келип Бедир къююларыны сарып алгъан эди. Мушриклернинъ сайысы 950-1000 къарарында эди. 100 атлы аскер, 700 девели аскер эдилер. Эксерieti зырхлы эди. Къурейшнинъ бутюн буюклери кельген эди.

Эки орду Рамазан айынынъ 17-синде, джума куню Бедир мейданында къаршылаштылар. Къаршы къаршыгъа саф тутулды.

О замангъа къадар араплар, эп къавмиет себебинден дженклеше эдилер. Шимди исе, къавмиетнинъ ерини дин алгъан эди. Айрыджа, баба, эмдже, дайы, эвлят, къардаш, эмдже огълу киби якъын сой-акъраба фаркълы тарафларда эдилер. О кунь Хазрети Эбу Бекир -радыяллаху анх- огълунен, Эбу Убейде бин Джеррах -радыяллаху анх- бабасынен, Хазрети Хамза -радыяллаху анх- къардашы иле

кылыч кылычка кельди. Буюк бир ибрет корюне эди.

Аллах Таала шойле буюра:

«(Бедирде) кyarшы кyarшыгъа кельген шу эки топлумнынъ тюшкен алында сизлер ичюн буюк бир ибрет бардыр. Бири Аллах ёлунда курешкен бир топлум; дигери исе буларны ачыкьтан-ачыкь озьлеринден эки кере чокь корюнген кяфир бир топлумдыр. Аллах истегенини ярдымы иле дестеклер. Эльбетте бунда илерини корьгенлер ичюн буюк бир ибрет бар.» (Ал-и Имран, 13)

Дженк мейданына кибириленип кельген мушриклер, озьлерини енъильмез бир джемаат оларакь корьмекте эдилер. Эм де о сырада керваныны чокьтан зарардан кьуртаргъан Эбу Суфьян, Эбу Джехильге арткьа кьайтмасы ичюн хабер ёллады. Лякин Эбу Джехиль кьабул этмеге истемеди:

«–Ант олсун ки, Бедирде шарапларымызны ичмегендже, джариелер кyarшымызда чалгьылар чалып, тюркюлер йырмагъанджа, ве янымызда олгъан арапларны тойдурмагъанджа артымызгъа кьайтмайджакьмыз!» деди.

Аллаху Таала, мушриклернинъ бу алыны ает-и керимелерде шойле бильдире:

«Къопайчораланмакь, инсанларгъа косьтериш япмакь ве (инсанланры) Аллах ёлундан чыкьармакь ичюн юртларындан чыкькьанлар (кяфирлер) киби олмань! Аллах оларнынъ япкьанларынынъ (эльбетте) чевресини саргъандыр.»

«О вакьытта шейтан оларгъа япкьанларыны гузель косьтерди де: «–Бугунь инсанлардан сизге гьалип келеджек кимсе ёкьтыр. (Сакьын кьоркьмань!) Шубесиз, мен де сизинъ ярдымджынъызым »- деди. Факьат эки орду бир-бирини корьгенинен, артына кьайтты ве: «–Мен сизден узакьым! Мен сизинъ коралмагъанларынынъ (мелеклерни) корьмектем, мен Аллахтан кьоркьмакьтам; Аллахнынъ азабы шиддетлидир» деди.» (эль-Энфал, 47-48)

Оларнынъ гьурурларыны да, иляхий иззет, юдже бир дженк мейданына чагьырааракь алт-уст этти:

«Ёкьса «–Биз, интикьам алмагъа кучю еткен бир джемаатмыз!» дейлерми?»



«О топлулыкъ якъында бозуладжакъ ве олар артларына чевирилп къачаджакълар.» (эль-Къамер, 44-45)

«Шубесиз ки, инкар эткенлер, малларыны, (инсанларны) Аллах ёлундан чыкъармакъ ичюн арджламакъталар. Даа да арджлайджакълар. Амма сонъунда бу, оларгъа юрек адджысы оладжакъ ве энъ сонъунда магълуп оладжакълар. Кяфирликте исрар эткенлер исе, джехеннемге сюйрекленеджеклер.» (эль-Энфал, 36)

Бу арада Аллах Ресули -саллаллаху алейхи ве селлем-, къолларыны ачып дуа эте эди:

«Раббим! Иште, къурейш кибир ве гъурурнен кельди; бизлерни дженк мейданына чагъыралар; Ресулинъни яланлайлар. Раббим! Сенден, пейгъамберлерге ве манъа адагъанынъ ярдым ве зафер къазанмакъны истейим. Раббим! Эгер шу бир авуч мусульман эляк олса, ер юзюнде санъа къуллукъ этеджек кимсе къалмайджакъ.»

Бутюн мумин гонъюллер де ялварув вазиетинде эди. Иляхий сёзлер Лютф-и Рахманийни мужделеди:

«Сиз Рабинъызден ярдым истей эдинъиз. О да: «–Мен пеши-пешине кельген бинъ мелекнен сизге ярдым этеджем!» деп дуанъызны къабул буюрды.»

«Аллах буны (мелеклернен ярдымны), ялынъыз мужде олсун ве онынънен юреклеринъиз тынчлансын деп япкъан эди. Затен ярдым ялынъыз Аллах тарафындандыр. Чюнки Аллах, мытлакъ гъалиптир, екаяне уком ве икмет саибидир.»

«О заман къатында бир ишанч олмакъ узъре сизни хафиф бир юкюгъа далдыра эди. Сизни темизлемек, шейтаннынъ пислигини (ичинъизге аткъан весвесени) сизден кеткизмек, юреклеринъизни бир-бирине багъламакъ ичюн устюнъизге коктен бир сув (ягъмур) ягъдырды.» (эль-Энфал, 9-11)

Чюнки къурейшлилер, даа эвель келип Бедир къуюларынынъ этрафына ерлешкен эди. Ислям дженкчилери исе кучъсюз ве сув-сагъан алда эдилер. Тургъан ерлери де къумлукъ олгъанындан арет этмеге имкянлары аз эди. Бунынъ устюне лютф-и иляхий оларакъ ягъгъан ягъмур, эм о мекянны дженкке ярашыкълы алгъа кетирип, оларнынъ юреклериндеки шубелерини, эм де сувсузлыкъларыны




кеткизгендир.

Бедир дженки, айры-айры дженкнен башланды. Мусульманлар тарафындан дженк мейданына чыккыан Хазрети Хамза, Хазрети Али ве Хазрети Убейде, ракыблерини ольдюрдилер. Ялынъыз Убейде баджагындан агъыр яралангъан эди. О, бир аз вакъыт кечкен сонъ Аллах Ресулининъ:

«–Сен о юдже макъагъма къавуштынъ!» муждесини алып шехит олды.

Бундан сонъра эки орду яваш-яваш бир-бирлерине якъынлашмагъа башлады.

Аллах Ресули -самляллаху алейхи ве селлем-, асхабынынъ бирден уджюмге кечмесине изин бермеди. Чюнки кюрейш мушриклерни арасында керваннынъ техликеден кюртулгъанындан хабердар олгъанлары, дженклешмеге истемедилер. Мусульманларнынъ да аман уджюм этмеювлери себебинен, мушриклернинъ бу истексизликлери даа арта, оларнынъ сафларында маневий кучьнинъ сарсылмасына себеп ола эди.



Шу ан Эбу Джехиль юксек сеснен кычырды:

«–Сиз бир эки кишининъ ольмесине эмиет берменъиз! Юрюнъиз!» дей эди.

Буны эшиткен мушриклер, умумий уджюмге кечтилер. Мусульманлар сафларындан юджелерге догъру ялварув, душман сафларына догъру къоркъутыджы фиъан юксельген «Текбир ве Лафза-и Джеял» сеслери, ич турмадан, иманлы юреклерни джоштургъанда джоштура эди.

Ниает Ресулюлах -салляллаху алейхи ве селлем- де уджюмге кечмек эмирини берди.

Эки орду бир-бирине къарышты. Чарпышма шиддетли башланды. Кет-кете де сертлешти.

Аллах Ресули -салляллаху алейхи ве селлем-, Аллахкъа ялваруунен бирликте асхабынынъ гъайрет ве эеджаныны чокълаштырмакъ ичюн араларында пейда ола ве сыкъ-сыкъ:

«О джемаат якъында бозуладжакъ ве олар, артларына чевирилип къачаджакълар!» (эль-Къамер, 45) ает-и керимесини окъуды.

Бундан сонъ да мужделеди:

«–Эр ким, бугунъ душмандан юз чевирмейип себат этип, шехит тюшсе, Алах эльбетте оны дженнетке къояджакътыр. Бугунъ шехит олгъанларгъа Дженнетюл-Фирдевс азырдыр. Уджюм этип, огге ынтылынъыз!»

Бу сёзлерден сонъра янындаки Эбу Бекир -радыяллаху анх-къа дёнерек:

«–Мужде! Джебраиль ве мелеклер ярдымгъа кельди», деп буюрды.

Шу арада ерден уфакъ ташлар алып: «Юзлери къара олсун!» деп душман устюне атты. О анда о тарафта шиддетли бир ель чыкъты. Къоркъунч бир къасыргъа котерильди. Мушриклер бир-бирлерини коремедилер.

О кунъ уйлеге догъру дженк муминлернинъ заферинен битти. Он дёрт мусульман шехит олгъан, бунъа къаршылыкъ Эбу Джехильнен берабер етмиш мушрик ольдюрильген, етмишке якъыны да эсир алынган эди.



Бойледже, бедбахт мушриклер, керчек Бедирге кельмекнен йигитлик косътергенлер, зафер шарабы ерине олюм къаделерини юттылар. Джариелери исе тюркю сёйлемек ерине агъладылар. Озь сафындаки арапларнынъ къарынларыны тоюрмакъ ерине оларны ачыкъкъан джехеннем чукурларына толдурдылар.

Иманнынъ куфюрге къаршы биринджи заферинен нетиджеленген Бедир дженкинде диний севги, акърабалыкъ севгисини сыфыргъа чыкъаргъан эди. Хакъ Таала, бу дешетли манзарагъа мелеклер ордусыны да ёлджу эткен, Бедирде бу юдже эеджан къыгъылчымында иштирак эткен мелеклер де, башкъа мелеклерден устюн олгъан эдилер.

Бу буюк заферден сонъра Аллах, мусульманларгъа бир гъурурланув алы пейда олмамасы ичюн Энфаль суресининъ 17- ает-и керимесини назиль этти:

«(Эй, Пейгъамбер!) Оларны сиз ольдюрмединъиз, факъат Аллах ольдюрди. Аткъан вакътыньда да сен атмадынъ, факъат Аллах атты. Ве буны, муминлерни гузель бир имтиан иле сынамакъ ичюн япты. Шубесиз Аллах, эшитиджидир, билидидир».

Бу иляхий нусрет, бир башкъа ает-и керимеде шойле беян этилir:

«Ант олсун ки, сизлер кучъсюз олгъаныньыз алда Аллах, Бедирде сизге ярдым эткен эди.» (Ал-и Имран, 123)

Инсаннынъ саип олгъан кучъ, иляхий такъдир ичиндедир. Бундан башкъа «Азим ве юдже Аллахтан башкъа (кимседе) кучъ ве къувет ёкътыр», - буюрылгъандыр. Чюнки эзельде ёкъ олып, ялынъыз Аллахнынъ лютуф ве кереми саесинде беденге кельген эр варлыкънынъ саип олгъаны эр шей, Раббинъдендир. Бундан долайы бутюн ираде, бутюн вакъиа, адиселерни ве махлюкъатны къушаткъан ве ичине алгъан да Одыр. Бу – ираде ве кучъ аслы яраткъангъа аит демектир. Ялынъыз инсаннынъ бу дюньягъа бир имтиан ичюн ёлануву себебинен онъа бир парча ираде берильген ве инсан, яхшылыкъкъа да, яманлыкъкъа да истидатнен донатылгъандыр. Къуланув кучю де, озь ирадесине къалдырылгъандыр.

Бу буюк зафернен, Медине-и Мюневвере севинчке гъаркъ олур



экен, Мекке матемге кӳпылды. Ойле ки, Эбу Лехеб кедеринден олды. Бойледже, иляхий ваде корюнди.

Лякин бу сырада Аллах Ресули -салляллаху алейхи ве селлем-нинь мухтереме керимелери Хазрети Рукыйенининь вефаты себебинен мусульманлар арасында Бедир заферининь севинчи узун девам этмеди.

Аллах Ресули -салляллаху алейхи ве селлем-, Бедирде учь кунь кӳалгӳандан сонь Мединеге кӳайтты. Алынган эсирлер, япылган кенъеш нетиджесинде фидье тӳлемек шартынен сербест кӳалдырылды. Фидье тӳлеп оламайджакъ алда олганларнынь да эр бири, он Мединели балагъа окъумакъ ве язмакъ огретмекнен вазифелендирильди. Олар да фидьелерини бойледже берген оладжакъ эдилер.

Хазрети Пейгӳамбер -салляллаху алейхи ве селлем- ве асхабынынь бу арекети, орта асырлардаки киби зулумнынь ве хакъсызлыкънынь энъ юксек нокътагъа чыккыан бир девирде инсанлыкъ адына кыяметке кӳадар тек нумюне оладжакъ бир фазилетнинь зирвеси олгӳандыр.

Бедирде алынган гӳаниметлер, ерли-еринде пайлаштырылып, беште бири де «Бейтульмал»гъа (девлет хазинесине) теслим этилген эди.

Ислямнынь бу биринджи буюк джихады, иманнынь кӳуветини косьтерген бир дженк олгӳаны мунасебетинен Бедирде иштирак эткен асхаб-ы гӳузин, мусульманларнынь энъ фазилетлилери шерифине наиль олдылар. Бу себепнен Джебраиль -алейхисселям-, Аллах Ресули -салляллаху алейхи ве селлем-ден:

«–Я, Ресулюлах! Бедир дженкине кӳатылганларны насыл дегерлендирисинь?» деп сорады.

Пейгӳамберимиз:«–Мусульманларнынь энъ фазилетлилери саярмыз», -деп джевап берди.

Джебраиль -алейхисселям- да шойле деди:

«–Биз де мелеклерден Бедир дженкинде иштирак эткенлерни айны шекильде мелеклернинь энъ хайырлылары саярмыз.» (Теджрид терджимеси, X, 148)

Эбу Джехиль ольгенден сонь Эбу Суфьян кӳурейшининь башы



олды. Бедир хезиметининъ интикъамыны алмакъ ичюн емин этип, деръал эки юз атлы аскер иле Меккеден чыкъты. Мединеге бир сатлыкъ ёл къалгъангъа къадар кельди ве энсардан Сад бин Амрны ольдюрп, бир къач эвни якъты. Лякин Аллах Ресули -салляллаху алейхи ве селлем-нинъ арекетке кечкенини эшиткен сонъ къачты. Къачкъанда севик толдурылгъан чуваллары къалгъанындан себеп бу дженк тарихте «Севик дженки» адыны алды.



БЕНИ КЪАЙНУКЪА ДЖЕНКИ (ХИДЖРИЙ 2 СЕНЕ)

Тарихнынъ энъ бедбахт къавми – еудийлер

Медине этрафында олдукъча къалабалыкъ бир джемаат олгъан еудийлернинъ тез арда арапларгъа бир пейгъамбер ёлланыладжагъындан хаберлери бар эди. Ялынъыз онынъ еудийлерден чыкъаджагъыны тюшюнгенлери ичюн бу хаберни джошкъунлыкънен этрафкъа яймагъа девам эте эдилер. Лякин ахыр-заман Пейгъамбери Мухаммед Мустафа -саллялаху алейхи ве селлем-нинъ, озьлеринден дегиль де, арапларнынъ ичинден чыкъкъаны себебинден пахылланмагъа башладылар. Эвель айткъанларындан вазгечип, сёзлерини денъиштирип инкяр этмеге башладылар.

Аллах Таала шойле буюра:

«Вакътынен биз, Израил огулларындан: «Ялынъыз Аллахкъа къулукъ этеджексинъиз, ана-бабагъа, якъын акърабагъа, етимлерге, ёкъсулларгъа яхшылыкъ этеджексинъиз», деп сёз алгъан ве «Инсанларгъа гузель сёз сёйленъ, намазны къылынъ, зекятны беринь!» деп де эмир эткен эдик. Сонъунда азынъыз истисна, юзь чевиререк къайтып кеттинъиз». (эль-Бакъара, 83)

«Аллах къуларындан истегенлерине пейгъамберлик ихсан этювини кунълегенлери ичюн Аллахнынъ эндиргенини (Къуранны) инкяр этерек нефислери къаршылыгъына саткъан шейлери не ямандыр! Бойледже олар гъадап устуне гъадапкъа огърадылар. Айрыджа, къафирлер ичюн алчалтыджы бир азап бардыр.» (Бакъара, 90)

Еудийлернинъ бойле бир шей этмелерининъ бир себеби де, дю-



ня аятына пек багълы ве меракълы олгъанлары эди. Оларнынъ бу сыфатлары ает-и керимеде бойле бильдириле:

«(Эй, Ресулим!) Ант олсун ки, сен оларны яшамакъ ичюн инсанларнынъ энъ ачкозю оларакъ булурсынъ. Путперестлерден эр бири де арзулар ки, бинъ йыл яшасын...» (Бакъара, 96)

Айрыджа, тиджарет ичюн къолларында булунгъан базарлары, саткъан шейлерине истеген фиятыны къоймалары, оларгъа маддий кучъ ве къувет бергенини тюшюнип, оларгъа яхшыджа юз берген, ве еудийлер озълерини устюн бир къавим оларакъ корьмеге башлап «–Биз Аллахнынъ огуллары ве севгилилеримиз» (Маиде, 18)дей эдилер.

Япкъанлары ярамайлыкълар себебинен озълерине азаб-ы иляхий хатырлатылгъаны вакъыт да шойле джевап бере эдилер:

«Сайылы бир-къач кунъ тышында бизге атеш токъунмайджакъ-тыр!..» (Бакъара, 80)

Лякин Аллах, бунынъ бойле олмайджагъыны ает-и керимеде бойле бильдирди:

«Ёкъ! Ким ки бир яманлыкъ этсе де, яманлыгъы озюнинъ чевресини сарса, иште, о кимселер джехеннемлидирлер; олар о ерде даимий къаладжакълар.» (Бакъара, 81)

Медине еудийлери, эр не къадар Ресулюллах -самлялаху алейхи ве селем-нен анълашма эткен олсалар да, биле-биле онъа душман олгъан, къатты бир юрекнен, тарихий инатлыкътан, сёзлерини тутма-мазлыкътан, яланджылыкъ ве яхшылыкъкъа къаршы яманлыкъ этмелеринден бир тюрю вазгечмедилер. Аддини ашып, инат кесилип, кимсеге къаршы сайгъы-урьмет косътермейип арекетке башладылар. Озь келеджеклери ичюн къабилелер арасында къалабалыкълар чыкъармакъ ичюн арекет этип фитне чыкъармакънен огъраштылар.

Оларнынъ бу алларыны Аллах, Ресулине ве муминлерге бойле бильдирди:

«Эй, иман эткенлер! Сизден олмагъанларны сырдаш тутманъ. Чюнки, олар сизге яманлыкъ этювден асла четте турмазлар, эп къасеветке тюшкенинъизни истерлер. Акыкъатен, кин ве душманлыкълары агъызларындан (чыкъкъан сёзлеринден) беллидир. Юреклеринде



сакълагъанлары исе даа буюктир. Эгер тюшюнип анъласанъыз, ает-леримизни сизге баян эттик».

«Иште, сиз ойле кимселерсинъыз ки, оларны северсинъыз. Сиз бутюн китапларгъа инанырсынъыз; олар исе сизнен расткелишкенде: «инандыкъ» дерлер; озъ башларына къалгъанларында да, сизге олгъан кинлеринден долайы, пармакъларыны тишлерлер. Де ки: «кининъызден олюнъ!» Шубесиз, Аллах юреклернинъ ичиндекилерини хакъкъы иле билир».

«Сизге бир яхшылыкъ кельсе, бу оларны тасаландырыр; башынъызгъа бир мусибет кельсе, бунъа да севинирлер. Эгер сабыр этсенъиз ве къорчалансанъыз, оларнынъ ийлеси сизге ич зарар бермес. Шубесиз, Аллах оларнынъ эткенлерининъ чевресини сарып алгъандыр». (Ал-и Имран, 118-120)

Ает-и керимелерде бильдирильгени шекильде бир арекет ичинде булунгъан еудийлер, керчектен мусульманларнынъ Бедир дженкинде гъалебе къазангъанларындан пек раатсыз олдылар. Ойле ки, Бени Къайнукъа еудийлери, бу меселеде раатсызлыкъларыны эр кеске бильдирип, мусульманларнен дженклешмеге къарар бердилер. Япкъанлары ветандашлыкъ анълашмасына риает этмедилер, сайгъы биле косьтермедилер.

Энъ якъын достлары мунафыкъларнынъ реиси олгъан Абдуллах бин Убей бин Селюльнен бирликте еудий алыш-вериш базарлары, мусульманларны насыл ве не шекильде янъылтып алдатаджакъларыны тюшюнген бир фитне къазаны алына кельген эди. Мусульманлар ичюн де ич яхшы шейлер тюшюнмей эдилер. Ойле ки, Аллах Ресули-салляллаху алейхи ве селлем-нинъ аяты да пек техликели алда эди.

Эдепсизликлери гъает чокълашкъан еудийлер, бир кунъ озъ базарларындаки бир къуюмджыдан алыш-вериш япкъан мусульман бир къадынгъа гузель олмагъан арекетте булунуп, ахлякъсызлыкъ яптылар. Къадыннынъ ярдым истегенини эшиткен, о ерден кечкен ве бу вакъиагъа шаат олгъан бир мусульман да, аман къадынны къорчаламакъ ичюн къуюмджы еудийнинъ узерине атылды. Бойлеликнен, бир къавгъа башланды. Мусульман гъалебе къазанып, еудийни ольдюрди. О ерге топлангъан еудийлер де мусульманны урып ольдюрдилер.



Орталыкъ пек къарышгъан алда эди. Япылгъан анълашма тамамынен бозулгъан эди. Бунынъ узерине Аллах Ресули -салляллаху алейхи ве селлем-, еудийлерни топлады ве:

«–Эй, еудий джемааты! Аллахтан къоркъуныыз! Ёкъса мушриклернинъ Бедирде огърагъанлары фелякетке сиз де огърарсыныыз!» деди.

Бойледже, оларны къоркъутып, эм де барыш анълашувны бозмагъа истемегенини бильдирди. Артындан да анълашувнынъ янъыланмасыны теклиф этти. Лякин сайгъы деген шейни танымагъан еудийлернинъ джевабы да сайгъысыз олды:

«–Эй, Мухаммед! Сен бизни дженкнинъ не олгъанындан хабер илмагъан къурейшлилер беллейсинъми? Биз олардан даа кучлю дженкчимиз. Бизлернен дженклешмеге къалкъышкъанынъ вакыт дженкнинъ насыл олгъаныны анъларсынъ!» дедилер.

Еудий къавми ойле бир миллет эди ки, Хазрети Мусагъа: «–Сен ве Рабинъ кетип дженклешинъиз!» деп иляхий къазанчкъа весиле оладжакъ бир джихатны къоркъакълыкълары себебинен къабул этмегенлеринде, шимди несиллери де там терсине озъ зарарларына олгъан бир дженкни пек истей эдилер. Демек ки, эр заман озъ зарарларына оладжакъ арекетлерни къабул этип, бу мевзуда Аллахнынъ эмрине уймайып исян этмектен чекинмей эдилер.

Бойледже, анълашманы бозгъанлары анда мусульманларгъа дженк ачмакъ истеген еудийлер, бу арекетлеринен де душманлыкъ ниетлерини ачыкъ шекильде бильдирдилер.

Бойле ал къаршысында Аллах Ресули -салляллаху алейхи ве селлем-, Хазрети Алининъ къолуна Ислям байрагъыны берип, эп бирликте Къайнукъа еудийлерине къаршы дженклешмеге кеттилер.

Озылерини йигит сайгъан Къайнукъа еудийлери къалелери ичинде сакъландылар. Мунафыкъларнен берабер мусульманларгъа зарар береджек бир чокъ тедебирлер азырлагъан олсалар да, не къаленинъ тышына чыккып олдылар, не де бир окъ атып олдылар. Чюнки Аллах Ресули -салляллаху алейхи ве селлем-, бир тарафтан оларны сым-сыкъы бир къамачав ичине алгъанынен, башкъа тарафтан да мунафыкълар тарафындан япылмасы мумкюн олгъан бутюн зарар-



ларгъа къаршы керекли бутюн ёлларны тюшюнип, зарур тедбирлерни алгъан эди.

Къамачав он беш кунь девам эти. Ниает ич бир къаршылыкъ косьтерип олмагъан еудийлернинъ юреклеринде даянылмаз бир къоркъу пейда олды. Мунафыкълардан беклегенлери ярдым да кельмеген сонъ мусульманларгъа ялвармакътан башкъа чарелери къалмады. Ресулюллах -салляллаху алейхи ве селлем- береджек джезагъа боюн эгдилер.

Мунафыкъларнынъ реиси Абдуллах бин Убей, о заманлар Хазредж къабилесининъ имаесинде олгъан Кайнукъа еудийлерининъ афу этильмесини сорап риджада булунды. Чюнки, о ерлернинъ урф ве адетлерине коре олар ольдюрильмелери керек эди.

Оларнынъ бу тилеклерини къабул эткен Аллахнынъ Ресули –салляллаху алейхи ве селлем-, еудийлерни ольдюрмейип оларны, джеза оларакъ оларны Шам тарафларына сюргюн этти.

Ораза ве зекят

Алып барылгъан дженклер нетиджесинде, бир тарафтан сиясий къурулышыны сагъламлаштыргъан Ислям, башкъа тарафтан озюне махсус къурулышыны яваш-яваш тамамламакъта эди. Бундан сонъ хиджретнинъ экинджи сенеси Рамазан айында ораза тутмакъ фарз къылынды:

«Эй, иман эткенлер! Аллахкъа къаршы кельмектен сакъынувынъыз ичюн, ораза сизден эвелькилерге фарз этильгени киби, сизге де фарз этильди.» (эль-Бакъара, 183)

Артындан «байрам намазы» ве «садакъа-и фытр» эмир этильди. Булардан сонъра да «зекят» эмири кельди:

«Малларында мухтадж ве ёкъсуллар ичюн ер юзюнде аляметлер бардыр.» (эз-Зарият, 19)

«Зекятны бергенлер (де темизленип раат олдылар.)» (эль-Муминун, 5)

«(Эй, пейгамбер!) Оларнынъ малларындан садакъа ал; бунынънен оларны (гуняхлардан) темизлерсинъ, оларны арындырып юд-



жельтирсинь! Ве олар ичюн дуа эт! Чюнки сенинь дуань, олар ичюн сукюнеттир (оларны ятыштыыр).» (эт-Тевбе, 103)

Зекят, Къуран-ы Керимде 27 ерде намазнен бирликте анъыла. Ялынъыз бир ерде (Муминун суресинде) намаздан айры оларакъ кече, лякин о ерде де намаз къылгъанларнынъ зекятларыны бергенлери хусусы ифаде этиле. Бунынъ себеби, «беден» ве «малынен» олмакъ узьре эки группагъа айрылгъан ибадетлерде, бу экисининъ, биринджи сырада ве эш дегерли оларакъ ер алмасыдыр. Албуки, бир хадис-и шерифте:

«Зекят бермегеннинъ намазы да ёкътыр!» буюрылгъандыр.

Зекят – мектеп, окъув юртлары, хастахане киби укюмет муэсси-селерине берильмез. Тевбе суресининъ 60-аетинде зекятнынъ ким-лерге бериледжеги шу шекильде сыныфландырылгъандыр:

«Садакъалар (зекятлар), Аллаhtан бир фарз оларакъ анджакъ факъирлерге, ёкъсулларгъа, (ич бир шейи олмагъанларгъа), (зекят то-плагъан) мемурларгъа, муэллефе-и къулюбгъа (гонъюллери Ислямгъа исиндириледжек олгъанларгъа), (уриетлерини сатын алмагъа чалыш-къан) хызметкярларгъа, борджуларгъа, Аллах ёлунда хызмет эткен-лерге (муджахидлерге, диний илимлерни огренген талелелерге ве саирелерге) ве ёлджуларгъа аиттир. (Топлангъан зекят, анджакъ бу сайылгъан ерлерге берилир.) Аллах Алимдир, укюм ве икмет саибидир» (эт-Тевбе, 60)

Дернек ве вакъыфлар киби укюмет тешкиятларынынъ хадимле-рине де, анджакъ аетте буюрылгъан секиз табакъагъа къошгъан алда зекят берилир.

Кене хиджретнинъ экинджи сенеси Аллах Ресули -саллялаху алейхи ве селлем-нинъ къызы Фатиме -радыяллаху анха-нен Хазрети Али -радыяллаху анх- эвлендилер.

УХУД ДЖЕНКИ (ХИДЖРИЙ 3 СЕНЕ)

Ибрет теджеллилеринен толу бир дженк

Ухуд дженки де Бедир дженки киби Меккели мушриклернен япылган дешетли дженклерден биридир.

Меккели мушриклер, Бедир маглюбиетинден сонъ буюк бир матем ичинде эдилер. Эр кес бир якъыныны джойган эди. Олар ичюн интикъам алмагъа гъадапнен толып-таша эдилер. Къурейшнинъ янъы реиси Эбу Суфьяннынъ къадыны Хинд де, булардан бири эди. Нетиджеде, арадан чокъ бир вакъыт кечмеден интикъам атешинен юреклери туташкан, учъ бинъ кишилик бир мушрик ордусы азырланды.

Бу арада Хазрети Пейгъамбер -салляллаху алейхи ве селлем-нинъ эмджеси Аббас, олып кечкенлер акъкъында Мединеге хабер ёллады. Аллах Ресули -салляллаху алейхи ве селлем- де, аман дженк меджлисини топлады. Меджлисте Медине ичинде къалып я мудафа дженки алып бармакъ, я да шеэр тышына чыкъып душмангъа уджюм япмакъ акъкъында акъыл таныштылар. Озю исе, мудафа дженки алып бармакънынъ тарафдары эди. Лякин Бедир дженкине къошулып оламагъан генчлернинъ ве Хазрети Хамза киби йигитлернинъ чокълукъны тешкиль эткен фикирлеринен шеэр тышына чыкъып уджюм дженки япылмасына къарар берильди. Олар:

«–Биз бойле бир кунни сабырсызлыкънен беклей эдик!»- дедилер.

Бунынъ узерине Аллах Ресули -салляллаху алейхи ве селлем-, мубарек одасына кирип зырхыны кийди. Ялынъыз бу арада мудафа



дженкининъ тарафдарлары къалгъанларны да бу теклифке къандырдылар. Олар да аман Ресулюллах -салляллаху алейхи ве селлем-ге чаптылар ве:

«—Я, Ресулюллах! Биз сизинъ тюшюндже ве фикирлеринъизге къаршы дегильмиз. Биз хата эттик. Сиз истегенинъиз киби арекет этинъиз!» дедилер.

Аллах Ресулининъ джевабы кесин олды:

«—Бир пейгъамбер зырхыны кийгенинден сонъ дженк этмеден оны чыкъармаз! Эгер сабыр этип, вазифенъизни де этсенъиз, Аллах Таала, гъалевени кене де сизге береджектир!»

Акъыкъатта Аллах Ресули -салляллаху алейхи ве селлем-, джума намазыны къылдырмакъ ичюн Абдуллах бин Умм-и Мектумны озь ерине къалдырып, бинъ кишилик ордусынен ёлгъа чыкъты. Лякин ёлда мунафыкъларнынъ реиси Абдуллах бин Убей бин Селюльнинъ, учь юз кишилик тарафдарларынен берабер артларына къайтмасы себебинен, Ислям ордусындаки аскер сайысы еди юзге тюшти.

Аллах, бу вакъиа узерине шу ает-и керимени ёллады:

«Эки тараф къаршылашкъан куню сизинъ башынъызгъа кельгенлер, анджакъ Аллахнынъ истегинен олгъандыр ки, бу да, муминлерни айырды этюви ве мунафыкъларны ортагъа чыкъармасы ичюн эди. Буларгъа: «—Келинъ, Аллах ёлунда дженклешинъ!» денильген вакъытта, «—Дженклешмеге бильсе эдик, эльбетте сизинъ пешинъызден барыр эдик!» дедилер. Олар о куню, имандан зияде къафирликке якъын эдилер. Албуки Аллах, оларнынъ ичлеринде сакълагъанларыны даа яхшы билир.» (Ал-и Имран, 166-167)

«(Эй, Ресулим!) Сен, саба эрте муминлерни (Ухудда) дженк ерлерине ерлештирмек ичюн аиленьден(эвинъден) чыкъкъан эдинъ...»

«О заман аранъыздан эки болюк бозулмагъа башлагъан эди. Албуки, Аллах оларнынъ ярдымджысы эди. Муминлер, ялынъыз Аллахкъа таянып ишансынлар!» (Ал-и Имран, 121-122)


Мунафыкъларнынъ ордудан айырылгъанлары, бир бакъышта лютф-и иляхий олгъан эди. Чюнки оларнынъ бу арекетлеринен орду кучьсюз олмагъан, аксине ичинде булунгъан сыкъылгъан юреклерден темизленген ве даа джанлы бир алгъа кельген эди. Ойле ки, дженк



вакытында мунафыкларнынъ хиянетли сойлары даа зарарлы олмасы ве муминлернинъ маневий вазиятини бозмасы мумкюн эди.

Хазрети Пейгамбер-салляллаху алейхи ве селлем-, Ухуд дагына ордусынынъ сыртыны берип сагъ тарафына Мединени, сол тарафына да Айнейн дагларынынъ арасындаки кечит ёлуны алды. Айрыджа душманнынъ бу ёлдан уджум этип зарар бермеси мумкюн олганындан, о ерге элли дане окъчу ерлештирди. Башларына Абдуллах бин Джубейрни ребер тайин этти ве бойле эмирде булунды:

«–Сиз бизим артымызны кърчалайджакъсынъыз. Душман гялебе этсе де, енъильсе де, менден хабер кельмегендже ерлеринъизден айрылманъыз!»



Дженк кърарлаштырылган мейданда башланды. Алахнынъ арсланы Хазрети Али, мушриклернинъ байрагыны ташыган Тальханы бир урушта ерге йыкты. Къурейш байрагыны алган Тальханынъ кърдашы Османни да Хазрети Хамза; учюнджи байракъ ташыган мушрикни де Сад бин Эбу Вакъкъас ольдюрди.

Ниает дженк, серт бир бир шекильде башлады. Алах Ресули-салляллаху алейхи ве селлем-, устюнде: «Къркъакълыкъта утан-

ма ве алчакълыкъ, джесюрликте шереф ве иззет бардыр!» сёзлери язылы кылычыны, хахъкыны бермек шарты иле Эбу Дюджане Хазретлерине берди.

Ибрет бериджи саналар яшанмакъта эди. Къузман адлы Мединели бири, еди мушрикни ольдюрген, озю де агъыр яраланып ольген эди. Бунъа бакъмадан Аллах Ресули -салляллаху алейхи ве селлем-:

«Къузман джехеннемликтир», - деди.

Чюнки о, сонъ нефесинде озюне «–Шехитлигинъ мубарек олсун!» деген Къатаде бин Нумангъа:

«–Мен къабилем ичюн дженклештим; шехитлик ичюн дегиль!» деген ве ярасынынъ аджысына даянмайып интихар эткен эди.

Амма бунынъ там терси де ола эди. Озь къабилеси мусульманлыкъны къабул эткени ичюн башта къаршы чыккып, сонъра да пешман олып Ухудгъа кельген Усайрам, яралыларнынъ арасында яткъанда, озюне меракълъ козьлернен бакъкъанларгъа сонъ нефесинде:

«–Мен мусульман олмакъ ичюн кельдим. Аллах ве Ресули огърун-да дженклештим ве яраландым!» деген эди.

Бир вакъыттан сонъра да джан берген Усайрам акъкында исе Хазрети Пейгъамбер -салляллаху алейхи ве селлем-:

«О, дженнетликтир!» деди.

Мусульманларнынъ мисильсиз бир джесюрликнен душман устюне атылмалары, къыскъа вакъыттаа гъалебенен нетиджеленди; сайы ве сила джеэтинден устюн олгъан душман къачмагъа башлады. Лякин мусульманлар, бир ара душманны къувалагъанындан сонъра гъалебелеринден тамамен эмин олып гъанимет топламагъа башладылар. Ойле ки, Аллах Ресулининъ тенбиелерине бакъмадан, къуманданларынынъ изни олмагъанына рагъмен окъчулар да ерлерини терк этип гъанимет топламагъа чаптылар. Тепеде ялынъыз эмир Абдуллах иле еди аркъадашы къалгъан эди.

Бутюн вакъиалар бу анда олып кечти. Душманнынъ уяныкъ къуманданларындан Халид бин Велид, атлы аскерлерни алып, беклеген фырсагъны къолгъа кечирген эди. Аман арекетке кечип Абдуллахны ве къалгъан окъчуларны къыскъа вакъытта шехит этилер. Гъанимет



топлагъан мусульманларнынъ арт тарафындан буюк кучьнен уджюмге башладылар.

Башта магълубиетке огърагъан душманнынъ къалгъан къысмы да, бойле вазиятти корьгенинен аман артларына къайтып, мусульманларнынъ узерине текрар уджюм эттилер. Ислям ордусы эки атеш арасында къалды. Араларында къарышыкълыкъ чыкъты. Бу вакъыт сыралар арасында къа бир тарафкъа, къа дигер тарафкъа чапкъан Ислямнынъ йигит къараманы Хазрети Хамза, Вахшининъ аткъан бир мызракъынен шехит олды. Вахши буны, Хинднинъ озюне адагъан азатлыгъы ичюн япгъан эди. Бу фырсагъны беклеген Хинд де, Хамза-радыяллаху анх-нынъ къараджигерини чыкъарып тишлейджек къарарына кельген эди.

Хазрети Хамзанынъ шехит олувы, мусульман сафларында далгъалы, далгъалы бир матем авасы эстирди. Не де олса, къарышкъан сыралар дарма-дагъын олгъан эди.

Аллах Таала буюра:

«Сиз Аллахнынъ изнинен душманларынынъ ольдюргенде, Аллах, сизге олгъан вадесини ерине кетирди. Ниаат, ойле бир ан кельди ки, Аллах арзулагъанынынъ (гъалевени) сизге косътергенден сонъ зайыфлыкъкъа огърадынъыз; (Пейгъамбернинъ берген) эмири узеринде тартышмагъа башладынынъиз ве асий олдынъыз. Дюнъяны истегенинъиз де бар эди, ахыретни истегенинъиз де бар эди. Сонъра Аллах, сынамакъ ичюн сизни олардан (оларны магълуп этювден) четлетти. Ве ант олсун, сизни багъышлады. Затен Аллах, муминлерге къаршы чокъ лютуфлыдыр.» (Ал-и Имран, 152)

Мушриклер, о кунъ баягъы мусульманны шехит эттилер. Ойле ки, бир топ мушрик, догърудан догъру Аллах Ресулини ольдюрмек ниетинен онъа уджюм этти. Бунлардан Хубейп: «Мухаммедни ольдюрджегим!» деп ант эткен, лякин Аллах Ресули -салляллаху алейхи ве селлем-нинъ:

«–Мен сени ольдюририм!» деп окъуна сарылмасы узерине артына къачгъан эди.

Хазрети Пейгъамбер -салляллаху алейхи ве селлем-:

«–Къайда къачасынъ, эй, яланджы?» деп окъуны атты.



Мубарек къолларындан атылган окъ нишангъа барып урулды. Убей окънынъ аджысына даянамайып, къычыргъан алда ерге юварланды.

Бу вакъытта Алемлернинъ Эфендисине япылган уджюмлер де сыкълашган эди.

Бу уджюмлернинъ биринде Сад бин Эби Вакъкъаснынъ мушрик къардашы Утбе, Ресулюлах -салляллаху алейхи ве селлем-ге бир таш атты. Атылган ташнен, ерлерни ве коклерни титреткен бир вакъиа оларакъ, Ресулюлахнынъ зырхындаки эки халкъа, мубарек юзлери не батты ве янагъыны ярып бир тишини къырды. О ан бутюн сахабе ве мелеклер, терен бир матемге тутулдылар.

Бу вакъытта Пейгъамбер -салляллаху алейхи ве селлем- Эфендимиз, мубарек юзюнден топракъкъа къан тамлап да, къавми не азап назиль олмасындан теляшланып, мубарек юзлерини къолларынен сюртеркен, Аллахкъа:

«Я Раббим! Къавмим джаильдир, не эткенлерини бильмейлер. Сен оларгъа хидает бер!» деп дуа этти.

Даа сонъра Неби -салляллаху алейхи ве селлем-, бир кересинде Джебраиль алейхисселямдан:

«—Коклерден ер юзюне энгенинъ вакъытларда, санъа ич зор-лукълар ве эеджанлы анлар келеми?» деп сорады.

Джибриль -алейхисселям-:

«—Эбет, дёрт ерде!» деди ве буларны бойле изаатлап анълатты:

Биринджиси, Ибрахим -алейхисселям- атешке атылганы вакъыт;

Экинджиси, Ибрахим -алейхисселям-, пычагъыны огълу Исмаил -алейхисселям-нынъ богъазына таягъаны вакъыт;

Учюнджиси, Юсуф -алейхисселям- къуюгъа атылганы заман эеджан ве теляшнен ер юзюне эндим. Оларны къуртарып Аллахнынъ эмирини ерине кетирдим.

Дёртюнджиси де, Ухуд куню къяфирлер санъа зарар берип тишинъни сындыргъанлары заман, Аллах Таала:

«Къулума етиш! Къаны ерге тамламасын! Эгер севгили пейгъамберимнинъ бир тамчы къаны ерге тюшсе, буюклигим хакъкъы ичюн



ерде не бир осюмлик, не де бир терек остюририм!..» буюрды.

Иште, бир де бу ерде телашландым. Аман мубарек юзюньизден тамлагъан къанны авада ёкъ эттим.»

Иште, Ухуд дженки бойле кедерли саналарнынъ яшангъан бир шекильге чеврильди. Дженк, башта муминлернинъ файдасына эди, эмирге риаетсизлик себебинен бир кереден мушриклернинъ файдасына денъишкен эди. Аллах Ресули -салляллаху алейхи ве селлем-нинъ этрафында тек он дёрт киши къалгъан эди. Алемлернинъ Эфендисиде телашланмагъа башлагъан бир такъым муминлерге:

«–Эй, Аллахнынъ къулары! Мангъа келинъиз; Мен Аллахнынъ Ресули!» деп сесленмеге башлады.

Къуран-ы Керимде бу ал бойле ифаде этиле:

«О заман Пейгъамбер артынъыздан сизни чагъыргъаны алда сиз, токътамадан (дженк майданындан) дагъгъа догъру къачтынъыз, ич кимсеге айланып бакъмадынъыз. (Аллах) сизге кедер устуне кедер берди ки, бундан долайы истер къолларынъыздан кеткенге, истер башынъызгъа кельгенлерге кедерленмейсинъиз. Аллах якъанларынъыздан хабердардыр.» (Ал-и Имран, 153)

Мусульманларнынъ бир къысымы да, Хазрети Пейгъамберни шехит олды деп эшиткен, йылдырым ургъан киби сарсылгъан эдилер. Ойле ки: «–Аллах Ресули ольгенинден сонъ биз бу ерде не деп къалайыкъ!» деп дженк майданыны ташлап кетмеге башладылар. Булар, Мединени къорчаламакъ ичюн артларына къайткъан, лякин мусульман къадынлары тарафындан текрар артларына къайтарылгъан эдилер.

Бир къысмы исе:

«Аллахнынъ Ресули ольген исе, Аллах сонъсуздыр!» деп дженк-ке девам эте эдилер. Булардан Энес бин Надр (намлы Энес бин Маликинъ эмджеси), не япаджагъыны билип оламагъан бир такъым муминлерден Алемлернинъ Эфендисининъ шехит олгъаны акъкъында хаберни эшиткенде буюк бир теслимиет ве метанет иле:

«–Ресулюллахнынъ шехит олгъанындан сонъра артыкъ яшап да не этеджексинъиз? Сиз де онынъ киби дженклешип шехит олунъыз!» деп сесленди ве мушриклернинъ узерине уджюм этти. О, дженкте эт-



миш еринден яраланып шехит олды.

Дженктен кьачкьанлар умумиетле шеэр тышында дженк этмге истегенлер эди. Аллах Таала, оларгъа хитап этип шойле буюрды:

«Ант олсун ки, сиз олюмнен юзь-юзьге кельмеден эвель оны истер эдинъиз. Иште, шимди оны кьаршынызда корьдинъиз!» (Ал-и Имран, 143)

Олюмге азыр олгъанларыны айтып да, сонъра Ресулюллах -саллялаху алейхи ве селлем-нинъ ольгенини эшитип артларына кьачкьанларгъа кельген иляхий тенбие пек шиддетли олды:

«Мухаммед ялынъыз бир пейгъамбердир. Ондан эвель де пейгъамберлер келип-кечген эдилер. Шимди о, ольсе я да ольдюрильсе, эски дининъизге кьайтаджакъсынъызмы? Ким (бойле) япса, Аллахкьа ич бир шекильде зарар берип олмайджакъ. Аллах шукюр эткенлерни мукаяфатландыраджакъ.» (Ал-и Имран, 144)

О кьоркьунчлы куньде, ич бир шейге бакъмайып Аллах Ресули -саллялаху алейхи ве селлем-, бир кьутуп йылдызы киби еринден ич айрылмайып пейгъарберлерге хас чыдам ве сабыр косътерди. Джесарети, йигитлиги, кьоркьмазлыгынен асхабына дженкяверликте де бир орьнек олды.

Чюнки Аллах буюрмакъта ки:

«(Душмангъа кьаршы) ирадесизлик косътермень! (енъильдик деп) гьамгъа кьапылманъ! Эгер (Аллахнынъ вадине) инангъан олсанъыз, мытлакъа устюн чыкьаджакъсынъыз! Эгер сиз (Ухудда) яраланып джанынъыз янгъан олса (Къурейш) кьавмининъ де (Бедирде) ойле джаны янгъан эди. Биз бу куньлерни инсанлар арасында те крарлап турармыз. (Базы кере сиз гъалип олурсынъыз, базы кере де душманларынъыз!)» (Ал-и Имран, 139-140)

Аллахнынъ, Пейгъамберине ве муминлерге олгъан мерхамети весилесинен Ухуд куню, бутюн кьалабалыкъларгъа бакъмадан мушриклер, макъсатларына этишип оламадылар. Бу арада сахабилер, Ресулюллахны корип яваш-яваш озьлерине кельмеге башладылар. Мушриклернинъ уджуми ятышмагъа башлады. Муминлер, буюк бир вефадарлыкъ ве садакьатнен Аллах Ресулини кьорчаладылар. Меккели мушриклер, кене де зарар бермеге башладылар.



Мусульманлар озьлерини кьорчаламкъ ичюн бираз арткъа чекильдир. Фырсааттан файдалангъан Аллах Ресули -салляллаху алейхи ве селлем- де Ухуд дагъына чекильди. Бу сефер Эбу Суфьян, дагънынъ тёпесинден муминлернинъ устуне уджюм этмеге истеген олса да беджерип оламады.

Эбу Суфьян иле Хазрети Умер арасында кьаршылыкълы кьыскъа бир атышма олып кечти. Бундан сонъ артына чекильмеге меджбур олгъан Эбу Суфьяннынъ сонъ сёзлери:

«–Келеджек сене Бедирде корюшейик!» олды.

Аслында исе ичлерине бир кьоркъу тюшкен, онынъ ичюн артарына кьайтмагъа меджбур олгъан эдилер. Бу дженкте мушриклер гъалебе кьазангъан олсалар да, Мединени запт этип оламадылар. Бир мусульманны биле эсирликке алып оламагъан эдилер. Бу да Аллахнынъ, Пейгъамберине ве муминлерге бир лютуфы эди. Аллах Таала Къуран- ы Кериминде шойле буюргъан:

«Аллахнынъ, акъкъында ич бир делиль эндирмеген шейлерни Онъа ортакъ кьошкъанлары себебинен, кяфирлернинъ юреклерине якъында кьоркъу кьояджакъмыз. Бараджакъ ерлери де джехеннемдир. Залымларнынъ бараджакъ ери не фенадыр!» (Ал-и Имран, 151)

Айрыджа Ресулюллах -салляллаху алейхи ве селлем-ге берильген муджизелерден бири де, душманнынъ кьальбине узакъ месафеден биле кьоркъу кьоймасыдыр

Мушриклер Ухудны тамамынен терк эткенлеринден сонъ Аллах Ресули -салляллаху алейхи ве селлем-, дженк мейданына барып шехитлернинъ дженазелерини кьылды. Тамам етмиш шехит берильген эди. Буларнынъ арасында Хазрети Хамза киби йигитлер ве Мусаб киби дженкчи къараманлар да бар эди.

Мусаб бин Умейр -радыяллаху анх-, Ресулюллах -салляллаху алейхи ве селлем-ни кьорчалагъан вакъытта шехит олгъан эди. Бунынъ узерине мелеклерден бири Мусаб -радыяллаху анх-нынъ кьыяфетине кирип байрагъыны алгъан эди. Ресулюллах -салляллаху алейхи ве селлем- де онынъ шехит олгъанындан хабери олмагъаны себебинден онъа хитап этерек:

«Огге кет, я Мусаб! (Текъаддем, я Мусаб!)» деген эди.



Бунынъ узерине мелек, Ресулюллахъа догъру бакъкъан, бойледже онынъ бир мелек олгъанынынъ фаркъына баргъан Хазрети Пейгъамбер -салляллаху алейхи ве селлем- де, Мусабнынъ шехит олгъаныны анылагъан эди. Даа сонъра Мусаб бин Умейрнинъ мубарек бедени тапылгъан, лякин оны сармагъа кефинлик тапылмагъан эди.

Мусаб бин Умейр Къуран-ы Керимде шу ает-и керимеде аныла:

«Муминлер ичинде Аллахъа бергенлери сёзюнде тургъан нидже йигитлер бар. Иште, олардан кими сёзюни ерине кетирип, о ёлдажаныны берген. Кими де (шехитликни иштиякъ иле) беклемекте; сёзлерини асыл денъиштирмегенлердир...» (эль-Ахзаб, 23)

Ухуд дженкининъ шехитлери ичинде Хазрети Пейгъамбер -салляллаху алейхи ве селлем-ни ве бутюн муминлернинъ гонъюллерини энъ чокъ кедерлеткен, Ислям ордусынынъ къараманы Хазрети Хамза -радыяллаху анх- олгъандыр.

Бойледже, шехитлернинъ дженазе намазларыны къылмакъ ичюн башта Хазрети Хамза, сонъ он шехит кетириле, намаздан сонъра докъузы комюле. Кене Хазрети Хамзанынъ къатына докъуз шехит кетириле, текрар дженазе намазы къылына эди. Бойледже, Ресулюллах -салляллаху алейхи ве селлем-, эмджеси, шехитлернинъ эфендисини олгъан, бу мубарек шехитнинъ дженазе намазыны дефаларджа текрарлагъан эди.

Бу манзара, юреклерде о къадар кедерли бир из къалдыргъан эди ки, сахабилерден, Абдуррахман бин Авф -радыяллаху анх- Хазретлерининъ огюне, Ислямнынъ иззетли, зенгин вакъытларында, огълу бир къач чешит аш къойгъанында, о бунъа кедерленип:

«–Мусаб бин Умейр шехит олгъаны вакъыт, джеседини къапатджакъ бир кефинлик тапып оламадыкъ. Устюне сарылгъан кефин къыскъа кельди; башы къапатылса аягъы, аягъы къапатылса башы ачыкъ къала эди. Сонъунда кефинини башына догъру чектик ве аякъларыны да къокъулы бир отнен къапаттыкъ!

Хазрети Хамза -радыяллаху анх- шехит олгъанында да, устюни къарт бир кадыннынъ чыкъарып аткъан эски урбасынен къапаткъан эдилер!



Манъа исе, Аллах дюньяда бу къадар чокъ нимет багъышлай, аджеба, ахыреттеки хакъкъымны бу дюньяда къулланып битирейимми?! Ярын Аллахнынъ къаршысында бу ниметлернинъ эсабыны насыл береджем?!» деп айткъан ве козьлери яшлангъан алда софрадан айырылгъан эди.

Иште, Ухуд дженкининъ де бойле къоркъунчлы ве кедерли манзараларынен, аятнынъ бутюн адджы ве татлы басамакъларынен буюк бир къуллукъ яшана эди. Тевеккюль, теслимиет ве къадерге риза энъ устте эди.

Ухуд дженкиндеки Аллахнынъ имтианы себеби исе, бир такъым муим хусусларда муминлернинъ косътерген бир анлыкъ дикъкъатсызлыкъларынынъ икмети эди.

Асхаб-ы Кирам, Бедирде Аллах Ресулине ич бир шартсыз таби олгъан эди. Ве онъа:

«–Эй, Аллахнынъ Ресули! Биз санъа инандыкъ, кетиргенинъ Къураннынъ хакъ олгъанына самимиетнен инанып къабул эттик. Насыл истесенъ о шекильде арекет эт, бизге эмир эт, биз сенинънен берабермиз. Сени ёллагъан Аллах хакъкъы ичюн деньизге кирсенъ, сенинънен берабер кирермиз, ич биримиз арта къалмамыз!..» деген асхаб, иляхий бир зеджаннынъ зирвесинде эди.

Ухудда исе, Аллах Ресулининъ мубарек эмирини ерине кетирювде бир анлыкъ далгъынлыкъ ве дикъкъатсызлыкъ этильмеси ве дюнья малына багъылыкъ дуйып, дженкнинъ къадерини деньиштирген икъаз-ы иляхий теджелли этип гъалебенинъ кечикмесине себеп олгъандыр.

Башкъа бир тарафтан Ухуд, Ресулюллах -салляллаху алейхи ве селлем-нинъ гонълюнде бенъзери олмагъан бир ердир. Хазрети Пейгъамбер -салляллаху алейхи ве селлем-, омюрининъ сонъуна къадар Ухуднынъ ве Ухуд шехитлерининъ зияретлерине девам эткендир. Вакъты-вакътынен:

«Биз Ухудны севемиз, Ухуд да бизни севе!..» ифаделеринен, къыяметке къадар Аллах Ресулининъ севгисинен толугъан бир мекъан оларакъ къалмасынен умметке бир зиярет ери ве къучакъ оладжакътыр.

Хамрауль-Эсед

Ичлерине тышкен кьоркьунен Ухуддан айырылып Меккеге ёл туткъан мушриклерге Аллах -джелле джелялюху-, буюк бир далгьынлык берген эди. Акьыллары башларына анджакъ, ёлда кельди. Текрар артларына кьайтып мусульманларнынъ узерине уджум этмекни тышюндилер.

Бу вакьытта Мединеге кьайткъан Аллах Ресули -салляллаху алейхи ве селлем- де, душманнынъ козюни кьоркьутмакъ кереклиги фикринен сахабилеринден:

«–Душманнынъ пешине тышип ким такьип этмеге истер?» деп сорады.

Аман араларында Хазрети Эбу Бекир ве Зюбейирнинъ башчылыгында бир такьым азырланды. Аллах Ресули -салляллаху алейхи ве селлем- де иштирак эткен бу такьым, аман душманнынъ пешине тышти. Оларнынъ бу арекетлери ает-и керимеде шойле беян олуна:

«Яралангъан сонъ кене Аллахнынъ ве Пейгъамбернинъ даветине уйгъанлар, (айрыджа) араларындан яхшылыкъ япкъанлар ве такъва саиби олгъанлар ичюн пек буюк бир мукафат бар.» (Ал-и Имран, 172)

Азырлангъан бу такьым, Мединеден секиз километр узакълыкъта олгъан Хамрауль-Эсед майданына къадар барды.

Байракъ Хазрети Алиде эди. Гедже Аллах Ресули -салляллаху алейхи ве селлем-, айры-айры беш юз ерде атеш якъылмасыны эмир этти. Козъ къамаштырыджы бир манзара пейда олды. Этрафтан бакъкъанлар, о ерде сонъ дередже буюк ве пек кучлю бир орду тургъаныны тышюне эдилер.

Акьыкъатта, о вакьыт Меккеге кеткен ве даа мусульман олмагъан Мабед, мушрик ордусына етишип мусульманларнынъ артларындан кельгенлерини хабер этти. Оларнынъ къалабалыкъ ве чокъ олгъанларыны анълатмакъ ичюн де:

«–Мен омюримде бойле къалабалыкъ бир орду корьмеген эдим», - деди.

Бу алдан хабердар олгъан мушриклернинъ юреклерине раатсыз



этеджек бир кьоркьу тюшти.

«–Мусульманларнынъ кыбырдайджакъ аллары кьалмагъан эди. Бу недир?» деп бир-бирлерине бакътылар.

Артындан да себебини анылап оламагъанлары бир дуйгъунен:

«–Айды, бир белягъа огърамадан бу ерден кетейик!» дедилер.

Артларына кыйтып дженклешмеге ич бир тюрю козь кестире-медилер. Ниает, аджеле шекильде Меккеге догъру ёлларына девам эттилер.

Оларнынъ бу шекильде чекильмелери узерине Аллах Ресули -саллаллаху алейхи ве селлем- де, сахабилеринен берабер текрар Мединеге кыйттылар.

Бир йыл сонъра Ухуд куню япылгъан анылашмагъа коре, Меккели мушриклернен мусульманлар текрар дженклешеджек эдилер. Бу анылашма себебинен Эбу Суфьян, ордусынен берабер Мерруз-Захрангъа къадар кельген, лякин юрегини кене бир коркъу саргъан ве о артына кыйтмагъа меджбур олгъан эди. Бойле этип гъурурыны алчатмакъ истемегенинден, Мединеге бир адам ёлады. О, мушриклернинъ буюк ордунен ёлгъа чыкъкъаны акъкъында лаф даркъта. Эбу Суфян мусульманларны бойле ёлнен кьоркъутаджакъ олды ве бунынъ нетиджесинде олар дженклешмектен вазгечерлер деп тюшюнген эди.

Хабер Мединеге кельгенинде Аллах Ресули -саллаллаху алейхи ве селлем-, дженк азырлыкъларыны чокътан битирген ве ёлгъа чыкъмакъ ичюн эмир берген эди. Хаберджи мусульманларны артына кыйтармакъ ичюн чешит яланлар уйдурды. Лякин мусульманларны Мединеде къалдырмакънынъ ич бир чаресини тапамады. Чюнки Хазрети Пейгъамбер -саллаллаху алейхи ве селлем-нинъ сёзлери кесин эди:

«Мен берген сёзюмден кыйтмам!»

Ниает Ислам ордусы Бедр-и Сугърагъа кельди. Душмандан ич бир из биле ёкъ эди. О ерде тек къурулгъан бир панайырдан башкъа бир шейни раст кетирмедилер. Бойле алда мусульманларнынъ тиджареттен башкъа этеджек бир ишлери кьалмагъан эди.

Мусульманларнынъ буджесюрликлери ве йигитликлери Къуран-ы



Керимде бойле анълатыла:

«Бир кысым инсанлар муминлерге: «–Душманларыңыз сизге къраршы топландылар; аман сакъыныңыз олардан!» айткъанларында бу, оларнынъ иманларыны бир кьат даа юксельткен ве: «–Аллах бизге етер. О, не гузель векильдир...» дегенлер.»

«Бунынъ узерине озьлерине ич бир яманлыкъ токъунмадан Аллахнынъ нимети ве кереми иле кери кельдилер. Бойледже, Аллахнынъ ризасына уйгъан олдылар. Аллах, чокъ буюк бир лютуф ве керем саибидир.» (Ал-и Имран, 173-174)

Мирас меселеси

Бу сырада мирас болюштирменен алякъалы ает-и керимелер назиль олды. Чюнки Ухуддан сонъра бу мевзуларда бир чокъ анълашылмамазлыкълар пейда олгъан эди. Ухудда шехит олгъан Сад бин Ребининъ огълан кърдашы, онынъ эки кызына да ич бир шей кьалдырмайып бутюн мирасны озюне алгъан эди. Бу исе бир джахилие девриндеки адет эди. Джахилие девринде кьадын ве кызларнынъ ич бир кыймети олмагъаны ичюн оларнынъ мирас хакъкы да ёкъ эди. Ислам, бойле кьанунны ёкъ этти:

«Аллах сизге, балаларыңыз акъкъында, огъулгъа, кыз пайынынъ эки кьатыны (мирас берменъизни) эмир эте. (Балалар) экиден зияде кыз олса, олюнинъ кьалдыргъанынынъ учте экиси оларнынъдыр. Эгер ялыңыз бир кыз исе, ярысы онынъдыр. Олгеннинъ баласы бар исе, ана-бабасындан эр бирининъ мираста алтыда бир пайы бардыр. Эгер баласы ёкъ да ана-бабасы онъа варис олгъан исе, анасына учте бир (тюшер). Эгер олгеннинъ кърдашлары бар исе, анасына алтыда бир (тюшер). Бутюн бу пайлар, олгеннинъ этеджеги васиеттен ве бордждан сонърадыр. Балаларыңыз ве огъуларыңыздан ангисининъ сизге, файда бакъымындан даа якъын олгъаныны билип оламазсынынъ. Булар Аллах (тарафын) дан кьоюлгъан фарзлар (пайлар) дыр. Шубесиз Аллах, илим ве икмет саибидир.» (эн-Ниса, 11)

Исламнынъ мирас укьукъында пайларнен мукеллефиедлер ара-



сында адалетли бир мусавийлик япылган эди. Масрафы чокь олган огьлангъа, къадынгъа бакъкъанда даа чокь берильгендир. Чюнки эв-ленгенлеринде мехир берип той масрафыны котермесинен бирликте къорантаны кечиндирмекнен багълы маддий масрафлар мевзуларында месулиетли олган огьландыр.

Ханымларгъа исе, дуйгъу теренлиги, инджелик, шефкъат, мерхамет, ар, федакярлыкъ, бала бакъымы ве несильни къорчаламакъ киби устюнликлер берильгендир. Олар, яратылыш оларакъ назик олганларындан аятнынъ чешитли саифелеринде бир чокь апансылыкъларнен къаршылашкъанларында, базы вакъыт бедени ве руху зайыфлар. Оларнынъ мерхамет дуйгъулары юксектир. Буннынъ ичюн де, Ислямда къадыннынъ шаатлыгъы ярыдыр. Буну агъыз-агъыздан долаштыргъанлар, Ислямгъа уджюм эткенлер, Ислямынынъ денъишмез олган хусусиетлерини дикъкъаткъа алмасындан догъган шу мукеммелликни, джаилликлеринден себеп анълап оламазлар.

Акъикъат шу ки, Аллах, эр джанлыны ве о джанлыларнынъ эр бирини бир макъсат ичюн яраткъан ве яратылгангъа яратылыш макъсадыны керчеклештирмеге уйгъун бир биологик ве психологик копюрлер косътерип ярдым эткен. Эркекни, аят муджаделеси ве къорантаны кечиндирмек ичюн месуль япкъан Алаху Таала, онынъ бу вазифени ляйыкъ шекильде ерине кетирип олмасы ичюн беденинен де къуветли, рухунен де азимкъяр яратты. Къадын исе, несилни къорчаламакъ, балаларынынъ тербиесинен огърашмакъ киби вазифелерде месулиетлидир. Бу себепнен онынъ вазифеси, беденини дегиль, рухуны даа терен дуйгъуларнен донатмакътан ибареттир. Буннынъ ичюндир ки, баласынынъ ильк беджериксиз ве кучъсюз кунълеринден оны буюк бир мерхамет ве севги иле къучакълап осьтюремек ичюн къадынгъа иляхий бир эдие оларакъ бу хусусиетлер берильгендир.

Бу себепнен мерхамет менбасы олган бир ана, яратылыш ве кучюнинъ тышында бир вазифенен месулиетли олса, бам-башкъа бир нетидже пейда олур. Буннынъ ичюндир ки, бир къадыннынъ къабаатлы кишини аджып, адалетте янълышлыкъ этмеси юкселир. Бу да, онынъ шаатлыгъынынъ яры олмасы мевзусына себеп олгъандыр.



Кадынның, эркеклерге бакъкъанда мирастан яры пай алмасы да, бенъзер себеплердендир. Къадын, неслини къорумакъ, буның ичюн балаларыны тербие этип осьтюремек ве къорантадаки тертипни сакъламакъ киби агъыр вазифелер себебинен къорантаны кечиндирмек ичюн месулиетли дегильдир. Акси алда онъа пек хахъсызлыкъ япылган олур эди. Ялынъыз къорантаны кечиндирмекнен месулиетли олгъаны ичюндир ки, мираста пайы ярыгъа тюшюрийгендир. Бу, бир пай инсанларның эвленемемеси, я да айырымалары алында къалмасы, я да бир такъым озюне махсус керекли шейлер себебинендир. Ёкъса, ич бир кечинмек зорлугъы олмаган инсангъа ич берильмесе биле адалетке айкъыры олмаз эди. Бу да, хахълар ве борджлар арасындаки мусавийликнингъ сакъланмасы кереклигинден ортагъа чыкъкъандыр. Башкъа тарафтан къадын, эркекке нисбетен даа кучъсюз олгъанындан бир сайгъыгъа ве имаеге яратылышынен истеклидир. Бу себепнен о, -эвлилик, эшит ве уйгъун къоранталар арасында олса къоджасына бакъкъанда- даа зайыф бир икътисадий имкъангъа саип оладжакъ ве буның табиий бир нетиджеси олып да къоджасының сёзюни динълеп, айткъанларына боюн эгмеси даа къолайлыкънен керчеклешмеси мумкюндир. Буны анъламакъ ичюн, зенгин къадынларнен эвленген факъыр эркеклернингъ алларына бир назар ташламакъ етерли олур...

Шимдики девирде къадын ве къоджа арасында суний, яландан бир эшитлик ярышмасы башлатылган эди. Яратылыш хусусиетлерге зыт ве айкъыры олган бу ярыш, ханымлыкъ ве аналыкъ хусусиетлерининъ зайыфлашмасына себеп олмакъта ве къорантаны яраламакъта. Бу себепнен кунюмиздеки бала алдырма аллары, джахилие девриндеки кыыз балаларыны тири-тири коммекнингъ башкъа бир шекили олган асырымызның джинаетидир. Бу асырның къадынынен джахилие деврининъ къадыны арасында тек кийинув шекиллери арасында фаркъ бар демек мумкюн. Бу исе, рухсуз, материалист тербиесининъ мейдангъа кетирген бир джемиетнингъ джинаетидир.



ХИДЖРИЙ 4 СЕНЕ

Раджи вакъиасы

Аллах Ресули -салляллаху алейхи ве селлем-, мубарек Ислям динини яймакъ ве огретмек макъсадынен этрафындаки къабилелерге оджалар ёлмагъан эди. Лякин ёлманылгъан базы оджаларгъа яхшы шекильде мунасебетте олмадылар. Булардан бири де Раджи вакъиасына себеп олгъандыр.

Медине якъынларында Адал ве Къаре къабилелери, Аллах Ресули -салляллаху алейхи ве селлем-ден озълерине Ислям динини огретеджек оджалар ёлламасыны истедилер. Ресулюллах -салляллаху алейхи ве селлем- де Асымнынъ реберлигинде он кишиден ибарет олгъан бир группа ёлады.

Олар, Хузейль къабилесине аит олгъан Раджи мейданына баргъанда оларгъа апансыздан уджум этилер. Секизи ольдюрильди, экиси де эсир олып Меккели мушриклернинъ къолларына тюштилери. Санки оджа истеген къабилелернен Хузейль къабилеси ве Меккели мушриклер арасында бойле бир гизли анълашма япылгъан эди.

Эсир этильген шахыслар Зейд ве Хубейп эди. Экисине де залым мушриклер олжум джезасыны бердилер. Ольдюрильмеден эвель Зейдден сорадылар:

«–Сагъ къалмакъ ичюн сенинъ еринъде Пейгъамберининъ олмасыны истер эдинъми?»

Зейд, бу суальнинъ джевабыны ич тюшюнмейип буюк бир йигитлик ве агъырбашлылыкънен бойле джевап берди:

«–Ичте истемем! Онынъ бу ерде меним еримде олмасыны исте-



мек анда турсун, шу вакытта, олгъаны Медине-и Мюневвередде му-
барек аякъларына бир тикеннинъ батмасына биле разы оламам!»

Бу джевапкъа шашкъан Эбу Суфьян:

«–Мен дюньяда Мухаммед къадар аркъадашлары тарафындан
севильген ич бир кимсени корьмедим!» демектен озюни туталмагъ-
ан эди.

Зейдден сонъра шехит этильген Хубейп де, Зейд киби метанет-
ли эди. Олюмден эвель эки рекат намаз къылды. Селям бергенден
сонъра:

«–Олюмден къоркъып намазны узатты деп айтмаманъыз ичюн
намазымы къыскъарттым!» деди.

Онъа мусульманлыкътан вазгечкени такъдирде сербест йибери-
леджегини айткъан ахмакъ мушриклерге де:

«–Мусульман олып ольмек, динимден къайтып яшамакътан бинъ
кере яхшыдыр!» джевабыны берип, бир мусульман оларакъ шехит-
лик шербетининъ дамыны алды.

Бу шехитлик дамыны анълагъан пейгъамбер ашыкълары да,
онынъ огърунда жан бермекнинъ буюк бир нимет олгъаныны би-
лип:

«Джаным къурбан олсун сенинъ ёлунъа,
Ады гузель, кенди гузель Мухаммед.
Кель шефаат эт аджиз къулунъа,
Ады гузель, кенди гузель Мухаммед», - дедилер.

Бир-и Мауне вакъиасы

Раджи вакъиасындан чокъ вакыт кечмеден, Неджид шейхи
Эбу Бера да къабилесине хидает ёлуны косътермек ичюн оджалар
истемек ниетинен Ресулюллах -салляллаху алейхи ве селлем-ге бой-
ле риджада булунды. Аллах Ресули -салляллаху алейхи ве селлем- де,
Раджи вакъиасы себебинен буны къабул этмеге истемеди. Ойле ки,
озюне кетирильген бахшышларны биле алмады:

«–Мен достларымнынъ аятлары ве омюрлери ичюн джевапкъа-



рым!..» деди.

Бунынъ узерине Эбу Бера, къабилеси адына мусульманларнынъ аяты ичюн кефилик берди. Хазрети Пейгхамбер -салляллаху алейхи ве селлем- де, Эбу Бера адына Неджиддеки къабилелерге ёлбашчылыкъ япкъан торуны Амирге де айрыджа бир мектюп язды. Сонъра асхаб-ы суффеде етмиш кишилик бир оджалар группасыны азырлап Эбу Берранен берабер ёллады.

Оджалар группасы Мединеге дёрт къонакъ узакълыкъта олгъан Бир-и Маунеге баргъанларында, къоркъунч бир алдатувнен, хыянетликнен къаршылаштылар. Эбу Берранынъ торуны Амир, къалабалыкъ бир ордунен уджум эткен, Хазрети Пейгхамбер -салляллаху алейхи ве селлем-нинъ мектюбини биле окъумагъан эди. Озь къабилеси дженклешмекни истемегени вакъыт, башкъа къабилелерни алдатып мусульманларны къылычтан кечирди. Ичлеринден ялынъыз Амр бин Умейе къуртулып олды.

Аллах Ресули -салляллаху алейхи ве селлем-, бу вакъиалар къаршысында чокъ кедерленди. Мубарек къолларыны котерип:

«Аллахым, бу джинает эткенлерге ляйыкъ олгъан джезаны бер!» деп бир ай боюнджа эр намаздан сонъра дуа этти.

Мусульманлар, кедер козьяшлары тёктилер. Мунафыкълар ве еудийлер исе, буюк бир къуванкъа къапылдылар. Айрыджа мусульманларгъа къаршы Ухудда там бир кучълерини косьтерип оламагъанлары ичюн, ичлериндеки душманлыкъларыны ортагъа чыкъарып, зарар кетирмек ёлларыны къыдырып башладылар.

Дженкте япкъан хыянетликлерини ве яланларыны буюк бир усталыкъ киби корип, бир чокъ шехит берген мусульманларгъа:

«-О ольгенлер, бизим сёзлеримизни динълеген олсалар, ольмеген олур эдилер», - деп айтмагъа башладылар.

Оларнынъ бу алларына Къуран-ы Керимнинъ джевабы серт бир къоркъутув шекилинде олды:

«(Эвлеринде) отурып да къардашлары акъкъында: «-Бизге уйса эдилер, ольдюрильмез эдилер» айткъанларгъа: «-Эгер догъру сёзлю инсанлар исенъиз, джанларыньызыны олюмден къуртарынъ корейик!» де!..» (Ал-и Имран, 168)



«Ич бир кимсе ёкъ ки, олюми Аллахнынъ изнине багълы олмасын. (Олюм), белли бир вакъыткъа коре язылгандыр.» (Ал-и Имран, 145)

«(Лякин) Аллах ёлунда ольдюрильгенлерни сакъын олю санманъыз! Аксине олар тиридилер...» (Ал-и Имран, 169)

Бени Надирнинъ хаин планы

Бир-и Мауне вакъиасындан къуртулагъан Амр бин Умейе, Мединеге къайткъанда, ёлда юкълап яткъан эки кишини душман беллеп ольдюрди. Албуки, олар Хазрети Пейгъамбер -салляллаху алейхи ве селлем-нинъ имаеси алтында эдилер. Медине зияретинден сонъ къайта эдилер. Бунынъ ичюн диет бермек керек олды.

Даа звель япылгъан анылашма шартларына коре, диетнинъ бир къысмы Бени Надир тарафындан берильмеси керек олгъаны ичюн, Аллах Ресули -салляллаху алейхи ве селлем-, бир такъым сахабинен барабер оларнынъ юртларына кетти.

Хазрети Пейгъамбер -салляллаху алейхи ве селлем-ни бойле аз адамнен янларына кельгенини корьген Бени Надир еудийлери, бу алдан озьлерине уйгун бир вакъыт тапып Аллах Ресулине яманлыкъ этмеге азырландылар. Ве озьлерине тюшкен пайны разылыкънен береджеклерини ифаде этип ахчаларнынъ азыр олмасына къадар Аллах Ресули -салляллаху алейхи ве селлем-ни бир эвнинъ кольгесинде отурмагъа давет эттилер. Бу арада икрамда булунаджакъларыны да ифаде этип, тез-тез тюшюнджелерини ерине кетирмек ичюн арекетке кечтилер. Алемлернинъ Эфендисининъ устюне, кольгесинде отургъаны эвнинъ дамындан балабан бир таш атып, гуя онынъ мубарек джаныны къыяджакъ эдилер. Олар бу ишни, даа звельки пейгъамберлеринден базыларына да япкъанлары ичюн бу меселеде теджрибелери эдилер.

Бу вакъытта Ресулюмах -салляллаху алейхи ве селлем-, бирден ерлеринден турып, тез-тез о ерден узакълашты. Чюнки Аллах Таала, Ресулине бу алны бильдирген эди.

Аллах, Ресулини къорчаламасынен мусульманларгъа олгъан сев-



гисини шойле хатырлатыр:

«Эй, иман эткенлер! Аллахнынъ сизге олгъан ниметини унутманъыз! Хатырынъыздамы, бир топлулыкъ сизге къол узатмагъа ынтылгъан эди де, Аллах оларнынъ къолларыны сизден чеккен эди. Аллахтан къоркъунъыз! Муминлер (бу вакъиадан ибрет алып) ялынъыз Аллахкъа ишансынлар!» (эль-Маиде, 11)

Бермеге истеген зарарлары Аллах Ресули -салляллаху алейхи ве селлем-ге ёнельген олмасына рагъмен ает-и керимедеки ифаденинъ «сизге къол узатмагъа ынтылгъан эди» шеклинде олмасы, Хазрети Пейгъамбер -салляллаху алейхи ве селлем-нинъ, мусульманларнынъ джаны ве аяты дереджесинде, ве даа да къыйметли олмасы акъыкъа-тына таялыдыр.

Бунынъ узерине Аллах Таала буюрды:

«(Анълашув эткенинъ) бир къавмнынъ хаинлигинден къоркъсанъ, сен де (оларнен эткен анълашувны) айны шекильде бозгъанынъны оларгъа бильдир. Чюнки Аллах, хаинлерни севмез.» (эль-Энфал, 58)

«Эгер олар барышкъа янашсалар, сен де онъа янаш ве Аллахкъа тевеккюль эт! Чюнки О, эшитиджидир, билидидир. Эгер санъа ийле этмек истеселер, биль ки, Аллах санъа етер. О, сени ярдымынен ве мусульманлар иле дестеклегендир.» (эль-Энфал, 61-62)

Бунынъ узерине Аллах Ресули -салляллаху алейхи ве селлем-, Бени Надирге эльчи ёллап анълашма янъыланмасы кереклиги, ёкъса он кунъ ичинде Мединеден чыкъып кетмелери меселесинде оларны тенбиеледи.

Лякин мунафыкълар, бу вакъыт бош отурмай, Мединеден кетмеге азырлангъан Бени Надирге башкъа бир хабер ёлдадылар. Оларгъа буюк бир ордунен ярдым этеджеклерини, Мединеден чыкъып кетмелерини айтып тешвикъат алып бардылар. Бу гизли мектюплешмени де Къуран-ы Керим ачыкъкъа чыкъарды:

«Мунафыкъларнынъ, китап эхлинден инкар эткен достларына: «—Эгер сиз юртунъыздан чыкъарылсанъыз, мытлакъа биз де сизнен берабер чыкъармыз; сизинъ алейхинъызде кимсеге асла уймайджакъмыз. Эгер дженкке тутушсанъыз, мытлакъа ярдым этермиз!» айткъанларыны коръмединъми? Аллах оларнынъ яланджы олгъанла-



рына шаатлыкъ этер.» (эль-Хашр, 11)

Мунафыкъларнынъ арекетлери нетиджесинде, еудийлер де озьлеринде бир хафсызлыкъ дуйып Аллах Ресули -салляллаху алейхи ве селлем-ге къаршы чыкътылар.

Албуки мунафыкълар, сёз бергенлери ярдымны берип оламайджакъ эдилер. Буны Аллах бойле анълата:

«Ант олсун, эгер олар чыкъарылсалар, оларнен барабер чыкъмазлар; дженкке тутушкъан олсалар, оларгъа ярдым этмезлер; ярдым этселер биле артларына айланып къачарлар, сонъра озьлерине де ярдым этильмез.» (эль-Хашр, 12)

Чюнки мунафыкълар, эр не къадар фитнелернен мусульманларгъа чукъур къазсалар да, олардан сонъ дередже къоркъа эдилер. Ойле ки:

«Оларнынъ араларында сизге къаршы дуйгъан къоркъулары, Аллахкъа олгъан къоркъуларындан даа шиддетлидир. Бойледир, чюнки олар анъламагъан бир джемааттир.» (эль-Хашр, 13)

Бени Надир еудийлерининъ гъает аддини ашкъанларыны корьген Аллах Ресули -салляллаху алейхи ве селлем-, артыкъ этеджек башкъа бир шей олмагъанындан, оларнынъ юртуны къушатып сарды. Мунафыкълар берген сёзлеринден вазгечтилер ве еудийлерге ярдым бермедилер. Қъарарнен йигирми кунъден сонъ, Ресулюллах -салляллаху алейхи ве селлем-нинъ усталыкънен алып баргъан дженк усулы нетиджесинде Бени Надир еудийлери теслим олдылар. Бу вакъиадан сонъ еудийлер Мединеден сюргюн этильдилер.

Аллах Таала, бу дженкте мусульманларгъа къаршы ярдымыны шу ает-и кериме иле ифаде эте:

«Эхл-и китаптан инкяр эткенлерни, биринджи сюргюнде юртларындан чыкъаргъан Одыр. Сиз оларны чыкъаджакълар беллемеген эдинъиз. Олар да къалелери, озьлерини Аллахтан къорчалайджакъ беллеген эдилер. Амма Аллах (нынъ азабы), оларгъа беклемегенлери ерден кельди. О, юреклерине къоркъу тюшюрди. Ойле ки, эвлерини эм озь къолларынен, эм де муминлернинъ къоллары иле харап эмекте эдилер. Эй, акъыл саиплери, ибрет алынъыз!..» (эль-Хашр, 2)

Оларнынъ артларында къалдыргъан маллары, силах къулан-



мадан къолгъа кечирильгени ичюн буларгъа «фей» ады берильди ве сиях къулманылып къазанылгъан гъаниметтен фаркълы бир укъомге багъланды:

«Аллахнынъ (сиях къуланмадан фетих этильген) улькелер халкъындан Пейгъамберине берген гъаниметлери, Аллах, Пейгъамбер, якъынлары, оксюзлер, фукъарелер ве ёлда къалгъанлар ичюндир...» (эль-Хашр, 7)

Ает-и керимеде Аллах хакъкъы оларакъ айырылгъан фей, Кябе ве башкъа месджидлернинъ тамиринде къулманылмакъ ичюндир. Хазрети Пейгъамбер -самяллаху алейхи ве селлем- исе, озюне тюшкен фейни асхабнынъ фукъарелери арасында даркъаткъан эди. Фейнинъ бу шекильде пайлаштырылувындан макъсат, мал ве мулкнинъ факъат белли халкъ табакъасынынъ къолларында топланмасына сед олмакътыр.

Ички ве къумарнынъ ясакъ этилюви

Анълашылгъанына коре ички ве къумар акъкъындаки укъом ве къанунлар, Ислямнынъ ильк йыларында ортагъа къоюлмайып, бир зарурет иле сонърагъа къалдырылгъан эди. Лякин дередже-дередже, яваш-яваш оларакъ аетлер эне, ички ве къумар не ясакъ этиле, не де рухсет бериле эди. Бунунъ ичюн бир къысым асхаб арасында да ички ве къумар алышкъанлыгъы хиджретнинъ дёртюнджи сенесине къадар девам эткен эди. Ниает, бир ички зияфетининъ артындан бир тертипсизлик ве къавгъа чыкъкъан ве онынъ бутюн зарарлары анълашылгъан эди. Ве бу вакъиа, ички ве къумарнынъ ясакъ этилювининъ себеплеринден бири олды:

«Эй, иман эткенлер! Шарап, къумар, тикили ташлар (путлар), фал ве шанс окълары бир шейтан иши писликтир. Булардан узакъ турунъыз ки, къуртулышкъа эрерсинъиз».

«Шейтан, ички ве къумар ёлунен тек аранъызгъа душманлыкъ ве кин сокъмакъ; сизни Аллахны анъмакътан ве намаздан четлетмек истер. Артыкъ (бутюн булардан) вазгечтинъиз дегильми?» (эль-Маиде, 90-91)



Бу ясакъ аетинден сонъра ички ичкен мусульманлар къолларында олгъан шарапларнынъ эписини ёкъ эттилер. Бир даа да ичмедилер.

Аллах Ресули -самяллаху алейхи ве селлем- бойле деди:

«Сархошлыкъ берген эр шейни сизге ясакъ этерим. Чогъу сархошлыкъ берген шейлернинъ азы да харамдыр.»

Ички ве къумарнынъ ясакъ этилювининъ макъсады – бир чешит басамакъларгъа риает этювде, Исламда муджаделе усулынынъ тайин этилювинде ве сагълам бир шекильде ерлештирилювинде энъ эсаслы бир нокътадыр.

Аллах Таала, Исламнынъ къанунларыны, низамларыны белгилегенде, Онъа дуа эткен инсанларнынъ такъатларыны ве бу къанунларгъа сайгъы косътерип, дегерлендиреджеклерини козь огюне алгъан эди. Бунынъ энъ маналы пейда олмасы ве корюнемеси, Къуран-ы Керимдеки сырагъа уймагъан бир тарзда ве корюниште итикъадгъа аит аетлернинъ Мекке девринде ве даа эвель эндирилъмесидир. Эгер Къуран-ы Керимдеки аетлер, эндирилъов сырасына коре бир тертипке таби олса, ондаки фикир ве маневий тертип ве дюзен бозуладжагъы беллидир. Албуки, Къуран-ы Керим эндирилъмеге башланмадан эвель де «левх-и махфуз»да бар олгъанына коре, бу ерде онынъ кечиктирип ёлланылувындаки макъсат иле олгъаны къолайджа анылашылыр.

Бу макъсат ве файда, инсаннынъ Къурангъа уймасы мевзусында къабилиети ве бу ишни беджерип оладжагъынен багълы кучътен ибареттир. Ойле ки, бир баланынъ къаршылашаджагъы зорлукълары о, оськенинен чокъарып керчеклешеджеги киби. Тыпкы бир балагъа вакъи оладжакъ беляларнынъ, о буюдикче керчеклешмеси киби...



ХИДЖРИЙ 5 СЕНЕ

Эвлятлыкънынъ ясакъ этилюви (Тебenni меселеси)

Аллах Ресули -салляллаху алейхи ве селлем-ге пейгъамберлик кельмеден эвель мубарек къадыны Хазрети Хатидже тарафындан бахшыш этильген Зейд, Хазрети Пейгъамбернинъ оны азат этюви нетиджесинде сербест олгъан эди. Лякин Зейд, бабасынынъ янына кетмейип, кене Ресулюллахнынъ янында къалмагъа изин сорагъан, Хазрети Пейгъамбер де оны эвлятлыкъкъа алгъан эди.

Аллах Ресули -самяллаху алейхи ве селлем-, Зейдни чокъ севгени ичюн оны башта сербест этильген джариеси Умму Эймен иле, сонъра да аласынынъ къызы Зейнеб бинт-и Джахш иле эвлендирди. Лякин араларында олгъан теньликнинъ, мусавийликнинъ там олмасы себебинен Хазрети Зейнеб, Зейд -радыяллаху анх- иле башта эвленмеге истемеген олса да, Хазрети Пейгъамбернинъ истегинен ве «Сизинъ Аллаһ къатында энъ къыйметлинъиз такъва бакъымындан энъ устюн олгъанынъыздыр» ает-и керимеси себебинен бунъа разы олгъан эди. Бу себептен онынъ юреги Зейдге бир тюрю алышмагъан, эвликликери бир вакъыттан сонъра битюв нокътасына кельген эди. Зейд де шикъет этерек, меселени Алахнынъ Ресули -салляллаху алейхи ве селлем-ге келип анълатты.

«Къадынынъны къатынъда тут ве Аллаһтан къоркъ!» джевабыны алгъан эди.

О исе Аллаһ Ресули -салляллаху алейхи ве селлем-, бу вакъытта кельген иляхий вахий иле Аллаһ тарафындан Зейнебни озюне къадын этип бериледжегини биле, амма буны айдынлатмакътан ве ортагъа



чыкъармакътан чекине эди. Ниает Хазрети Зейд иле Хазрети Зейнеб айырылашалар ве артындан янъы бир вахий келе. Иляхий эмир эм Аллах Ресулине Хазрети Зейнебни къадын этип алмасыны буюрмакъта, эм де бу шекильде, джахилие адети олгъан эвлятлыкъ меселесини ясакъламакъта эди:

«(Эй, Ресулим!) О вакъытта Аллах нимет берген, сенинъ де онъа яхшылыкъ эткенинъ кимсеге: «–Къадынынъны къатынъда тут; Аллахтан къоркъ!» дей эдинъ. Аллахнынъ ашкяр этеджек шейини, инсанлардан чекинере, ичинъде гизлей эдинъ. Албуки, асыл къоркъманъа лаяыкъ олгъан Аллахтыр. Зейд, о къадындан багъыны кескенинен, биз оны санъа ни-кяхладыкъ ки, эвлятлыкълары къадынларынен багъларыны кескенлеринде (о къадынларнен эвленмек истеселер) мусульманларгъа бир зорлукъ олмасын. Аллахнынъ эмири ерине кетирильгендир.» (эль-Ахзаб, 37)

Бу ает-и кериме себебинен Хазрети Пейгъамбер -салляллаху алейхи ве селлем-нен эвленген Хазрети Зейнеб валидемиз:

«–Меним никяхымы Раббим къыйды!..» деп Аллахкъа шукюр эткен эди.

Лякин бу вакъиа мунафыкъларнынъ ярамай, чиркин лафлар даркъатмаларына себеп олды. Джахиллик толу агъызлары иле Хазрети Пейгъамбер -салляллаху алейхи ве селлем-ни:

«–Огълунынъ айрылгъан къадыныны алды...» деп, бу ишке къаршы чыкътылар.

Бунунъ джевабыны да Къуран-ы Керим бойле берди:

«Мухаммед, сизинъ акъайларынынъыздан ич бирининъ бабасы дегиль. Факъат о, Аллахнынъ Ресули ве пейгъамберлернинъ сонъкисидир. Аллах эр шейни хакъкъы иле билиджидир.» (эль-Ахзаб, 40)

Бу вакъианен, бир джахилие адети олып кельген эвлят этинюв меселеси ёкъ этильди.

Шимдики девир мунафыкъларынынъ да: «Хазрети Пейгъамбер, Зейнебнинъ дюльберлигини бегенип, онынънен эвенди » шекилиндеки фикирлери, толусынен джахиллернинъ лафларыдыр. Зейнеб -радыяллаху анха-, Аллах Ресулининъ аласынынъ къызы эди

ки, Эфендимиз оны даа эвель корьген ве биле эди. Шает Хазрети Пейгхамбер -салляллаху алейхи ве селлем-де бойле бир истек олса эди, Хазрети Зейнебни Зейдден эвель озюне никяхлар эди. Хазрети Зейнеб де, буны хошнутлыкьнен кьабул этер эди.

Эвленювни ялынъыз джынсий истекни кьандырмакь деп кьыска тюшюнгенлер, Пейгхамберимизнинъ эвленювлерининъ акьикьатыны анъламакьтан аджиздирлер. Акьыл ве юреклерини тек бедений арзулары ве истеклерине ёнеткенлернинъ берген эсассыз ве акьылгъа уймагъан уюмлери, оларнынъ кьаранлыкь дюньяларынынъ бир кузгюсидир.

Чюнки, Хазрети Пейгхамбер -салляллаху алейхи ве селлем-нинъ эвлилик аятынынъ генчлик ве кьуветли деврине раст кельген ильк 24 сенеси, ялынъыз Хазрети Хатидже -радыяллаху анханен кечгендир. Ондан сонъра эвленмелери исе, толусынен Ислямий ве сиясий бир макъсаткьа таянган эди. Буларнынъ чокьусы озюнден буюк ве тул кьадынлар эди. Ичлеринде ич эвленмеген ве яш олгъаны ялынъыз Хазрети Айше -радыяллаху анха-эди. Бунынъ себеби де, кьадынларгъа махсус фыкьых меселелерини айдынлатып анълатмасы эди. Керчектен о, акьыл устюнлиги ве анълайыш кьабилиетинен кьадынларгъа аит шер'и меселелерни эксиксиз бир шекильде анълагъан ве Хазрети Пейгхамбер -салляллаху алейхи ве селлем-нинъ вефатындан сонъра узун омюр яшап, мусульман кьадынларгъа бу бильгилернен догъру ёлны косьтерген, шер'и низам ве кьанунларнынъ бир кьымыны сагълам темеллеринден файдалгъан алда мейдангъа кетирген эди. Айны заманда Айше валидемиз асхаб арасындаки еди фыкьых алимлеринден бирисидир. Пейгхамбер -алейхис-саятю вес-селям-: «Дининъизнинъ ярысыны Айшеден огренинъ!» деп бу акьикьаткьа ишарет эткен эди. Бу эвлиликнинъ башкьа бир икмети де, Хазрети Эбу Бекир -радыяллаху анх-нынъ, Севр магъарасында «экининъ экинджиси» олмакь якьынлыгьы, ве акьрабалыкь якьынлыгьы иле де багъланмасыны истей эди.

Эгер де бу эвлиликлернинъ себеби шехвет олса эди, о мубарек пейгхамбер, омюрининъ энъ яш ве энъ кьуветли деврини озюнден он беш яш буюк, тул ве балалы бир кьадыннен кечирмез эди.



Бу эвленмелернинъ, не киби юдже макъсатлар ве индже икмет-лернен багълы олгъаныны, ялынъыз иман тюшонджесине саип олгъанлар аныламалары мумкюн.

Тесеттюр⁶ аети

Ислямдан эвель арапларда тесеттюр деген бир адет ёкъ эди. Ислямнынъ ильк йылларында да бойле девам этти. Ве ниает тесеттюр аети энди ве бу аетнен къадыннынъ джемиеттеки ери де юксельди. Кыйметине урьмет этилип шерефи артты. Бир темизлик абидеси олып, намус ве шерефи азиз олды.

Башкъа тарафтан тесеттюренен ильгили укюм, тек къадынгъа аит олмайып эркекни де ичине алмакъта. Анылашылгъанына коре бу мевзудаки эмир, къадын-эркек – эр бир мусульманны ичине алгъан шартлардыр. Аллах Таала буюра:

«(Эй, Ресулим!) Мусульман эркеклерге, козьлерини (харамгъа) тикемелерини, ырызларыны да къорчалавларыны сёйле! Чюнки бу, олар ичюн даа темиз бир аркеттир. Шубесиз Аллах, оларнынъ япаяткъанларындан хабердардыр.»

«Мусульман къадынларгъа да сёйле: Козьлерини (харамгъа бакъмакътан) сакъындырсынлар; намусларыны къорчаласынлар. Корюнген къысымлар (юзь, эль,) мустесна, зийнетлерини (ве сюслерини) косьтермесинлер. Баш ортьюлерини якъаларынынъ устюне (къадар) ортьсюнлер...» (Нур, 30-31)

Кадыннынъ ортюнемесинен къадынлыкъ шахысы къорчаланмакъта. Къадын, ортюсинен къаршысындакине бир эдеп ве назиклик дуйгъусыны ис эттире. Ёкъса къадын, нефсининъ истеклеринен арекет эткен бир шехвет васытасы алына кетирильген олур. Бу да онынъ инсанлыкъ, шахыс дуйгъусыны алчатыр ве аналыкъ азаметининъ зайыфлашмасына себеп олур.

Бу ерде, дикъкъат этильмеси керек олгъан бир нокъта да шу ки, яратылыштан къадын ве эркек нефислери арасында фаркъ бардыр.



Бу да, къадын ве эркекке аит иляхий тайиннен олгъан вазифе ве бунъа багълы меселелернинъ фаркъындан ортагъа чыкъкъандыр. Бунуны ичюн тесеттюрнинъ, къадынгъа аит шекили иле эркекке аит шекили бир-биринден фаркълы. Чюнки къадын, эркекке коре яратылышынен кучьлюдир. Оны джемиетке ачыкъ косътергенинде эдеп ве назиклиги зайыфлашыр. Аналыкъ сыфатыны ве нефсини къорчалав хусусиети зарар корер. Бу бакъымдан онынъ озюне джелъп этюв къувети (джазибеси), тесеттюр эмири иле ялынъыз эфендисине ёнетильгендир. Чюнки къадын ве эркек арасында несильнинъ девамы ичюн бир-бирлерине къаршы деньишмез табиий бир мейиль бардыр ки, тесеттюр эмирине риает этильмегени такъдирде бу мейиль, иляхий сынъырларны аякъ асты этмеси киби беляларгъа огърайджакъ къада-дар техликели бир ахлякъ бозукълыгъына себеп олур. Бу себепнен Аллахнынъ «Зинагъа якълашманъыз!» эмр-и иляхийсиндеки нокъталарындан бири де, «Тесеттюрге риаетсизликнен зинанынъ ёлуны ачманъыз; Онъа имкъан азырламанъыз!» демектир.

Бу артыкъ мытлакъ бир укюмдир. Дикъкъат этильсе, Ислям, дюльбер олмагъан, чиркин бир къадынгъа да тесеттюрни эмир этгендир. Бу къадын башыны, къолуны ве аякъларыны ачса да, ачмаса да эписи бир чиркиндир, ачылып я да ортюлип юрмесинде не фаркъ бар, дейильмез. Бу ерде къадыннынъ, тесеттюрнен къадынлыкъ намусыны къорчалап сакъламасы эсастыр.

Инсан яратылышыны эсас алып бешерни Онъа коре ёнельткен Ислям, къадынгъа ве эркекке керекли шейлерге дикъкъат этмелерини буюрмакъта. Бунуны ичюн Пейгъамбер Эфендимиз -салляллаху алейхи ве селлем-, къадынгъа бенъземеге тырышкъан эркеклернен, эркеклерге бенъземеге тырышкъан къадынларгъа лянет эткендир. Бу техликеден къорчаланмакъ ичюн къадынлар, салиха къадынларнынъ меджлислеринде олмагъа гъайрет этмелери керек. Чюнки инсан, кимнен отурып-турса, онынъ алынен алланыр. Бу, бир психология къануныдыр. Къадын, эркеклернен къарышыкъ бир сокъакъ аятына киргени вакъыт, къадынлыкъ дуйгъуларыны ве о гузель къадынлыкъ хусусиетини джояр.



Зат-ур Рикъа

Бир къач къабиле бирлешип мусульманларгъа дженк ачмагъа азырлыкь корейткъанларында, Аллах Ресули -саллаллаху алейхи ве селлем- дёрт юз кишилик бир ордунен оларнынъ узерине юрюш япты.

Мусульманларны озь къаршыларында корьген мушриклер, къоркъып артларына къайттылар. Бир аздан уйле намазынынъ вакъты киреджеги себебинен мусульманлар намазларыны о ерде къылдылар. Узакътан оларны козеткен душман, бу вакъиадан файдаланып, намаз вакътында уджюм этмегенлерине пешман олдылар. Араларындан бири:

«–Кедерленменъиз, оларнынъ бу шекильде даа чокь намазлары бар, о вакъыт уджюм этермиз!» деди.

Беклемеге башладылар.

Аллах, бу эснада Джебраиль -алейхисселям-ны ёмады. Душманнынъ ниети керчеклешип оламайджакъыны бильдирген бир эмр-и иляхий кельди:

«(Эй, Ресулим!) Сен де араларында булунып оларгъа намаз къылдыргъанынъ вакъыт, олардан бир къысмы сеннен берабер намазгъа турсун, сияхларыны (къатларына) алсынлар, бойледже (намазны къылып) седже эткенлеринде (башкъалары) артынъызда олсунлар! Сонъра даа намазыны къылмагъан башкъа такъым келип сенинъле берабер намазларыны къылсынлар ве олар да ихтият тедебирлерини ве сияларыны алсынлар! О кяфирлер арзу этерлер ки, сиз сияларынынъыздан ве эшьянынъыздан гъафил олсанъыз да устюнъизге бирден баскъын япсалар...» (Ниса, 102)

Бу шекильде къылынган намазгъа «салат-ы хавф» (къоркъу намазы) денильди. Насыл къылынаджакъыны Джебраиль -алейхисселям- огретти. О кунь экинди намазы бойле къылынды ве душманнынъ ниети бошкъа чыкьты. Сефер он беш кунь къадар девам эткен сонъра, душманнынъ къоркъып арткъа къайтмасынен сонъуна етти.

Бу сефер эснасында Аллах Ресули -саллаллаху алейхи ве селлем-, абдест ичюн сув истеген эди. Лякин ич кимседе сув тапылма-



ды. Бунынъ узерине Хазрети Пейгъамбер -саллялаху алейхи ве селлем- мубарек къолларыны, тюбюнде пек аз сув олгъан бир савуткъа батырмасынен пармакъларындан муджизевий сувлар акъты. Бу сув иле бутюн орду сувсузлыгъыны къандырды.

Аллах Ресули -саллялаху алейхи ве селлем-, къолларыны чыкъаргъанында савут аля даа сувнен топ-толу эди.



ЭНДЕК ДЖЕНКИ⁷ (ХИДЖРИЙ 5 СЕНЕ)

Ислям тарихындаки энъ буюк дженк

Эндек дженки – мушриклернинъ мусульманларгъа къаршы япкъан энъ къоркъунчлы ве агъыр бир дженктир. Бу дженк, мусульманларны ве Медине Ислям Девлетини тарихтен сильмек ичюн япылгъан эди.

Сюргюн этильген Бени Надирнинъ бир чокъ буюклери Хайберге сыгъынгъан эдилер. Олар мусульманларгъа къаршы интикъам атешинен янып туташа эдилер. Къурейшлилерге иш бирлиги теклиф этелер. Ойле ки, оларнынъ путкъа табынмаларынынъ мусульманлыкътан даа устюн олгъаныны айтып, путларгъа таптылар. Аллах Таала шойле буюра:

«Оларгъа китапдан насип берильгенлерни корьмединьми? Путларгъа ве тагъуткъа иман этелер, сонъра да кяфирлер ичюн: «–Булар, Аллахкъа иман эткенлерден даа догъру ёлдадыр»,– дейлер.»

«Булар, Аллах лянетлеген кимселердир. Аллахнынъ рахметинден узакълаштыргъан (лянетленген) кимсеге керчек бир ярдымджы тапамазсынъ.» (Ниса, 51-52)

Мушриклер, бойле бир арекетке затен азыр олгъанларындан, аман бу ишке кириштилер. Мусульманлар Ухуд дженкинде джиддий гъалебе къазанып оламагъанлары ичюн, башкъа арап къабилелери арасындаки итибарлары бир аз эксильген эди. Бундан файдалангъан

7 Эндек дженки - бу дженк эснасында, шеэрни къорчаламакъ ичюн эндек къазы - гъан эди. Бу себепнен дженкнинъ ады «эндек дженки» олду.



къурейшлилер он бинъ кишилик бир орду топламакъ къарарына келелер.

Бойле вазияттен хабердар олгъан Ресулюллах -салляллаху алейхи ве селлем-, сахабилеринен акъыл танышып Сельман-ы Фарисий -радыяллаху анх- нинъ теклифинен Мединенинъ этрафында терен ве кениш эндек къаздырды.



Эндек къазув ишинде Аллах Ресули -салляллаху алейхи ве селлем- де иштирак этти. Ойле ки, ашамагъа ич бир шей олмагъанындан себеп мубарек къарынларына таш багълагъан алда чалыштылар. Лякин о юдже ве шеревли инсан, бойле алда биле Раббине шукюр этип бойле дуа эте эди:

«Аллахым! Сен бизге хидает этмеген олсанъ, мусульман оламаз, эмиринъе уйып намаз къыламаз эдик. Аллахым! Узеримизге бастырып, бизни фитнеге тюшюрмек истегенлер къаршысында юреклеримизге раатлыкъ бер! Аякъларымызны тайдырма!»

Шу арада бир къач адам келип Ресулюллах -салляллаху алейхи ве селлем-ге балабан бир къая парчасына раст кельгенлери, оны парчалап оламагъанлары акъкъында хабер бердилер. Алемлернинъ

Эфендиси, кьолуна чёкючини алып, «бисмиллях» деп о кьая парчасы-на учь кере урды. Къая кьум киби дагьылды. Айрыджа эр дарбе бир мудждени бильдирди. Биринджи дарбеде Бизанс сарайларыны, экин-джисинде Иран кисрасынынъ сарайыны, учюнджи дарбеде Йеменни корьгенини тарифлеп, бу мемлекетлернинъ эписи Аллахнынъ дини-нен шерефленеджеги акькьында муддже берип, умютсиз гоньюллер-ни келеджек гьалебелернинъ эеджаны иле умютлендирди. Хахьнынъ, якьын бир келеджекте динсизликни мытлакьа ёкь этеджегини муд-жделеп, бутюн дюньянынъ хидает харитасыны сызды.

Бу аллар, чекиледжек зорлукьларгьа даа кьолай кьатланмала-ры ичюн маневий бир дестек эди. Нетидженинъ мусульманларнынъ файдасына, Ислям душманларынынъ зарарына оладжагьы акьикьа-тынынъ эвельден бильдирилъмеси, иманлы гоньюллернинъ сабыр ве метанетини арттырмакь ичюн эди.

Чюнки Эндек – кьыйынджылыкь, болдурув, ачлыкь, сувукь ве кьаранлыкь, яни бинъ бир зорлукьнынъ оджагьы эди. Айрыджа Аллахнынъ Ресули -салляллаху алейхи ве селлем:-

«Аллахым! Аят анджакь ахырет аятыдыр. Энсар ве мухаджи-ринъе нусрет эт!..» дуасынен, дюньядаки бутюн ызтырап ве болдурув ахырет сонъсузлыгьы кьаршысында дегерсизлигини ифаде этип, са-хабилерине ахыретни макъсат оларакь косьтере эди.

Кьыш мевсими эди. Кяфирлер Мединени сарып алгьан эдилер. Факьат кечильмез эндеклер кьаршысында шашырдылар. Мединеге кирип оламадылар. Бу вакьытта Бени Кьурайза еудийлери исьян эттилер. Мусульманлар эки атеш арасында кьалдылар. Девамлы уджюмлер нетиджесинде базы вакьыт намазларыны кьылып олама-дылар.

Терен эндекни ялынъыз бир кьач мушрик кечип олды. Булардан бири олгьан Амр бин Абдувуд, бутюн Арабистанда мешхур пехли-ванлардан сайыла эди. Онынъ кьаршысына Хазрети Али чыкьты ве Аллахнынъ изнинен оны ольдюрди. Кьалгьанларнынъ такьдири де бойле олды.

Дженк девам эте эди. Мусульманлар ойле кьыйын алда эдилер ки, иляхий ярдым не вакьыт келеджек деп беклемеге башладылар.



Бу алны Аллах Таала, ает-и керимелерде бойле ифаде эте:

«Олар эм юкьарынъыздан, эм ашагы тарафынъыздан устюнъ-изге юрген вакъытларында; козьлер патлагъан, юреклер гьыртлакъ-къа кельген ве сиз Аллах акъкъында тюрлю-тюрлю шейлер тюшюнген вакътынъызда;»

«Иште, о ерде иман саиплери имтиандан кечирильген ве шид-детли бир сарсынтыгъа огъратылгъан эдилер.»

«Ве о заман, мунафыкъларнен юреклеринде хасталыкъ олгъанлар: «– Аллах ве Ресули бизге ялынъыз къуру ваделерде булунгъанлар!» дей эдилер.»

«Олардан бир топу да деген эди ки: «–Эй, Йесриблилер (Мединелилер)! Артыкъ сиз ичюн токътамакънынъ сырасы дегиль, айды къайтынъ!» Араларындан бир къысмы исе: «–Акъикъатен эвлеримиз хафсызлыкъта дегиль!» деп Пейгъамберден изин истей эди. Албуки эвлери техликеде дегиль эди, ялынъыз къачмакъ истей эдилер.»

«Шаёт фитне чыкъармалары (динден чыкъмалары) истенильсе эди, буны аман этер эдилер.»

«Ант олсун, даа эвель олар, аркъа чевирип къачмайджакъларына даир Аллахкъа сёз берген эдилер. Аллахкъа берильген сёз месу-лиетни талап эте!..»

«(Ресулим!) Де ки: Эгер олжуден я да ольдюрилювден къачсанъыз, къачмакънынъ сизге асыл бир файдасы олмаз!..» (Ахзаб, 10-16)

«Мусульманлар исе, душман топлулыгъыны корьгенлеринде: «–Иште, Аллах ве Ресулининъ бизге ваде эткени! Аллах ве Ресули догъру айткъандыр!» дедилер. Бу (ордуларнынъ келюви), оларнынъ анджакъ иманларыны ве Аллахкъа багълылыкъларыны арттырды.» (Ахзаб, 22)

Бойледже, мусульманлар бутюн кучьлеринен муджаделе эттилер. Гъатафан къабилесинден олгъан Нуайым исимли бир мусульман Аллахнынъ Ресули -салляллаху алейхи ве селлем-нинъ «Дженк – ийледир» талиматынен иш тутуп, мушриклернен Бени Къурайза къабилесининъ арасыны боза. Ниаёт еудийлер, Нуаймнинъ ийлелерине инанып къалелерине чекилелер. Мейданда душман оларакъ ялынъ-



ыз мушриклер къала.

Лякин мусульманлар, кене де къыйын алда эдилер. Аллахнынъ Ресули -салляллаху алейхи ве селлем-, къолларыны котерип Аллахкъа ялвара:

«Эй, Раббим! Эй, Къуран-ы Азимушшанны ёлагъан Аллахым! Эй, душманларнен эсабыны тез корьген Раббим! Сен Медине къаршысында топлангъан шу арап къабилелерини даркъат! Аллахым! Оларны къыр, ираделерини титрет де, ерлеринден турып оламасынлар!»

Аллахнынъ Ресули -салляллаху алейхи ве селлем-, бу дуасыны анджакъ битиргенинен, мубарек юзюни тебессюмге толдургъан иляхий ярдым керчеклешти. Серт ве кескин бир фыртына душман тарафына догъру эсмеге башлады. Къаршысына не кельсе, оны савургъан шашыладжакъ бир къасыргъа, Мединенинъ тоз ве топрагъыны мушриклернинъ юзлерине ве козьлерине толдурды. Чадырларыны еринден сёкип учурды. Аш пиширген къазан ве чанакъларыны девирди, атешлерини сёндюрди. Юк девелерини ве суварийлернинъ атларыны бир-бирине къарыштырды.

Бойле белягъа огърагъан мушриклер, перишан бир алгъа тюштилер. Дженкке энъ истекли олгъанлардан Эбу Суфьян биле бинь-бир чаресизлик ичинде мушрик аскерлерине:

«–Мен артыма къайтам. Сиз де ёлгъа чыккынь!» деп девесине минип Мекке ёлуны тутты.

Аллах, иман эткенлерге ярдымыны ёлагъан эди. Ает-и кериме де шойле буюрыла:

«Эй, иман эткенлер! Аллахнынъ сизге олгъан ниметини хатырланъыз; о вакъытта сизге ордулар бастыргъан эди де, биз оларгъа къаршы бир рюзгар ве сиз корьмеген ордулар ёлагъан эдик. Аллах не япкъанынъызны пек яхшы корьмекте эди.» (Ахзаб, 9)

«Аллах, о инкяр эткенлерни ич бир файда этип оламагъан офкелеринен артларына чевирди. Аллах (нынъ ярдымы) дженкте мусульманларгъа олды. Аллах кучлюдир, мытлакъ гъалиптир.» (Ахзаб, 25)

Перишан бир шекильде къачкъан мушриклер, баягъы минек, дженк алетлери, аш ве урба къалдыргъан эдилер. Буларнынъ ярдымынен Мединедеки къытлыкъ ве ачлыкъ да ортадан ёкъ олды.



Аллахнынъ Ресули -салляллаху алейхи ве селлем- бу иляхий ве буюк гъалебеден сонъра сахабилерине:

«–Артыкъ небет сизинъдир! Бундан сонъра къурейш сизинъ узеринъизге келип оламаз!» деди.

Бойлеликнен, мусульманлар ичюн энди мудафадан уджюмге кечмек фырсаты догъгъан эди. Чюнки мушриклернинъ эм гъурурлары, эм де уджюм кучълери толусынен ёкъ олгъан эди. Артыкъ бутюн мусульман гонъюллерде Аллах Ресулининъ бу акъикъатны ифаде эткен шу сёзлери ерлешкен эди:

«Бундан сонъра, биз оларгъа догъру юреджекмиз!»

Бени Къурайза дженки

Эндек дженкинде мусульманлар гъалебе къазангъан, мушриклер исе магълубиетке огърап Меккеге къайткъан эдилер. Аллахнынъ Ресули -салляллаху алейхи ве селлем- де, эвине къайтып зырхыны ташлап раатлангъанда, Джебраиль -алейхисселям- кельди. Хазрети Пейгъамбер -салляллаху алейхи ве селлем-ге:

«–Силяхынъны ташладынъмы? Мен даа ташламадым!» деди.

Аллахнынъ Ресули -салляллаху алейхи ве селлем-:

«–Демек, ёлджулыкъ бар! Къайда?» деп сорады.

Джебраиль -алейхисселям- да, дженк вакътында хыянетлик эткен Бени Къурайза къабилесининъ яшагъан ерлерини косътерип:

«–Иште, о ерге!» деди. (Теджрид терджимеси, ВИИИ, 282)

Чюнки Бени Къурайза да, эвельки еудийлер киби Аллах Ресули -салляллаху алейхи ве селлем-нен япкъан анълашувгъа риаат этмеген, энъ къыйын заманда хыянетлик япкъан эдилер. Олар анълашмагъа коре Мединени мушриклерден къорчаламалары керек эди. Лякин аксине фырсат тапкъанларынен, хыянетлик япа ве зарар кетире, бойледже озъ къолларынен озълерини перишан эте эдилер.

Иляхий эмирни алгъан Хазрети Пейгъамбер -салляллаху алейхи ве селлем-, аман мусульманларны топлап Бени Къурайза узерине кетти. Ойле ки:

«–Эшиткен ве итаат эткен эр кес экинди намазыны Бени



Къурайза юртуна бармадан къылмасын!» деп, еудийлер озылерине кельмеден, тез ве акъыллы бир иш япты.

Еудийлер, Хазрети Али къумандасындаки кучьлерни корьгенлеринен, япкъанларына пешман олмакъ ерине офкеленип, Аллах Ресули -салляллаху алейхи ве селлем- акъкъында чешит тюрю сёзлер айтмагъа башладылар. Лякин бир аз вакъыттан сонъ, Ресулюллах -салляллаху алейхи ве селлем-нинъ реберлигинде тургъан юз бинъ кишилик иман ордусыны къаршыларында корьгенлеринен, къаршылыкъ косьтермеден мусульманларгъа теслим олмагъа меджбур олдылар.

Бени Къурайза еудийлери, Эвс къабилесининъ имаесинде олгъанлары себебинден Аллах Ресули -салляллаху алейхи ве селлем-, о къабиленинъ буюги олгъан Садны акемлик ичюн чагъырты. Хазрети Сад, дженкте яралангъан олмасына бакъмадан мубарек пейгъамбернинъ эмирине итаат этип о ерге келе. Чюнки дженкте яралангъан вакъыт Аллахкъа бойле ялваргъан эди:

«Я, Раб! Къурайзадан интикъамымы алмагъанджа меним джаньмы алма!»

Хазрети Сад, еудийлернинъ истеклери узерине, оларгъа Муса шериятына коре бойле укюм чыкъарды:

«—Къолу силах туткъан эркеклер ольдюриледжеклер. Маллары чекип алынаджакъ ве къадынларыен балалары эсир алынаджакъ».

Бу укюмни, Ресули Экрем -салляллаху алейхи ве селлем- де тасдикъ ве къабул этти:

«—Эй, Сад! Ант олсун ки, сен Аллахнынъ еди къат коклердеки укюмине уйгъан шекильде укюм эттинъ!» деди.

Эвс къабилесининъ реиси олгъан Сад бин Муаз, Ухудда шеит олгъан Мусаб -радыяллаху анх-нынъ ярдымынен мусульман олгъан эди. Бутюн Ислям-Къурейш дженклерине къошулгъан, ве эр даим энъ биринджи сыраларда дженклешкен эди. Эндек дженкинде яралангъан вакъыт бойле дуа эткен эди:

«Аллахым! Ресулинъни яланлап юртундан чыкъаргъанларнен, меним дженк этмек истегеним къадар сенинъ ёлунъда кимсе дженк истемеген эди. Шает Къурейшнен бойле бир дженкимиз даа къалгъан олса, Ресулинъни къорчаламакъ шерефи ичюн мени яшат! Бу



яра себебинен джанымы алма! Амма арамызда дженк кьалмагъан олса, бу яра весилесинен манъа шейт олмакъны насип эт!..»

Хазрети Саднынъ бу хулос кьальбнен эткен дуасы кьабул олды. Бир аз вакъыттан сонъ, Пейгъамберге кьаршы севгисинен толып ташкъан о мубарек сахаби джаныны Аллахкъа теслим этип, шейтликке наиль олды.

Эндек дженкинде кьазанылгъан гъалебенинъ иляхий бир гузеллик олгъаныны Къуран-ы Керим бойле беян эте:

«Аллах, эхл-и китаптан, оларгъа (мушрик ордуларына) ярдым эткенлерини кьалелеринден тюшюрди ве юреклерине кьоркъу кьойды; бир кьысмыны ольдюре, бир кьысмыны да эсир ала эдинъиз.» «(Бойледже) Аллах, оларнынъ ерлерине, юртларына, малларына ве аякъ басмагъанынъыз топракъларгъа сизни мирасчы япты. Аллахнынъ эр шейге кучю етер!» (эль-Ахзаб, 26-27)



ХИДЖРИЙ 6 СЕНЕ

Мурейси дженки

(Бу дженкке Бени Мусталыкъ дженки деп де айтыла.)

Мусталыкъ огуллары, Мекке мушриклерининъ къызыштырмаларына алданып, Мединеге уджюм этмек ичюн къалабалыкъ бир орду топламагъа башлагъан эдилер. Бойле хаберни алгъан Ресулюллах -салляллаху алейхи ве селлем-, бинъ кишилик бир ордунен оларнынъ узерине юрюш япты. Мурейси сувлары къатында япылгъан шиддетли бир уджюмнен душманны еньип, пек чокъ ганимет къолгъа кечирип, пек чокъ эсир алдылар. Эсирлернинъ арасында къабиле реисининъ къызы Джувейрие де бар эди.

Эсирлер, фидье къаршылыгында сербест этиле эдилер. Джувейрие исе Сабит бин Къайснынъ пайына тюшкен эди. Къуртулыш фидьеси ичюн Аллах Ресули -салляллаху алейхи ве селлем-ге мурад-жаат этти. Бу вакъытта бабасы да келип, темиз ве намлы сойдан олгъанларыны бильдирип, къызынынъ хызметчи оламайджагыны ве шерефининъ къорчаланмасыны истеди. Янында кетирген бир такъым девелерни косътерип:

«–Бу девелер къызымынъ къаршылыгыдыр. Оны сербест этинъ-из!» деди.

Аллах Ресули -салляллаху алейхи ве селлем- де, онынъ ич бекле-медиги бир шекильде:

«–Сакълагъан эки девенъ къайда? Оларны не ичюн кетирме-динъ?» деп сорады.

Эки дагъ арасында олгъан ёлда сакълагъан эки девесини, ондан



башкъа кимсенинъ бильмегенини тюшонген Харис, шашкъынлыкъ, къоркъу ве телаш ичинде:

«–Валлахи, буны менден башкъа бильген кимсе ёкъ эди!..» деди.

Харис, бу муджизе къаршысында хидает нуруна наиль олды, ве кельгенлернен берабер иман этти.

Бунынъ узерине Хазрети Пейгъамбер -салляллаху алейхи ве селлем-, Джувейриенинъ фикрини бильмек истеди. Джувейрие онынъ янында къалмагъа истегенини айткъанда, фидьесини озю берип сербест ёмлады. Сербест этильген Джувейрие де озъ истегинен мусульман олды. Артындан Аллах тарафындан кельген шеревке наиль олып, Хазрети Пейгъамбер -салляллаху алейхи ве селлем-нен эвленди. Бойледже, даа эвель онынъ корьген бир тюшю керчеклешкен эди. Аслында бабасы тарафындан фидьеси берилип, эсирликтен къуртулуп умюди олгъан алда Ресулюллах -салляллаху алейхи ве селлем-нинъ янында къалмагъа истемеси де бу себептен эди.

Джувейриенинъ Хазрети Пейгъамбернен нияхлангъаны акъкъында хабер алгъан сахабилери де:

«–Пейгъамбернинъ акърабалары эсир олмасы догъру дегиль!» деп, озьлеринде олгъан бутюн эсирлерни фидьесиз бир шекильде сербест эттилер.

Бу себепнен Хазрети Айше -радыяллаху анха- бойле деген эди:

«–Мен омрюмде, къавми акъкъында бу къадар хайырлы олгъан бир къадын корьмедим!»

Бу сёзлернен де анылашылгъаны киби Аллах Ресули -салляллаху алейхи ве селлем-нинъ Джувейрие валидемизнен эвленмеси, бутюнлей сиясий бир макъсаткъа таянып, айрыджа; «О, озюнинъ нефсининъ истегине коре дегиль, вахийге коре иш тутар» сёзлеринен, нефсаний дегиль, Фахр-и Алемнинъ (пейгъамбернинъ) юрегине къоюлгъан Аллахнынъ истегинен акъыкъткъа чевирильгендир. Керчектен де бу эвлиликтен сонъ Бени Мусталыкъ эсирлери сербест этильген, ве даа эмиетлиси, бутюн къавим мусульман олгъан эди.



Тейеммум

Ислям ордусы Мурейси дженкинден кьайткъан бир вакъытта абдест ичюн сув тапып оламадылар. О анда, саба намазынынъ вакъты да кирген эди. Сахабилер шашкынлыкъ ичинде не япаджакъларыны тюшонгенлеринде тейеммум аети назиль олды:

«...Хаста я да ёлджулыкъ алында олсанъыз, я да биринъиз аякъ ёлдан кельсе, ве я да къадынларгъа токъунгъан (джинсий мунасебетте олгъан) олсанъыз ве бу алларда сув тапамагъан олсанъыз, темиз топракнен тейеммум этинъ де юзюньизни ве (тирсеклерге къадар да) къолларынъызны онынънен месх этинъиз! Аллах сизге кьайсы бир зорлукъ чыкъармагъа истемез; факъат сизни тер-темиз кълмакъ, ве сизге (ихсан эткен) ниметини тамамламакъ истер; умют этилир ки, шукюр этерсинъиз.» (Маиде, 6)

Ифкъ (Ифтира) вакъиасы

Мурейси дженкинден кьайтылгъан вакъыт эди. Аллах Ресули -салляллаху алейхи ве селлем-нинъ мубарек къадыны Хазрети Айше -радыяллаху анха-, ордунынъ къонакълагъан, токътагъан ерден ихтияджи ичюн бир аз узакълашкъан эди. Кьайткъанында исе, орду чокътан арекет этип о ерден узакълашкъан эди. Чюнки о вакъытларда тесеттюр аети ёланылгъан, ве мусульманларнынъ аналарыны, бир ерге кеткенлеринде девенинъ устюне къоюлгъан уджре ичинде алып бармагъа башланылгъан эди. Бу себепнен орду арекет эткенинде мусульманларнынъ анасы Хазрети Айше де, девенинъ устюндеки уджреде олгъаны тюшюнильген эди.

(Ресулюллах -салляллаху алейхи ве селлем-, эр дженкке кеткенде къура чекилип мубарек къадынларындан бирини озюнен алып кете эди. Мурейси дженкинде де къура Хазрети Айше валидемизге чыкъкъан, ве янына оны алгъан эди.)

Бойле вазиятте Хазрети Айше валидемиз, ордунынъ пешинден кетсе джюлмасы мумкюн эди. Бу себепле о, еринде къалмакъ къарарына келе. Бир ара юкьугъа кете. О вакъытта керваннынъ артта унутып къалдыргъанларыны топламакънен вазифели олгъан Сафван



-радыяллаху анх-, Хазрети Айшени коре. Лякин онынъ юкълэгъаныны бильмей ве ольди деп тюшюне.

Хазрети Айше анамыз уяна. Сафван да, бир лаф айтмайып девесини чёктюре ве Хазрети Айше валидемиз де девеге мине. Уйле вакъты ордугъа етишелер.

Бу алдан хабердар олгъан мунафыкълар, фырсаттан файдаланып чиркин сёзлернен Хазрети Айшеге ифтира этмеге башлайлар:

«–Валлахи, не Айше ондан, не де о, Айшеден къртулгъандыр»- дедилер.

Ойле ки, Абдуллах бин Убей, даа аддини ашып мусульманларгъа:

«–Иште, Пейгъамберинъизнинъ къадыны бир адамнен сабаларды...» деп масхара эте.

Фитне бир анда бутюн ордугъа даркъала. Хазрети Эбу Бекир -радыяллаху анх- шашкъынлыкъ ичинде:

«–Валлахи, биз бойле бир ифтирагъа джахилие девринде биле огърамагъан эдик...» деди.

Хазрети Сафван -радыяллаху анх- исе, терен бир кедер ичинде эди. О, Аллах Ресули -салляллаху алейхи ве селлем-нинъ:

«Акъкъында хайырдан башкъа бир шей бильмейим!...» деген мубарек бир сахаби эди.

Хазрети Пейгъамбер -салляллаху алейхи ве селлем-ге кельгенде, энъ буюк кедер, ич шубесиз онынъ мубарек гонълюне тюшкен эди. Эксериятле эвинден чыкъмай, инсанларнен чокъ корюшмей эди. Бу мевзуда бир араштырма эттирди. Хазрети Айшенинъ къабаатлы олгъанына ишарет эткен энъ уфакъ бир алямет биле ёкъ эди. Ялынъыз мунафыкъ агъызлар ич къапанмай эди.

Бу ифтираларны энъ сонъ эшиткен Айше анамыз олды. Эшитер-эшитмез раатсыз этиджи бир кедерге тюшти. Буюк бир элемнен, Аллах Ресули -салляллаху алейхи ве селлем-нинъ узун вакъыт озюне дикъкъат этмегенини анълады. Пейгъамбер (с.а.в) ден изин алып, бабасынынъ эвине меселе акъкъында бильги алмагъа кетти. Эшиткен лафларны бабасындан да эшитти. Даа да чокъ кедерленди. Бир кузь япрагъына чеврильди.



Бу арада Хазрети Пейгхамбер -салляллаху алейхи ве селлем-, вакъиа акъкъында Айше анамызнен лаф этмеге истеди. Эбу Бекир -радыяллаху анх-нынъ эвине келип мубарек къадынына бойле сес-ленди:

«–Эй, Айше! Сениъ акъкъынъда манъа чешит сёзлер айтылды. Эгер къабаатынъ ёкъ исе, Аллах сени темизге чыкъараджакътыр».

Алемлернинъ Эфендисининъ бу ифтираларгъа аз да олса шубе-нен бакъкъаныны дуйгъан, индже рухлу Хазрети Айше валидемиз, ана ве бабасына бакъты. Оларнынъ бир шей айтмагъаныны корип, яшлы козьлеринен Аллах Ресули -салляллаху алейхи ве селлем-ге шойле деди:

«–Валлахи, сизлернинъ бу сёзлерге инангъанынъызны анъла-дым. Шимди меним къабаатим ёкъ десем, Аллах буны биле, сиз ис-тесенъиз инанманъыз. Къабаатлайым десем, аман инанырсынъыз. Амма Аллах къабаатсиз олгъанымны биле. О алда мен айтылгъан лафларгъа къаршы Алахтан ярдым истейим.»

Артыкъ ишнинъ анълашылмасы тек вахийге къалгъан эди. Арадан чокъ кечмеден Юдже Аллах вакъианен багълы ает-и кериме-лерни назиль этти. Айтылгъан сёзлернинъ, мунафыкъларнынъ ифти-раларындан ибарет олгъаны белли олды. Иляхий ифаделер эм Айше анамызны темизге чыкъара, эм мунафыкъларнынъ сёзлерини юзь-лерине урып оларгъа аладжакъ азаплары акъкъында хабер эте, эм де бу ифтираны ич тюшюнмейип яйгъан мусульманларны уяндыра ве дикъкъатлы олмагъа чагъыра эди:

«(Пейгхамбернинъ темиз ве мубарек къадынына) бу агъыр иф-тираны уйдургъанлар, шубесиз сизинъ аранъыздан бир джемааттыр. Сиз буны озюнъиз ичюн бир яманлыкъ санманъ, аксине о сиз ичюн бир хайырдыр. Ифтираджылардан эр бири къазангъаны гуняхнынъ (агъырлыгъыны) чекер. Олардан (ёлбашчылыкъ япып) бу гуняхнынъ буюклигини аркъалагъан кимсе ичюн де, буюк бир азап бардыр.»

«Бу ифтираны эшиткенинъизде эркек ве къадын муминлернинъ, озъ виджданлары иле эйи занда булунып да: «–Бу ап-ачыкъ бир ифти-ра!» демелери керекмей эдими?»

«Ифтираджылар да бу меселеде дёрт шаат кетирселер эди я?



Мадем ки, шаатлар кетиралмадылар, ойле исе олар Аллах янында яланджыларнынъ та озьлеридир.»

«Эгер сизге дюньяда ве ахыретте Аллахнынъ лютуф ве мерхамети олмаса эди, ичине далган бу ифтиранъыздан долайы сизге мыт-лакъа буюк бир азап токъуныр эди.»

«Чюнки, бу ифтираны тильден-тилге бир-биринъызге етиштире, акъкъында билгинъыз олмагъан шейни агъызларынынъызда чайнап турасынынъыз. Буны муим бир иш санмайсынъыз. Албуки бу, Аллах къатында чокъ буюк бир гуняхтыр».

«Оны эшиткенинъызде: «–Буны лаф этип яювымыз бизге ярашмаз. Сакъын! Бу, чокъ буюк бир ифтирадыр!» десенъыз эди я!»

«Эгер инанган исенъыз, Аллах, бир даа бунъа ошагъан бир ареткетни текрарлавдан сизни сакъындырып тенбиелей.»

«Аллах аетлерни сизге изаатлай. Аллах, эр шейни хакъкъы иле билиджи, укум ве икмет саибидир.»

«Инанганлар арасында чиркин шейлернинъ яйылмасыны истеген кимселер ичюн дюньяда да, ахыретте де четин бир джеза бар. Аллах билир, сиз бильмезсинъыз.»

«Я сизинъ устюнъызге Аллахнынъ лютуф ве мерхамети олмаса эди, Аллах чокъ шефкъатлы ве мерхаметли олмаса эди, алынъыз не олур эди?..»

«Эй, иман эткенлер! Шейтаннынъ адымларына уйманъ! Ким шейтаннынъ адымларына уйса, бильсин ки, о, эдепсизликни ве яманлыкъны эмир этер. Эгер устюнъызде Аллахнынъ лютуф ве мерхамети олмаса эди, аранъыздан ич бир кимсе асыл темизге чыкъмаз эди. Факъат Аллах истегенини арындырыр. Аллах эшитиджи ве билиджи» (эн-Нур, 11-21)

Бу юдже акъыкъатлардан сонъ Аллах Ресули -салляллаху алейхи ве селлем-, тебессюмнен Хазрети Айше анамызгъа:

«–Муджде, эй, Айше! Аллах сени темизге чыкъарды!» деди.

Айше валидемизнинъ темиз ве къабаатсыз олгъаны ает-и керимелернен мейдангъа чыкъарылып анълатылгъанындан сонъ:

«–Меним киби аджиз бир къул акъкъында ает ёлланаджагъыны ич тюшюнмеген эдим. Аллах Ресулининъ юрегине бир ильхам келед-

жек ве меним къабаатсиз олгъаным бойледже, ортагъа чыкъаджагъына инана эдим!..» деп Аллахкъа шукюр этти.

Оны башындан опип, Аллах Ресулининъ янына кетмесине ишарет эткен бабасы Эбу Бекир -радыяллаху анх-къа да:

«–Мен Аллахтан башкъа кимсеге хамд ве шукюр эттем. Меним къабаатсиз олгъаныма ишарет эткен Аллахтыр»- деп назланаракъ, джаны бираз агъыргъаныны ифаде этти.

Бунунъ узерине Аллах Ресули -салляллаху алейхи ве селлем-, тебессюм этти. Бир ай девам эткен къасевет, Аллахнынъ лютуф ве мерхамети нетиджесинде биткен эди.

Ифтира атылган, Ресулюллах -салляллаху алейхи ве селлем-нинъ къадыны, умметнинъ анасы эди. Хазрети Пейгъамбер -салляллаху алейхи ве селлем-нинъ энъ якъын достунунъ къызы эди. Бу вакъиа пейгъамберлернинъ белялар ве къыйындыжылыкълар къаршысындаки кучълерини косътерди. Бу, къыяметке къадар ифтирагъа огърагъан заваллыларгъа буюк бир теселли эди.

Шу илим ве тарихий акъикъатларгъа ве Къуран-ы Керимнинъ бу вакъианы айдынлатып «бухтанун азым» (буюк бир ифтира) шеклинде ифаде этип, Хазрети Айше валидемизни темиз ве къабаатсиз олгъаныны мейдангъа чыкъармасына рагъмен, онынъ даа сонъра, Джемель вакъиасындан долайы, оны къабаатлы саймагъа девам эткен, бир къысым тюшюнмеген алчакъ ве ярамай ниетли кимселерге не демек мумкюн?...

Ифтира вакъиасына себепчи олган къабаатлы кимселерге, намуслы бир къадынгъа зина этти деп ифтира аткъанларгъа «хадд-и казф» джезасы бельгиленди. Бойледже ифтираджыларнынъ эр бирине сексен чубукъ урулды.

Хазрети Эбу Бекир -радыяллаху анх-, Мыстах адлы бир адамгъа, девамлы ярдым эте эди. Бу ифтира вакъиасында онынъ да ифтираджылар арасында ер алгъаныны корьгенинен, бир даа онъа ве къорантасына яхшылыкъ этмейджегине емин этти.

Бундан сонъра Мыстах ве къорантасы, Хазрети Эбу Бекирнинъ ярдымы кесильгенинен перишан бир алгъа тюштилер. Лякин Дженаб-ы Аллах кене де къулларына мерхаметли эди. Бу себепле яр-



дымнынъ кесилмесининъ артындан шу ает-и керимени назиль этти:

«Аранъыздан варлыкъ ве сервет саиби кимселер, акърабагъа, ёкъсуларгъа, Аллах ёлунда кочъ эткенлерге (малларындан) бермейджеклерине емин этмесинлер; багъышласынлар, ферагъат косътерсинлер. Аллах сизни багъышламасыны истемезсинъизми? Аллах чокъ багъышлайыджы, чокъ мерхаметлидир.» (Нур, 22)

«Еминлеринъизден долайы Аллахны (Онынъ адыны), яхшылыкъ этювинъизге, Ондан сакъынувынъызгъа ве инсанларнынъ арасыны тюзельтювинъизге мани япманъ! Аллах эшитир ве билир.» (Бакъара, 224)

Бу аетнинъ ёланылмасындан сонъ Эбу Бекир -радыяллаху анх-:

«–Мен эльбетте, Аллахнынъ мени багъышламасыны северим!» деди.

Артындан емин кефаретини берип, эткен хайыр ишине девам этти. Яни озъ къызына ифтира аткъан адамгъа ярдымыны кене башлады. Бу да, Хазрети Эбу Бекир -радыяллаху анх-нынъ илим ве иманынынъ чокъ юксек дереджеде олгъаныны косътерген энъ ачыкъ бир мисальдир.

Душман олардыр, олардан сакъын!

Мунафыкъларнынъ, Мурейси дженкинде чыкъаргъан сачма-сапан ве ярамай лафлары ифтира вакъиасындан сонъ орталыкъкъа чыкъмагъан эди. Мухаджир ве энсардан эки кишининъ арасында чыкъкъан бир тартышма себебинен мунафыкъларнынъ башы Абдуллах бин Убей, мухаджирлерни къаст этип этрафтакилерге:

«–Буларнынъ эткенлерини корьдинъизми? Бизим юртумызда бизден устюн олып, сонъра да бизни танымадылар. Эгер Мединеге къайтсакъ, шерефли, иззетли ве азиз олгъан, янъылгъан ве хор олгъанларны о ерден чыкъараджакълар»,– деди.

О вакъытта динълегенлернинъ арасындан мусульман олгъан Зейд бин Эркам сесленди:

«–Къавми ичинде хор ве алчакъ олгъан сенсинъ! деп, Аллах Ресули Мухаммед -aleyхисселям-ны азиз къылгъан эди.»



Меселе Ресулюллах -салляллаху алейхи ве селлем-ге айтылганда, мунафыклар айтканларыны денъиштирип, еминлер этип инкяр эттилер. Ойле ки, Хазрети Зейдни яланджыга чыкъардылар. Бу вакъ-иа Хазрети Зейдге, сонъ дередже тесир этти.

Хазрети Умер исе, Аллах Ресули -салляллаху алейхи ве селлем-ден, Абдуллах бин Убейни ве мунафыкларны ольдюрмек ичюн изин истеди. Лякин Ресулюллах -салляллаху алейхи ве селлем- буюк бир бильги ве икметнен:

«–Я, Умер! Ишнинъ ич аслыны бильмегенлер: «Мухаммед саха-билерини ольдюре!» деп лаф даркъатырлар», - деди.

Бир къач вакъыттан сонъра мунафыкларнынъ аллары ает-и керимелерде бойле бильдирильди:

«(Эй, Ресулим!) Мунафыклар санъа кельгенлеринде: «–Шаатлыкъ этемиз ки, сен Аллахнынъ Пейгъамберисинъ!» дерлер. Аллах да бил-ир ки, сен эльбетте Онынъ Пейгъамберисинъ. Факъат Аллах, о муна-фыкларнынъ яланджы олганларыны да бильмектедир.»

«Олар, еминлерини къалкъан этип Аллах ёлундан чыкътылар. Керчектен оларнынъ япкъанлары не фенадыр!»

«Бунынъ себеби, оларнынъ баштан иман этип сонъра инкяр этювлеридир. Бунынъ ичюн юреклери муурьленгендир. Артыкъ олар ич анъламазлар.»

«Оларны корьгенинъ вакъыт къыяфетлери ошунъа кетер. Лаф этселер сёзлерини динълерсинъ. Албуки олар, санки урба кийди-рильген кересте кибидир. Эр сесни озь яرارларына тюшюнирлер. Душман олардыр. Олардан сакъын! Аллах оларнынъ джанларыны ал-сын!... Насыл да бу алгъа келелер?!.»

«Оларга: «–Келинъиз, Аллахнынъ Пейгъамбери сизинъ багъ-ышланманъызны тилесин!» айтылганы вакъытта башларыны чеви-рирлер ве сен оларнынъ, буюклик таслаяракъ узакълашкъанларыны корерсинъ!...»

«Оларга магъфирет тилесенъ де, тилемесенъ де бирдир. Аллах оларны кесинликле багъышламайджакътыр. Чюнки Аллах, ёдан чыкъкъан бир джемаатны догъру ёлгъа къавуштырмаз!»

«Олар: «–Аллахнынъ эльчиси къатында олганлар ичюн ич бир



шей бермень ки, дагылып кетсинлер!» деген эдилер. Албуки, коклернинъ ве ернинъ хазинелери Аллахнынъдыр. Факъат мунафыкълар буны анъламазлар.»

«Олар: «–Ант олсун, эгер Мединеге къайтсакъ, устюн олгъан зайыф олгъанны о ерден мытлакъа чыкъараджакътыр»– дей эдилер.

Албуки, асыл устюнлик, анджакъ Аллахнынъ, Пейгъамберининъ ве (иляхий ёлда олгъан) мусульманларнынъдыр. Факъат мунафыкълар буны бильмезлер.» (Мунафикъун, 1-8)

Иляхий икметлер, мунафыкъларнынъ реиси олгъан Абдуллах бин Убейнинъ Абдуллах адында бир огълу бар эди. О, гонъюльден иман эткен бир мусульман эди. Аллах Ресули -салляллаху алейхи ве селлем-ге сонъ дередже багълы эди. О, бабасынынъ япкъанларына чокъ ратсызланып кедерлене, сабыр этип оламай эди. Сонъки вакъиалар да, гонъюнде олгъан бу кедерни баягъы арттыргъанындан, Аллах Ресули -салляллаху алейхи ве селлем-ге кельди:

«–Эй, Аллахнынъ Ресули! Эгер истесенъ бабамы ольдюрейм!»– деди.

Аллах Ресули -салляллаху алейхи ве селлем-нинъ бунъа изин бер-мемеси узерине де Ислям ордусынынъ ичинде олгъан бабасынынъ янына чапты ве девесининъ йиплерини тутып онъа сесленди:

«–Кучъ ве къувет Аллахкъа ве Ресулине айт олгъаныны айтмагъанынъа къадар сени еринъден къыбырдатмайджам!..»

Мунафыкъларнынъ башы шашты. Бу къадар инсаннынъ ортасында огълунынъ озюне эткен бу арекетини гъурурына къабул этти-рип оламады:

«–Шимди сен манъа бу къадар инсан ичинде Мединеге кирмеге изин бермейджексинъми?» деди.

Огълу, буюк бир иман ичинде:

«–Эбет, бугунъ инсанларнынъ арасында энъ алчакъ ве энъ азиз ким олгъаныны санъа огретмегендже, сени ёлламайджам. Акъкъатны огренип къабул этмез исенъ башынъы учураджам...» деди.

Мунафыкъларнынъ аякъ-къолу багъланып къалгъан эди. Огълунынъ айткъанлары япаджакъ къадар керчек олгъаныны анълагъандан



сонъ титреди. Даа эвель айткъанларындан вазгечип, истемеген алда шу акъикъатны айтмагъа меджбур олды:

«– Шаатлыкъ этем ки, устюнлик, къыймет, кучъ ве къувет Аллахкъа, Ресулине ве мусульманларгъа аиттир ».

Фасыкънынъ хаберининъ догърулыгъыны араштырынъ!

Аллах Ресули -салляллаху алейхи ве селлем- Велид бин Утбени Мусталыкъ огуларындан зекят топламагъа ёллагъан эди. Велид бин Утбе оларны ачувлы бир алда коре. Джахилие девринде араларында олып кечкен бир къавгъаны хатырлай ве къоркъкъанындан Мединеге къайтып келе. Бу алны Хазрети Пейгъамбер -салляллаху алейхи ве селлем-ге олгъаны киби дегиль де, башкъа бир шекильде яни оларгъа ифтира этип анълатты:

«–Эй, Аллахнынъ Ресули! Олар динлеринден чыкъкъанлар. Зекят бермедилер. Аз къалды, мени де ольдюреджек эдилер»- деди.

Аллах Ресули -салляллаху алейхи ве селлем-, къызмакънен берабер вакъианынъ себебини огренмек ичюн Халид бин Велидни ёллады. Хазрети Халид кельгенде, олар намаз къыла эдилер. Ишнинъ аслыны огренип зекятларыны алды ве Ресулюллах -салляллаху алейхи ве селлем-ге келип вакъианы анълатты.

Бу вакъытта Аллах, эм Ресулининъ бу арекетини керчек ве догъру олгъаныны бильдирмек, эм де бутюн мусульманларнынъ къайсы бир мевзуда араштырма япмадан укум бермемелерине дикъкъатларыны чекип вахий ёлады:

«Эй, иман эткенлер! Эгер бир фасыкъ сизге бир хабер кетирсе, онынъ догърулыгъыны араштырынъыз! Ёкъса, бильмеден бир джемааткъа яманлыкъ этерсинъиз де, сонъунда япкъанынъызгъа пешман олурсынъыз.»

«Эм билинъ ки, аранъызда Аллахнынъ эльчиси бардыр. Эгер о, бир чокъ ишлерде сизге уйса эди, къасеветке тюшер эдинъиз. Факъат Аллах, сизге иманны севдирген ве оны сизинъ гонъюллеринъизге синъдирген. Куфюрни, фасыкълыкъны ве исыянны да сизге чиркин косътерир. Иште, догъру ёлда олгъанлар булардыр.» (Худжурат, 6-7)

Базы вакъыт эсасы догъру олмагъан бир хабер агъыздан агъызгъа кечип даркъалмасы мумкюн. Базан бойле хаберни догъ-



русёзлю кимселерде даркъатмалары мумкюн. Бойле вакъытта биль-
меиз керек ки, темели ве эсасы олмагъан бир хаберни яймакъ да
инсандан месулиетни талап этер. Чюнки хабернинъ сабит ве догъру
олгъаны алда, бундан бир къоркъуладжакъ шей ве харам догъмаса
да, менфийликте къул хакъкъына кирмек ве гъыйбет киби буюк бир
гунях ишлемек къоркъусы бардыр. Бу себепнен исбаты олмагъан ве
ривает ёлунен кельген ачыкъ ве сабит олмагъан хаберлерге къаршы
эр вакъыт мукайытлы олмакъ керек.



ХУДЕЙБИЕ АНЪЛАШМАСЫ (ХИДЖРИЙ 6 СЕНЕ)

Фетихлернинъ анахтары

Аллах Ресули -салляллаху алейхи ве селлем-, корьген бир тюшю узерине мусульманларны Кябени зияретке ве тавафкъа давет этти. Бу даветни къабул эткен бинъ дёрт юз сахабисинен берабер хиджретининъ алтынджы сенеси Зилькъаде айынынъ биринджи базарэртеси кунюнде Меккеге ёл алдылар. Дженк ичюн кетмегенлери себебинден янларына тек ёлджу сияхы алдылар. Етмиш къадар да къурбанлыкъ деве алып кеттилер.

Хазрети Пейгъамбер -салляллаху алейхи ве селлем-, микъат маалеси олгъан «Зюль-Хулейфе»ге кельгенлеринде ихрамгъа кирип умреге ниет эттилер. Асхаб-ы кирам да ойле япты. Юксек сеснен тельбиелер айтылмагъа башланды. Гонъюллер, Кябе-и Муаззамагъа бир ан эвель къавушувнынъ асретинен яна эди. Маневий бир эеджан ве иляхий севги, адым-адым мусульманларны о ерге якълаштырмакъта эди.

Лякин мусульманларнынъ Меккеге догъру ёлгъа чыкъкъанларындан хабер алгъан къурейшлилер де шашыладжакъ бир раатсызлыкъ ве теляш дуймагъа башладылар. Озьара топланып мусульманларны Меккеге кирсетмемеге къарар бердилер. Халид бин Велид ве Икриме бин Эбу Джехиль къуманданлыгъында алель-аджеле азырлангъан эки юз кишилик бир орду ёлгъа чыкъты.

Оларнынъ бу теляшларына къаршылыкъ Аллах Ресули -салляллаху алейхи ве селлем-, озюне эльчи оларакъ ёллангъан Хузаа къабиле-



сининъ реиси Будейльге келюв макъсадыны анылатып бойле деди:

«–Биз бу ерге дженк этмек ичюн кельмедик. Макъсадымыз Бейтуллахны (кябени) зиярет этмектир. Умредир. Къурейшлилер девамлы дженклер нетиджесинде ёрулдылар. Истеселер барыш этмеге истерим. Къабул этселер гузель! Акси такъдирде Аллахкъа емин этерим ки, олюнджеге къадар оларнен дженклеширим.»

Будейльден сонъра Урве кельди. Къайткъанында къурейшлилерге:

«–Эй, къурейшлилер! Ант олсун, мен бир чокъ къырал корьдим. Амма мусульманларнынъ Пейгъамберлерине олгъан юксек багълылыкъ ве урметлерини ич бир миллетте корьмедим. Оны енып оламазсынъыз деп къоркъам!» деди.

Лякин мушриклер, Урвени динълемейип баскъын этмек ичюн бир топ аскер ёлладылар. Орду мусульманлар тарафындан эсирге алынгъан олса да Аллах Ресули -салляллаху алейхи ве селлем-, дженк ичюн кельмегенини, тек умре япып къайтмакъ ниетинде олгъанлары анылашылсын деп, эсир алгъан мушриклерни сербест этти.

Бу арада мушриклерден бир къач эльчи даа келип кетти. Лякин ич биринде де кесин бир нетидже чыкъмагъанындан, бу кере Хазрети Пейгъамбер -самяллаху алейхи ве селлем-, Осман -радыяллаху анхны Меккеге, мушриклернен корюшип, меселени чезмек макъсадын-да ёмады.

Хазрети Осман, Ресулюллахнынъ эмирине уйып аман Меккеге кетти. Мушриклерге ниетлерининъ умре этип къайтмакъ олгъаныны анылатты. Бунъа бакъмадан мушриклер, кене де изин бермедилер. Хазрети Османгъа:

«–Эгер истесенъ сен таваф этменъ мумкюн!..» дедилер.

Лякин озюни Аллахкъа ве Ресулине адагъанлардан олгъан Хазрети Осман:

«–Хазрети Пейгъамбер Кябени таваф этмегендже, мен де этмем! Мен Бейтуллахны, тек онынъ артында турып зиярет этерим...» деп Аллах Ресули -салляллаху алейхи ве селлем-ге олгъан багълылыкъыны бильдирди.

Бу лафлар себебинен Осман -радыяллаху анхнынъ арткъа къай-



тувы кечиккенинден, оны ольдюргендирлер деп тюшюндилер.

Бунуны узерине мусульманларнен мушриклернин арасындаки вазият кергинлешмеге башлады. Аллах Ресули -салляллаху алейхи ве селлем- аман асхабыны топлап:

«Анълашылды, мушриклернен дженклешмегендже бу ерден кет- мейджекмиз!» деди.

Артындан Аллах ёлунда джанларыны бермек ичюн бутюн саха- беден беят (сёз бемек) истеди. Къадын-эркек бутюн мусульманлар:

«Аллах Ресулининъ гонълунде не мурады ве истеги олса, онынъ узерине беят этем»- деп Ресулюлахнынъ бу истегини севе-севе ери- не кетирдилер.

Аллах ёлунда олунджеге къадар дженклешмеге сёз бердилер. Хазрети Пейгъамбер -салляллаху алейхи ве селлем-нинъ мубарек къолларындан тутып беят этилер. Беятнынъ сонъунда Аллах Ресули -салляллаху алейхи ве селлем-, бир къолунен башкъа къолуны тутып:

«–Бу да Османнынъ беятыдыр!» диерек, Осман -радыяллаху анх- къа олган севгисини ифаде эти.

Бир терекнинъ астында этильген бу беяткъа, «Беятюр-Ридван» я да «Худейбие Беяты» деп айтылды. О кунъ бир мунафыкътан башкъа бутюн сахабилер беят эткен эдилер.

Бу беят, асхаб-ы кирамнынъ, Аллахнынъ юдже рызасыны къа- занмаларына весиле олгандыр:

«Ант олсун ки, о терекнинъ тюбюнде санъа беят эткенлеринде Аллах, о муминлерден разы олгандыр. Юреклеринде олгъанларыны бильген, оларгъа хузур ве сукюнет бергендир...» (Фетх, 18)

Джанларыны феда этмек шартынен этильген бу беятны мушри- клер эшиткенлеринде, шашыладжакъ бир телашкъа тюштилер. Бойле джиддий япылган иш мушриклернинъ юреклерине сонъ дередже къоркъу къойган эди. Аман барышмагъа къарар берип, Сухейль бин Амрни Хазрети Пейгъамбер -салляллаху алейхи ве селлем-ге ёллады- лар.

Бунуны узерине Хазрети Пейгъамбер -салляллаху алейхи ве сел- лем- де, Хакъ Таалаянынъ «Олар барышкъа янашсалар, сен де онъа янаш!» эмирине уйып арекет эти. Мушриклернинъ биринджи макъ-



сады, о сене мусульманларга умре эттирмемек эди. Бунынънен бе-
рабер барышнынъ агъыр корюнген бир такъым шартлары да бар
эди. Узун девам эткен тартышмалар нетиджесинде барыш шартлары
къабул этильди.

Хазрети Пейгъамбер -салляллаху алейхи ве селлем-, анълашув-
нынъ шартларыны язмакъ вазифесини Хазрети Алиге авале этти.
Аллах Ресули -салляллаху алейхи ве селлем-нинъ эмирини динълеп,
Али -радыяллаху анх-, башта «Бесмеле-и Шерифе»ни язаджакъ эди,
амма Сухейль къаршы кельди. Ерине: بِاسْمِكَ اللَّهُمَّ язылды.

Бу ифаденинъ артындан Сухейль, «Хазрети Пейгъамбер -саллял-
лаху алейхи ве селлем- Аллахнынъ Ресули» джумлесининъ язылмасы-
на да къаршы чыкты ве:

«–Сенинъ Аллахнынъ Ресули олгъанынъны къабул этсек эди, сен-
нен дженклешир эдикми? Бугунъ Кябени зиярет этменъизге къаршы
олур эдикми?» деди.

Бунынъ узерине барыш шартларынен разы олмагъа истемеген
сахабилер яхшы ачувландылар. Хазрети Али -радыяллаху анх-, къо-
лундаки къалемини ташлап:

«–Аллахкъа емин этерим ки, мен «Аллахнынъ Ресули» джумлеси-
ни силип оламам, я Ресулюллах!..» деди.

О вакъыт Хазрети Пейгъамбер -салляллаху алейхи ве селлем-,
Сухейльге:

«–Сиз инанмасанъыз да мен Аллахнынъ пейгъамберийим»- деди
ве «Аллахнынъ Пейгъамбери» деп язылгъан джумлени мубарек къол-
ларынен сызды, ерине Мухаммед бин Абдуллах адыны яздырды.

Бу шейге чыдап оламагъан Хазрети Умернинъ о куню гонъюн-
деки иман джошкъусы толып-ташкъан эди. Оны зорнен тынчландыр-
гъан эдилер. Хазрети Эбу Бекирден башкъа, къалгъан сахабилернинъ
амары да айны Хазрети Умернинъки киби эди. Даа да десенъ анъ-
лашманынъ биринджи маддеси оларакъ Меккеден зорнен къачып
оларга сыгъынгъан Эбу Джендельнинъ, шартнамени имзалагъан
залым бабасына къайтарылмасы, оны бир къат даа арттыргъан эди.
Бундан хабери олгъан Эбу Джендель сонъ дередже кедерли бир ше-
кильде:



«–Мени текрар о залым атешлернинъ ичине атаджакъсынъыз-мы?» деп, юреги парчалангъан эди.

О вакъыт Аллах Ресули -салляллаху алейхи ве селлем-, Эбу Джендельге:

«–Я, Эбу Джендель! Сабыр эт! Аллах санъа ве сенинъ кибилерге бир фетих къапысы ачаджакътыр. Аллахдан умютинъни кесме! Биз, мусульманлар енъильмейджекмиз. Ялынъыз биз Къурейшнен къаршылыкълы бир барыш ве анълашма яптыкъ. Онынъ укумлерини бозмакъ бизлерге ярашмаз!» деп онъа теселли берди.

Магълубиет киби корюнген бу анълашмада Хазрети Умернинъ, пейгамбернинъ эмирине рагъмен озъ тюшюнджелерини беян этмесине Хазрети Пейгамбер -салляллаху алейхи ве селлем-:

«Мен Аллахнынъ пейгамберийим, Онъа исъян этип, къаршы кельмем. Ярдымджым Одыр!» деди.

О кунъ мушриклернен япылгъан Худейбие анълашмасында алынгъан къарарлар, мусульманларнынъ зарарына киби корюне эди. Ойле ки, Фетих суреси назиль олды. Бу иштеки юксек икметлер ве муджделер бильдирильди. Сонърадан анълашылгъанына коре магълубиет киби корюнген бу анълашма ачыкъ бир зафер ве гъалебе экен...

Хазрети Пейгамбер -салляллаху алейхи ве селлем- башта иза-атламакътан аджиз олгъан бу къыскъа вакъиа, анджакъ эки йылдан сонъ ачыкъкъа чыкъты. Керчектен бу анълашмада эльде этильген барыш нетиджесинде бир чокъ кимсе Ислямнен шерефленген, эки йыл девамында, мусульман олгъанларнынъ сайысы, о вакъыткъа къадар мусульман олгъанларнынъ сайысындан кечти.

О сене мусульманлар умре этип оламайджакълар, я да базы агъыр ве зор шартларгъа белли бир вакъыт сабыр этмеге меджбур оладжакъ эдилер, факъат бунынъ артындан келеджек къазанч даа буюк оладжакъ эди. Чюнки бу анълашманен Ислямны ресмий бир дин олгъаны танылгъан эди. Бир йыл сонъра Кябе зиярет этиледжек эди. Арап къабилелеринден истегенлер мусульманларнынъ имаеси-не кечмелери мумкюн оладжакъ эди. Бу исе, Къурейшнинъ сайысынынъ эксилюви ве Ислям даветининъ де раатлыкълан япылувы де-



мек эди.

Аллах Ресули -салляллаху алейхи ве селлем-нинъ бу барышны сечювининъ себеплеринден бири де Меккеде о вакъыт мусульман олгъан, лякин буны анъламакъ кереклигини дуймагъан бир чокъ кимсенинъ булунмасы эди. Шаёт, мушриклернен араларында бир дженк чыкъса эди, булар белли олгъаны такъдирде оларнынъ ольдюриль-мек ихтималы бар эди.

Нетидже оларакъ «Бир рахмет пейгъамбери» олгъан Аллах Ресули -салляллаху алейхи ве селлем-, Меккеде ве башкъа арап къабилелери арасында янъы мусульман олмасы мумкюн олгъан инсанларгъа бу арекетинен корюнмеген, гизли хаберлер бере, оларны Ислямгъа якълаштыра эди. Албуки, бунынъ нетиджеси келеджекте ачыкъ бир шекильде корюнгедир.

Иште, булар киби ве даа сайысыз бир чокъ икметлер себебинен Аллах Ресули -салляллаху алейхи ве селлем-, шу мадделерге имза къойды:

1. Анълашманынъ муддети он йылдыр.

2. Мусульманлар Кябени бу йыл зиярет этип оламайджакълар, бу зиярет келеджек сене япыладжакъ. Зияретке кельгенлер, Меккеде учъ кунъ къаладжакъ, о вакъыт ичинде мушриклер Меккенинъ тышына чыкъаджакълар, мусульманларнен алякъа къурмайджакълар.

3. Къурейшлилерден бириси мусульман олып да, Мединеге сыгъынгъаны такъдирде артына къайтарыладжакъ, лякин Мединеден Меккеге сыгъынганлар къайтарылмайджакъ.

4. Башкъа арап къабилелери истеселер мусульманларгъа, истеселер къурейшлилерге къошулмалары мумкюн.

Анълашма япылгъан сонъ Сухейль огълуны алып, буюк къуванчнен Меккеге къайткъанында, Аллах Ресули -салляллаху алейхи ве селлем- де, асхабына бойле дей:

«-Айды, артыкъ къурбанларынынъ кесинъиз ве башларынынъ тыраш этинъиз!...»

Лякин сахабе-и кирамдан ич бир кимсе бу эмирни ерине кетирмек ичюн еринден турмады. Олар сырыны чезип оламагъанлары бир меселенинъ ислери арасында кедерли ве къайгъылы эдилер.



Хазрети Пейгхамбер -салляллаху алейхи ве селлем-, эмирини учь кере текрарлады. Кене де кимсе еринден кыбырдамады. Бу аслында бир исьян я да кьаршылыкь косьтермек дегиль, Кябени зиярет этмек истегининь ве иштиякьынынь юреклерни якьувы нетиджесинде даа яньы япылган аньлашманынь лягуэ этильмеси ичюн аз да олса умют беклемелери эди. Ёкьса, эр бири бир кунь эвель Аллах Ресулине:

«Аллах Ресулининь гоньянде не истеги олса, онынь узерине беят этем» деп беят эткен эдилер.

Асхабынынь бу арекети узерине Аллах Ресули -салляллаху алейхи ве селлем- де, сонь дередже кедерленген эди. Юреги кьайгылы бир шекильде кьыйметли кьадыны Умму Селеменинь чадырына кетти. Бойле алны Умму Селемеге бильдиргенинде о, Аллах Ресулини теселли этип шу эмиетли сёзлерни сёйледи:

«—Эй, Аллахнынь Ресули! Сиз, асхабынъызгьа ич бир шей айтмайып «Кьурбанларынъызны кесинъиз; тыраш олунъыз!» дединъиз. Бу алда, олар озьлерине кучь олган бир агьырлыкьнынь тесиринден кедерленген олсалар да, сизинь якьанларынъызгьа уяджакьлар; оларны багьышланъыз!»

Бу фикир танышмасындан сонь чадырындан чыкькьан Хазрети Пейгхамбер -салляллаху алейхи ве селлем-, лаф этильгени киби арекет этти. Бу алны корьген сахабилер, аньлашманынь денъишмейджегини аньладылар ве эписи Ресулюллах -салляллаху алейхи ве селлем-нинь якьанына уйдылар. Кьурбанларыны кестилер, сачларыны тыраш эттирдилер.

Бундан сонь Мединеге арекет этильди. О вакьытта «Фетих суреси» назиль олды:

«(Эй, Ресулим!) Догьрусы биз санъа, ап-ачыкь бир фетих бердик.»

«Бойледже Аллах, сенинь кечкен ве келеджек гуняхынъны багьышлайджакь; санъа олган ниметини тамамлайджакь ве сени (даима) догьру ёлгьа кьавуштыраджакь.»

«Ве санъа шанлы бир зафернен ярдым этеджектир.» (Фетих,

1-3)



Бу аетлер, мусульманларгъа Худейбиенен бирликте ачылгъан зафер къапыларынынъ муджделери акъкъында хабер бере эди. Муджделер яваш-яваш керчеклешмеге башлады:

Этрафтаки къабилелер, Ресулюллахнынъ Кябени зиярет этмек ичюн япкъан бу ёлджулыккъа чыкъкъан вакътында, буны «къайтыл-масы олмагъан бир ёлджулыкъ» деп адландыргъан эдилер. Лякин Аллах Ресули -салляллаху алейхи ве селлем-нинъ энъ уфакъ бир зараргъа огърамадан къайткъаныны корьгенлеринен, телаш ичинде келип ондан багъышлав истедилер. Аллах Таала оларнынъ бу алыны ает-и керимелерде бойле анълата:

«Аслында сиз, Пейгъамбер ве муминлер, къоранталарына бир даа дёнмейджеклер беллеген эдинъиз. Бу сизинъ гонъюллеринъизге гузель корюнди де яман занда булундынъыз ве элякетни хакъ эткен бир джемаат олдынъыз.»

«Ким Аллахкъа ве Ресулине иман этмесе, бильсин ки, биз, кяфирлер ичюн акъылдан азгъан бир атеш азырладыкъ.» (Фетх, 12-13)

Эки къат арткъан берекет

Худейбие барыш шартларына тыш тарафындан бакъып къувангъан мушриклер, аслында фаркъына бармайып мусульманларнынъ ёмарыны къапаткъан бутюн маниаларны ортадан алгъан, ве бу маниаларны озь къаршыларына къойгъан эдилер. Ресулюллах -салляллаху алейхи ве селлем- ден башкъа, аман эр бир сахабининъ де буны озь зарарларына олгъан киби корип къабул этмеге янашмамалары исе, мушриклернинъ козьлерини бир къат даа перделеген, ве буюк бир мувафакъиет къазангъанлары тюшюнджесинен, анълашув шартларыны ич чекинмеден имзалагъан эдилер. Лякин башында сыры мусульманларгъа биле къапалы олгъан бу барышнынъ керчек ноктасы ве гъalebеси, оларнынъ шартнамеге уйгъанларынен, яваш-яваш ортагъа чыкъмагъа башлады.

Биринджи нетидже оларакъ мусульманлыкъ тез бир шекильде яйылмагъа башлады. Ойле ки, Худейбиеден Мекке фетхине къадар мусульман олгъанларнынъ сайысы, Худейбиеге къадар кечкен он



докъуз йыллык Ислямий давет нетиджесинде мусульман олгъанларнын сайысындан тамам эки кере чокъ эди.

Бу берекетни энъ башындан бильген Аллах Ресули -салляллаху алейхи ве селлем-, Худейбие анълашмасынынъ шартларына сонъ дередже риаает эте, ондаки тевсиелерден де истифаде этмектен артта къалмай эди. Албуки, базы Меккели мусульман къадынларнынъ Мединеге сыгъынмалары узерине мушриклернинъ мевджут олгъан истеклерини ве шартларыны къабул этмедилер. Чюнки анълашмадаки мадде, тек эркеклерге аит эди. Затен Аллах да къадынларнынъ теслим этильмемесини эмир эте эди:

«Эй, иман эткенлер! Мумин къадынлар хиджрет этип сизге кельген вакъытта, оларны имтиан этинь! Аллах оларнынъ иманларыны даа яхшы билир. Эгер сиз де оларнынъ инангъан къадынлар олгъанларыны огренсенъиз, оларны къафирлерге кери къайтарманъ! Булар оларгъа хелял дегиль. Олар да буларгъа хелял олмазлар. Оларнынъ (къоджаларнынъ) сарф эткенлерини (мехирлерни) кери беринъ. Мехирлерини оларгъа берген вакътынъызда оларнен эвленменьизде сизге бир гунах ёкъ. Къафир къадынларны (исе) никяхынъызда тутманъ, сарф эткенинъизни истень! Олар да сарф эткенлерини истесинлер. Алахнынъ укму будыр. Аранъызда О укюм этер. Аллах билиджидир, икмет сабидир.» (Мюмтехине, 10)

Бу арада Эбу Басир адлы мусульман олгъан бир Меккели де Мединеде гизленген эди. Лякин Хазрети Пейгъамбер -салляллаху алейхи ве селлем-, анълашувгъа коре оны мушриклерге теслим этмеге меджбур эди. Эбу Басир де, башта Аллах Ресули -салляллаху алейхи ве селлем-нинъ бу арекетине бир мана бермейип:

«–Мени путларгъа тапмагъа къайтармакъ истейсинъизми?»– сёзлеринен, таджипленгенини косътерген эди.

Ресулюллах -салляллаху алейхи ве селлем-, онынъ гонъюни котерип, шойле теселли берди:

«–Эй, Эбу Басир! Биз сёзюмизни бозып оламаймыз. Амма сен бираз сабыр эт; Аллах Таала, санъа ве сенинъ кибилерге эльбетте бир селямет ве къуртулыш ёлуны косътереджектер.»

Бу сёзлерден сонъра Эбу Басир, сесини чыкъармайып пейгъам-



бернинъ укюмине боюн эгди. Бутюн мусульманларнынъ алларыны туюнип, мушриклерге теслим олмагъа меджбур олды.

Лякин о, Меккеге дегиль, олюмге алып кетиле эди. Бундан хабер и олгъаны ичюн, фырсат олгъанда, оны алып кеткенлерге ёлда уджум этип джаныны къртарды. Адамлардан бирисини ольдюрди, башкъасыны махсус къачырды. Сонъра Мединеге къайтты. Къачыргъан мушрик де Мединеге келип Ресулюлах -салляллаху алейхи ве селлем-ден кене оны къайтарылмасыны талап этти. Бу сефер Эбу Басир:

«–Эй, Алахнынъ Ресули! Сиз мени буларгъа теслим этмекнен анълашмагъа риает эттинъиз. Амма мен джанымы къртардым»- деди.

Ресулюлах -салляллаху алейхи ве селлем-нинъ айткъан сёзлериндеки икметни тез анълап, Мединеден чыкъты. Денъиз ялысында Меккенен Шам арасында Ис денильген бир ерге ерлешти. Къыскъа бир вакъыттан сонъ о мекян тарафсыз бир ер олып, бир гизленюв ерине чевирильди. Эбу Джендельнинъ де къртулып гизленген бу ерде мусульманларнынъ сайысы чокъ вакъыт кечмеден учъ юзге етти. Меккелилернинъ Шам тиджарет ёлу техликели олды. Бунынъ узерине Меккели мушриклер, чаресиз къалып Аллах Ресули -салляллаху алейхи ве селлем-ден бу хусустаки мадденинъ лягъу этильмесини истедилер. Яни Меккеден мусульман олып къачкъанларнынъ Мединеге къабул олунмасыны риджа эттилер. Бойледже, мусульманларнынъ зарарына олгъан бир мадде, къыскъа вакъытта айдаларына олды.



ХИДЖРИЙ 7 СЕНЕ

Укюмдарларны Ислямгъа давет этюв

Худейбие анълашмасындан сонъра Аллах Ресули -салляллаху алейхи ве селлем-, бутюн инсанларгъа ёллангъан бир «Ресуль» оларакъ дюнья девлетлерини ве къомшу укюметлерни Ислямгъа давет этти. Иляхий эмир де буны бильдире эди:

«(Эй, Ресулим!) Де ки: Эй, инсанлар! Керчектен мен сизинъ эпинъизге, коклернинъ ве ернинъ саиби олгъан Аллахнынъ пейгъамберийим...» (Араф, 158)

«Эй, Ресуль! Раббинъден санъа эндирильгенини (бутюн инсанларгъа) теблигъ эт! Эгер буны этмесенъ, Онынъ (санъа берген) пейгъамберлик вазифесини этмеген олурсынъ! Аллах сени инсанлардан къорчалайджакътыр...» (Маиде, 67)

«Биз сени бутюн инсанлар ичюн бир мудждеджи ве Аллахнынъ азабынен къоркъутыджы олмакъ узъре ёлладыкъ. Лякин инсанларнынъ пек чокъу буны бильмезлер.» (Себе, 28)

Аллах Ресули -салляллаху алейхи ве селлем-нинъ, дюнья девлетлерини ве къомшу укюметлерни Ислямгъа давет этюви, язылы бир мектюп шеклинде ола эди. Буларнынъ энъ белли олгъанлары алты я да секиз мектюптир. Ресулюллах -салляллаху алейхи ве селлем-, эр бир мектюпни, сахабилерден бирисине берип ёллагъан эди.

Византия укюмдары Гераклиюсге мектюпни Дыхъетул-Кельби адлы асхаб кетирген эди.

628 сенеси фарсларгъа къаршы дженклешкен Византия укюмдары Гераклиюс гъалебе къазанып, Шамда булуна эди. Бу ерде



онынь кьолуна Хазрети Пейгъамбер -салляллаху алейхи ве селлем-нинъ оны Ислямгъа давет эткен мектюби кечти. Бу мектюп онынъ дикъкъатыны зияде озюне чеке ве бу давет насыл бир шей олгъаныны огренип, бильмеге истеди. Византия укумдары бу мевзуда суаль сорамакъ ичюн Хазрети Пейгъамбер -салляллаху алейхи ве селлем-нинъ ватандашларындан базыларыны янына кетирильмесини эмир этти. О вакъытларда Хазрети Пейгъамбер -салляллаху алейхи ве селлем-нинъ энъ шиддетли ве буюк душманларындан бириси олгъан Эбу Суфьян да, Меккели тиджаретчилернинъ башында олып, Шамгъа кельген эди. О заман хиджретнинъ 6-нджи сенеси эди, ве Хазрети Пейгъамбер -салляллаху алейхи ве селлем-нен кьурейш къабилеси, анълашув алында эди. Гераклиюснинъ адамлары оларгъа раст келелер ве оларны укумдарнынъ къаршысына чагъыралар. О вакъыт Гераклиюс ве адамлары, Иляда, яни Бейтюль-Макъдисте эдилер. Гераклиюс оларны хузурына давет этти ве бир терджиман кетирильмесини эмир этти. Гераклиюснинъ эмири узерине, терджиман:

«– «Мен Пейгъамберим» деген бу адамгъа акърабалыкъ тарафындан энъ якъын олгъанынъыз ким?» деп сорады.

Эбу Суфьян:

«–Энъ якъыны меним!» деди.

Бунынъ узерине Гераклиюс:

«–Оны ве аркъадашларыны яныма чагъырынъ! Ялынъыз, мен онынънен лаф эткенимде, достлары къатында олсунлар!» деди.

Сонъра терджимангъа шойле деди:

«–Буларгъа айт; мен бу адам акъкъында ондан (Эбу Суфьяндан) базы шейлер сораиджам. Манъа ялан айтса, «Ялан айта!» десинлер!»

Албуки: Ант олсун, достларым ялан айткъанымны анда-мында сёйлерлер деп утанмаса эдим, онынъ акъкъында ялан айтар эдим!» деген Эбу Суфьян, сонъки лафларыны бойле анълатты:

Бундан сонъ Гераклиюснинъ манъа берген биринджи суали бу эди:

«–Ичинъизде онынъ сою насыл?»

Мен:



«–Онынъ ичимизде сою пек буюктир!» дедим.

«–Ичинъизден, бу сёзню ондан эвель айткъан ич кимсе олгъан эдими?» деди.

«–Ёкъ эди..» дедим.

«–Къартбаба-къартаналары арасында ич султан-падишалар олгъан эдими?» деди.

«–Ёкъ!» дедим.

«–Онъа инанып уйгъан, халкънынъ юксек мертебели инсанларымы, ёкъса фукъарелерми?» деди.

«–Факъир-фукъарелер»- дедим.

«–Онъа инангъанларнынъ сайысы, чокълашамы, ёкъса эксилемми?» деди.

«– Чокълаша...» дедим.

«–Араларында, онынъ динине киргенден сонъ бегенмейип дининден къайткъан бармы?»- деди.

«–Ёкътыр!» дедим.

«–Бу фикирлеринден ве лафларындан эвель оны ич яланджылыкъта къабаатлагъан эдинъизми?» деди.

«–Ёкъ!» дедим.

«–Ич сёзюнде турмагъан вакъты ола эдими?» деди.

«–Ёкъ! Берген сёзюни эр вакъыт тута, лякин биз шимди онынънен бир аңлашув ичиндемир. Бу вакъыт ичинде не этеджегини билмеймиз!» дедим.

(Эбу Суфьян айтты ки: «–Оны яланламакъ ичюн арагъа къошаджакъ бундан башкъа сёз тапып оламадым!..»)

«–Онынънен ич дженклештигъизми?» деди.

«–Эбет» - дедим.

«–Бу дженклер насыл битти?» - деди.

«–Базы вакъыт о бизни енъди, базы вакъыт биз оны!» дедим.

«–Айтыгъыз, сизге нелер эмир эте?» деди.

«–Бизге: «Ялынъыз Алахкъа ибадет этинъиз, ич бир шейни Онъа ортакъ къошманъыз; аталарынъызнынъ ибадет эткен путларны терк этинъиз!» дей. Бизге намазны, догърулыкъны, намуслы олмакъны ве сой-акърабалыкъ багъларымызгъа сайгъы этмемизни эмир эте»- де-



дим.

Бунынъ узерине Гераклиус терджимангъа:

«—Онъа айт; Онынъ союны сорадым; ичинъизде союнынъ пек темиз олгъаныны айттылар. Пейгъамберлер де затен бойле, къавимлеринде сойлары догъру ве темиз олгъанларындан ёлманылыр.

Аранъыздан ондан эвель бу иддиада булунгъан башкъа кимсе бар эдими, деп сорадым. Ёкъ, дединъ. Ондан эвель бойле фикирлерде олгъан бир башкъа кимсе олса эди, ондан нумюне ала дер эдим.

Аталары арасында ич султан ве падишалар бар эдими, деп сорадым. Ёкъ, дединъ. Эгер аталары арасында султан олгъан бириси олса эди, бабасынынъ зенгинлигини къайтармагъа чалыша, дер эдим.

Бу иддиада булунмандан эвель, онынъ ич ялан айткъаныны эшиттинъизми, деп сорадым. Ёкъ, дединъ. Мен билем ки, инсанларгъа къаршы ялан айтмагъан бир кимсе, Аллах акъкъында да ялан айтып оламаз!

Онъа уйгъанлар, юксек мертебели кимселерми, ёкъса фукъарелерми, деп сорадым. Факъир олгъанлар деп айттынъ. Затен, башта пейгъамберлерге уйгъанлар да бу табагъадаки кимселердир.

Онъа инангъанлар чокълашамы, экилеми, деп сорадым. Чокълашалар, дединъ. Хакъ динлернинъ бир хусусиети де, инангъанларнынъ чокълашмасыдыр.

Араларында онынъ динине киргенден сонъ, бегенмейип де дининден дёнген бармы, деп сорадым. Ёкъ, джевабыны бердинъ. Иман инсаннынъ юрегине ерлешкен сонъ нетиджеси бойле олып яхшы тамыр атар.

Ич сёзюнде турмагъан вакъты олдымы, деп сорадым. Джевабынъ кене де «ёкъ»олды. Пейгъамберлер де бойледир, сёзлеринден ич дёнмезлер.

Сизге не эмир эте деп сорагъанымда, ялынъыз Аллахкъа ибадет этип Онъа ич бир шейни ортакъ къошмамакъны эмир эткенини, путларгъа тапмамакъны, намазны, догъурлыкъны ве намуслы олмакъны эмир эткенини сёйлединъ.

Эгер бу айткъанларынъ догъру исе, о адам, шу аякъларым баскъан ерлерде къыскъа бир девирде гъалебе этип, идареджи олад-



жакътыр. Затен, мен бу пейгъамбернинъ келеджегини биле эдим, факъат сизден оладжагъыны тюшюнмей эдим. Онынъ хузурына барып оладжагъымы бильсем, онынънен корюшмек ичюн эр тюрлю кыйынджылыкларгъа къатланыр эдим. Янынъда олса эдим, аякъларыны ювар эдим....»

Ондан сонъра Гераклиус, Дыхъе васытаджылыгынен ёлангъан Хазрети Пейгъамбернинъ мектюбини истеди. Мектюпни кетирген адам, оны Гераклиюске берди. О да окъуды.

Мектюп ичинде шулар язылгъан эди:

Аллахнынъ къулу ве Ресули Мухаммедден, Ромалыларнынъ буюги Гераклиюске!

Хидаетке, догъру ёлгъа уйгъанларгъа селям олсун!

Мен сени Ислямгъа давет этем. Ислямгъа кир ки, селяметке эирисинъ ве Аллах да санъа мукъяфатынъны эки къат берсин! Эгер къабул этмесенъ, чифтчилернинъ гуняхы сенинъ бойнунъадыр.

«Эй, китап эхли! Сизнен бизим арамызда ортакъ олгъан бир сёзге келинъиз: Аллахтан башкъасына табынмайыкъ; Онъа ич бир шейни ортакъ къошмайыкъ ве Аллахны ташлап, бир биримизни иляхлаштырмайыкъ! Эгер олар кене де юзь чевирселер, иште, о вакъыт: «Шаат олуъ ки, биз мусульманлармыз!» день!» (Ал-и Имран, 64)

Эбу Суфьян дер ки:

«Гераклиус айтаджагъыны айткъан ве мектюпнинъ окъунмасы сонъуна еткен сонъ, о ерде бир шамата котерильди ; сеслер юксельди. Бунынъ узерине бизни тышкъа чыкъардылар. Аркъадашларыма айттым:

«–Эбу Кебшенинъ (Ресулюллах -салляллаху алейхи ве селлемининъ лагъапларындан бири) огълунынъ иши онъундан кельди. Бакъынъыз, Бени Асфар султаны (Гераклиус) биле ондан къоркъа!..» Иште, о вакъыттан башлап, онынъ якъында мувафакъиетке иришеджегине олгъан инамымны ич бир вакъыт джоймадым. Ве сонъунда Аллах, манъа да Ислямны насип этти...» (Бухарий, Китабуль-джихад, Баб, 102)

Иран Кисрасына ёлангъан давет мектюбини Абдуллах бин Хузафе алып кельген эди. Лякин Кисра даветни Гераклиус киби къа-



бул этмеди. Хазрети Пейгхамбер -салляллаху алейхи ве селлем-нинъ ады мектюпте онынъ адындан эвель язылганына синъирленип, о мубарек мектюпни парча-парча этти. Эльчини де акъаретледи. Аллах Ресули -салляллаху алейхи ве селлем-, бу хаберни эшиткенинен:

«–Кисранынъ девлети де бойле парча-парча оладжакъ!» деди.

Албуки, Аллах Ресули -салляллаху алейхи ве селлем-нинъ бу муд-жизеси, «хулефа-и рашидин» девиринде керчеклешти ве Кисранынъ топракълары тамамынен мусульманларнынъ къолларына кечти.

Аллах Ресулининъ давет мектюби ве оны кетирген Пейгхамбер эльчисини энъ яхшы шекильде къаршылагъан Хабешистан къыра-лы Неджаши олды. Умейр бин Умейе васытасынен Неджашиге бе-рильген мектюпте Ислямгъа даветнен берабер Хазрети Меръем ве Хазрети Иса акъкъында да къыскъа бир бильги бар эди. Неджаши Ислям дини акъкъында даа эвель Хабешистангъа хиджрет эткен му-сульманлардан аз-чокъ эшиткен эди. Бу мевзуда эвельден мусбет бир ал ве аркет косьтерген Неджаши, ёлангъан давет мектюби-нен иман уфукъларына къанат ачты. О вакъыт янында олгъан Эбу Талибнинъ буюк огълу Хазрети Джафернинъ къаршысында келиме-и шехадет кетирип мусульман олды. Сонъра Ресулюллах -салляллаху алейхи ве селлем-нинъ истегине коре о ердеки мухаджирлерни эки гемиге отуртып ёлады. Айрыджа Хазрети Пейгхамбер -салляллаху алейхи ве селлем-ге, иман эткенини бильдирген бир мектюп ёлады. Мектюпте бойле айтыла эди:

«Аллахнынъ Ресули Мухаммед -салляллаху алейхи ве селлем-ге Неджаши тарафындан.

Я, Ресулюллах! Санъа селям олсун, Аллахнынъ рахмет ве береке-ти де. Озюнден башкъа ич бир илях олмагъан Аллах, мени Ислямгъа къавуштырды.

Я, Ресулюллах! Хазрети Исанынъ алыны анъгъан мектюбинъ из манъа келип етти. Ернинъ ве кокнинъ Раббине емин этем ки, Хазрети Иса да озъ акъкъында айткъанынъыз шейлерден фазла бир шей айтмагъандыр. Онынъ давети де эп айткъанынъыз кибиدير. Бизге даветте огреткенинъиз Ислямнынъ эсасларыны огрендик. Эмдженънинъ огълу (Джафер Тайяр)нен улькемизге, диярымызгъа



хиджрет эткен, кочькен, сахабилериньни мусафир эттик. Мен шаатлык этем ки, сен Аллахнынъ Ресулисинъ. Сёзюньде садыкъ ве догърусынъ. Хакълыгъынъ ве догърулыгъынъ танынган, тасдикъ олунган кимсесинъ.

Я, Ресулюллах! Мен санъа, сенинъ темсильджинъ олган эм-дженьнинъ огълу васытасынен беят эттим, сёз бердим. Онынъ къаршысында алемлернинъ Рабби олган Аллахкъа теслим олдым, инандым. Санъа огълум Уринаны ёллайым. Тек озюме саибим, эгер санъа кельмемни истесенъ эй, Аллахнынъ Ресули, аман келирим. Мен шаатлык этем ки, айткъанларынъ хакъ ве керчектир. Эй, Аллахнынъ Ресули, санъа селям олсун!..»

Мысыр велиси Мукъавкъыс да, Аллах Ресулининъ даветини хош къаршылады. О, сонъ бир пейгъамбер даа чыкъаджагъыны биле эди, лякин оны Шам тарафларындан чыкъаджакъ деп беллей эди. Бу тюшюндже, онынъ акъикъаткъа инанмасында юрегинде перде олды ве Мукъавкъыс иман этмеді. Лякин мектюпни кетирген Хатыб бин Эбу Бельтеанен чешитли эдиелер, бахшышлар, бир минек ве эки джарие ёлады. Аллах Ресули -салляллаху алейхи ве селлем-, бу джариелерден бирисини Хассан бин Сабитке никяхлагъан, башкъасыны да озюне никяхлагъан эди. Аллах Ресулининъ Ибрахим адындаки огълу бу къадынындандыр. Хазрети Пейгъамбер -салляллаху алейхи ве селлем-нинъ Аллахнынъ истегинен керчеклештирген бу эвлиги де, сиясий бир макъсаткъа таянгандыр. Бу вакъиа Мысырлыларгъа пек эйи, мусбет тесир эткен, ве келеджекте япылган Ислям-Византия дженклеринде византиялыларнынъ ялынъыз къалмаларына себепчи олган эди. Бойлеликле, Ислям ордусы заферге даа эмин бир шекильде иришкен эди.

Шам арапларынынъ укумдары олган Харис де Шуджа бин Вехб тарафындан кетирильген Пейгъамбер мектюбине сайгъысызлыкъ косътерген эди. Ойле ки, мусульманларгъа къаршы дженк ярмакъ ичюн Византия императорындан изин истеди. Лякин император буны къабул этмеді.



Емаме кыралы Хевзе де Селит бин Умейр тарафындан кетирильген иляхий даветни кябул этмеди. Кыскя бир вакыттан сонъ гяфлет ве перишанлыкъ нетиджесинде ольген эди.

Бу даветлер Мединеден башлап, бутюн дюньягъа яйылмагъа башлагъан Исламнынъ биринджи адымлары олгъан эди. Бунунънен берабер Арабистан ярым адасында джанлангъан Ислям, кунъ-кунъден яйылмагъа девам этти. Буюк заферлернинъ сагълам темеллери, шахсен Хазрети Пейгъамбер -саллялаху алейхи ве селлеминъ мубарек къолларынен кююлмакъта эди.



ХАЙБЕРНИНЪ ФЕТХИ (ХИДЖРИЙ 7 СЕНЕ)

Хыянет ве фитнеджи еудийнен сонъки токънашув

Мусульманларнен Меккели мушриклер арасында япылган Худейбие анълашмасындан сонъ мусульманларгъа олган мунасебет деньишкен эди. Мушриклернинъ бу тавыр ве арекетлерине Хайбер еудийлери де къошулган эдилер. Бир вакъыттан сонъра эвель сюр-гюн этильген еудий къабилелери Хайберде буюк бир фитне атешини якътылар. Оларгъа Ѓатафан къабилеси де къошулгъанынен, эп бир-ликте ярамай ниетлерини ортагъа чыкъармакъ ичюн арекетке кечти-лер. Мединеге бир орду ёлламакъ къарарына кельдилер.

Еудийлернинъ бу арекетлери узерине Аллах Ресули -салляллаху алейхи ве селлем-, сахабилеринден Абдулах бин Реваханы барыш ичюн Хайберге ёлады. Лякин олар барышны къабул этмеге истеме-дилер. Бу себептен Аллахнынъ Ресули –салляллаху алейхи веселлем-асхабына Хайбер дженкине чыкъыладжагъыны илян этип:

«–Бизлернен тек джихатны истегенлер кельсин!..» деди.

Чюнки дженкнинъ олмасы муакъкъакъ эди. Башкъа тарафтан Медине, Хайбернен Мекке арасында ерлешкен эди. Долайысынен не вакъыт мушриклернен бир дженк япылса, Хайбер мусульманлар ичюн буюк бир зарар ве техлике ача эди.

Пейгъамбернинъ эмири узерине сахабилер, севине-севине се-фер даветини къабул этилер. Лякин Аллах Ресули -салляллаху алейхи ве селлем-, асхабыны джихаткъа чагъыргъанда, Худейбиеге къошул-магъанларны ордугъа къабул этмеди. Чюнки даа эвельки дженклер-



де араларына җанимет макъсадынен кирген мунафыкъларнынъ энъ зор ве кыйын вакъытларда кетирген зарарлары ве япкъан хыянетликлери, иман ордусынынъ баягы ипранмасына ве зайыфлашмасына себеп олгъан эди. Шимди де айны кимселер, зенгин еудийлернинъ козьлерни къамаштыргъан байлыкъларындан бир пай алмак тюшюнджесинен дженкте иштирак этмеге истей эдилер. Бунунъ ичюн Худейбие сеферине къошулмагъа истемегенлернинъ истеклери деништи. Затен Аллахнынъ эмири де бу акъкъында эди:

«(Эй, Ресулим! Оларгъа) де ки: Сиз асыл бизим пешимизе тюшмейджексинъиз!» (эль-Фетих, 15)

Аллах Ресули -салляллаху алейхи ве селлем-, ордусынен берабер арекет эткенинде, эр дженкте олгъаны киби мубарек агъызы бу дуаны текрарлай эди:

«Я, Раббий! Сен коклернинъ ве ерлернинъ, шейтанларнынъ ве янълыш ёлда олгъанларнынъ, рузгярнынъ ве савургъанларнынъ Раббисинъ! Аллахым! Биз сенден бу мекянынъ ве анда яшагъанларнынъ яхшылыгъыны истеймиз! Зарарларындан да санъа ялварырмаз!»

Ресулюллах -салляллаху алейхи ве селлем-, ордусыны Ѓатафан ве Хайбер арасындаки Раджи денильген ерге ерлештирди. Бойледже, араларында анълашкъан эки къабиленинъ бир-бирлерине ярдым этмек ичюн бирлешмелерине мания олды. Албуки, Хайбер еудийлерининъ ярдым истемеси узерине арекетке кечкен Ѓатафанлылар, оглерининъ кесильгенини корип, къоркъу ичинде артларына къайттылар. Бойледже, дженкке ялынъыз озьлери кирмеге меджбур олгъан Хайбер еудийлери де, къалелерине сакъланмагъа меджбур олдылар.

Къамачав бир къач кунъ девам этти. Мусульманларнынъ аш ве сувлары битмек узьре эди. Дженк шартлары баягы зорлашкъан эди. Бу вакъытта Аллах Ресули -салляллаху алейхи ве селлем-, бойле бурды:

«–Ярын байрагъымны ойле бир кимсеге береджем ки, онынъ элдеринен Аллах, Хайбернинъ фетхини башлайджакъ. О кимсе, Аллахны ве Ресулини север; Аллах ве Ресули де оны север!..»

Эртеси кунъ байракъны бермек ичюн Хазрети Алини чагъырт-



ты. Козьлери агьыргъаны ичюн кьолтукъларына кирип кетирдилер. Хазрети Пейгъамбер -салляллаху алейхи ве селлем-, Али -радыяллаху анх-нынъ бу алыны корьгенинен, онынъ агьыргъан козьлерине шифа дуаларыны окъуп, мубарек нефесинен уфледи. Алахнынъ арсланы Хазрети Али Алахнынъ ярдымынен шифаланды. Бундан сонъ Ресулюллах -салляллаху алейхи ве селлем-, онъа зырх кийдирип, байракъны бергенде бойле буюрды:

«–Я, Али! Айды илерле! Башта оларны Ислямгъа давет эт! Эгер бу даветинънен бир киши мусульман олса, бу санъа кызыл девелер берильмесинден даа хайырлыдыр!..» (Теджрид терджимеси, X, 280)

О кунъ еудийлернинъ энъ намлы дженкчилери ольдюрильди. Хайбер фетх этильди. Хайбернинъ секиз калеси бар эди. Булардан эки данеси ич дженк этмейип, кьалелерини теслим эттилер. Бойледже, пейгъамберимизнинъ мудждеси керчеклешти. Бу дженкте еудийлер докъсан учь адам гъайып эттилер, мусульманлардан он беш адам шехит олды.

Хайбер заферинден сонъ еудийлер озь ерлеринде чалышып, тапкъан кярларынынъ ярысыны бермек шартынен ишчи (ярыджы) олып кьалмагъа истедилер. Бунынъ ичюн Алах Ресули -салляллаху алейхи ве селлем-, бутюн еудийлерни сюрюн этмеди. Бу берекетли топракъларда чалышып, къазанчларынынъ ярысыны бермелери шартынен еудийлерни ярыджы оларакъ къабул этти. Ойле ки, бу еудийлер, Хазрети Умер деврине къадар бу вазиятте ерлеринде кьалдылар.

Хайбер фетхининъ битеджеги вакъытта, Хазрети Джафернинъ башчылыгъында, он алты кишилик хиджрет керваны Хабешистандан Мединеге къайткъан эди. Олар Ресулюллахнынъ Хайберге кеткенини эшитип, ёлларына девам этелер ве Алах Ресули -салляллаху алейхи ве селлем-ге къавушалар. Ресулюллах -салляллаху алейхи ве селлем-, Хазрети Джаферге:

«–Яратылыш ве ахлякъ итибарынънен манъа не къадар бенъзейсинъ!» деди

Сонъ Хазрети Джаферни башындан опыти ве:

«–Хайбернинъ фетхинеми, Джафернинъ кельмесинеми севиней-



им, бильмейим!» буюрды.

Джафер -радыяллаху анх-, бу гузель сёзлерден чокъ эеджанланды. Гуняхсыз бир бала киби къуванчындан ойнамагъа башлады ве чокъ тесирленди.

Аллах Ресули -салляллаху алейхи ве селлем-, Джафер -радыяллаху анх-нынъ бу алына мания олмады. Бу къуванч ве севги толу ал, базы тарикъатларда суннет-и такъририе оларакъ къабул этильген, къуванч ве севги вазиетининъ бир ифадесидир. (Мевлевийликтеки зикирде севги алына кельгенден сонъ башлагъан сема арекети де, бу вакъиадан озъ менбасыны алгандыр)

Шаир, Пейгъамбер -салляллаху алейхи ве селлем-ге севгинен толу бу алны не гузель ифаде эте:

Эйлеген ушшакъы шейда даима

Тальатинъдир я, Ресулюллах сенинъ!..

(Я, Ресулюллах! Ашыкъларны (мест этип) ёлларында дели эткен, (эльбетте) сенинъ (Хакънынъ кузгюси олгъан, ве узеринъде нурунынъ парылдагъан мубарек) юзюньнинъ бенъзерсиз гузелигидир...)

Еудийлер мусульманларгъа зарар кетирмек ниетинден эп вазгечмейлер. Кимсеге бильдирмеден гизли бир план азырлап, Хазрети Пейгъамбер -салляллаху алейхи ве селлем-ни ольдюрмеге къарар берелер. Заваллы еудийлер, даа якъында япкан хыянетликлери ичюн озълерини башкъа еудий къабилелери киби сюргюн этмейип багъышлагъан Юдже Пейгъамберге бойле бир шей япмаларынен, бир кере даа озълерининъ не къадар утанмаз, маскъара бир миллет олгъаныны косътердилер.

Бу планларыны амельге кечирмек ичюн еудийлернинъ реислеринден бири олгъан Хариснинъ къызы, Ресулюллах -салляллаху алейхи ве селлем-ни сахабилеринен бирликте зияфетке давет этти. Софрагъа къызартылгъан зеэрли эт къойды. Аллах Ресули -салляллаху алейхи ве селлем-, ильк локъманы мубарек агъызларына алыр- алмаз, оны чыкъарып, сахабилерине:

«–Манъа бу этнинъ зеэрли олгъаны бильдирильди; сакъын ашаманъыз!» деди.

Лякин сахабилерден Бишр бин Бера, Ресулюллах -салляллаху



алейхи ве селлем-нинъ ашамагъа башлагъаны ичюн эттен бир парча агъызына алгъан, Хазрети Пейгъамбернинъ этни зеэрли олгъаныны бильдирмесинден эвель оны юткъан эди. Къалгъанлар ашкъа даа башламагъан эдилер.

Чокъ вакъыт кечмеден буны япкъан къадын тутулып Аллах Ресули -салляллаху алейхи ве селлем-нинъ янына кетирильди. Къадын бир тарафтан къабаатыны бойнуна ала, башкъа тарафтан, шаат олгъаны муджизенинъ тесиринен иман этип пешман олгъаныны айтты. Багъышланмасыны истеди. Алемлерге рахмет оларакъ ёлангъан юдже мерхамет Пейгъамбери бу къатилликни азырлагъан еудий къадыныны багъышлады.

Амма белли бир вакъыт кечкен сонъ, Бишр бин Беранынъ ольмеси себебинен варислери оны айны шекильде джезаландырылмасыны истедилер. Бойледже, Хариснинъ кызына айны зеэр ичиртилип джезасы берильди.

Мута меселеси

Хайбер фетхи вакътында, даа джахилие девринден къалгъан ве мута никяхы деп билинген вакътынджа эвленювлер ясакъланды. Джахилие никяхы олгъан бу мута никяхы, шу хадис-и шерифнен харам къылынган эди:

«Мутаны, талакъ (айрылмакъ), иддет ве мирас харам къылган эди.» (Даракъутни)

Мута – бир къадын иле уджрет къаршылыгъында белли бир вакъыт ичюн никяхланмакътыр. Джахилие девринден къалгъан бир никях шеклидир. Мута никяхы, ильк вакъытларда бельгиленген муддетнинъ толмасынен озъ кучюни гъайып эте эди. Мирас саиби олмакъ, нафакъа (махкеме къарарынен баласына береджек пара), иддет (беклев вакъты) киби нормаль никяхта мейдангъа кельген хакълар мутада ёкътыр. Бунынъ ичюн Хайбер фетхинден башлап чешитли хадислернен харам къылынган эди. Бу акъкъында Хазрети Алиден кельген бир ривает бойледир:

«... Шимди Аллах -джелле джелялюху-, оны къыямет кунюне къа-



дар харам кыылган эди. Кимнинъ янында мута никяхлы бир кьадыны бар исе, артыкъ онъа изин берсин! Оларгъа уджрет оларакъ бергенлеринъизден, ич бир шейни кьайтарып алманъ!»

Хазрети Пейгъамбер -самьяллаху алейхи ве селлем-, Тебук сеферине чыкъкъанда Сениетул-Ведада раатланмакъ ичюн тохтады. О ерде агълагъан кьадынларны корьди ве оларнынъ не ичюн агълагъанларыны сорады.

«–Булар мута япылган кьадынлардыр!» дедилер.

Бунынъ узерине Аллах Ресули -самьяллаху алейхи ве селлем-:

«–Мутаны, Ислямнынъ никях, талакъ, иддет ве мираснен багълы уюмлери харам кыылган эди!» буюрдылар. (Ибн-и Хиббан)

Бу себепнен, мута ёлунен никяхланган кьадын, не бирисининъ кьадыны, не де джариедир. Эхл-и суннет алимлери бир фикирге келип, Мута никяхыны зина деп кьабул эттилер.

Мутанынъ джемиетте чокъ аджыныкълы ве зарар берген нетиджелери шулардыр:

а) Балаларнынъ зиян этильмеси. Бу балалар, бабасыз буюгенлери ичюн, зинадан асыл олган киби, тербиеден узакъ олып буюджеклер. Къыз балаларда бу фаджиа даа да буюктир.

б) Бабанынъ джинсий якъынлыкъта олган кьадыны мута я да нормаль никяхнен бильмеден бабанынъ огълу иле кьоранта кьурмасы мумкюн. Ойле ки, бир бабанынъ, къызынен, къызынынъ къызынен, огълунынъ къызынен, къызкъардашынынъ къызынен, яни озюне никяхнынъ эбедий харам олган кимселернен бильмеден берабер олув итимали бардыр. Бу ал, харамларнынъ энъ буюклеринден биридир. Тарихте бунынъ бир чокъ аджыныкълы мисаллери яшанган эди.

в) Бир къач кере мута япкъан кимсенинъ мирасы пайлашылмаз. Чюнки бу кишининъ мирасчыларынынъ не сайысы, не адлары, не де ерлери белли дегиль.

Мута никяхынынъ кетирген бу харамлар, керчектен чокъ кьоркъунчлы ве зарарлыдыр. Несилине зиян этювден башкъа бир шей дегильдир. Мута япылган кьадыннынъ исе, рухий дюньясында буюк бир етишмемезлик пейда олур. Чюнки кираланмакъ – намуснынъ



сатылмасыдыр. Бу нокъта-и назардан мута бир намус фитнесидир. Ич кимсе, кызынынь я да анасынынь мута никяхынен эвленмесе не разы олурмы? Иште, бу биле мутанынь фаджиясыны аньлатмагъа етерлидир...

Озьлерини Хазрети Алиге багълы дуйгъан бир кысым инсанлар, мута никяхынынь Пейгъамберимиз -салляллаху алейхи ве селлем- тарафындан харам кылынгъаныны Хазрети Али ривает эткен хадисте бильдирильгенине бакъмадан инатланып, бу арекетлеринден вазгечмейип, джахилие адетини девам эттирмектелер.

Башкъа тарафтан Хайбер фетхи вакътында;

Аллах Ресули -салляллаху алейхи ве селлем-, Мединеге эки куньлюк ёл узакълыгъында олгъан Федекке бирисини ёллады. О ерни дженксиз бир шекильде Ислям топракларына къоштылар.

Сонъра Хайберден къайткъанларында, еудийлернинъ ёл боюнда ерлешкен «Вадиль-Къура» адлы меркезлери, дёрт куньлюк бир къамачав нетиджесинде фетих этильди. Олар да Хайберлилер киби топракларында ишчи олып къалмагъа разы олдылар.

Бойледже, Хайбер ве чевресининъ фетхинен мусульманларгъа Мекке фетхининъ ёлу ачылгъан эди.

Айрыджа, Хайбер фетхи вакътында;

Хазрети Пейгъамбер -салляллаху алейхи ве селлем-, къоджасы дженкте вефат эткен ве тул къалгъан Сафие анамызнен эвенди.

Умретуль-Къаза

Бир йыл эвель ихрамгъа кирилип, амма белли бир себептен япылмагъан умре сонъ япылса, онъа «умретуль-къаза» денилир.

Худейбиеде япылгъан аньлашманынь шартына коре, Аллах Ресули -салляллаху алейхи ве селлем-, бир йыл сонъра эки бинъ асхабынен умре ямакъ ичюн ёлгъа чыкътылар.

Аньлашма шартларына коре мушриклер Меккени учъ куньге мусульманларгъа теслим эттилер. Озьлери де дагъларгъа чекилип мекканнен мусульманларны сейир этмеге башладылар.

Еди йыллыкъ узун девирден сонъ Кябени корьген мусульман



гонъюллер, эеджаннен эп бир агъыздан:

لَيْتَكَ اللَّهُمَّ لَيْتَكَ لَيْتَكَ لَا شَرِيكَ لَكَ لَيْتَكَ
إِنَّ الْحَمْدَ وَالنُّعْمَةَ لَكَ وَالْمُلْكَ لَا شَرِيكَ لَكَ

деп тельбие кетирдилер.

О девирнинъ шартларына коре Мединеден Меккеге юзлернен километр ёл кечкен, ве Кябенинъ зияретине кельген мусульманлар, болдурган олмаларына рагъмен Аллах Ресули -салляллаху алейхи ве селлем-нинъ тевсиесинен, умрелерини эйбетли бир шекильде ерине кетирдилер. Хазрети Пейгъамбер -салляллаху алейхи ве селлем-, бой-ле япмаларыны эмир этти ве шойле деди:

«Бугунъ озюни Къурейшлилерге кучлю, къуветли косътерген кимсеге, Аллах рахмет этсин!..»

Чюнки мушриклер, тепелерден мусульманларны козете эдилер. Шаёт, мушриклер оларда насылдыр бир ёргъунлыкъ ве жансызлыкъ изини коръселер, чешит лафлар айтып масхара этеджек эдилер. Лякин олар мусульманларда олган атикликни ве джошкъунлыкъны корьгенлеринен, айретлендилер ве къоркъугъа тюштилер. Айрыджа о кунь, Биляль-и Хабешининъ Кябенинъ дамына чыккып окъугъан эзан-ы Мухаммедининъ якъыдгы гузель нагъмелери мумин юреклерни джоштурган, мушриклерни шашкынлыкъ ичинде къалдырган эди.

Учь куньден сонъ Медине-и Муневвереге къайткъанларында эр-кеснинъ юзюнде айры бир тебессюм бар эди. Биринджи Кябе зиярети эда этилген, Аллах Ресули -салляллаху алейхи ве селлем-нинъ бир йыл эвель корип мудждесини берген тюшю керчеклешкен эди.

Бу акъикъатны Аллах Таала, керчеклешкен Хайбер фетхине ишаретлернен бирликте, якъында насип этеджек Мекке фетхини де муджде къастынен Къуран-ы Керимде шойле бильдиргендир:

«Ант олсун ки, Аллах эльчисининъ руясыны догъру чыкъарды. Аллах тилесе, сиз ишанч ичинде башларыңызны тыраш эткен ве сачларыңызны къыскъарткъан алда, къоркъмадан Месджид-и



Харамгъа киреджексинъиз. Аллах сизинъ бильмегенинъизни билир. Иште, бундан эвель сизге якъын бир фетих берильди.»

«Бутюн динлерден устюн къылмакъ узьре, Пейгъамберини хидает ве хакъ дин иле ёлагъан Одыр. Шаат оларакъ Аллах етер!» (Фетих, 27-28)

Аллах Ресули -салляллаху алейхи ве селлем-нинъ асхабынен япкъан къаза умреси, Меккелилерге буюк бир тесир япты. Арадан чокъ вакъыт кечмейип Къурейшнинъ буюклеринден, келеджекте Шам фатихи Халид бин Велид, Осман бин Тальха, келеджекте Мысыр фатихи Амр бин Ас киби шахыслар иман эткенлер кervанына къошулдылар.



ХИДЖРИЙ 8 СЕНЕ

Бир авуч сахаби язган дестан - МУТЕ ДЖЕНКИ

Аллах Ресули -салляллаху алейхи ве селлем-нинъ Ислямгъа да-
вет ичюн бирер мектюпнен укюмдарларгъа ве велилерге ёллаган
эльчилери, барган ерлеринде кыраллар тарафындан акъаретлеген
олсалар да, «эльчиге зевал олмаз» къайдесине коре, сагъ-селямет
бир шекильде Мединеге къайта эдилер. Лякин булардан Бусра эми-
ри Шурахбильге кеткен Харис бин Умейрнинъ алы фаркълы олды.
Насипсиз, залым Шурахбиль, о мубарек сахабини, эльчилик къаиде-
лерине риает этмейип, къаныны тёкип, шехит этти.

Аллах Ресули -салляллаху алейхи ве селлем-, Хазрети Хариснинъ
бу шекильде шехит олганына пек кедерленди. Ачыкътан-ачыкъкъа
Ислямгъа къаршы бир теджавюз укюминдеки бу арекет, мусульман-
ларгъа нисбетен сайгъысызлыкънынъ бир бельгиси эди. Аман учъ
бинъ кишилик бир орду азырлады. Акси такъдирде Медине Ислям
Девлетининъ шерефи аякъ асты этильди деген фикир догъмасы мум-
кюн эди.

Хазрети Пейгъамбер -салляллаху алейхи ве селлем-, джахилие
девриндеки сыныф фаркълылыгъыны ёкъ эткен Ислямнынъ бутюн
дюнья ирадесине таянып, сербест этильген къулу Зейд -радыяллаху
анх-ны азырланган ордунынъ башына къомитан тайин этти. Сонъра
шу корьгезмелерни берди:

«Эгер дженкте Зейд шехит олса, къомитанлыкъны Джафер ал-
сын! Джафер де шехит олса, Абдуллах бин Реваха ордугъа къомитан
олсун! О да шехит олса, артыкъ мусульманлар араларындан бирини




къомитан этип сечсинлер!...»

Бу сёзлерни дуйган бир еудий, корьгезмени бир олюм ияны деп анылады. Сонъра да Хазрети Зейднинъ янына кельди ве онъа:

«–Васиетинъни яп! Эгер Мухаммед пейгамбер исе, сен онынъ янына къайтып оламайджакъсынъ! Чюнки Бени Исраиль пейгамберлерининъ де, адларыны бергенлери кишилер дженкте олелер, сагъ-селямет къайтмаз эдилер...» деп бу сечильген инсаннынъ юрегине къоркъу тюшюрмек истеди. Хазрети Зейд бу лафларгъа эмиет бермеди, аксине къуванды.

Еудий бильмей эди ки, Хазрети Пейгамбер -салляллаху алейхи ве селлем-нинъ бутюн сахабилери киби Хазрети Зейд -радыяллаху анх- да, шехит олмакъ арзусы ве истегинен янып-туташа эди.



Хазрети Пейгамбер -салляллаху алейхи ве селлем-, ордуны Мединенинъ тышында олган «Сениетулъ-Веда»гъа къадар озгъарып дуаларнен, душман узерине ёлады.

Ислам ордусынынъ арекетинден хабердар олган залым Шурахиль де, Византиялыларнынъ ярдымынен бирликте юз бинъ кишилиик бир орду азырлады. (Бир башкъа риваетке коре эки юз

бинь).

Душманнынъ бу къадар буюк ордусы олгъаны акъкъындаки хабарни Ислям ордусы тек Шам топракъларына киргенлери вакъыт огренди. Бойле бир алны беклемегенлери ичюн озъара фикир таныштылар. Бир къысмы вазиетни Хазрети Пейгъамбер -салляллаху алейхи ве селлем-ге бильдирип, ондан келеджек эмирге коре арекет этмек тарафдарлары эди. Чюнки душманнынъ кучю мисли ёкъ деджеде чокъ эди. Тарихта бунъа бенъзеген фаркъ корюнмеген эди. Бу себепнен Аллах Ресулине бу акъкъында хабер этмек истедилер. Амма Абдуллах бин Реваха:

«–Шимди къоркъкъянымыз шей, къолумызгъа кечирмек ичюн ёлгъа чыкъкъянымыз шей дегильми? Биз, душманнен сайы чокълугъына ве кучъ устюнлигине бакъып дженклешеджекмизми? Ёкъ! Биз Аллахнынъ бизге ихсан эткен бу диннинъ кучюнен дженклешеджекмиз. Нени беклеп турамыз; бизни беклеген эки гузель нетиджедир: я шехитлик, я да сагъ-селяметликнен бирликте гъалебе!»

Бунынъ ичюн дженкке къарар берильди. Бир авуч Ислям ордусы, Хазрети Зейднинъ къомитанлыгъында козюни къыпмайып, душманнынъ сыраларына уджюм этти. Тевхидге гонъюль бергенлер, шимди де Аллах ёлунда жанларыны берген кимселер шехитлик макъамыны къазана эдилер.

Дженк къызгъын тюс алгъан бир вакъытта Аллах Ресулининъ козь бебеге ве Меккели ильк мусульман олгъан секиз кишиден бири къомитан Зейд -радыяллаху анх-, душман мызракъларынынъ яралары нетиджесинде шехит олды.

Хазрети Пейгъамбер -салляллаху алейхи ве селлем-нинъ эмир эткени киби, санджакъны аман Джафер -радыяллаху анх- алды. О да душманнен къараманджа дженклешти. Къылыч дарбелеринен, эки къолу да кесильди. Ресулюллахнынъ санджагъыны ерге тюшюрмек ичюн кесильген къолларынен оны коксюне сармагъа чалышты. Бир вакъыттан сонъ о да шехит олды. Хазрети Джафернинъ къальби Аллах ве Ресулининъ севгисинен толу эди. Керчектен бу ёлда жаныны феда этип Аллахнынъ ризасына къавушты.

Невбет Абдуллах бин Ревахагъа кельген эди. О да айны истекнен



санджакъны алып, душман сыраларыны далгъаландырды. Янында олгъанларгъа шойле васиет этти:

«–Шаат олунъыз ки, Мединедеки бутюн зенгинлигимни бейтуль-малгъа быракъам!»

Сонъра шехит олгъангъа къадар къараманджа дженклешти.

Абдуллах бин Реваханынъ да шехит олмасы узерине даа янъы мусульман олгъан ве биринджи Ислям дженкине къошулгъан Хазрети Халид бин Велид, санджакъны алып дженкни девам эттирди. О, бир авуч сахабинен, чекертки сюрюси киби чокъ олгъан душмангъа къаршы буюк метанетнен дженклешти.

Бу вакъытта Аллах Ресули -салляллаху алейхи ве селлем-, мес-джиднинъ минберинден вакъианынъ бутюн къысым ве алларыны кет-кете асхаб-ы кирамгъа бильдире эди. Дженк мейданы козьлери-нинъ огюнде эди. О ерде арты-артына керчеклешкен шехадетлерни, кедерли ве гъамлы бир шекильде шойле тарифлей эди:

«Зейд санджакъны къолуна алды... Шимди Зейд урулды, шехит олды. Сонъ Джафер алды... О да шехит олды. Сонъ санджакъны Ибн-и Реваха алды... О да шехит олды...»

Буларны анълаткъан Аллах Ресули -салляллаху алейхи ве селлем-нинъ гонълюндеки кедери артты, артты ве мубарек козьлеринден ин-джи данелери киби яшлар тѳкюлмеге башлады. Артындан:

«Шимди санджакъны Аллахнынъ къылычларындан бир къылыч къолуна алды...» деп яшлы козьлернен къолларыны ачып Аллахкъа:

«Аллахым! Халид Сенинъ къылычларынъдан бир къылычтыр. Сен онъа гъалебе бер!» деп дуа этти.

Хазрети Халид бин Велид, акъшам олып, ордулар сыраларына чекильгенлерине къадар дженклешти. Гедже де дженк тертибини ве азырлыкъларыны тамамынен денъиштирди. Сагъ тарафта олгъанлар-ны солгъа, сол тарафта олгъанларны сагъ тарафкъа, артта тургъан-ларны огге, огдекилерни арткъа алды. Эртеси кунъ душман къулла-нылгъан бу дженк усулы къаршысында шашырды. Мусульманларны къуветлендирмек ичюн янъы кучъ кельди беллеп, бир къарарсызлыкъ кечирди. Аллахнынъ къылычы Хазрети Халид де, бу шашкъынлыкъ ве къарарсызлыкъны еринде ве яхшы бир шекильде къулланып, бу-



тюн олгъан кучълеринен шиддетли бир уджюм этти. Бойле апансыздан япылгъан уджюмни беклемеген душман, узерине акъкъан иман селине даянып оламады. Дагъылмагъа башлады. Сонъунда кери чекильмеге меджбур олды. О кунь къолунда, тамам докъуз къылыч парчалангъан Хазрети Халид, бу фырсатны да къулланып озю де душмангъа дуюрмайып ордусыны арткъа къайтарды. Къулланылгъан бу усул онынъ теджрибелли къомитан олгъаныны даа бир кере исбатлады. Бойледже, эки орду да гъалебесиз дженкни ташлап артларына чекильген эдилер. Хазрети Халид, ордусыны Мединеге кетирди. Шехит олгъанларнынъ сайысы исе он беш адам эди.

Аллах Ресули -салляллаху алейхи ве селлем-, Хазрети Халиднинъ бу гъалебесини такъдир этти. Оларны, меселени темелинен бильмейип «къачтылар» деп айткъанларгъа да:

«Олар Аллах ёлунда дженктен къачкъанлар дегиль. Текрар уджюм этип дженклешеджеклердир!» деп джевап берди.

Чюнки бу дженкте, сайы джеэтинден пек аз бир орду, буюк бир ордуны къоркъуткъан эди. Аллахнынъ бильдирген шу юдже акъикъат яшангъан эди:

«Нидже аз сайыда бир орду, Аллахнынъ изнинен нидже чокъ сайыдаки ордуны енъгендир. (Эльбетте ки) Аллах, сабыр эткенлернен берабердир.» (Бакъара, 249)

Муте дженки, мусульманларнынъ эхл-и китаптан олгъан христианларнен япылгъан биринджи дженки эди. Учъ бинъ кишилик бир иман нуру, юз я да эки юз бинъ кишилик бир батыл кучъни енъип зафер къазанды.



МЕККЕНИНЪ ФЕТХИ (ХИДЖРИЙ 8 СЕНЕ)

Хакъ кельди, батыл йыкъылды

Мединели мусульманларнен Меккели къурейшлилер арасын-да япылган Худейбие аңлашмасына коре барыш муддети он йыл эди.

Лякин мушриклер, эркечкен кунь Исламнынъ бутюн Арабистангъа яйылмасындан раатсыз ола эдилер. Бунунъ ичюндир ки, яваш-яваш барыш аңлашмаларыны бозмагъа башладылар. Вакъыт кечмеси-нен, барыш мадделерине къаршы сайгъысызлыкъларыны арттыр-дылар. Ойле ки, озьлерине багълы олган Бени Бекир къабилесини къыздырып, Хузаалыларгъа къаршы къойдылар. Озьлеринден базы-лары да бу ахлякъсыз ве алчакъ джинаетке къошулдылар.

Аллах Ресули -салляллаху алейхи ве селлем-ге багълы олган Хузаа къабилесининъ векиллери мусульман эдилер. Оларнынъ узе-рине уджюм этильгенде намаз анында эдилер. Апансыздан япылган уджюм вакътында кими седждеде, кими рукуда, кими къыямда экен шехит этильдилер.

Бу вакъиа акъкъында аман Аллах Ресули -салляллаху алейхи ве селлем-ге хабер бердилер.

Хазрети Пейгъамбер -салляллаху алейхи ве селлем- хаберни биринджи кетирген Амр бин Салимни динълегенде, мубарек козьле-ри яшланды. Инджи данелери киби козьашлары гуль янакъларыны ыслатты. Сонъ дередже кедерленген эди. Теселли ниетинен гъонъюл яралы Амргъа:

«–Сен ярдым олундынъ эй, Амр!» деди.



Аман мубарек сахабилеринен олган вакъиа акъкъында лаф этип, фикир танышты. Алган каъарарлары – Меккенинъ фетх этиль-меси олды. Бу къарарны гизли тутмагъа къарар бердилер. Вакъиа Амр бин Салимге ве ондан сонъ кельген башкъа Хузаа къабилесининъ эйэтинге де бу шекильде бильдирильди. Аллах Ресули -салляллаху алейхи ве селлем-, оларгъа Мединеге кельгенлерини биле гизли тутмаларыны сёйледиди. Бойлеликнен, Мекке фетхи ичюн алынган къарар акъкъында душманнынъ хабердар олмасынынъ огю алынган эди. Чюнки Аллах Ресули -салляллаху алейхи ве селлем-, Меккенинъ кван текюльмеден фетх этильмесини истей эди.

Аллах Ресули -салляллаху алейхи ве селлем-, эр шейге рагъмен мушриклернен араларында япылган анылашманы эсапкъа алып, Хузаалыларгъа япылган уджюм себебинен Меккелилерге башта серт бир беянат ёмлады. Чюнки олар Худейбие анылашмасыны чокъ агъыр бир шекильде бозган эдилер. Бунъа коре, я ольдюрильген Хузаалыларнынъ диетлерини берювлери, я Бени Бекир къабилесини кюрчалавдан вазгечмелери, я да бу эки теклифни де къабул этмеген-лери такъдирде Худейбие анылашмасы лягъу этильмеси керек эди.

Козьлери душманлыкъ ве квангъа толу олган мушриклер, Аллах Ресули -салляллаху алейхи ве селлем-нинъ серт тарзда бильдирген бу учъ теклифтен, сонъки маддени, яни анылашманы ресмий лягъу этювни къабул этилер. О исе мусульманларны Мекке фетхине давет демек эди.

Сонъундан мушриклернинъ акъыллары башларына кельген олса да, иш иштен кечкен, анылашма эки тарафлы оларакъ къапатылган ве бозулган эди. Вазиятни тюзельтмек ичюн Къурейшнинъ реиси Эбу Суфьян, чаресиз ве бинъ пешман эткен алда Медине ёмларына тюшти.

Онынъ барышны яныламакъ макъсадынен Меккеден чыкъкъаныны Аллах Ресули -салляллаху алейхи ве селлем-, иляхий вахий иле о вакъытта сахабилерине бильдирди.

Затен олып кечкен уджюм джинаетинен матем ве кедер рузгярларынынъ сертлешюви нетиджесинде, Хазрети Пейгъамбер -салляллаху алейхи ве селлем-нинъ эмиринен ич кимсе Эбу Суфьянгъа



юз бермеди. Ойле ки, Хазрети Пейгъамбер -салляллаху алейхи ве селлем-нинъ къадынларындан Умму Хабибе, Эбу Суфьяннынъ къызы олгъаны алда, эвине къадар кельген бабасынынъ отурмакъ истегени миндерни биле астындан чекип алды. Эбу Суфьян шашырды.

«–Къызым, миндерни манъамы, мени миндергеми ляйыкъ корь-мединъ?»- деп тааджибли бир алда къызындан сорады.

Хазрети Пейгъамбер -салляллаху алейхи ве селлем-ге олгъан севгиси девамлы олгъан Умму Хабибе, шойле джевап берди:

«–Бу миндер, Ресулюллах -салляллаху алейхи ве селлем-ге аит-тир. Бунынъ ичюн сен неджис (темиз олмагъан) бир мушрик оларакъ онъа отурмагъа асла ляйыкъ дегильсинъ!...»

Эбу Суфьян бу джевап къаршысында буз кесильди:

«–Къызым, сен бизден айрылгъандан сонъ бир тюрюю олгъан-сынъ!...» - деди.

Лякин Умму Хабибе:

«–Ёкъ, Аллах мени Ислямнен шерефлендирди...» - деп, бабасына иманнынъ эр шейден юдже олгъан къыйметини хатырлатты.

Эбу Суфьян башта Ресулюллах -салляллаху алейхи ве селлем- олмакъ узьре бутюн асхабнынъ япкъан арекети нетиджесинде Меккеге къайтмагъа меджбур олды. Меккеге кельген сонъ:

«–Мен укумдарларына бу дереджеде багълы бир къавимни раст кетирмеген эдим» деп, таджипленген эди.

Бу арада Хазрети Пейгъамбер -салляллаху алейхи ве селлем-, се-фер азырлыгъы ичюн эмир берди. Якъындаки къабилелер Мединеде топландылар, узакътакилер исе ёлда ордугъа къошулдылар. Гъает гиз-ли бир шекильде арекет этильди. Душманнынъ, Мединедеки бу ар-екетли фааалиеттен шубеленмемеси ичюн де Шам тарафларына бир къысым аскер ёлланды. Хазрети Пейгъамбер -салляллаху алейхи ве селлем-, эр тарафны къатты незарет астына алгъан эди. Аллахнынъ ярдымынен буюк фетхни къан тѣкмеден къазанмакъ макъсат этиль-ген эди.

Бутюн сахабилер де бу гизлиликке риает эткен эдилер. Бедир гъа-зилеринден Хатыб бин Эбу Бельтеа, Меккеге вакъианы бильдирген бир мектюп язгъан ве бир къадыннен де ёллагъан эди. Бу акъкъын-



да Алах Ресули -салляллаху алейхи ве селлем- вахий ёлунен хабер-дар этильген ве къадыннынъ къаерде олганы бильдирильген эди. Хазрети Алинен Зюбейр бин Микдадагъа къадынны якъалап кетир-мек вазифеси берильди. Къадын, Ресулюллах -салляллаху алейхи ве селлем- ишарет эткен ерде якъаланды. Янындаки мектюп алынып, Ресулюллахкъа кетирильди. Мектюпте шойле язылы эди:

«Эй, Къурейш! Аллахнынъ Ресули сизинъ узеринъизге ойле буюк бир кучьнен келе ки, гедже къаранлыгъы киби къоркъунчлы олгъан бу орду сель киби акъаджакътыр. Алахкъа емин этерим ки, Ресулюллах узеринъизге тек башына кельсе биле Алах, оны гъалип къыладжакъ, берген вадесини ерине кетиреджектир. Шимдиден чаренъизни бакъынъыз!»

Аслында бу ифаделер, керчекке айкъыры ве хыянетликнен толу дегиль эди. Амма гизли къалмасы керек олгъан бир акъикъат душмангъа бильдириле эди. Бунынъ ичюн Хазрети Пейгъамбер -салляллаху алейхи ве селлем-, бу ишни япкъан Хатыбны аман янына чагъыртты ве шойле деди:

«—Эй, Хатыб! Буны не ичюн яптынъ?»

Бедир гъазилеринден олгъан Хатыб, буюк бир пешманлыкъ ичинде:

«—Я, Ресулюллах! Янынъызда олгъан мухаджирлернинъ Меккеде къоранта ве малларыны къорчалайджакъ кимселери бар. Меним исе кимсем ёкъ. Мен де бу мектюпнен оларнынъ арасында тешекюр къазанып къорантамны, бала-чагъамны къорчаламакъ истедим. Ёкъса валлахи, мен оларнынъ джасусы дегилим. Мен бу ишни динимден дёнмек макъсадыннен япмадым. Мусульман олгъанымдан сонъ мен, асла куфюрге разы олмам. Валлахи, меним Алах ве Ресулине олгъан иманым сонъсуздыр. Асла динимни денъиштирмедим...» деди.

Бунинъ узерине рахметнинъ михрабы олгъан Хазрети Пейгъамбер -салляллаху алейхи ве селлем-:

«—Хатыб кендини догъру къорчлады», - деди ве оны багъышлады.

Хатыбнынъ бойнуны урмакъ истеген Хазрети Умерге де, Аллахнынъ Бедир дженкинде иштирак эткенлернинъ япкъан хатала-



рыны баггышлайджагыны хатырлатты.

Бунынънен бирликте Аллах Ресули -салляллаху алейхи ве селлем- тарафындан о арада назиль олгъан ает-и керимелер нетиджесинде Аллах душманларынен достлукъ япмамакъ мевзусында да башта Хатыб олмакъ узьре асхаб-ы кирамгъа эмир берильди:

«Эй, иман эткенлер! Эгер меним ёлумда дженклешмек ве разылыгъымны къазанмакъ ичюн чыкъкъан олсанъыз, меним де душманым, сизинъ де душманынъыз олгъанларгъа севги косътерип, оларны дост тутманъ! Албуки, олар, сизге кельген акъикъатны инкяр эткенлердир. (Олар), Раббинъиз Аллахкъа инангъанынъыздан долайы Пейгъамберни де, сизни де юртунъыздан чыкъардылар. Мен, сизинъ гизли туткъанынъызны да, ачыкъкъа чыкъаргъанынъызны да энъ яхшы билиджим. Сизден ким буны япар исе, (оларны дост тутса), догъру ёлдан чыкъар.»

«(Билинъиз ки), эгер олар, сизни эльге кечирселер, сизге душман кесиледжеклер, сизге эллерини ве тиллерини яманлыкънен узатджакълар. Затен (олар, ич шубесиз сизинъ имандан вазгечип де) инкяр этменъизни истемектелер.»

«(Кене билинъиз ки), къыямет куню якъынларынъыз ве балаларынъыз сизге файда бермезлер. Чюнки Аллах, аранъызны айырыр. Аллах якъанларынъызны корюджидир.» (Мумтехине, 1-3)

Бу ает-и керимелернен, мусульманларгъа бала-чагъа, мал-мульк деп къафирлернен достлукъ къурмалары ясакълангъан эди. Албуки, Хазрети Нух -алейхисселям- да, иман этмейип сувда богъулгъан огълу Кенан акъкъында Дженаб-ы Аллахкъа сыгъынып:

«–Я, Раббий! О меним аилемдендир!...» деген эди.

Аллах тарафындан:

«–Эй, Нух! О сенинъ аилень дегильдир!» эмри кельген эди. Сонъра исе:

«–Акъкъында бильгинъ олмагъан бир шейни менден истеме! Мен санъа джахиллерден олмаманы васиет этем.» (Худ, 46) ифадесинен, бир даа бойле бир хата япмамасы эмир этильгендир.

Башкъа тарафтан Лют -алейхисселям-нынъ къадыны да, Аллахнынъ эмирине къаршы кельгенлернен къарышып корюшке-



ни ичюн фасыкылашкыан ве Аллахнынъ азабыны къазангъандыр. Долайысынен, Кенаннынъ ве онынъ бир пейгамбернен олгъан акъ-рабалыкъ багъы, ич бир къыймет ифаде этмегендир.

Хиджретнинъ секизинджи сенеси Рамазан айынынъ онунджи куню Аллах Ресули -салляллаху алейхи ве селлем-, он бинъ кишилик буюк бир иман ордусынен Мединеден айрылды. Джихаткъа кетилгенинден себеп, ёлда ифтар этильди. Сахабилерине де бойле этмелерини эмир этти.

Зуль-Хулейфе денильген ерге кельгенлеринде Хазрети Аббаснен къаршылашты. Даа эвель мусульман олгъан Аббас -радыяллаху анх-, буны гизли тутып Меккеде къалгъан, о ерден Къурейшнинъ вазиетини эр заман Аллах Ресули -салляллаху алейхи ве селлем-ге бильдире эди. Ниает, вакъты кельгенини тюшюнип, о да хиджрет этмек ичюн ёлга чыкъты.

Бунъа пек къувангъан Аллах Ресули -салляллаху алейхи ве селлем-:

«–Мен пейгамберлернинъ сонъу олгъаным киби, сен де мухаджирлернинъ сонъу олдынъ!..» буюрды.

О вакъытта меккелилер, олып-кечкенлерден хаберсиз эдилер. Ислям ордусына Мерруз-Захран мейданына келип къонакъламагъа эмир берильди. Ресулюллах -салляллаху алейхи ве селлем-нинъ эмиринен эр аскер къысымлары айры-айры атеш якътылар. Бу шанлы манзараны корьген душман къоркъугъа тюшти.

Эбу Суфьян, аман Хаким бин Будейльни янына чагъыртып этрафны козьден кечирмек ичюн Меккеден чыкъты. Лякин олар тез арада Ислям аскерлери тарафындан къолгъа алынып, Хазрети Пейгамбер -салляллаху алейхи ве селлем- Эфендимизге кетирильди.

Хазрети Умер, Эбу Суфьяннынъ ольдюрилмеси ичюн Пейгамбер -салляллаху алейхи ве селлем-ден изин истеди, амма эмджеси Аббас -радыяллаху анх- онынъ багъышланмасыны истей эди. Буюк теджрибе саиби олгъан Аллах Ресули -салляллаху алейхи ве селлем-, эмджесине хитап этип:

«–Эбу Суфьянны ал; ордунынъ этрафындан кечир! Ислям ордусынынъ шаныны ве буюклигини сейир эттир!...» буюрды.



Бу, Къурейшнинъ реиси олгъан Эбу Суфьяннынъ, мушриклернинъ мусульманларгъа къаршы боштан бошкъа арекет этмелерини токътатмасы ичюн япылгъан бир усул эди. Бойледже, мушриклернинъ къаршы чыкъмамалары да, къан тѣкюльмейджегини ифаде эте эди.

Хазрети Аббас, Эбу Суфьянны алып Аллах Ресули -салляллаху алейхи ве селлем-нинъ ишарет эткен ерлерине алып барды. О арада Ислям ордусы къысымларгъа болюнген алда арекет этмеге башладылар. Эр керваннынъ иманлы юреклеринден ташкъан селери аршкъа къадар юкселе эди. Эбу Суфьяннынъ бу манзара къаршысында козьлери къамашты. Аллах Ресули -салляллаху алейхи ве селлем-нинъ керваны кечкенде де къоркъусыны ве шашкъынлыгъыны сакълап оламады ве:

«–Эй, Аббас! Къардашынынъ огълу, падишалыгъыны не къадар къуветлендирген!...» деди.

Аббас -радыяллаху анх- оны догърултп:

«–Ёкъ, бу падишалыкъ дегиль, пейгъамберликтир...» деди.

Эбу Суфьяннынъ: «Эбет, Эбет» демектен башкъа чареси къалмагъан эди. Сонъ о ерден айрылып Хазрети Пейгъамбер -салляллаху алейхи ве селлем-нинъ янына кельдилер. Алемлернинъ Эфендис:

«–Эй, Эбу Суфьян! Аля да айтаджакъ вакътынъ кельмедими?»- деп сорады.

Эбу Суфьян, бир аз тюшюнгенден сонъ келиме-и тевхид кетирди. Лякин Хазрети Пейгъамбер -салляллаху алейхи ве селлем-нинъ пейгъамбер олгъаныны тасдикъ эткен джумлени сѣйлемеген эди.

Хазрети Пейгъамбер -салляллаху алейхи ве селлем-, текрар сорады:

«–Меним Аллахнынъ Ресули олгъанымны айтаджакъ вакътынъ кельмедими?»

Аллахнынъ Къуран-ы Керимдеки:

«(Эй, Ресулим!) Де ки: Аллахкъа ве Ресульге итаат этинъиз! Эгер юзь чевирселер, муакъкъакъ ки, Аллах къяфирлерни севмез!...» (Ал-Имран, 32) беянындан да, ялынъыз Аллахкъа иман ве итаатнинъ етерли олмагъаны ачыкъ анылашылмакътадыр.

Долайысынен, тек Аллахкъа я да тек Ресульге иман ве итаат эт-



кен кимселер, аетке коре Аллахнынъ севмегени кяфирлер оларакъ васыфландырылмактадыр. Бойле кимселернинъ топан инкяр эткенлерлерден ич бир фаркы ёктыр. Чюнки, муим олганы, къулынъ аджиз ве эксик анълайышына коре дегиль, иляхий ираденинъ арзу ве эмири ёлунда иман этмектир.

О алда Аллах Таала, Ресулине диннинъ бир шарты сайылгъан бу пайны берген ве муминлерге де иманнынъ шарты оларакъ онъа шехадет ве итаатны эмир этмекнен, бугунъ бир чокъ дикъкъатсиз кимселернинъ, Ресульге итааты, иляхий беянгъа рагъмен къалдырмакъ демек олгъан суннет-и сенийелерни къабул этмемелери ве сыкъ ве тар анълайышларынен тек «Къуран бизге етер!» демелери, шерефли Къурангъа багъылыкъ ифаде эткен шу сёзлерине биле не къадар терс ве джахиль ве я да хыянеткъаране бир арекеттир.

Эбу Суфьян, бу суальге бираз вакъыт истеген олса да, Хазрети Аббаснынъ тенбиесинен келиме-и шехадетнинъ бутюнине гузель сеснен беян этти. Бунынъ узерине Аллах Ресули -салляллаху алейхи ве селлем-, онынъ гонъюни алмакъ ичюн Мекке халкъынынъ къоркъмадан эмин оладжакълары ерлерни сайгъанда юрегини Ислямгъа даа да якъынаштырмакъ ичюн Эбу Суфьяннынъ звини де къошып шойле буюрды:

«–Ким ки, Месджид-и Харамгъа кирсе, эминдир. Ким ки, эвинден тышары чыкъмаса эминдир. Ким ки, Эбу Суфьяннынъ звине сыгъынса, о да эминдир!»

Сербест этильген Эбу Суфьян Меккеге къайткъанында Аллах Ресули -салляллаху алейхи ве селлем- де, сахабилерине сонъки сёзюни сёйледі :

«Сизге къаршы апансыздан уджюм якъанлардан гъайры, ич кимсеге къылыч чекменъиз!»

Бундан сонъ Аллах Ресули -салляллаху алейхи ве селлем-, дёрт къолгъа айыргъан Ислям ордусына арекет эмирини берди. Бойледже, Мекке дёрт тарафтан якълашкъан ордунынъ текбир сеслерине толды.

Секиз йыл эвель эки деве ве дёрт кишинен берабер Меккеден кедерли бир шекильде айрылгъан Хазрети Пейгъамбер -салляллаху



алейхи ве селлем-, бугунь Аллахнынъ лютуф ве гузеллигинен он бинь кишилик буюк ве тантаналы бир кучьнен мубарек шеэрге кирмекте эди. О кунь юртундан чыкъарылган, залымлыкъ корьген бир шахыс, бугунь юртуны элине кечирген къараман ве гялебе къазанган бир фатих эди. Лякин о, бунынънен асыл кибирге къапылмайып, девесининъ бойну узеринде седжде эткен киби бир шекильде, яни шукюр алында Меккеге кире эди. Асхаб-ы кирамнынъ вазияти де айны эди.

Ислям ордусы ич бир къаршылыкъ косьтергенлернен къаршылашмады. Бу мевзуда Эбу Суфьян-гя нисбетен къулланылган усул берекетинен онынъ, Меккелилернинъ мусульманлар-гя къаршы чыкъмамалары ичюн гъайрет этмеси нетидже берген, кимсе буюк ве кучлю Ислям ордусына къаршы чыкъма-гя джесарет этип оламаган эди. Ялынъыз Халид бин Велиднинъ Меккеге киргени ерде уфакъ бир дженк олган, о да тез гялебенен екюнленген эди.

Аллах Ресули -салляллаху алейхи ве селлем- Фетих суресини окъуп, асхаб-ы кирамнен берабер Кябе-и Муаззама-гя ёнельди. Девесинден тюшмейип еди кере таваф япкъан сонъ Хазрети Пейгамбер -салляллаху алейхи ве селлем-:

«Хакъ кельди, батыл ёкъ олды!..» (Исра, 81) ает-и керимесини окъуп, къолундаки таягынен Кябедеки путларны девирмеге башлады.


Ялынъыз юксекке ерлештирилген бир путкъа етишип оламагъанындан, янында олган Хазрети Алиге:

«—Я, Али! Омузыма бас да, шу путны йыкъ!» буюрды.

Лякин Хазрети Али чекинип:

«—Я, Ресулюллах! Буюрынъыз, сиз меним омузыма басынъыз!» деди.





Озюне, ич бир Пейгъамберге берильмеген буюк кучъ ве къу-

дрет берильген Аллах Ресули -салляллаху алейхи ве селлем-, Хазрети Алининъ омузына басты. Секиз киши еринден котерип оламагъан, Хайбер къалесининъ къапысыны чекип къопаргъан ве къалкъан киби къулангъан Хазрети Алининъ къоллары ве омузлары, бу иляхий агъырлыкъкъа даянамайып букюлди. Бунунъ узерине Хазрети Пейгъамбер -салляллаху алейхи ве селлем-:

«–Я, Али! Аллах ёлунда бир пейгъамбер омузына чыкъмакътан чекинме!» буюрды.

Бу эмирни, чаресизликтен ерине кетирген Хазрети Али:

«О мубарек омузгъа чыкъкъаным вакъыт ойле юксельдим ки, башым коклерге токъунгъандыр деп тюшюндим!»-деген эди.

Багъышлама байрамы

Бу арада къурейшлилер Месджид-и Харамгъа толгъан, озьлерине бериледжек укюмни беклей эдилер. Аллах Ресули -салляллаху алейхи ве селлем-, тек о ерде олгъанларгъа дегиль, бутюн инсанларны ичине алгъан бутюн дюнья ичюн шу хутбесини сёйледи:

«Аллахтан башкъа илях ёкътыр. Ялынъыз О бардыр. Онынъ ич бир векили ве ортагъы ёкътыр. Аллах вадесини ерине кетирген, къулуна ярдым эткен ве бутюн душманларымызны дагъыткъандыр.

Кябе хызмети ве хаджыларгъа сув дагъытув ишинден гъайры бутюн эски адет ве анълайышлар, мал ве къан давалары, бугунъ шу эки аягъымнынъ астындадыр.

Эй, къурейшлилер!

Аллах, сизден джахилиет кибирини, бабаларнен, союнъызнен кибирленювинъизни ёкъ этти. Бутюн инсанлар Адемден, Адем де топракътан яратылгъандыр. (Бу сёзлерден сонъ шу ает-и керимени окъуды:)

«Эй, инсанлар! Догърусу биз сизни бир эркек, бир къадындан яраттыкъ. Ве бир-биринъизнен танышувынъыз ичюн, сизни къавимлерге ве къабилелерге айырдыкъ. Аллах янында энъ дегерлинъиз, Ондан энъ чокъ къоркъкъанынъыздыр. Шубесиз, Аллах билиджидир, эр шейден хабердардыр.» (Худжурат, 13)»



Артыкъ, Мекке Худейбиенинь бир муджидеси оларакъ багъышланув, барыш, хафсызлыкъ ве хидаетнинь бир-бирине багълы олгъан руханий бир фетихнен асыл саиплерине, севилен юрегини ачкъан эди. Къыйындылыкъ, зорлукъ ве кедер толу Мекке асрети де сонъуна кельген эди. Йыларнынъ кедери севиленкден денъишкен эди. Иште, бунынъ буюк бир шукюрини ифаде эткен оларакъ тарихнынъ энъ буюк багъышланувыны керчеклештирмек ичюн, Аллах Ресули -салляллаху алейхи ве селлем- Мекке халкъына:

«-Эй, Къурейш джемаати! Шимди сизге не япаджагъымны тюшюнесинъиз?» деп сорады.

Къурейшлилер:

«-Биз сенинь хайыр ве яхшылыкъ япаджагъынны беклеп, «Хайыр япаджакъсынъ!» деп тюшюнемиз. Сен къолу ачыкъ ве яхшылыкъ саиби бир къардашсынъ! Къолу ачыкъ ве яхшылыкъ саиби бир къардаш огълусынъ!...» дедилер.

Бунинъ узерине Хазрети Пейгъамбер -салляллаху алейхи ве селлем- Эфендимиз:

«-Мен де Хазрети Юсуфнынъ къардашларына айткъаны киби:

«Сизге бугунъ ич бир къабаат ёкъ! Аллах сизни багъышласын! Шубесиз О, мерхаметлилернинъ энъ мерхаметлисидир»- деп айтам. Айды кетинъиз, артыкъ сербестсинъиз!» буюрды.

Бир башкъа хитабында да:

«-Бугунъ мерхамет кунюдир. Бугунъ Аллахнынъ, къурейшлилерни Ислямиетнен кучьлендиреджеги, устюн къыладжагъы бир кунъдир»- буюрды.

Бунинъ нетиджесинде бир чокъ мусульман къатили ве инсанларны ольдюргенлер биле, хидает шерифине эрдилер.

Ухуд дженкинде Хазрети Пейгъамбер -салляллаху алейхи ве селлем-нинъ эмджеси Хазрети Хамзанынь къатили Хинд де, иманы къаршылыгъында Меккенинь фетхи куню багъышланувга наиль олды. Хинд, Аллах Ресули -салляллаху алейхи ве селлем-нинъ артына кечип:

«-Я, Ресулюлах! Мени таныдынъмы?» деди.

Хазрети Пейгъамбер -салляллаху алейхи ве селлем- Ухуд джен-



кинден беш йыл кечкенине бакъмадан, Хинднинъ япкъан вахшийлигини унутмагъан эди.

«–Мен о япкъанларыньны ич унутырыммы?» деп джевап берди ве келиме-и тевхиднинъ шаны урьметине Хиндни де багъышлады.

Эбу Джехильнинъ огълу Икриме, энъ белли Ислям душманларын-дан эди. Меккенинъ фетхинден сонъ Йеменге къачкъан эди. Къадыны мусульман олып, оны Хазрети Пейгъамбер -салляллаху алейхи ве селлем-нинъ янына кетирди. Алемлерге рахмет оларакъ ёлангъан Аллах Ресули -салляллаху алейхи ве селлем-, Икримени къуванчлы къаршылап:

«–Эй, озъ улъкесинден айырылгъан атлы аскер, хош кельдинъ!» деди ве мусульманларгъа кетирген зарарларыны юзюне урмайып, оны да багъышлады.

Хабир бин Эсед де бир Ислям душманы эди. Меккеден Мединеге девенинъ узеринде хиджрет эткенде, къастен Хазрети Пейгъамбер -салляллаху алейхи ве селлем-нинъ къызы Зейнеб -радыяллаху анханы деведен ашагъы итеп йыкъкъан эди. Хазрети Зейнеб юкю олгъанындан баласыны тюшюрген ве агъыр бир шекильде яралангъан эди. Хабир бин Эсед даа чокъ зарар кетиргенлерден эди. Мекке фетхинден сонъ къачмагъа истеди, лякин къачып оламады. Даа сонъ иман этип пейгъамберимизнинъ хузурына кельди. Хазрети Пейгъамбер -салляллаху алейхи ве селлем-, оны да багъышлады.

Чюнки Къуран-ы Керимде:

«(Эй, Ресулим!) Сен афу ёлуны тут; багъышла; яхшылыкъны эмир эт; джахилерден юзь чевир!» Араф суресининъ 199 аетинде дениле эди.

Хазрети Пейгъамбер -салляллаху алейхи ве селлем-, джанлы бир Къуран эди. Къуран ахлякы да, энъ гузель бир шекильде онда сейир этиле эди. Озюне махсус бутюн зарарларны ич тюшюнмейип, юректен багъышлай эди. Лякин инсанларгъа хакъсызлыкъ япылгъаны такъдирде, хакъ саиплери озъ хакъларыны хелял этмегендже ич раат олмаз эди.

Меккелилер, Хазрети Пейгъамбер -салляллаху алейхи ве селлем-нинъ бутюн инсанларгъа орынек оларакъ сейир этилген багъышла-



ма байрамынынъ къуванчыны яшаркен, уйле вакъыты кирген эди. Хазрети Пейгъамбер -салляллаху алейхи ве селлем-, эр вакъыт олгъаны киби кене эзан чагъырмакъны Хазрети Билялгъа буюрды.

Билял -радыяллаху анх-, бир заманлар къул оларакъ акъылгъа сыгъмайджакъ къыйынджылыкъ ве зорлукъларгъа «Эхад, Эхад» деп инълегени кунълерини хатырлады. Артыкъ мерхаметсизлик сонъуна эрген эди. Шимди о, сербест эди ве гъалебе къазангъан бир иман ордусынен Меккеде эди. Аллахкъа шукюр этип Кябе-и Муаззаманынъ устюне чыкъты. Юреклерни титреткен нагъмелери ве сёзлеринен эзангъа башлады. Ойле юректен тесирли бир эзан окъуй эди ки, бутюн Мекке дагълары ве коклер бу юдже сеске къапылгъан эди. Коклер тебессюм, ерлер къуванч ве севгиге толды. О кунь окъунгъан эзан-ы Мухаммеди, мусульманларгъа эбедий бир хатыра эди. Бу манзараны корьген мушриклерден бир къачы:

«–Языкълар олсун бизге!... Къулар къадар да оламадыкъ! Олар нелерге ириштилер, бизлер не алда къалдыкъ?» деп эвель япкъанларына, яни о ангъа къадар акъикъаттан узакъ къалгъанларына пешман эттилер.

Меккелилернинъ бейаты

Уйле намазыны къылгъанларындан сонъ, Аллах Ресули -салляллаху алейхи ве селлем- Сафа тепесине чыкъты. Меккелилернинъ бейатларыны къабул этти. Башта эркеклер «мусульманлыкъ ве джихад» узре Хазрети Пейгъамбер -салляллаху алейхи ве селлем-ге бейат эттилер. Сонъра къадынлар бейат эттилер. Къадынларнынъ бейаты мевзусында Аллах Таала, Ресулюллах -салляллаху алейхи ве селлем-ге шойле буюргъан эди:

«Эй, Пейгъамбер! Иман эткен къадынлар, Аллахкъа ортакъ къош-мамакъ, хырсызлыкъ этмемек, зинада булунмамакъ, балаларыны ольдюрмемек, эллеринен аякълары арасында бир ифтира уйдурмамакъ, яхшы иш япувда санъа къаршы олмамакъ хусусында, санъа кельгенлеринде, оларнынъ бейатыны ал; олар ичюн Аллахтан магъфирет исте!..Шубесиз ки, Аллах Гъафурдыр, Рахимдир.» (Мюмтехине,



12)

Къадынларнынъ беяти, сёзнен ве Ресулюллах -салляллаху алейхи ве селлем-нинъ элини батыргъан бир сув савутына элерини батырмакъ суретинен керчеклешкен, оларнен эль-эльге тутушып япылгъан беят ич бир заман олмагъан эди.

Эманетни саибине беринъиз!

Ресулюллах -салляллаху алейхи ве селлем-, Месджид-и Харамгъа киргенинде зем-зем даркъатув вазифесини кене Хазрети Аббаскъа берди. Лякин Кябе хызметини о вакъыткъа къадар эда эткен Осман бин Тальха, Бейтуллахнынъ къапысыны килитлеп, анахтарыны сакълады.

«–Сенинъ Аллахнынъ Ресули олгъанынъны къабул этсем эди, ма-ниа олмаз эдим!» деди.

Бунынъ узерине Хазрети Али -радыяллаху анх- да, онынъ къолундан анахтарларыны зорнен чекип алды ве Кябенинъ къапысыны ачты. Алах Ресули -салляллаху алейхи ве селлем- де, Кябеге кирип эки рекят намаз къылды.

Даа сонъ Хазрети Али, керчеклешкен бу вакъиа нетиджесинде Хазрети Аббас -радыяллаху анх-нынъ да джесаретлендирувинен Кябе хызметининъ Абдильмутталиб огулларында бирлештирилме-сини Ресулюллах -салляллаху алейхи ве селлем-ден истеди. Хазрети Пейгъамбер -салляллаху алейхи ве селлем-, башта бу истекни къабул этеджек олса да, ашагъыдаки ает-и керименинъ назиль олмасы узерине бу вазифени текрар Осман бин Тальхагъа берди.

Аллах Таала буюра:

«Аллах, сизге эманетлерни саиплерине берменъизни, инсанлар арасында укюм эткенинъиз вакъыт адалетнен укюм этменъизни эмир этер. Аллах, сизге бойледже не гузель огютлер бермекте. Шубесиз ки, Аллах эшитиджи, (ве) эр шейни корюджидир.» (Ниса, 58)

Бу ает-и керименинъ энмесинен, аман Хазрети Али Пейгъамбернинъ эмири себебинен анахтарларны Осман бин Тальхагъа теслим этти ве айрыджа ондан багъышлав истеди. Бу ада-



лет кършысында шашырған Осман бин Тальха да, буюк бир кърар ичинде келиме-и шехадет кетирип мусульман олды.

Вақиада корюльгени киби эманетлернинъ саиплерине берильмеси, чокъ муим бир меселедир. Чюнки, эманетлер саиплерине берильгени вакъыт, шахысларда, кърантада ве джемиетте раатлыкъ ве сакинлик девам эткен, акси вакъытларда исе буюк салтанатлар биле ёкъ олгъандыр. Тарих саифелери бунынъ нидже мисаллеринен толудыр.

Аллах Ресули -салляллаху алейхи ве селлем-, бир хадис-и шерифлеринде эманет мевзусынынъ эмиетини ве кыйметини не гузель анылата:

«Эманет саибине берильмегени вакъыт, иште, о заман кыяметни бекле!»

Чюнки эманетнинъ саибине берильмемеси, кыямет аляметлерининъ энъ муимлеринден бирини мейдангъа кетирмектедир.

Бенъзерсиз бир сёзюни тутув

Аллах Ресули -салляллаху алейхи ве селлем-, фетихтен сонъ Меккеде он беш кунъ кълды. Бу арада энсардан базылары къасевтеленип, Хазрети Пейгъамбер -салляллаху алейхи ве селлем-нинъ бир даа Мединеге къайтып-къайтмайджагъыны тюшюне эдилер. Чюнки Аллах Таала, онъа догъып оськен мубарек ве темиз бир ернинъ фетхини насип эткен эди.

Сафа тепесинде дуа этер экен, Хазрети Пейгъамбер -салляллаху алейхи ве селлем- Энсар-ы Кирамнынъ бу раатсызлыкъларыны сездиди. Дуалары биткен сонъ:

«–Лаф эткенлеринъиз недир?» деп сорады.

Олар да тюшюнджелерини айткъанларында, Аллах Ресули -салляллаху алейхи ве селлем-, берген сёзюни тутмакънынъ орьнеги оларакъ шойле буюрды:

«–Эй, энсар! Ойле бир шей япмакътан Аллахкъа сыгъынырым. Мен сизинъ мемлекетинъизге хиджрет эттим. Аятым аятынъыз; олюмим де сизинъ янынъыздыр».



Бу сёзлерден сонъ энсарларнынъ къасеветлери кечти.

Хунейн дженки

Аллах Ресули -салляллаху алейхи ве селлем-, Мекке фетхинден сонъ тек Кябедеки путларны дегиль, этрафта олгъанларны да ёкъ этмек ичюн Аллах ёлунда джихат эткен къысымлар тешкиль этти ве оларны ширкнинъ о джансыз ташларыны ёкъ этмеге ёлады. Яни бир тевхид темизлиги башлады.

Лякин бойле алны, Хунейинде яшагъан Хевазин къабилесинен Таифте яшагъан Бени Сакифни къабилеси къабул этмеге истемедилер. Олар мусульманларнынъ узерине уджум этмеге къарар бердилер. Бунынъ ичюн буюк бир орду азырладылар. Бир олжум-къалым дженкине чыкъкъан киби, эр шейлерини озьлеринен берабер алдылар.

Бу вакъиадан хабердар олгъан Аллах Ресули -салляллаху алейхи ве селлем- де, озь ордусына Меккеден эки бинъ киши даа къошып, оларнынъ узерине юрюш япты. Не икметли бир къадер эди ки, орудда йыларджа ширк адына мусульманларнен дженклешкен ве оларгъа бинъ бир зорлукъ чектирген Эбу Суфьян да бар эди. Шимди исе, Ислям сыраларынынъ гъалебеси ичюн дженклешеджек эди. Ойле ки, Меккели сексенге якъын мушрик де бу орудда иштирак эткен эди.

Ислям ордусы эр бакъымдан мукеммель эди. Козь къамаштырыджы бир корюнишнен Хунейнге догъру якълашмакъта эди. Эр кес, шимдиге къадар бойле низамлы ве буюк бир ордунынъ Арабистанда корюльмегенини тюшюне эдилер. Бойле ал, сахабилернинъ гъонъюллерини бир ан кибирге далдыргъан эди.

Оларнынъ: «Бойле бир орду асла енъильмез!» деп, душманны кучьсюз саймалары ве маддий кучьке ёнельмелери, гъалебелерине мытлакъ козьлеринен бакъмаларына весиле олды.

Иште, бу бир анлыкъ кибир ве косьтеришлик, мусульманларнынъ иляхий имтиангъа таби тутулмаларына себеп олды:

Ислям ордусынынъ биринджи къуветлери, Хунейнге кирильген тар ёлдан озьлерине пек ишангъан алда кечкенлеринде, сабанынъ



танъында тузакъкъа тюшюрильдилер. Буюк бир шашкъынлыкъ пейда олды. Мусульманлар, устьлерине ягъмур киби ягъган окълар къаршысында чаресиз бир алда къалдылар. Ислям ордусында, шубе ве телаш толу бир дагъыныкълыкъ башланды. Мусульман сыралары арткъа чекильмеге башладылар. Хавазин ве Сакиф къабилелери де оларнынъ пешинден кельдилер.

О къоркъунчлы анда арткъа чекильмеген, девамлы оларакъ душманнынъ узерине юрюген ве минегинен даима огге арекет эткен, озюни душманнынъ ортасына аткъан ялынъыз Аллах Ресули-салляллаху алейхи ве селлем- Эфендимиз олды. О кунь Ресулюллах-салляллаху алейхи ве селлем-, бенъзери олмагъан бир йигитлик ве джесюрликнинъ нумюнесини косътерди. Ойле ки, эмджеси Хазрети Аббас ве Эбу Суфьян -радыяллаху анхума-, онынъ мубарек аятынынъ техликеге тюшмемеси ичюн минекнинъ йипинден тутып, даа чокъ огге кетмесине мания олмагъа арекет эте эдилер.

Башкъа тарафтан, Ислям ордусынынъ дагъылувы девам эте эди. Араларында:

«–Бугунь сиир ве джадылыкъ бозулды» дегенлер олды.

Меккелилерден базыларынынъ арасындан да:

«–Хазрети Пейгъамбер ольди. Араплар эски динлерине дёнеджеклер!» денильген хаберлер яйылды.

О, Хазрети Пейгъамбер -салляллаху алейхи ве селлем- сагъ эди ве душмангъа къаршылыкъ косътермекни девам эттире эди. Аллахкъа теваккюль ве теслимиет алында асхабына шойле сёзлернен сеслене эди:

«–Эй, энсар! Эй, мухаджирлер! Эй, Аллахнынъ къуллары! Бу ерге келинъиз! Мен Аллахнынъ къулу ве пейгъамберийим...»

Сонъ гюр сесли олгъан эмджеси Аббас -радыяллаху анх-къа ишарет этип, Ислям ордусына сесленмеге девам этмесини истеди. Хазрети Аббас да юксек сеснен:

«–Эй, Акъабеде беят эткенлер! Эй, Рыдван тереги астында сёз бергенлер! (Тез келинъиз), Аллахнынъ Ресули бу ерде!..» деп сесленмеге башлады.

Бу даветни дуйгъан сахабилер:



«لَيْتَكَ لَيْتَكَ»

деп Аллах Ресули -салляллаху алейхи ве селлем-нинъ янына чаптылар. Бойледже, эскен бир рузгярнен дагыылган кобелеклер, текрар озюне чеккен нурнынъ этрафына учып кельмелерине бенъ-зеген бир гъайретнен Пейгъамберимизнинъ янында саф тутмагъа башлагъан гонъюмлер, ичлерине тюшкен къоркъудан къуртарылып, джесаретке къавушкъан эдилер. Яваш-яваш Аллахнынъ лютфунен бутюн Ислям сафлары янъыдан екпаре олды.

Бундан сонъ Аллах Ресули -салляллаху алейхи ве селлем-, къолларыны ачып:

«Аллахым! Манъа олгъан зафер ваденьни ихсан буюр!» деп, дуа-да булунды.

Санки Бедир дженкиндеки киби ерден мубарек эллеринен бир авуч топракъ алып душман сыраларына догъру атты ве сахабилерине:

«–Айды, шимди догърулыкъ ве садакъатнен уджюм этинъиз!» буюрды.

Бу кересинде Ислям ордусы, дженкке янъы башлагъан киби бир кучънен мушриклернинъ узерине атылды. Япылган кучълю уджюм нетиджесинде къыска вакъытта душманны перишан этип, магълюбиетке огъраттылар. Тек дёрт шехит берильген, бунъа къаршы мушриклерден етмиш киши ольдюрильген эди. Душман ойле енъильген эди ки, оларнынъ дженк мейданына кетирген эр шейлери мусульманларнынъ элинде къалган эди. Къолларына кечкен гъаниметнинъ ады-эсапы ёкъ эди.

Шубесиз ки, бу юдже Аллахнынъ муминлерге насип эткен буюк бир лютфу ве икрамы эди. Чюнки олар, башта енъильген алда экен, Хазрети Пейгъамбер -салляллаху алейхи ве селлем-нинъ йигитлиги, джесюрлиги, Аллахкъа гонъюлден яварувы ве дуасы нетиджесинде гъалеге наиль олгъан эдилер. Аллах Таала бу акъыкътны Къуран-ы Кериминде шойле беян этмектедир:

«Ант олсун ки, Аллах бир чокъ ерде ве Хунейн дженкинде сизге ярдым этти. Чокълугъынъыз сизге озюньизни бегендирген, лякин



сизни дагъынувдан къуртараман эди. Ер юзю бутюн кенъишлигине рагъмен, сизге тар кельген эди. Сонъунда (дагъыларакъ) арткъа къачкъан эдинъиз».

«Сонъ Аллах, Ресулинен муминлер узерине сукюнет ве узур дуйгъусыны эндирди; сиз корьмеген ордулар (мелеклер) эндирди де, кяфирлерге азап этти. Иште, бу кяфирлернинъ джезасыдыр». (Тевбе, 25-26)

Албуки, о кунь мушрик сафларында олып, сонъ иман эткенлер, Аллах Тааланынъ муминлерге олгъан бу ярдымыны косътермек макъсадынен, озьлерине о ангъа къадар ич корюнмеген кимселернинъ уджумде булунгъанларыны шашкъынлыкънен айдынлатып, тарифлеген эдилер.

Хунейн дженкинде гъалебе къазангъан Аллах Ресули -салляллаху алейхи ве селлем-, къачкъан душманнынъ пешине тюшмелерини эмир этип, эсир ве гъаниметлерни де Джиранеге берди. Гъалебени толусынен къазанмакъ ичюн Эбу Муса эль-Эшарининъ эмджеси Эбу Амир эль-Эшарининъ къумандасыны Эвтас мекаянына ёлгагъан сонъ, озю къалгъан Ислям ордусынен бирликте Таифке ёнельди.

Эвтас дженки

Ресулюллах -салляллаху алейхи ве селлем- бир къысым ордунен Таифнинъ узерине юрумеси себебинен, Эвтас дженкинде иштирак этип оламагъан эди. Бу дженкте Ислям ордусынынъ къуманданы Эбу Амир эль-Эшари шехит олгъан, буна къаршылыкъ душман къуманданы да ольдюрильген эди. Дженкте эмджесининъ шехит олмасы узерине къуманданлыкъны озь къолуна алгъан Эбу Муса эль-Эшари уджумни мукеммель бир шекильде идаре этип, гъалебе къазангъан, Ислям байрагъыны Эвтаста далгъаландыргъан эди.



Таиф къамачавы

Хиджаз больгесининъ дюнья дженнети сайыла биледжек бир ше-эри олгъан Таиф, бир тепе узеринде къурулгъан къавий бир къалеге саип эди. Бу юзден Аллах Ресули -салляллаху алейхи ве селлем-нинъ эмринен япылгъан къамачав пек къыйын ве зор бир шекильде кечти.

Бу къамачав, бир вакъытлар Ресулюллах -салляллаху алейхи ве селлем-ге япылгъан залымлыкънынъ аджысыны алмакъ дегиль, Хунейн дженкининъ бир девамы эди. Чюнки Хунейнден къачкъанлар, оларнынъ яш реислери Малик бин Авфнен берабер эписи Таиф къалесинде сакълангъан эдилер. Бени Сакифнен берабер янъы бир мудафа дженкине азырлангъан эдилер.

Къамачавда чешит дженк усуларындан файдаланылгъан ве янъы дженк васыталары къулланылгъан эди. Лякин Таиф чокъ къавий бир къале олгъаны ичюн, япылгъан уджумлерге гъает яхшы даянды. Башкъа тарафтан, душманны къаленинъ тышына чыкъармакъ мумкюн олмады. Ойле ки, Халид бин Велид оларны къаледен чыкъармакъ ичюн:

«Ичинъизде кендисине ишангъанлар олса, дженклешмеге чыкъсын», - деди.

Таифлилер: «—Санъа къаршы чыкъаджакъ кимсе къалемизде ёкъ!» деп, къаледен бир кимсени тышары чыкъармадылар.

Бунынъ узерине Аллах Ресули -салляллаху алейхи ве селлем:-

«—Душман тильки киби инине кирип сакълангъан. Артыкъ озь алларына ташланылса, олардан бир зарар кельмез!» - деп къамачавнынъ токътатылмасыны эмир этти. Чюнки о, дженк тарафдары дегиль, бир рахмет ве давет Пейгъамбери эди. Меккелилер киби Таифлилернинъ де хидаетке эрмелерине весиле олмакъны истей эди. Ве чокъ вакъыт кечмеден къамачав токътатылды.

Аллахнынъ Ресули -салляллаху алейхи ве селлем:-

«Я, Раббий! Бени Сакифке хидает насип эт! Оларны бизге ёлла!...» - деп Аллахкъа ялварды ве дуа этип о ерден айрылды.

Бу къамачавнынъ о девир ичюн эмиети буюк олгъан эди. Аллах



Ресули -салляллаху алейхи ве селлем- кьаледеки кьуларгъа мусульман олгъанлары такъдирде сербестликке кьавушаджакъларыны ваде эткен эди. Бунунъ узерине бир чокъ кьул душман сыраларындан кьачып, Ислямны сечкен ве хидаетке эрген эдилер.

Гъаниметлерни пайлаштырув

Таиф кьамачавыны токътаткъан Аллах Ресули -салляллаху алейхи ве селлем-, Ислям ордусынен бирликте гъаниметлер ве эсирлер топлангъан Джиранеге кельди. Бу арада Эбу Муса эль-Эшари де Эвтас дженкинде гъалебе кьазанып о ерге кельген эди.

Ислям ордусы бутюн душманларыны битараф эткен эди. Артыкъ невбет гъаниметлерни пайлаштырмагъа кельген эди. Япылгъан кьамачав нетиджесинде йигирми дёрт бинъ деве, кьырк бинъ сыгъыр, беш бинъ кило агъырлыгъында алтын ве кумюш эльге кечкен, айрыджа алты бинъ киши эсир алынгъан эди.

Гъаниметлерни пайлаштырмагъа башламадан эвель, Аллах Ресули -салляллаху алейхи ве селлем- шойле буюрды:

«Янында гъанимет малы олгъанлар, инеден ипине кьадар не бар исе чыкьарсынлар! Яхшы билинъиз ки, гъанимет малында хыянетте булунмакъ, саиби ичюн кьыямет кунюнде атештир!...»

Бу арада Хазрети Пейгъамбер -салляллаху алейхи ве селлем-ге эсирлернинъ арасында сут кьардашы Хазрети Шейманынъ олгъаныны хабер этилер.

Ресулюллах -салляллаху алейхи ве селлем-, аман оны янына чагъыртып, устюндеки урбасыны Хазрети Шейманынъ астына тёшеди. Бадиеде берабер оськенлери бу кьыйметли сут кьардашына, буюк бир сайгъы косътерип, шефкъатнен муамеле этти. Онъа истесе янында кьалмакъны, истесе кьабилесине кьайтмасыны теклиф этти. Къарт бир кьадын олгъан Хазрети Шейма, кьабилесине кьайтмагъа изин сорады. Аллах Ресули -салляллаху алейхи ве селлем-, чешитли эдиелернен оны юртуна ёлады.

Бундан сонъ Хазрети Пейгъамбер -салляллаху алейхи ве селлем-, гъаниметлернинъ пайлаштырымасыны белли вакъытка кьа-



дар даа узатты. Бунынъ икметини анълап оламагъан теслимиетлери зайыф олгъанлар, бойле алдан шикает этмеге башладылар. Лякин Джиранеге келювининъ онунджы куню бу икмет чезильди. Енъильген Хавазин къабилесинден бир джемаат, Аллах Ресули -салляллаху алейхи ве селлем-ге келип, мусульман олгъанларыны бильдирдилер. Бу весилени де эсирлерининъ ве малларынынъ кери берильмесини истедилер. Хазрети Пейгъамбер -салляллаху алейхи ве селлем- шойле буюрды:

«–Мен гъаниметни пайлаштырмакъны бу кунъге къадар беклетим. Амма сиз кечиктинъиз! Шимди я эсирлеринъизни, я да малларынынъиздан бирини сечинъиз!..»

Бунынъ узерине кельгенлер эсирлерини сечтилер. Аллах Ресули -салляллаху алейхи ве селлем- де:

«–Мен сизге, манъа ве Абдильмутталип огулларына тюшкен эсирлерни кери берем. Қалгъанлары ичюн де ярын уйле намазындан сонъ манъа келинъиз!»- буюрды.

Эртеси кунъ Ресулюллах -салляллаху алейхи ве селлем- асхабыны топлап, оларгъа меселени анълатты. Озь пайы олгъан эсирлерни къайтараджагъыны бильдирип, шойле буюрды:

«–Сизден эр ким, эсирлерини къаршылыкъсыз, гонъюль разылыгъынен берип къардашларыны къувандырмакътан хошланса, бойле япсын! Эр ким де озь пайына тюшкенини къаршылыкъсыз бермеге истемесе, буны Аллахнынъ ихсан этеджеги ильк гъаниметтен одермиз. Тилеген де бойле япсын!...»

Ресулюллах -салляллаху алейхи ве селлем-нинъ асхабына бойле мураджаат этмесининъ себеби, эсирлернинъ оларнынъ хакъкъы олгъаны ичюн эди.

Ресулюллах -салляллаху алейхи ве селлем- озь пайы олгъан эсирлерни сербестликке чыкъаргъаны ичюн, бутюн сахаби де айны къараргъа кельди ве:

«–Бизлер де эсирлеримизни Аллахнынъ Пейгъамберине бердик!» дедилер.

Тарих бойле бир манзарагъа ич бир заман шаат олмагъан эди. Лякин шимди шаат ола эди ки, Аллах Ресули -салляллаху алейхи ве



селлем-нинъ умметине ашлагъан Ислям ахлякъы саесинде бир дакъ-икъа ичинде алты бинъ эсир ич бир къаршылыкъ алынмадан сербестликке чыкъарылгъан эди.

Бу беньзери олмагъан федакярлыкъ нетиджесинде бутюн Хавазинлилер Ислямны къабул эттилер. Ойле ки, о вакъытта Таифте олгъан къабиленинъ реиси Малик бин Авф да, бойле алдан хабердар олгъанынен шашырды ве Аллах Ресули -салляллаху алейхи ве селлем-нинъ кучюк бир даветинен о да Ислямны къабул этмек шеревине наиль олды. Хазрети Пейгъамбер -салляллаху алейхи ве селлем- де, онъа юз деве берип, кене къабилесине реис оларакъ таин этти.

Бу вакъиадан алынаджакъ дерс, энъ гузель даветнинъ, гузель ахлякънен олмасыдыр. Айрыджа, анълайышнен япылгъан ильм-и сиясетнинъ, не къадар буюк бир берекетке весиле олувдыр. Бунунъ аксине, акъылсызлыкънен япылгъан арекетлернинъ ортагъа чыкъараджагъы зарарнынъ да, о къадар буюк оладжагъына сакълы бир ишарет бардыр.

Аллах Ресули -салляллаху алейхи ве селлем-, гъаниметлерни энъ гузель бир шекильде пайлаштырды. Гъанимет бешке болюнген, дёртю аскерлерге берильген, бир пайы да бейтульмалгъа, яни хазинеге быракъылгъан эди. Бейтульмалнынъ къуланма хакъкъы исе, истегени шекильде олмакъ узьре Аллах Ресули -салляллаху алейхи ве селлем-ге аит бир хакъ эди.

Албуки, Ресулюллах -салляллаху алейхи ве селлем- пайлаштырмадан эвель, буны къаршысындаки деведен бир тую къопарып, асхабына шойле беян эткен эди:

«–Меним, сизинъ ганиметинъизге бир деве дегиль, бир деве тую къадар биле хакъкъым ёктыр... Не ичюн сабырсызланасынъыз? Гъанимет малларны, шу мейданнынъ (ташлары ве) тереклери къадар да олса, сизге дагъытаджам. Буларнынъ ичинден беште бирини айырсам, о да кене сизинъ фукъарелеринъизге бериледжектир.»

Лякин аскерлер арасында дагъытылгъан гъаниметтен, Аллах Ресули -салляллаху алейхи ве селлем-, иляхий беянгъа лаякъ оларакъ фаркълы бир ёл такъип эткен, муеллефи-къулюбгъа, яни гонъюллерини Ислямгъа якълаштырмакъ истенильген кимселерге даа



чокъ пай берген эди. Бу да, базы кимселер тарафындан яньлыш аньлашылганындан себеп асхаб арасында наризалыкъ пейда этти. Ойле ки, Темим огулларындан Зулъ-Хувайсыра адлы бириси аддини ашып:

«–Эй, Аллахнынъ Ресули! Адалетни козь огюне ал!» деп, озюнинъ ахмакълыгыны косьтерди.

Бунунъ узерине Аллах Ресули -салляллаху алейхи ве селлем-, чокъ кедерленди ве:

«–Ойлеми? Мен адалетни козь огюне алмасам, артыкъ ким адалет япар?» деп, къаршы кельгенге хакъсыз олгъаныны сёйледди.

Чокъ вакъыт кечмеден ает-и кериме назиль олды:

«(Эй, Ресулим!) Олардан садакъаларнынъ (пайлашылувы) хусусунда сени къабаатлагъанлар да бар. Садакъалардан оларгъа да (бир пай) берильсе разы олурлар, амма эгер оларгъа садакъалардан берильмесе, аман къызарлар.»

«Эгер олар, Аллах ве Ресулининъ оларгъа бергенлеринден разы олып: «–Аллах бизге етер. Якъында бизге Аллах да лютфундан береджек, Ресули де. Биз ялынъыз Аллахкъа рагъбет эткенлерденмиз!» айтса эдилер, (даа яхшы олур эди).» (Тевбе, 58-59)

Бу аетлерде гъанимет пайлаштырмакъ – иляхий пайлашув олгъаны бильдириле ве Аллахны унуткъан юреклернен, къальб-и селим арасында олгъан фаркъ бельгилене.

Шикаетчилернинъ эксериети энсарлардан эди. Чюнки энъ аз пай энсаргъа тюшкен эди.

Мейданда пейда олгъан бу чешит тюшюндже ве сёзлернинъ айтылмасыны токътатмакъ ичюн Аллах Ресули -салляллаху алейхи ве селлем-, меселе даа чокъ буюмеден, бутюн энсарны топлады. Олардан башкъа ич кимсе чагъырылмады. Меселенинъ асыл себеби ве макъсады аньлашылмасы ичюн Аллахнынъ оларгъа берген ниетлерни хатырлатып, шойле деди:

«–Эй, энсар! Меним хакъкъымда гъонлюнъызден кечиргенинъ из тюшюнджелеринъизни эшиттим. (Лякин айтынъыз), сизлер ёлуны шашыргъан мушриклер экен, Аллах Таала меним весилемнен сизге догъру ёлны косьтермедими? Сизлер фукъаре кимселер экен, меним



аранъызга кельмемнен, Аллах эпинъизни зеньгинлетип, бай къылмадымы? Аранъызда душманлыкъ сизни кемиргенде, меним кельмемнен Юдже Аллах юреклеринъизни бирлештирмедими?»

Бутюн бу суаллерге энсарлардан «Эбет!» джевабыны алгъан Аллах Ресули -салляллаху алейхи ве селлем-, индже маналы сёзлерине девам этти:

«–Эй, энсар! Сиз манъа: «Къавминъ сени яланлагъан вакъытта арамызга кельдинъ! Сенинъ шериатынъны биз къабул эттик! Къавминъ сени терк эткени вакъыт санъа биз ярдым эттик! Къавминъ сени къувды, биз сени коксюмизге бастык! Сен ёкъсул эдинъ, биз сени малымызга ортакъ яптык!..» айтса эдинъиз, мен де сизинъ сёзлеринъизни тасдиқ этер: «Чокъ догъру сёйлейсинъиз!» дер эдим...

Эй, энсар! Бир чокъ кимселерге бергеним дюнья малы себебинден сизлер тарафындан айтылгъан сёзлер догърумы? Мен бир чокъ кимселернинъ юреклерини Исламга якълаштырмакъ ичюн бергеним ве мусульманлыгъынъызнынъ кучюне ве фазилетине ишанып, сизни махрум эткеним эмиетсиз дюнья малындан долайымы джанынъыз агъырды, бунданмы нефсинъизге бир тарлыкъ кельди?...

Эй, энсар! Эр кес алгъанлары малларынен эвлерине кеткенлеринде, сиз де Пейгъамберинъизнен эвлеринъизге къайтмакъ истемезсинъизми?»

Аллах Ресули -салляллаху алейхи ве селлем-нинъ бу сёзлери узерине энсарнынъ козьлеринде топлангъан яшлар сель киби акъмагъа башлады. Артыкъ олар фигъан къопарып агълай ве:

«–Я, Ресулюллах! Бизлер сенинънен берабер кетмек истеймиз!» деп севгилерини тазелей эдилер.

Ресулюллах -салляллаху алейхи ве селлем- энсарнынъ бу шекильде боюн эгмелери узерине оларга теселли берип:

«–Эй, энсар! Эгер хиджрет шерефи ве фазилети олмаса эди, мен мытлакъ энсардан бири олмакъ истер эдим... Эй, энсар! Эгер эр кес бир ёл тутып кетсе, мен энсарнынъ ёлундан кетер эдим!...» буюрды.

Бу кедерли топлашувдан сонъ энсар сыраларындан тек: «Аллахнынъ Ресули бизе етерлидир!» ифаделери эшитильди. Бойледже,



бир янълыш фикирнинъ ачкъан ярасы, Хазрети Пейгъамбер -саллялаху алейхи ве селлем-нинъ мубарек къолларынен сарылгъан эди.

Аллах Ресули -саллялаху алейхи ве селлем-нинъ бу орьнек арекетинден аладжагъымыз бир чокъ дерс бардыр. Инсан джумертликке ве яхшылыкъкъа енъильгендир. Джумертлик этильген душманнынъ исе, душманлыгъы ёкъ олур; ортада исе, даа чокъ якъынлашыр; якъында исе, севгиси зияделешир.

Нетиджеде, Аллах Ресули -саллялаху алейхи ве селлем-нинъ усве-и хасене (орънек шахыс) олмасынынъ бир корюниши де бу гъанимет пайлашувында ачыкъ бир шекильде корюльмектедир.

Сен онынъ юрегини ярдынъмы

Ресулюлах -саллялаху алейхи ве селлем- Медине-и Муневвереден арекет этмеден эвель, Эбу Къатадени бир къысым аскернен Неджид тарафларына ёлагъан эди.

Бу аскер къысмы, Изам денильген бир ерге кельгенде Амир бин Эбзат адында бир адамнен къаршылашты. Амир мусульманларгъа селям берип келиме-и шехадет кетирип иман эткенини бильдирди. Лякин Эбу Къатаденен берабер кельгенлерден Мухаллим бин Джусаме, даа эвель олгъан шахсий бир дава себебинен Амирнинъ керчектен мусульман олмагъаныны сёйлеп, оны ольдюрди ве янында олгъан мал-мулькюне де гъанимет деп къол къойды.

Эбу Къатаде ве аскерлер Неджидден къайткъанларында, Аллах Ресули -саллялаху алейхи ве селлем- Хунейн мейданында уйле намазыны янъы къылгъан ве этрафында сахабилери олгъаны алда бир терекнинъ кольгеси астында отура эди. О вакъытта Амирнинъ якъындары келип Мухаллимден шикает этилер.

Хазрети Пейгъамбер -саллялаху алейхи ве селлем-нинъ хузурында баягъы узагъан бир хакемликтен сонъ Амирнинъ мирасчыларынен анълашып, диетке къарар берильди.

«Мухаллим кельсин де, Аллах Ресули онынъ багъышланмасы ичюн дуа этсин!» дедилер.

Мухаллим кельгенинен Аллах Ресули -саллялаху алейхи ве сел-



лем- ондан:

«–Амир мусульман олганыны ифаде эткени алда сен оны ольдюрдинь, ойлеми?»- деп сорады.

Мухаллим:

«–Эй, Аллахнынъ Ресули! Онынъ Ислямны кябул этмеси, ялынъ-ыз олюмден кюртулмакъ ичюн эди» - деди.

Бунынъ узерине Хазрети Пейгхамбер -салляллаху алейхи ве селлем-, бираз сертче:

«–Сен онынъ юрегини ярып бакътынъмы, бойле айтасынъ?» деди.

Мухаллим:

«–Онынъ юреги бир эт парчасыдыр, ярмакънен бир шей анълашылмаз ки!» деди.

Аллах Ресули -салляллаху алейхи ве селлем-:

«–Сен онынъ юрегинде не олганыны анъламадынъ, сёзлерини анъламадынъ; о такъдирде санъа насыл джеза бермек мумкюн?» деп тенбиеледи.

Бу кересинде Мухаллим, чаресиз бир алда:

«–Эй, Аллахнынъ Ресули! Меним багъышланмам ичюн дуа эт!» демеге меджбур олды.

Мухаллимнинъ бу джевабы, озъ кябаатыны бойнуна алганынынъ бир ишарети эди. Долайысынен мусульман олганы алда ве ич бир кябааты олмагъан бир кимсени ольдюргенинден, япкъан гунахы, багъышланаджакъ чешиттен дегиль эди. Эгер бу хусуста энъ уфакъ бир дикъкъатсызлыкъ косътерильсе, сонъундан джемаат ичинде бу киби джинаетлернинъ чокълашмасына себеп олмасы мумкюн эди. Бойле кьоркъу ве тюшюндженен рахмет ве мерхамет Пейгхамбери олгъан Ресулюмах -салляллаху алейхи ве селлем- Мухаллимнинъ япкъан бу агъыр гунах себебинен онынъ афусыны кябул этмеди ве:

«–Аллах да сени багъышламасын!» джумлесини сёйледи.

Бундан дерс алгъан шаир, Хазрети Пейгхамбер -салляллаху алейхи ве селлем-нинъ разылыгъыны къазанамамакъ киби эр тюрлю арекетлерден умметни тенбиелемек макъсадыннен не гузель сёйлер:

Яхшылыгъынъдан узакъ тюшмеге языкъ-языкъ,



Эки дюнъяда етер Аллахны унуткъангъа зарар оларакъ!..

Албуки, Пейгъамбер гъазабына якъалангъан оларакъ Ресулюллах -салляллаху алейхи ве селлем-нинъ янындан айрылгъан Мухаллим, эвине къапанды. Арадан бир афта кечкен сонъ да кедеринден олды. Якъынлары, оны комьгенлеринде топракъ буджесетни къабул этмеди. Текрар-текрар комьселер де, ер эр кересинде оны кене тышарыгъа ата эди. Чаресизлик ве шашкъынлыкъ ичинде Хазрети Пейгъамбер -салляллаху алейхи ве селлем-ге келип бу алны анълаттылар. Аллах Ресули -салляллаху алейхи ве селлем- :

«–Бу топракъ, ондан даа зарарлы олгъанларны биле ичине къабул эткендир, лякин Аллах Таала, сизге бир дерс косътермеге истей!» деп, Мухаллимни текрар ве къабирининъ узерине таш къойып комелерини сёйледи.

Бу вакъиа,

«لَا إِلَهَ إِلَّا اللَّهُ»

деген эр кимсенинъ хидаетке эрген олгъаныны бильдирир. Бойле алдаки бир кишининъ, белли олгъан, корюльген бир кувфюри ёкъ исе, онынъ акъкъында ярамай тюшюнмек харамдыр.



ХИДЖРИЙ 9 СЕНЕ

Ибадетсиз динде хайыр ёкътыр!

Аллах Ресули -салляллаху алейхи ве селлем- макъсат эткен фетихлерни тамамлап Мединеге къайткъанында, Таифнинъ реиси Месуднынъ огълу Урве артларындан етип кельди ве мусульман олды. Артындан Таифке къайтып, къабилесини Ислямгъа давет этмеге башлады. Лякин бир заманлар оларны Ислямгъа давет этмек ичюн кельген Хазрети Пейгъамбер -салляллаху алейхи ве селлем-ге таш аткъан бу инсанларнынъ Урвеге къаршы арекетлери даа да серт олды. Оны окъ ягъмурына тутып шехит эттилер.

Бунынъ узерине Хазрети Пейгъамбер -салляллаху алейхи ве селлем-, Хавазин реиси Малик -радыяллаху анх-къа аскерлеринен Таифлилерге къаршы уджюмге кечмеге эмир берди. Бу эмир долайысынен Маликнинъ заман-заман уджюм этмеси узерине къалелеринден тышары чыкъамагъан Таифлилер, ниаат къабиленинъ буюклерини Мединеге ёлламагъа меджбур олдылар. Намаз къылмамакъ шартынен имангъа келип итаат этеджеклерини бильдирдилер. Хазрети Пейгъамбер -салляллаху алейхи ве селлем-, оларнынъ бу теклифлерини:

«Ибадети олмагъаннынъ, динде хайыры ёкътыр!» деп къабул этмеди.

Таифлилер, бу кересинде Лят адындаки путларынынъ учъ сене даа еринде къалдырылмасыны сорап риджада булундылар. Бойле риджалары да къабул этильмеди. «Ич олмагъанда бир ай янымызда къалсын!» дедилер. Бу да къабул этильмеди.



Ниает, башкѡа чарелери кѡалмагъанындан, имангѡа кельдилер. Бу кере де, ич олмаса Лят пути йыкѡытыладжакъта, озьлерининъ иштирак этмемелери ичюн изин истедилер. Ресулюллах -салляллаху алейхи ве селлем- де, «Илля сиз йыкѡаджаксыньыз!» деп ысрарнен талап этти. Бу иш ичюн Эбу Суфьян бин Харпнен Шубетус-Сакафийни ёллады. Пут йыкѡытылгъанда, Сакиф кѡабилесининъ кѡадынлары эвлеринден тышары чыкѡып матем тутып агъладылар. Лякин вакъты келип, олар Ислямнынъ юджелигини ве ахлякъ гузелликлерини огреджек, джумлеси бирер темиз мусульман олып путларнынъ адларыны биле тамамынен унутаджакъ эдилер.

Бойледже, Аллах Ресули -салляллаху алейхи ве селлем-нинъ Таифлиернинъ залымлыкъларына кѡаршы оларнынъ хидаетке иришмеси ичюн япкъан мерхаметининъ бир ифадеси олгъан дуасы, Аллах тарафындан кѡабул этилип керчеклешкен эди.

Тильнинъ кѡудрети

Аллах Ресули -салляллаху алейхи ве селлем- зекят бермеге истемеген Бени Темим кѡабилесининъ узерине Хазрети Уейнени бир кѡысым аскернен ёллады.

Уейне -радыяллаху анх- да, апансыздан уджюм япып Темим кѡабилесини енъди, бир чокъ гъанимет ве эсирнен Медине-и Муневвереге кѡайтты.

Бунынъ узерине Темим буюкклери озъ шаирлеринен берабер эсирлерни кѡуртармакъ ичюн Аллах Ресули -салляллаху алейхи ве селлем-ге кельдилер ве:

«—Чыкъ, сенинъле шиирлер айтып сёйлешейик!» деп, сёз ярышына чагъырдылар.

Хазрети Пейгъамбер -салляллаху алейхи ве селлем- де:

«—Мен шиир айтмакъ ичюн ёлланмадым. Амма сизлер айтынъ бакъайым!» - деди.

Бени Темимден бир киши турды ве мукеммель бир хутбе окъуды. Бунынъ узерине Хазрети Пейгъамбер -салляллаху алейхи ве селлем-, асхабдан Сабит бин Къайскѡа ишарет эткенинен, о да тур-



ды ве Аллахнынъ буюклигине, Ресулюллах -салляллаху алейхи ве селлем-нинъ пейгамберлигине даир мукеммель бир хутбе сёйлеп, Темимлилерден устюн кельди.

Бундан сонъ Темим огулларындан Акъра бин Хабис шиир окъуды. Онъа джевап оларакъ Хассан бин Сабит Ислям динининъ шерифини, шаныны тереннюм эткен гъает тесирли бир къасиде окъуды. О да озъ ракъибинден устюн чыккыты ве гъалебе къазанды.

Асхабнынъ бу гъалевеси, Къуран-ы Керим киби ич бир эксиги олмагъан иляхий Китапкъа гонъюль бермек, айрыджа «джевамиуль-келим», яни бутюн инсанлар ичинде энъ гузель лаф эткен Аллах Ресули -салляллаху алейхи ве селлем-нинъ тербиесинден озъ менбасыны алгъан эди. Буннынъ фаркъына баргъан Темимли шаир Акъра:

«–Бу адамнынъ хатиби, бизим хатибимизден, шаири де бизим шаиримизден устюндир. Оларнынъ сеслери, бизим сеслеримизден устюндир!...» деп аркъадашларынен бирликте иман эттилер.

Ресулюллах -салляллаху алейхи ве селлем-нинъ бу берекетини, илимини, шан ве шерифини шаир не гузель ифаде эте:

Оны бир ан корьгенлер гуль олур,

Сёзюне шаат олгъан бульбуль олур...

Къаб бин Зухейр де, эвель Ислямгъа дженк ачкъан шаирлерден эди. Язгъан шиирлери долайысынен, корюнген ерде ольдюрильмек узъре къаны хелял къылынган эди. Лякин мусульман олгъан къардашы Буджейр, онъа насиат этти. Бир шиир даа язып, бойле девам эткени такъдирде сонъу хайыр олмайджагъыны бильдирди.

Къаб да буюк бир къоркъу ичинде Хазрети Эбу Бекир -радыяллаху анх-нынъ ярдымынен Хазрети Пейгамбер -салляллаху алейхи ве селлем-нинъ хузурына кельди ве адыны айтмайып беят этти. Тиз чёкип отурды. Сонъ:

«–Эй, Аллахнынъ Ресули! Къаб бин Зухейр тевбе этип мусульман олды, эминлик ве ярдым алмакъ ичюн юксек хузурынъызгъа кельмек истей, къабул этерсинъизми?» деп сорады.

Ресулюллах -салляллаху алейхи ве селлем-ден «Эбет!» джевабыны алгъанынен къуванч ичинде:

«–Къаб меним, я, Ресулюллах!...» деди.



Аллах Ресули -салляллаху алейхи ве селлем-нинь бу багъышлама-сына бир тешеккюр еринде Пейгъамбернинь хузурына кельмеден эвель азырлагъан «Банет суаду» къасидесини окъумагъа башлады. Хазрети Пейгъамбер -салляллаху алейхи ве селлем-, бундан зияде-синен мемнюн олды ве узериндеки мубарек Хыркъа-и Шерифини чыкъарып Къабгъа кийдирди. Бойледже, къасиденинь ады, арапча хыркъа демек олгъан «бурде» сёзюнен аңылып «Къасиде-и бурде» олды.

Къабгъа эдие этилген Хыркъа-и Шериф, онынъ вефатындан сонъ хазрети Муавие тарафындан сатылып алынды. Укумдарлар ара-сында биринден-дигерине кечип, кунюмизге къадар етип кельген ве Топкъапы Сарайында мухафаза этильген Хыркъа-и Сеадет иште, будыр.

«Къасиде-и бурде» адынен мешур олгъан бир къасиде даа бар-дыр ки, о да имам Бусирий хазретлерине махсустыр. Лякин бу экин-джи къасиденинь догъру исми, «Къасиде-и буре» дир. Буре – «хаста-лыкънынъ даваланувы» деген мананы аңлата ве имам Бусирининь бу къасидеси берекетинен фельдж хасталыгъындан тедавийленгени мунасебетинен бойле адландырылгъан эди. Вакъиа шойле олгъан эди :

Имам Бусирий хазретлерининь беденининь ярысы фельдж олгъан эди. О да Къасиде-и бурени язып Аллахтан шифа истей. Къасидени битирген гедже тюшюнде Ресулюллах -салляллаху алейхи ве селлем-ни коре ве бу къасидени онъа окъуй. Аллах Ресули -сал-ляллаху алейхи ве селлем- де бундан мемнюн къалып, мубарек элле-ринен имам Бусирийнинь фельдж олгъан ерлерини месх эте. Имам Бусирий уянгъанында хасталыгъындан ич бир эсер къалмагъаныны аңлап, Аллахкъа шукюр эте.

Сабадан къуванч ве шукюр дуйгъулары ичинде джамиге кеткен-де, табиаты бираз серт олгъан буюк вели Шейх Эбурреджа хазретле-рини раст кетире. Шейх Эбурреджа:

«–Я, имам! Фахр-и Алемни макътагъанынь къасидени бизге де окъурсынъмы?»– дей.

Имам Бусирий:



«–Меним бир чокъ къасидем бар. Ангисини сорайсынъыз?» дей.

Шейх Эбурреджа:

«–Бу гедже Ресулюллахкъа окъугъанынъ къадисени истейим. Чюнки, сен оны окъугъанда Хазрети Пейгъамбер -салляллаху алейхи ве селлем-нинъ чокъ мемнюн олгъаныны коръдим »- дей.

Имам Бусирий тааджипленип:

«–Бу къасиде ве коръгеним тюш акъкъында ич кимсеге бир шей айтмагъан эдим де. Сиз буны къаерден бильдинъыз?...»- дей.

Шейх Эбурреджа шойле джевап бере:

«–Я, имам! Мен де о ерде эдим!...» дей ве къасиденинъ биринджи сатырларыны окъуй:

«Селем яранынъы сен хатырынъа алдынъмы,

Козълерден акъкъан яшкъа къарыштырырсынъмы?...»

Риваетке коре, бу къасиде Хазрети Пейгъамбер -салляллаху алейхи ве селлем-нинъ хузурында окъунгъанда Алемлернинъ Эфендиси, мемнюниетликнен мубарек беденини бир терекнинъ япракъларынынъ назик бир шекильде саллангъаны киби арекет эттирген ве тебессюм эткен экен.

Иште, бу нокъта себебинден къасиденинъ, Ресулюллах -салляллаху алейхи ве селлем-нинъ руханиетининъ мейдангъа чыккып тесири ичюн хасталаргъа шифа ниетинен окъунмасы, бир усул шекилинде девам эткен, ве Аллах Ресулине себеп этилип Аллахкъа ялварылгъандыр.

Буюк бир иман имтианы - Тебук ёлджулыгъы

Тебук – Медине иле Шамнынъ тамам ортасында ерлешкен бир шеърнинъ адыдыр. О ерге япылгъан сефер, Аллах Ресули -салляллаху алейхи ве селлем-нинъ иштирак эткен сонъ сефери олгъандыр.

Бу сефер, Муте дженкининъ бир девамы кибидир. Византия императоры Муте дженкининъ озюне япкъан тесири себебинен, вакъыт кечип мусульманлар даа чокъ кучъленмеден бутюн Арабистанны элине кечирмек ниетинде эди. Бунынъ ичюн де христиан арапларны



кьуланмакъ истей эди. Гассанилер де бойле бир арекет ичюн чокъ-тан азыр эдилер.

Вазиеет бойле экен, Мединеге кельген тиджарет керванлары, душманнынъ япкъан азырлыгъы акъкъында мусульманларгъа хабер бере.

Бунынъ узерине Аллах Ресули -салляллаху алейхи ве селлем-, умумий бир сеферберлик илан этти. О ангъа къадар япылган аскерий фаалиетлер гизли тутула, душманнынъ буны огренмесине ёл берильмей эди. Лякин Тебук сеферинде вазиеет фаркълы олды. Чюнки яз мевсимининъ энъ сыджакъ кунълери эди. Душман кучлю, кетиледжек ер узакъ эди. Бунынъ устуне о йыл Мединеде олган къытлыкъ себебинден мусульманлар икътисадий бакъымдан агъыр алда эдилер.

Бутюн буларны фырдат билип, мунафыкълар кене эски фитнелерини башлап, муминлернинъ рухий алларыны бозмагъа башладылар. Баш мунафыкъ Абдуллах бин Убей:

«–Мухаммед, Рома девлетини бала оюнджагъы деп тюшюнеми? Мен онынъ асхабынен бирликте эсир оладжакъларыны козьлеримнен корьген кибийим!» - дей эди.

Бир къысым мунафыкълар да:

«–Бойле бир сыджакъта сеферге чыккылырмы?» - демеге башлайлар.

Буларгъа джевап оларакъ ает-и керимеде шойле буюрылды:

«... Аллах ёлунда джихад этмекни чиркин корьдилер: «–Бу сыджакъта сеферге чыкмань!» дедилер. Де ки: «–Джехеннем атеши даа сыджакътыр!» Кешке анъласалар эди!» (Тевбе, 81)

Бедевийлерден базылары да Хазрети Пейгхамбер -салляллаху алейхи ве селлем-ге чешит бааналар уйдуруп, изин алдылар. Аллах бу акъкъында ает-и керимеде шойле хабер бергендир:

«Бедевийлерден (себеплери олгъаныны) иддиа эткенлер, озьлерине изин берильсин деп кельдилер. Аллах ве Ресулине ялан сёйлегенлер де отуруп къалдылар. Олардан кяфир олганларгъа элем бериджи бир азап иришеджектир.» (Тевбе, 90)

Бундан сонъ, Къуран-ы Керим муминлернен мунафыкъларнынъ



бир-бирлеринден айырды этильмеси ичюн ачыкъ хабер бере:

«(Эй, Ресулим!) Эгер якъын бир дюнья малы ве къолай бир ёл-джулык олса эди, (о мунафыкълар), мытлакъа санъа уйып пешинъден келир эдилер. Факъат мешакъатлы ёл оларгъа узакъ кельди. Герчи олар: «–Кучюмиз етсе эди, мытлакъа сизнен берабер чыкъар эдик!» деп, озьлерини эляк этеджек киби Аллахкъа емин этеджеклер. Албуки, Аллах оларнынъ мытлакъа яланджы олгъанларыны бильмекте.» (Тевбе, 42)

«(Эй, Ресулим!) Аллахкъа ве ахырет кунюне иман эткенлер исе, маллары ве джанларынен дженклешювден (артта къалмакъ ичюн) сенден изин истемезлер. Аллах такъва саиплерини пек яхшы бил-ир.»

«Анджакъ, Аллахкъа ве ахырет кунюне инанмагъан, юреклери шубеге тюшип, (бу) шубелери ичинде боджалагъанлар сенден изин истерлер.» (Тевбе, 44-45)

Мунафыкълар сефер ичюн ич бир азырлыкъ япмагъан эдилер:

«Эгер олар (сенинънен бирликте дженкке) чыкъмакъ истесе эдилер, эльбетте бунынъ ичюн бир азырлыкъ япар эдилер...» (Тевбе, 46)

Мунафыкъларнынъ бойле кунъ юзюне чыкъып, ордугъа къошул-мамалары бир лютф-и иляхий эди. Абдуллах бин Убей, бу сеферде де Ухудда эткенини япып артына къайткъан эди. Бу хусуста Аллах шойле буюра:

«...Аллах оларнынъ арекетлерини чиркин таныды ве оларны кери къойды. Оларгъа: «Отургъанларнен (къадын ве балаларнен) берабер отурын!» денильди.»

«Эгер аранъызда (олар да дженкке) чыкъса эдилер, сизге бозгъунджылыкътан башкъа бир шей олмаз эди ве мытлакъа фитне чыкъармакъ истеп аранъызда чапышыр эдилер. Аранъызда, оларгъа яхшыджа къулакъ асаджакълар да бар. Аллах залымларны гъает яхшы билиджидир.» (Тевбе, 46-47)

Даа шимдиден бозгъунджылыкъ чыкъаргъан мунафыкълар, керчектен дженк вакътында ойле зарарлы олмалары мумкюн эди. Олар фитне, ялан, ифтира ве къоркъакълыкъларынен бутюн Ислям орду-сынынъ раатлыгъыны боза ве ойле ки, эр бири бир чыбан киби му-



минлерге кыйынджылык бере эди. Бунуң ичюндир ки, Аллахның ярдымы етишти ве мунафыкларны бу сеферге кьошмадылар. Сахабилер, оларның фитнесинден кюртарылган эдилер.

Мунафыклар, бирер баана уйдурып, дженктен изин истей эдилер. Бу изин меселесини де о кьадар буюттилер ки, базылары, о ерлерде рум кызларыны корип, фитнеге тюшмектен кьоркьанларыны сейлемектен биле чекинмедилер. Бойледже, санки пек иманлы корюнип, мунафыкыкларыны гизлемеге чалыша эдилер. Лякин Аллах Таала, оларның бу алларыны ачыккьа чыкьарды:

«Олардан ойлеси де бар ки: «–Манъа изин бер, мени фитнеге тюшюрме!» дер. Билесинъиз ки, олар затен фитнеге тюшкенлердир. Джехеннем, кяфирлерни мытлакьа сарып аладжакъ.» (Тевбе, 49)

Бир тарафтан мунафыкларны аджы азабынен кьоркьуткьан Аллах, дигер тарафтан оларның тесиринде кьалып, бираз сертлешкен муминлерни де тенбиеледи:

«Эй, иман эткенлер! Сизге не олды ки, «Аллах ёлунда дженкке чыкьың!» денильгени вакъытта ерге кьакъылып кьалдыңыз? (Ёкъса) дюнья аятыны ахыреттен устюн сечтинъизми? Факъат (билиңиз ве унутманъыз ки), дюнья аятының (кечиджи) файдасы, ахыретниң (эбедий файдасы) янында пек аздыр.»

«Эгер, Аллах ёлунда дженкке чыкьмасанъыз, сизни пек элем бериджи бир азап иле джезаландырыр ве еринъизге сизден башкьа бир кьавим кетирир; сиз (дженкке чыкьмамакьнен) Онъа ич бир зарар бералмазсынъыз. Аллах эр шейге кьадирдир.» (Тевбе, 38-39)

«(Эй, муминлер!) Истер яян, истер минильгенниң устюнде (Аллах ёлунда) сеферге чыкьың! Малларыңызнен ве джанларыңызнен Аллах ёлунда джихад этиң! Эгер бильсенъиз, бу сиз ичюн (эльбетте ки) даа хайырлыдыр.» (Тевбе, 41)

Бу тенбиелер узерине, муминлерниң арасында буюк бир джанланув башланды. Гонъюллердеки бошлукъ ерини джесюрлик, федакярлыкъ ислери толдурды.. Джошкьун бир иман сеферберлиги башланды. Чюнки душманның Ислям улькесине уджюми алында джихад – фарз-ы айын эди ве бутюн муминлер бунъа риает этмеге мукеллеф эдилер.



Лякин бу фарзнен мукеллеф кылынмайып, джихаддан сербест олгъанлар исе, ает-и керимеде шойле бильдирильди:

«Аллах ве Ресулине нисбетен садыкъ ве самимий олгъанлары такъдирде, зайыфларгъа, хасталаргъа ве (дженкте) арджлайджакъ бир шей тапалмагъанларгъа гунях ёкътыр. Чюнки, яхшылыкъ эткенлернинъ алейхине бир ёл (месулиет) ёкътыр. Аллах, чокъ багъышлайыджы ве чокъ мерхаметлидир.» (Тевбе, 91)

Ает-и керименинъ беянына коре, дженктен сербест этильгенлер, мемлекетлеринде фитнеге ёл бермемелери, ялан хаберлер яймалары, дженкте иштирак эткен муджахидлернинъ аилелерине ярдымджы олмалары керек эди ве яхшы амеллер ишлеселер, сеферге къошулмагъанлары ичюн, озьлерине бир гунях язылмайджакъы бильдирильген эди. Анджакъ, буларнынъ дженкке къошулмаларыны ясакълагъан бир эмир де олмагъанындан, эгер истегенлери такъдирде, орду ичюн юк олмамакъ шартынен сеферде иштирак этмелери мумкюн эди.

Бу себепле сербест олунгъанлар сыныфына кирген еди фукъаре сахаби, Аллах Ресули -самяллаху алейхи ве селлем-ге мураджаат этип, ондан сеферде иштирак этмек ичюн минек истедилер:

«Минмеге деве олмагъаны...» джевабыны алгъанлары ичюн кедерли къайттылар. Аллах ёлунда тёкюлген шу козь яшлары къабул олды ве ает-и керимеде:

«(Эй, Ресулим!) Оларгъа минмеге бир шей теминлемень ичюн санъа кельгенлеринде: «-Сизни миндиреджек бир шей тапалмайым» - дегенде, арджлайджакъ бир шей тапалмагъанларындан долайы, кедерден козьлери яш тёкерек дёнген кимселерге месулиет ёкъ!))» (Тевбе, 92) буюрылды.

Даа сонъра Ибн-и Умер, Хазрети Аббас ве Хазрети Осман -радыяллаху анхум- хазретлери, бу ичлери джихад севгисинен янган еди фукъаре сахабиге ашайджакъ ве минеджеклер берип, озьлеринен берабер дженкке алган эдилер.

Бу чокъ дерс бериджи сеферде, инсан рухундаки эки бир-бирине айкъыры, зыт хусусиет, яни мунафыкъларнынъ фыскъ, муминлернинъ такъва муджаделеси, айны вакъыт ве мекянда косътериле. Бир



тарафтан мунафыкъларнынъ эки юзлюликлери ортагъа чыкъкъанда, башкъа тарафтан да ает-и керимеде буюрылгъан киби къыяметке къадар умметке мисаль оладжакъ бир манзара, яни джанларынен ве малларынен дженнетни сатын алмакъ мумкюн олмагъаны эеджаны яшана эди.

Керчектен бу сефер эснасында мусульман гонъюллерден тѣкюлген:

«Анам, бабам ве джаным сангъа феда олсун я, Ресулюллах!» сѣзлери сонъу корюльмеген бир садакъат, самимиет ве теслимиетнинъ айдын ифадесидир.

Шаир, асхабнынъ Хазрети Пейгъамбер -салляллаху алейхи ве селлем-ге бирер кобелек киби эр шейлеринен феда олгъанларыны, оларнынъ тилинден не гузель ифаде этер:

Эр зерре-и хакъ-и къадем-и Хазретине,
Джаным да феда, тен де феда, мен де феда!..

Бу неше ве эеджан, асхаб-ы кирамда даа сонъ да девам эткен эди. Олардан бири Умм-и Мектум -радыяллаху анх-, юкъарыдаки аетте буюрылгъан такъваны сечип, эки козю де коръ олгъаны алда, Къадисие дженкине къошулгъан ве Ислям аскерлерининъ ичинде байракъдарлыкъ япкъан эди.

Назиль олгъан ает-и керимелердеки тенбиениннъ тесиринен, къыскъа вакъыт ичинде буюк Ислям ордусы азырланды. Сайысы отуз бинъден зияде эди. (Бу сайы, Ибн-и Эсирге коредир. Хакимнинъ риваетине коре етмиш бинъ эди.)

Асхаб-ы кирам, юксек бир иман эеджанында дюньянынъ бутюн дерт ве къасеветлерини эллерининъ терсинен артларына аткъан эдилер. О вакъытта Мединеде буюк бир ачыкъ яшангъаны себебинен, Аллах Ресули -салляллаху алейхи ве селлем-, асхабыны орду ярдымына давет эткенинде, эп бирликте джумертлик ярышына кирдилер.

Хазрети Эбу Бекир -радыяллаху анх- малынынъ эпсини кетирди. Онынъ бу джумертлигине Хазрети Пейгъамбер -салляллаху алейхи ве селлем-:

«Эбу Бекирнинъ малындан файдалангъаным къадар башкъа ич бир кимсенинъ малындан файдаланмадым...», деген эди.



Бу сёзлер кяршысында Хазрети Эбу Бекир козьяшлар ичинде:
 «Мен ве малым, ялынъыз сенинъ ичюндегильми, я, Ресулюллах?!»
 (Ибн Мадже, Фезаилю Асхабин-Неби, 11) деп джеваплангъан, озюни
 ве бутюн малы-мулькюни Хазрети Пейгъамбер -салляллаху алейхи ве
 селлем-ге адагъаныны ифаде эткен эди.

Аллах Ресули -салляллаху алейхи ве селлем-нинъ:

«Бала-чагъанъа не кялдырдынъ, я, Эбу Бекир?» суалине де буюк
 бир иман джошкъусынен :

«Аллах ве Ресулини (кялдырдым, я, Ресулюллах)!..» шеклинде
 джевап берди. (Серрадж, эль-Люма, с. 169)

Хазрети Умер -радыяллаху анх- малынынъ ярысыны кетирген
 эди. Бу кере Хазрети Эбу Бекирден кечеджегини тюшонген эди.
 Амма кене де онъа етишип оламагъан эди.

Хазрети Осман -радыяллаху анх- да, 300 девени керекли джи-
 хазларнен азырлап, ордугъа берди ве айрыджа 1000 динар да ахча
 багъышлады. Хазрети Пейгъамбер -салляллаху алейхи ве селлем-,
 онынъ ичюн де:

«Османгъа бундан сонъ ич бир шей зарар бермез!» (Тирмизи,
 Менакыб, 19) буюрып, буюк бир севгисини ифаде эткен, гузель сёз-
 леринен шерефлендирген эди.

Айрыджа, Хазрети Осман -радыяллаху анх-нынъ аилеси де, бу-
 тюн джевхерлерини Аллах ёлуна багъышлады.

Бутюн сахаби ханымлар да зийнетлерининъ бутюнени Хазрети
 Пейгъамбер -салляллаху алейхи ве селлем-нинъ хузурына кетир-
 дилер. Он бир яшындаки бир мумине къыз да, къулагъына такъыл-
 гъан сыргъаларыны багъышлайджакъ олды. Амма къулакъларындан
 чыкъарып оламады. Эеджанлангъанындан къулакъларыны йыртып
 чыкъарды. Къанлы сыргъаларны Аллах Ресулининъ огюне къойды...

Ич бир шейи оламагъан сахабилер биле ярдым эеджаны ичинде
 эдилер. Булардан Эбу Акиль бутюн гедже чалышып, эки ольчю хурма
 къазангъан эди. Бир ольчюсини эв халкъына, бир ольчюсини де ор-
 дугъа багъышлады. Мунафыкълар исе, бу чешит федакярлыкъларны
 тиллеринде долаштырып, Эбу Акильни де косътериш япа деп къабаат-
 ладылар. Бунынъ узерине шу ает-и кериме назиль олды:



«Садакълар хусусында муминлерден гонъюлли бергенлери ве кучьлерининъ эткенинден башкъасыны тапалмагъанларны чекишти-рип, оларнен оюн якъанлар бар я, Аллах, иште оларны масхарагъа чевиргендир. Ве олар ичюн элем бериджи азап бардыр.» (Тевбе, 79)

Мунафыкъларнынъ бир къысмы, даа мусульманлардан иманы зайыф олгъанларгъа тесир этип, оларнынъ дженкке къошулмала-рына мания олмагъа арекет эте эдилер. Мунафыкълар Сувейлим адында бир еудийнинъ эвини меркез эткен эдилер. Буны огренген Ресулюллах -салляллаху алейхи ве селлем-, о ерге Хазрети Тальханы бир къач сахабинен ёллап, Сувейлимнинъ эвини якътырды. Бойледже, мунафыкълар дагъылып, гъарез ниетлерине етишemedилер.


Дигер тарафтан мунафыкъларнынъ якъан бу арекетлер долай-ысынен энген тенбие аетлери узерине, гонъюллерини иляхий азап-нынъ къоркъусы саргъан муминлернинъ эписи, топтан дженкте иш-тирак этмекте эди. Ойле ки, Медине-и Муневвере бом-бош къалгъан эди.

Лякин дженкнинъ пек узанмасы ихтимали бар эди. Бойле вази-етте девлет меркезинде мейдангъа кельмеси мумкюн олгъан вакъ-иалар себебинен джемиетнинъ аякъта турмасы зорлашаджакъ эди. Дин зайыфлайджакъ, ордунынъ ихтияджыны теминлемек зорлашад-жакъ эди. Айрыджа, миллетни аякъта тутаджакъ бир умметнинъ ол-мамасы, девлетнинъ чёкмесинен нетиджелене билир эди. Бунъа ёл бермемек ичюн дженкте иштирак этюв хусусунда Аллах Таала бир ольчу ёлады:

«Муминлернинъ эписининъ топтан сефегре чыкъмалары догъру дегильдир. Оларнынъ эр къысмындан бир топу динде (диний илим-лерде) кениш бильги эльде этмек ве къавимлери (дженктен) къайт-къанларында, оларны тенбиелемек ичюн гериде къалмалары керек. Умют этилир ки, сакъынырлар.» (Тевбе, 122)

Аллахнынъ бу эмирини къабул этип Аллах Ресули -салляллаху алейхи ве селлем-, бу мекянынъ хафсызлыгъы ичюн Хазрети Али -радыяллаху анх-нен Мухаммед бин Меслеме -радыяллаху анх-ларны Мединеде къалдырды.





Ниает, бутюн агъыр шартларгъа ве зорлукъларгъа бакъмайып, орду буюк бир шерефнен арекетке кечти. Бу сеферни зорлаштырган себеплер кыскадан шулар эди:

1. Шиддетли къургъаклыкъ.
2. Сефер ёлунынъ узун ве джаяв юрьмек ичюн уйгун олмагъан бир чёль олмасы.
- 3 Мейваларны джюв мевсими олмасы.

4. Шиддетли сыджакъ.

5. Византия ордусынынъ къалабалыкъ олгъанына бакъып, онынъ чокъ кучлю олгъанынынъ тюшюнильмеси.

Албуки, бутюн бу зорлукълар себебинен бу дженкке «Гъазветуль-Усре» (зорлукъ дженки), ордугъа да «Джейшуль-Усре» (зорлукъ орду-сы), сефер вакътындаки куньлерге де «Саатуль-Усре» (къасеветли ве зорлукъ вакъыты) денильгендир.

Орду арекет этмеге башлагъан бир вакъыттан сонъ Хазрети Али -радыаллаху анх-, мунафыкъларнынъ фитнелери долайысынен Аллах Ресули -салляллаху алейхи ве селлем-ге етишип, дженкке къошул-макъ ичюн изин истеди:

«–Я, Ресулюллах! Мунафыкълар мени артта къалдыргъанынынъ айтып, лаф даркъаталар! Манъа да сефер ичюн изин бер!» - деди.

Аллах Ресули -салляллаху алейхи ве селлем- де:

«–Я, Али! Олар ялан айткъанлар. Мен сени, артта къалдырыл-гъанларны бакъманъ ичюн таин эттим. Аман артынъа къайт; эм озъ къорантанъа, эм де меним эв халкъыма козь-къулакъ ол, олар ичюн меним векилим ол! Я, Али! Меним янымда сен, (Тур дагъына кет-кенде) Мусагъа энъ якъын олгъан Харун мевкъинда олмагъа разы олмазсынъмы? Бир фаркънен ки, менден сонъра пейгъамбер кель-мейджектир». (Бухари, Мегази, 78)

Бу гузель сёзлерге наиль олгъан Хазрети Али, буюк бир разылыкъ ве къуванч ичинде вазифесининъ башына къайтты.

Ислям ордусынынъ ёлджулыгъы сонъ дередже зор кечмекте эди. Авасы гъает сыджакъ ве бунъалтыджы эди. Учъ кишиге бир деве тюш-кени ичюн, сахабилер девеге небетнен минелер, бу да къыйындыжы-лыкъ догъура эди. Бир хурманы эки киши болюше эди. Базы вакъыт сув тапалмайып зорлукъ чеке эдилер. Бу себептен абдест алгъан-ларында, беден узувларыны тек бир кере ювдылар. Бир ара Аллах Ресули -салляллаху алейхи ве селлем-, дуа этти ве ялынъыз Ислям аскерлерининъ олгъан ерге ягъмур ягъды.

Ислям ордусы Семуд къавмининъ эляк олгъан Хиджр адлы ерден кечкенлеринде, Аллах Ресули -салляллаху алейхи ве селлем- сахаби-лерине:



«–Бу ер къачыладжакъ бир мейдандыр!» буюрды.

Артындан:

«Бу таштан оюлган эвлерге кедернен кириң! Бир шей де алмань! Чюнки бу ерде пек гуняхкяр бир къавимге Аллахнынъ азабы кельди...» буюрып, о меянынъ тез бир шекильде кечти. О ерден алынган сувларыны тѣктюрди. Исфафкъа чокъ дикъкъатлы олганына бакъмадан, бу сувнен япылган хамурнен отъмек пиширильмесине изин бермеди.

Чюнки перишан этильген меянарнынъ, оларгъа кельген фелякетнинъ къадери къыяметке къадар девам этеджектир. Долайысынен фелякетнинъ тежелли эткени меянардан кечильгенде девам эткен фелякетнинъ тесиринде къалмамакъ ичюн, Аллах Ресули -салляллаху алейхи ве селлем-нинъ буюрганы киби тез кечип кетильмеси лязим.

Тебукке бир кунлюк ёл къалгъанда Ислям ордусы кене буюк бир сувсузлыкъны башындан кечирди. Муаз бин Джебель шойле анълата:

«Ресулюллах -салляллаху алейхи ве селлем-: «Сиз ярын, иншааллах, Тебук чокърагъына етишеджексинъиз!» буюрды.

(Эртеси кунь чокъракъкъа етишкенлеринде) олган сув, авучавуч бир сув савутына топланды. Хазрети Пейгъамбер о сувнен къолларыны, юзюни ювды, сонъ сувны чокъракъкъа кери тѣкти. Сонъ уджлары демир учъ чубукъны чокъракъ сувуна батырды. Аман (булжур киби) учъ чешме фышкъырмагъа башлады. Бутюн муджахидлер сувсузлыкъларыны къандырдылар. Аллах Ресули -салляллаху алейхи ве селлем- (манъа):

«–Эй, Муаз! Узун бир омюринъ олса эди, чокъ вакъыт кечмеден бу сувнен бу ерлеринъ багъ ве багъчаларнен толу олганыны корер эдинъ!» буюрды». (Муслим, Федаиль, 10; Ахмед бин Ханбель, В, 238)

Ислям ордусы, Тебукте аскерлерининъ топланган ерлерини къорчалагъанлары алда, душмандан энъ уфакъ бир арекет биле козьге корюнмей эди. Чюнки бу къадар буюк бир Ислям ордусыны корьген христиан арап къабилелери, даа эвель Мутедеки юз бинъ кишилиик бир иман ордусынынъ косьтерген къараманлыкъларыны



хатырладылар. Къоркъуларындан дженклешмектен вазгечкен эдилер. Византия да Арабыстанны къолуна кечирип ёкъ этмек фикиринден чокътан вазгечкен эди. Византия императоры Хумуста о вакъытта озь мемлекетининъ ич ишлеринен мешгъуль эди. Бойледже, Арабыстанны ёкъ этмек меселеси, христиан олгъан Гассани арапларынынъ бир къабартувы олгъаны анылашылды.

Бу сефернен Ислям ве мусульманлар буюк зафер ве устюнлик къазандылар. Арабыстаннынъ шималь сынъырлары толусынен хафсызлыкъ тешкилятына алынды. Эйле укюмдары, Джерба ве Эрзух халкълары, Хазрети Пейгъамбер -салляллаху алейхи ве селлем-ден джизье (верги) къаршылыгъында хафсызлыкъ истеп, мусульманларнынъ имаесине кирди. Хазрети Халид бин Валид де, дёрт юз атлы аскеринен Думетуль-Дженделеге уджюм этип, укюмдар Укейдирни эсир алып Аллах Ресули -салляллаху алейхи ве селлем-ге кетирди. Онъа да джизье къаршылыгъында хафсызлыкъ берильди.

Ислям ордусы, Тебукте йигирми кунъ къалды. Ресулюллах -салляллаху алейхи ве селлем-, даа узакъкъа кетмеге истемеди. Чюнки о, Ислямны инсанларгъа къылыч зорунен кетирмек истегинде дегиль эди. Эм Византия девлетине къаршы козькъоркъутув арекетлери фазласынен япылгъан, къаршыларына ич бир душман чыккып оламагъан эди. Айрыджа, Шамны о вакъытларда таун хасталыгъы сарып къавурмакъта эди. Таун юкъумлы ве гъает хафлы бир хасталыкъ олгъанындан Хазрети Пейгъамбер -салляллаху алейхи ве селлем-:

«Бир ерде таун олгъаныны эшитсенъиз, о ерге кирмень! Сиз о ерде исенъиз, сакъын о ерден чыкъманъ!» буюрды.

Артындан сахабилеринен фикир танышып Мединеге къайтмакъ къарарына кельдилер.

Бу вакъытта Эбу Зер -радыяллаху анх-, ордугъа етишти. О, минеги ёлгъа даянып оламагъаны ичюн артта къалгъан, зор да олса джаяв оларакъ ордунынъ артындан кельген эди. Буны корьген Аллах Ресули -салляллаху алейхи ве селлем-, тебессюмнен:

«—Аллах селямет берсин! Эбу Зерр ялынъыз яшар, ялынъыз олор ве ялынъыз башына тирильтилир»,— буюрды.

Аллах Ресули -салляллаху алейхи ве селлем-нинъ бу муджизе толу



сёзлери, вакыты кельгенде акыйкъткъа чевирильген ве Эбу Зерр -радыллаху анх-, ялынъыз яшагъан, ялынъыз вефат эткендир.

Ордугъа къошулгъанлардан бири де Эбу Хейсеме эди. О, башта сефернинъ агъырлыгъы себебинен Мединеде къалгъан, ордуда иштирак этмеген эди. Даа сонъра бир кунъ, азбарында къадыны онъа дюльбер бир софра азырлагъан, оны емекке чакъыргъан эди. Эбу Хейсеме бу манзараны корьгенинен акълына Аллах Ресули -салляллаху алейхи ве селлем- ве асхабы келип, юреги сызлагъан ве озь-озюне: «Олар бу сыджакъта Аллах ёлунда ёл юрьгенлеринде, меним бу япкъаным оладжакъ шейми?» деген эди. Бу пешманлыкъ ичинде, озю ичюн азырлангъан софрагъа эль токъундырмадан, аман ёлга туюшкен, Тебукте Ислям ордусына къошулгъан эди.

Онынъ кельгенини корьген Аллах Ресули -салляллаху алейхи ве селлем-, бу арекетинден мемнюн олды ве:

«-Я, Эбу Хейсеме! Аз къалды эляк оладжакъ эдинъ!...» деп, онынъ багъышланмасы ичюн Аллахкъа дуа этти.

Тебукте Ислям ордусындан ялынъыз Абдуллах Зульбиджадейн адында бир сахаби шехит олгъан эди. Затен о, сеферге чыкъкъанында озюне шехитлик насип олмасы ичюн Хазрети Пейгъамбер -салляллаху алейхи ве селлем-ден дуа этмесини риджа эткен эди. Ресулюллах -салляллаху алейхи ве селлем- де:

«Сен Аллах ёлунда дженкке чыкъып да, атешли хасталыкъкъа (хуммагъа) тутулып ольсенъ, шехитсинъ!» буюргъан эди.

Керчектен онынъ шехит олмасы да бойле шекильде акыйкъткъа чевирильди. Орду къайтмакъ ичюн азырлыкъ коре эди. Яры геджеде оны дефин эткенлеринде, Аллах Ресули -салляллаху алейхи ве селлем- биззат къабирге кирди ве Абдуллахны о ерге мубарек къолларынен къойды. Сонъ да:

«Аллахым! Мен ондан разы олдым, сен де разы ол!...» деп дуа этти.

Мунафыкълардан бир къачы, шу гедже мусульманлар кечеджек тар бир ёлда Аллах Ресули -салляллаху алейхи ве селлем-ни ольдюрмек планыны азырлагъан эдилер. Хазрети Пейгъамбер -салляллаху алейхи ве селлем-нинъ олып кечкенлерден хабери олды ве



Хузейфетуль-Эманийни оларнынъ узерине ёллады. Хузейфе -радыяллаху анх- да, о ерге барып:

«–Эй, Аллах душманлары! Чекилинъ!» деп сесленди ве мунафыкъларнынъ эписини дагъытты.

Факъат Аллах Ресули -салляллаху алейхи ве селлем-ни, мунафыкъларнынъ планлаштыргъан экинджи бир тузагъы беклемекте эди.

Ислямиетнинъ темеллешмесинен берабер Медине ве Меккеден айрылгъан Эбу Амир адлы Хазречли бир христиан, Византия топракъларына кочькен ве ич тынмадан мунафыкъларны мусульманларгъа къаршы къыздыра эди. Бу фитне къазанынынъ сонъ нокътасы оларакъ да, Къуба месджитининъ бир аз ашагъысында бир месджит даа къургъан эдилер. Бу – белли Дырар Месджити эди...

Ресулюллах -салляллаху алейхи ве селлем-ни Тебук сеферине чыкмадан эвель де бу ерге давет эткен эдилер. Факъат Аллахнынъ Ресули бу даветке:

«–Сеферден къайтгъанымыздан сонъ, иншааллах!»- деп джеваплангъан эди. Бу себепле мунафыкълар Ислам ордусынынъ къайтмасыны беклемекте эдилер.

Аллах Ресули -салляллаху алейхи ве селлем-, Мединеге бир къонакъ якълашкъанында Джебраиль -алейхисселям- кельди ве корюниште бир месджит оларакъ къурулгъан бу фитне ювасынынъ асыл макъсады акъкъында хабер этти. Бойледже, месджитке къаршы месджитни, динге къаршы динни къуланмакънен Аллах Ресули -салляллаху алейхи ве селлем-ге, долайысынен мусульманларгъа къаршы мунафыкълар тарафындан азырлангъан бу ийле бир нетидже бермеди. Чюнки Аллах, ачыкъ бир шекильде бу акъыкътны бильдирген эди:

«(Мунафыкълар арасында) бир де (муминлерге) зарар бермек, (хакъны) инкяр этмек, муминлернинъ арасына айрылыкъ сокъмакъ ве даа эвель Аллах ве Ресулине къаршы дженклешкен адамны беклемек ичюн бир месджид къургъанлар ве: «–(Бунен) яхшылыкътан башкъа бир шей истемедик!» деп мытлакъа емин этеджек олгъанлар да бар. Албуки, Аллах оларнынъ кесен-кес яланджы олгъанларына шаатлыкъ этер».



«(Эй, Ресулим!) Онынъ ичинде (Дырар месджидинде) асла намаз кылма! Илык куньден такъва узеринде кырулган месджид ичинде (Къуба месджидинде) намаз кылувынъ эльбетте даа догърудыр. Онынъ ичинде темизленмекни севген адамлар бар. Аллах да темизленгенлерни север.» (Тевбе, 107, 108)

Аллах Ресули -салляллаху алейхи ве селлем-, Аллахнынъ эмирине риает этип арекет этти ве Мединеге кельгенлеринен Дырар месджидини якътырды.

Тебук сефери, кедер толу заметли бир сефер эди. Сахабилер 1000 километр узунлыкътаки ёлгъа чыкъкан ве къайткан эдилер. Мединеге якълашканларында вазиетлери ойле дереджеде эди ки, къыяфетлери денъишкен эди. Терилери кемиклерине япышкан, сач-сакъаллары бир-бирине кирген эди. Вазиетлери бойле экен, Хазрети Пейгъамбер -салляллаху алейхи ве селлем-:

«Шимди кучюк джихаттан буюк джихаткъа башлаймыз!...» буюрды.

Сахабилер шашкынлыкъ ичинде:

«Я, Ресулюмах! Алымыз белли! Бундан даа буюк джихат бармы?» дедилер. Хазрети Пейгъамбер -салляллаху алейхи ве селлем-:

«Шимди буюк джихаткъа (нефис джихадына) башлайджакъмыз!...» (Бейхаки ве Суюти) буюрды.

Нефис джихады – бир юрек тербиесидир. Онынъ макъсады, ахлякны юджельтмек ве инсанны энъ юксек дереджеге етиштирип «инсан-ы кямиль» алына кетирмектир.

Хадис-и къудсиде Аллах -джелле джелялюху- буюра:

«Биз инсанынъ сырымыз. Инсан да бизим сырымыздыр!...»

Бу сыр, ялынъыз Мухаммедий акъикъатнен чезилип анълашылып. Онда не къадар джоюлып олсакъ, бу акъикъат о къадар ортагъа чыкъар. Инсан бу каинатнынъ, бу дюньянынъ яратылув икметини анълап оламаса, бу дюнья оны ютар. Дюньягъа келюв себебини анълап оламаган инсан, инсаннынъ мукъаддес, къутсал тизилиювинден хаберсиз къалыр. Яратылышындаки иляхий макъсатны анълап оламаз. Халифетуллах олгъаныны анълап оламаз. Халифетуллах олмагъа догъру ёл алган къуллар исе, Раббининъ корьген козю, эшиткен



кѳулагъы алына келирлер. Инсаннынъ яратылыш макъсады олгъан «васыл-ы иляллах» олмагъа догъру ёл алырлар.

Ресулюлах -саллялаху алейхи ве селлем-нинъ Мединеге келювинен, бутюн халкъ буюк эеджаннен оны ве Ислям ордусыны кѳаршыладылар.

Эркеклерден Мединеде кѳалып Тебук сеферинде иштирак этмеген учъ группа бар эди:

1. Себеби олгъанлар.

Булар, даа эвель ает-и керимеде беян этильген кимселер олып, истегенлери алда сеферде иштирак этип оламагъанлардыр. Олар акъкъында Аллах Ресули -саллялаху алейхи ве селлем-, Ислям ордусына:

«Мединеде ойле кимселер бар ки, кѳайсы ерге бармайыкъ ве кѳайсы вадийден кечмейик, бизнен берабер олмагъа истерлер! (Факъат) оларны себеп ве узюрлери кѳалдыргъан эди...» (Бухари, Мегази, 81) буюргъан эди.

Бу акъкъында бир башкъа хадис-и шерифте:

«Амеллер ниетлерге коредир!..» денильмекте.

2. Мунафыкълар.

Булар, бир чокъ себепнен Хазрети Пейгъамбер -саллялаху алейхи ве селлем-нинъ бу сеферден кѳайтып оламайджагъыны тюшюнип ордугъа кѳошулмагъанлар эди. Лякин Хазрети Пейгъамбер -саллялаху алейхи ве селлем-нинъ сагъ-сеямет ве буюк гъалебенен кѳайткъаныны корьгенлеринде, чапып кѳаршысына чыкътылар ве бинъ-бир ялан уйдурып багъышлав истедилер. Сайылары сексен кѳадар олгъан бу мунафыкълар акъкъында Аллах Таала шойле буюрды:

«(О мунафыкълар) мытлакъа сизден олгъанларына даир Аллахкъа емин этерлер. Албуки олар, сизден дегиллер; факъат олар, (кѳылычларынынъыздан) кѳоркъкъан бир джемааттыр.»

«Эгер сыгъынаджакъ бир ер, я да гизлене биледжек бир магъара, я да бир тешик тапсалар эди, о тарафкъа чапышаракъ кетер эдилер.» (Тевбе, 56-57)

«(Сеферден) оларгъа кѳайткъанынынъызда сизге узюр беян этеджеклер. Де ки: (Бошуна) узюр беян этменъ! Сизге асла инанмаймыз!



Чюнки Аллах, хаберлеринъизни бизге бильдирди. (Бундан сонъки) амелинъизни Аллах да кореджек, Ресули де. Сонъра корюльгенни ве корюльмегенни бильгенге дёндюриледжексинъиз де (О), япаяткъанларынъизны сизге хабер береджек.»

«Оларнынъ янларына къайткъан вакътынъызда, сизге оларны раат быракъувынъыз ичюн Аллах адына ант этеджеклер. Артыкъ, олардан юз чевиринъиз! Чюнки олар, пислердир. Къазанаяткъанларына (фена ишлерине) къаршылыкъ джеза оларакъ бараджакълары ер джехеннемдир!» (Тевбе, 94-95)

Бу ает-и керимелернен мунафыкълар, Ислям джемаатындан артыкъ яваш-яваш узакълаштырылган олдылар ве оларгъа «мурдар» сыфаты берилип, мусульманлардан сайылмадылар. Айрыджа, Ислям ичюн япыладжакъ эр тюрю джихаттан да узакъ тутулдылар.

3. Себеби олмагъанлар.

Булар эки къысымдыр:

а) Ич бир себеплери ёкъ экен ве мунафыкълардан да олмагъанлары алда дженкке къошулмагъанлардыр. Лякин бу кимселер, Аллах Ресули -салляллаху алейхи ве селлем- даа Тебуктен къайтмадан звель, озълерининъ хаталарыны анълап, сонъ дередже пешман олдылар. Ойле ки, япкъанлары янълыш арекетнинъ бир джесасы оларакъ озълерини джамининъ тереклерине багъладылар ве Аллах Ресули -салляллаху алейхи ве селлем- чезмегендже, бойле вазиетте багълы къаладжакъларына ант этилир. Ресулюллах -салляллаху алейхи ве селлем- сеферден къайтып, оларнынъ алларыны огренгенинен:

«Мен де олар акъкъында бир эмир алмагъаныма къадар, оларны чезмейджегиме ант этем »- деди.

Бунынъ узерине шу ает-и кериме назиль олды:

«Дигерлери исе гуняхларыны итираф этилир; яхшы бир амельни башкъа яман бир амельнен къарыштырдылар. (Тевбе этселер) умют этилир ки, Аллах оларнынъ теvbесини къабул этер. Аллах чокъ багъышлайды ве пек мерхаметлидир.» (Тевбе, 102)

Бу ает-и керименинъ энмесинден сонъ Ресулюллах -салляллаху алейхи ве селлем-, пешман олгъанларындан озълерини тереклерге багълагъан бу сахабилерни чезди.



б) Булар да, ич бир себеп ве узюрлери олмагъанлары ве мунафыкълардан да олмагъанлары алда дженкке къошулмагъан, лякин эвельден пешман олып, озьлерини тереклерге багълагъан сахабилернинъ тышында къалгъан учь сахабидир. Шаир Къаб бин Малик, Мураре бин Рабиуль-Амри ве Хильяль бин Умейетуль-Вакъыфи адлы бу учь сахаби, мунафыкълар киби ялан сёйлемедилер. Олар, Аллах Ресули -салляллаху алейхи ве селлем-ге себеби олмадан дженкке къошулмайджакъларыны беян этилер. Япкъанларына сонъ дередже пешман олгъанлары ичюн де тарифсиз бир пешманлыкъ ичинде Пейгъамбернинъ хузурунда багъышланмаларыны истедилер.

Иляхий эмирлерге риает хусусында буюк бир мерхамет ве юмшакълыкъ саиби олгъан Аллах Ресули -салляллаху алейхи ве селлем-, бу учь сахабини багъышламады. Ойле ки, Аллах тарафындан вахий кельмесини беклер экен, оларнынъ селямларыны биле алмады. Эр мевзуда онъа таби олгъан сахабилери де айны шекильде арекет этилер.

Бу учь сахаби, бутюн дженклерге къошулгъан эдилер. Ичлеринден Къабдан башкъа экиси Бедирде иштирак эткен эдилер. Буннынъ ичюндир ки, шу ан Тебук сеферинде иштирак этмемек ичюн тюшюнип тапкъан бааналары къаршысында дюнья, гонъюллерине тар кельди. Айныкъса Аллах Ресули -салляллаху алейхи ве селлем-нинъ селямларыны биле алмайджакъ дереджеде олардан юз чевирмеси нетиджесинде, санки ер юзю озьлерине ябанджылашкъан эди. Атта къадынлары биле оларгъа бир ябанджы козьлеринен бакъкъан киби эди. Япаджакъ ич бир чарелери къалмады. Олар да, гедже-куньдюз агъадылар. Ириген бир мумгъа чевирильдилер. Янъылышкъан эдилер, амма ихляс, догърулыкъ, юректен багълылыкъ, самимиет, теслимиет, пешманлыкъ ве тевбеден узакълашмагъан эдилер. Бойледже, элли кунъ кечти. Ниает, догъруны айткъанлары ве юректен тевбе этювлерининъ бир мукъяфаты оларакъ шу ает-и кериме назиль олды ве олар багъышландылар:

«Ве (Аллах, дженктен) артта къалгъан учь кишининъ де (тевбелерини къабул этти). Ер юзю, кенъишлигине рагъмен оларгъа тар кельген, виджданлары оларны къыйнай ве къыйнай эди. Ниает,



Аллахнынъ азабындан кене Аллахкъа сыгъынмакътан башкъа чаре олмагъаныны анылагъан эдилер. Сонъра эски алларына къайтувлары ичюн Аллах, оларнынъ теvbелерини къабул этти. Чюнки Аллах, теvbени чокъ къабул этиджидир, Рахимдир.»

«(О алда) Эй, иман эткенлер! Аллахтан къоркъунъ ве догъруларнен берабер олунъ!» (Тевбе, 118-119)

Хазрети Пейгъамбер -салляллаху алейхи ве селлем-, Къаб бин Маликке бу мудждели хаберни шойле бильдирген эди:

«–Сени, догъгъанынъ куньден бери кечиргенинъ энъ хайырлы ве къуванчлы бир куннен муджделерим!...»

Къаб бин Малик -радыяллаху анх- да, Аллахнынъ бу юдже багъышлавына бир шукюр оларакъ:

«–Я, Ресулюллах! Мен де Аллах ве Ресулининъ разылыгъы ичюн малымнынъ эписини садакъа этмек истейим!...» деди.

Лякин Аллах Ресули -салляллаху алейхи ве селлем-:

«–Малынънынъ бир парчасыны озюнъ ичюн де къалдыр! Бойле япманъ сенинъ ичюн даа хайырлыдыр!» буюрды.

Къаб бин Малик де:

«–Бойле олса Хайбердеки пайымны къалдырырым. Эй, Аллахнынъ Ресули! Аллах мени бу фелякеттен ялынъыз догърулыгъым себебинден къуртарды. Артыкъ, мен бундан сонъ, аятым боюнджа догърудан башкъа бир сёз айтмайджам!...» деди.

Бу учъ сахаби, Аллах Ресули -салляллаху алейхи ве селлем- нен бутюн дженклерге къошулгъанлары алда бир дженктен артта къалгъанлары ичюн бу къадар агъыр бир джезагъа огърагъан эдилер. Бу вакъиа, себепсиз бир шекильде эвр-и биль-маруф (диннинъ эмирлерини, Къуран ве Ислям акъикъатларыны бильдирмек) ве нехй-и аниль-мункернинъ (ясакълангъан шейлерни яптырмамакъ) ве Аллах ёлундаки теvhид муджаделесининъ тышында къалгъанларгъа буюк бир дерстир.

Иште, бир инсан, сахабе сыфатына саип оладжакъ, Ислямнынъ энъ кучъсыз вакъытында башта Бедир, сонъ башкъа бир чокъ дженклерде иштирак этип, олюмнен юз-юзге къаршылашаджакъ, сонъ да Тебук киби зор, лякин дженксиз бир сеферге себепсиз къошул-



магъаны ичюн бу дереджеде агъыр бир арекетнинъ къаршысында къаладжакъ!... Бу вакъиада, илим саиплери ичюн бир ибрет аладжакъ дерс ве не де терен бир мана бардыр. Шимдики девирде ве эр девирде Ислямнынъ гъалебесини сакъламакъ ичюн, бу дженкни хатырламакънынъ эр биримиз ичюн эмиети чокъ буюк олгъаныны унутмайыкъ! Бедир дженкине къошулып, Бедир гъазиси олгъанлар, бойле бир дикъкъатсизликни бу дереджеде паалы одеген олсалар, я бизим киби инсанларнынъ алы не олур, деп тюшюнмемиз лязим.

Тебук сеферинден сонъ юз берген вакъиалар

Аллах Ресули -салляллаху алейхи ве селлем-нинъ мысырлы джариесинден Ибрахим адында бир огълу дюньягъа кельген эди.

Хазрети Ибрахим, Тебуктен къайткъанда хасталанды ве чокъ кечмеден вефат этти.

Аллах Ресули -салляллаху алейхи ве селлем-, бунъа чокъ кедерленди. Мубарек козьлеринден мерхамет яшлары төкюльди. Ве шойле буюрды:

«Козъ агълар, юрек де кедерлидир. Бунынъен берабер Раббимизнинъ бегенмейджек бир шей айтылмаз...»

Бу арада кунеш тутулгъан эди. Сахабилерден базылары, буны бир джахилие адети оларакъ Ресулюллах - салляллаху алейхи ве селлем-нинъ огълу Хазрети Ибрахимнинъ вефатына багъадылар. Лякин Хазрети Пейгъамбер -салляллаху алейхи ве селлем-, сахабилерининъ бу тюшюнджелери догъру олмагъаныны шойле бильдирди:

«Кунеш де, Ай да бир кимсенинъ ольмеси я да догъмасынен тутулмаз!» буюрды.

Реджеп айы эди. Аллах Ресули -салляллаху алейхи ве селлем- Хабешистан къыралы Неджашининъ вефат эткенини дуйды ве онынъ дженазе намазыны гъыябий къылдырды.

Сонърадан Неджашининъ акъикъатен тамам о куню вефат эткени огренильгендир.

Шабан айында да Хазрети Пейгъамбер -салляллаху алейхи ве селлем-нинъ мубарек къызы, Хазрети Осман -радыяллаху анх-нынъ да мухтерем къадыны олгъан Умму Гульсюм -радыяллаху анха-Аллахнынъ рахметине къавушты.



Тебук сеферинден эки ай къадар сонъ, яни Шевваль айында мунафыкъларнынъ реиси Абдуллах бин Убейнинъ фитне толу аяты да сонъуна етти. Онынъ олюминен мунафыкъларнынъ арекетлерининъ темели сарсылды ве артта къалгъан башкъа мунафыкъларнынъ эксериети тевбе этип, акъикъый мусульманлардан олдылар.

Эльчилер йылы

Мекке фетих этильген, Хунейн дженкинде гъалебе къазанылгъан, Таиф халкъы къамачавдан бир йыл кечкен сонъ мусульман олгъан ве бу арада япылгъан агъыр Тебук сефери де мувафакъиетнен нетиджеленген эди. Артыкъ Арабиستان ярым адасында Ислямиетнинъ къаршысында мания оладжакъ ич бир кучъ къалмагъан эди.

Бу себепнен Ислямнынъ шаны, шерефи ве юджелигини догъру бир шекильде танув къолайлыгъыны ве уйгун вакътыны тапкъан арап къабилелери, Аллах Ресули -салляллаху алейхи ве селлем-ге эльчилер ёмап багълылыкъларыны косътермеге башладылар. Йемен, Хадрамевт, Бахрейн, Амман, Шам ве Иран худутларындан кельген бу эльчилер, я мусульман олмакъ ичюн, я да Ислям динине киргенлерини бильдирмек ичюн келелер ве Аллах Ресули -салляллаху алейхи ве селлем-ден озълерине Ислямны огретеджек, догъру ёл косътереджек оджалар истей эдилер.

Бу шекильде Ислямиет, кунъ-кунъден бутюн Арабыстангъа яйылды. Инсанлар джемаат-джемаат олып Ислямгъа кирмеге башладылар. Медине, эр кунъ янъы-янъы кельген мусафирлернен толып-таша эди. Аллах Ресули -салляллаху алейхи ве селлем- де, кельгенлерни энъ гузель бир шекильде къаршылай, оларгъа сайгъы косътерип икрамда булуна, эписининъ алына, арекетлерине ве адетлерине коре оларнен субетлер эте, гонъюллерге Ислямнынъ нур, къуванч ве раатлыгъыны нагъыш-нагъыш ишлей эди. Артыкъ эски къасевет ве заметлернинъ ерини, берекет ве раатлыкъ деньиштирген эди.

Керчектен Аллах Таала, озъ янындан олгъан бу яхшылыкъларнынъ шукюрининъ оденмеси мевзусында Хазрети Пейгъамбер -салляллаху алейхи ве селлем-ге ве онынъ шахсында бунынъ заметинен тед-



жрибелі олған муминлерге шойле буюргандыр:

«Аллахның ярдымы ве зафери келип де инсанларның топ-топ Аллахның динине киргенлерини корьгенинъ вакыт, Раббинъе хамд этип Оны тесбих эт ве Ондан магъфирет исте! Чюнки О, тевбелерни чокъ къабул этиджидир.» (Наср, 1-3)

Хиджретнинъ 9 сенеси керчеклешен Исламның Арабыстанда бу шекильде тез яйылмасы ве Мединеге мубарек динни огренмек ичюн топ-топ къабиле эльчилерининъ келюви себебинен бу сенеге «эльчилер сенеси» денильди.

Ер ве коклернинъ хазинелери Аллахныңдыр

Кяфирлернинъ бутюн гъайретлерине рагъмен Аллах, динини гъалебе къылған ве муминлерни оларгъа къаршы гъалип эткен эди. Чюнки бу, Аллахның, Ресулине ве онынъ ёлунда догърулыкъ ве севгиге багълы олып юрьген муминлерге аит иляхий бир анты эди. Долайысынен, Аллах душманлары истемесе де, бу акыкъат эльбетте керчеклешеджек эди. Акыкъатта Къуран-ы Керимде шойле буюрыла:

«Олар: «–Аллахның эльчиси янында булунғанларгъа (мухаджирлерге) ич бир шей берменъ ки, дагъылып кетсинлер!» деген эдилер. Албуки, коклернинъ ве ернинъ хазинелери Аллахныңдыр. Факъат мунафыкълар буны аъламазлар.» (Мунафыкъун, 7)

Керчектен асырлардан берли кяфирлер тарафындан мусульманларның икътисадий кучълери зайыфлатылмагъа гъайрет этильсе биле, ер ве коклернинъ хазинелери Аллахкъа аит олгъаны ичюн Аллах, муминлерге буюк джумертликте булунған, маддий ве маневий ордуларыны сефербер этип, къыскъа заманда оларны гъалебелерге наиль эткен ве кяфирлерни де бозгъунлыкъкъа огъратқан эди.

Ислам тарихына бакъылгъаны вакыт, Аллахның ярдымынен муминлернинъ, пек аз бир кучънен, буюк мувафакъиетлер эльде эткенлерини корьмек мумкюн. Бедир, Муте, Эндюлюс, Малазгирт ве бир чокъ гъалебелер бу акыкъатнынъ бирер мисаллеридир. Башкъа тарафтан бутюн дюньягъа «иях-и келиметуллах»нынъ имзасыны аткъан буюк Османлы Девлетини де 400 атлы къургъан эди. Энь сонъ оларакъ шаат олгъанымыз Чеченистаннынъ буюк Русиени тиз чёк-



тюрмеси де, кене Аллахнынъ ярдымы берекетинендир.

Юкъарыда кетирилген мисаллернинъ бутюни мусульманларнынъ Аллахкъа олгъан севгиси, догърулыкълары ве багълылыкълары нетиджесинде макъсатларына иришкенлерини косьтермекте. Яни догърулыкъларны джойгъан – кучюни джояр; догъру ёлдан айрылмагъан да, кучь ве къудретте енълмез алгъа келир.

Бойле олгъанда, Ислям душманлары не этсе этсинлер, мусульмангъа ич бир зарар берип оламазлар. Чюнки Аллах, ает-и керимеде бу иляхий имаени шойле беян эте:

«(Эй, муминлер!) Эгер сабыр этсенъиз ве къорчалансанъыз, оларнынъ ийлеси сизге ич бир зарар бермез. Шубесиз, Аллах оларнынъ япкъанларынынъ чевресини сарып алгъандыр.» (Ал-и Имран, 120)

Керчектен Аср-ы Сеадет ве Ислям тарихы, бу ает-и керименинъ сайысыз мисалерине шааттыр.



ХАДЖ – ХИДЖРИЙ 9 СЕНЕ

Хиджретнинъ докъузынджы сенесине къадар хадж, Хазрети Ибрахим -алейхисселям-нынъ Ханиф динине коре япыла эди. Бу йыл исе, Аллах Ресули -салляллаху алейхи ве селлем-, Хазрети Эбу Бекирни хадж эмири оларакъ тайин этип, Ислямий хаджылыкъны мусульманларгъа огретмеси ичюн учъ юз кишилик бир керваннен Меккеге ёллады. Озю исе келеджек сене хадж этеджегини бильдирди.

Хазрети Эбу Бекир -радыяллаху анх-, хадж керванынен ёлгъа чыкъкъаны вакъыт, Тевбе (Берае) суресининъ ильк аетлери назиль олды. Бойледже, путлардан темизленген Аллахнынъ Эвининъ мушриклерден де темизленмеси эмир этильди. Чюнки, о вакъыткъа къадар мушриклернинъ де Кябеде ибадет этмелерине къарышылыкъ косьтерильмей эди. Лякин асыл хусусиетлерини къазангъан Кябе-и Муаззамада, мушриклернинъ эль чырпып ве чыпкакъ бир шекильде ахлякъкъа терс оларакъ озьлерине коре ибадет этмелери тевхидге уйгъун олмай, халкъ арасында да наризалыкълар догъмасына себеп ола эди. Иште, Тевбе суресининъ бу арада энген аетлери, Кябеде тевхидге къаршы яшангъан урьметсизликке сонъ берген аетлер олды.

Аллах Таала буюра:

«Бу озьлерине антлашув япкъанынъыз мушриклерге Аллах ве Ресулинден кесен-кес бир техдир».

«(Эй, мушриклер!) Ер юзюнде дёрт ай даа долашынь! Яхшы билинъ ки, сиз Аллахны аджиз быракъаджакъ дегъилсиниз; Аллах исе къа-

фирлерни резиль (ве перишан) этеджектир.»

«Бу, Аллах ве Ресулинден Хадждж-ы Экбер кунюнде инсанларгъа бир иляндир. Аллах иле Пейгъамбери, мушриклерден узакътыр (эр тюрю алякъасыны кесгендир). Эгер тевбе этсенъиз, бу сизинъ ичюн даа хайырлыдыр. Ве эгер юз чевирсенъиз, билинъ ки, Аллахны ад-жиз быракъаджакъ дегильсинъиз. (Эй, Ресулим!) Кыфирлерге элем бериджи азапны мужделе!»

«Анджакъ, кендилеринен анылашма япкъанынъыз мушриклерден (анылашма шартларына уйгъан) ич бир шейни сизге эксик быракъмагъан ве сизинъ алейхинъизге къайсы бир кимсеге аркъа чыкъмагъанлар (бу укмюнинъ) тышындадыр. Оларнынъ анылашмасыны, муддетлери биткенге къадар тамамланъыз! Аллах (хакъсызлыкътан) сакъынгъанларны север!» (Тевбе, 1-4)

«Эй, иман эткенлер! Мушриклер анджакъ, неджистир. Онынъ ичюн бу сенелерден сонъра Месджид-и Харамга якълашмасынлар! Эгер ёкъсуллыкътан къоркъсанъыз, (билинъиз ки) Аллах тилесе, сизни кенди лутфюнден зенгин этеджектир. Шубесиз, Аллах Алимдир, Хакимдир.» (Тевбе, 28)

Аллах Ресули -салляллаху алейхи ве селлем- бу ает-и керимелерни илян этмек ичюн Хазрети Али -радыяллаху анх-ны, Хазрети Эбу Бекир -радыяллаху анх-нынъ артындан Меккеге ёллады.

Хазрети Али -радыяллаху анх-, байрамнынъ биринджи куню Акъабе Джемпеси янында аякъкъа туруп, Аллах Ресули -салляллаху алейхи ве селлем-нинъ озюне берген бу вазифени бир хутбенен ерине кетирди. Тевбе суресинден белли сайыда аетлер окъулгъандан сонъ, Ресулюллах -салляллаху алейхи ве селлем-нинъ айткъан дёрт маддени эр кеске илян этти:

1. Бу йылдан сонъ ич бир мушрик Кыбеге якълашмайджакъ.

2. Кыбе, ич бир заман чыпакъ оларакъ таваф этильмейджек.

3. Ялынъыз Аллах Ресули -салляллаху алейхи ве селлем-нен анылашма япкъан ве бунъа садыкъ къалгъан мушриклерге бельгиленген вакъыт биткенге къадар анылашма мадделери озь кучюнде къаладжакъ.

4. (Эр кес бильсин ки), дженнетке ялынъыз муминлер кирип



оладжакъ.

Бу сенеден сонъ, артыкъ ич бир мушрик хаджкъа кельмеди ве Кябе, чыплакъ оларакъ таваф этильмеди.

Бу вакъиалардан ширкнинъ кетирген бахтсызлыкъларыны анълагъан мушриклер, ниает иманны сечкен эдилер.

Бу сенеден сонъ, Кябе-и Муаззама путлардан темизленгени киби, мушриклерден де темизленген, Аллах Ресули -салляллаху алейхи ве селлем-нинъ япаджакъ буюк хаджы ичюн азыр алгъа кельген эди.



ВЕДА ХАДЖЫ (ХИДЖРИЙ 10 СЕНЕ)

Пейгъмберимизнинъ ильк ве сонъки хаджылыгы

Хадж ибадетининъ фарз олувындан сонъ Аллах Ресули -салляла-
лаху алейхи ве селлем-нинъ япкъан ильк ве сонъки хаджылыгы,
Хадж-ы Ведадыр.

Арабыстаннынъ баштан-башкъа мусульман олганы ве
Ислямнынъ шанлы ве акимиятининъ сонъ дередже кучьленгени хид-
жретнинъ 10 сенесине догъру кельген бу хаджгъа, бутюн мусульман-
лар Хазрети Пейгъмбер -салляллаху алейхи ве селлем- тарафындан
давет этильди.

Аллах ве Ресулюллах севгисинен толуп-ташкъан гонъюллер, бу да-
ветни топан къабул этилер. Дёрт бир тарафтан Хазрети Пейгъмбер
-салляллаху алейхи ве селлем- нен хадж этмек ичюн Меккеге чапып
кельген муминлернинъ сайысы юз йигирми бинъден зияде эди. Эписи
тек бир юрек алында хаяллар отеси юдже бир манзараны козетмек-
те эдилер. Ерлер ве коклер, айтылгъан тельбие сеслеринен чалкъана;
раатлыкъ ве ферахлыкъ, эр ерни бир хакъ киби саргъан эди.

Аллах Ресули -салляллаху алейхи ве селлем-, умметине бундан
сонъ насыл хадж этиледжегини озю косьтерип, бутюн вазифелерни
ерине кетирген сонъ Арафатта девесининъ узеринден эр кес бильген
«Веда Хутбеси»ни сёйледи:

«Эй, инсанлар!

Сёзлерими дикъкъатнен динъленъиз! Бильмейим, бельки бу йыл-
дан сонъ сизлернен бу ерде бир даа эбедий оларакъ олмам!

Эй, инсанлар!



Бу кунълеринъиз насыл темиз бир кунъ исе, бу айларынъыз насыл темиз бир ай исе, бу шеэринъиз (Мекке) насыл мубарек бир шеэр исе, джанларынъыз, малларынъыз, намусларынъыз да ойле темиздир; буларгъа эр тюрлю зорлукъ ве баскъынджылыкъ япмакъ харамдыр.

Асхабым!

Ярын Раббинъизге къавушаджакъсынъыз ве бу кунъдеки эр ал ве арекетинъизден мытлакъ эсапкъа чекиледжексинъиз! Сакъын менден сонъ эски бозгунлыгъынъызгъа къайтып да бир-биринъизнинъ бойнунъызны урманъыз!

Асхабым!

Кимнинъ янында бир эманет бар исе, оны саибине берсин! Фаизнинъ эр чешити ясакълангъан эди; аягъымынъ астындадыр. Лякин борджунъызнынъ асылыны бермек керек. Не зулум этинъиз, не де зулумгъа огъранъыз! Аллахнынъ эмиринен фаизнен иш япмакъ артыкъ ясакътыр. Джахилиеттен къалгъан бу чиркин адетнинъ эр чешити аягъымынъ астындадыр. Биринджи ясакълагъаным фаиз да Абдуль Мутталибнинъ огълу (эмджем) Аббаснынъ фаизидир.

Асхабым!

Джахилиет девиринде адет олгъан къан давалары да тамамынен ясакъланды. Ясакълагъаным ильк къан давасы, Абдуль Мутталибнинъ торуну (эмджезадем) Ребианынъ къан давасыдыр.

Эй, инсанлар!

Бугунъ шейтан, сизинъ шу топракъларынъызда янъыдан тесир ве акимietiни къурмакъ кучюни эбедий суретте джойгъандыр. Факъат сиз, бу ясакълагъаным шейлер тышында кучюк коръгенинъиз ишлерде онъа уйсанъыз, бу да оны хошнут этеджектир. Дининъизни къорчаламакъ ичюн бу шейлерден да сакъынынъыз!

Эй, инсанлар!

Къадынларнынъ хакъларына риает этинъиз! Оларгъа шефкъат ве севгинен муамеле этинъиз! Олар акъкъында Аллахтан къоркъманъызны тевсие этем. Сиз къадынларны, Аллах эманети оларакъ алдынъыз; оларнынъ намусларыны ве ифдетлерини Аллах адына сёз берип хелял этиндинъиз! Сизинъ къадынлар узеринде хакъкъынъыз,



оларнынъ да сизинъ узеринъизде хакълары бардыр. Сизинъ къадынлар узериндеки хакъкъынъыз, оларнынъ, аиле шерефини ич бир кимсеге чайнатмамасыдыр. Къадынларнынъ да сизинъ узериниздеки хакълары, догъру бир шекильде эр тюрю ашайджакъ ве киеджеклерини сакъламанъыздыр. Бир къадыннынъ, къоджасынынъ изни олмайып, онынъ малындан ич бир шейни, башкъасына бермеси хелял олмаз!

Къулларынъызгъа кельгенде; оларгъа ашагъанынъыздан ашатагъа, кийгенинъизден кийдирмеге дикъкъат этинъиз! Багъышлап оламайджагъынъыз бир хата этселер, изин беринъиз! Факъат оларгъа асла эзиет этменъиз! Чюнки олар да, Аллахнынъ къулларыдыр.

Эй, му'минлер!

Сёзюми яхшы динъленъиз ве яхшы тюшюнинъиз! Мусульман мусульманнынъ къардашыдыр; бойледже бутюн мусульманлар къардаштыр. Дин къардашынъызгъа аит олгъан бир хакъкъа баскъынджылыкъ япмакъ, башкъасына хелял дегильдир. Эгер, гонъюль разылыгъынен озю берген олса...

Хакъсызлыкъ япманъ! Хакъсызлыкъкъа да боюн эгменъ! Мемлекетнинъ хакъларыны зорнен алманъ!

Асхабым!

Озюнъизге де зулум этменъиз! Озюнъизнинъ де узеринъизде хакъкъынъыз бардыр.

Эй, инсанлар!

Эр джинает эткен озъ къабаатына озю джевапкъардыр. Ич бир джинает эткеннинъ, япкъан къабаатынынъ джезасыны баласы чекмез! Ич бир баласынынъ къабаатындан да бабасы джевапкъар этильмез!

Эй, инсанлар!

Аллах, эр хакъ саибине хакъкъыны (Къуранда) бергендир. Мирасчыгъа васиет этмекнинъ зарурети ёктыр. Бала кимнинъ тёшегинде догъгъан исе, онъа аиттир. Зина эткен ичюн махрумиет бардыр. Бабасындан башкъасына аит сой сёйлеген сойсуз, я да эфендисинден башкъасынынъ маиетине кирип багъланса яхшылыкъны унуткъан нанкъёр, Аллахнынъ гъазабына, мелеклернинъ ве бутюн му-



сульманларнынъ лянетине огърасын! Аллах, бу киби инсанларнынъ не теvbелерини, не де адалет ве шаатлыкъларыны къабул этер.

Эй, инсанлар!

Раббинъиз бирдир. Бабанъыз да бирдир; эпинъиз Адемнинъ балаларысынъыз. Адем исе топракътандыр. Аллах янында энъ къыйметли олгъанынъыз, Онъа къаршы энъ чокъ такъва саиби олгъанынъыздыр. Арапнынъ арап олмагъандан (такъва ольчюсинден башкъа) бир устюнлиги ёкътыр.

Эй, инсанлар!

Девамлы оларакъ дёнген вакъыт, Аллахнынъ коклерни ве ерлерни яраткъан кунъдеки алына къайткъандыр. Бир йыл, ай ольчюсинен он эки айдыр. Буларнынъ дёртю харам олгъан айлардыр. Буларнынъ учю, бири-бирининъ артыныдан кельген Зилкъаде, Зильхиджде ве Мухаррем; дёртюнджиси де (Джемазиэль-ахыранен Шабан арасында олгъан) Реджебтир. Бу йыл, харам айлары эски ерине кельди. Хадж мевсими Зильхидждженинъ онунджы кунюне раст кельди.

Эй, муминлер!

Сизге бир эманет быракъам ки, онъа сыкъы сарылгъанынъызда, ёлунъызны ич шашырмасынъыз. О эманет, Аллахнынъ Китабы – Къурандыр.

Эй, инсанлар!

Аллахкъа ибадет этинъ! Беш вакъыт намазынъызны къылынъ! Рамазан оразасыны тутунъ ве эмирлериме итаат этинъ! (Ялынъыз бойле япкъанынъыз алда) Раббинъизнинъ дженнетине кирерсинъиз.

Эй, инсанлар!

Ашыры кетмектен сакъынынъ! Эвелькилернинъ чёкип бозулмаларынынъ себеби, диндеки ашры кетмелери эди. Хадж амеллерини (усул ве эдебини) менден огренинъ! Бильмейим, бельки бу йылдан сонъ бир даа сизлернен бу ерде корюшип оламайджам! Бу насиатларымы бу ерде олгъанлар, олмагъанларгъа бильдирсин! Ола билир ки, бильдирилген кимсе, (сёзлерими) бу ерде олып да эшиткенлерден даа яхшы анълап козеткен олур.

(Сёзлерининъ бу еринде Аллах Ресули -салляллаху алейхи ве сел-



лем-, сайысы юз бинъден зияде олгъан сахабилеринден сорады)
 Эй, инсанлар!
 Ярын мени сизден сораджакълар; не айтаджакъсынъыз?
 (Бутюн асхаб-ы кирам:) «–Аллахнынъ пейгъамберлигини яптынъ;
 вазифенъни ерине кетирдинъ, бизге васиет ве насиатта булундынъ!»
 деп шаатлыкъ этеджекмиз! (дедилер.)

Бу шаатлыкънынъ артындан Пейгъамберимиз, динни теблигъ эт-
 кенине даир:

Асхабым! Теблигъ эттимми?...

Теблигъ эттимми?...

Теблигъ эттимми?...»-

деп учь кере тасдикъ алды. Сонъ къолларыны кокке котерип
 Аллахнынъ шаатлыкъыны тиледи:

Шаат ол, я Рабб!...

Шаат ол, я Рабб!...

Шаат ол, я Рабб!...»

Веда хутбеси, инсаний мунасебетлернинъ низамы, диний
 эсаплашма, эсасы ве айны заманда да бир «инсан хакълары
 беяннамеси»дир.

Керчектен 1789 сенеси буюк франсыз тертипсизликлерининъ фи-
 крий темеллерини азырлагъанлардан бири олгъан философ Лафаэт,
 мешур «инсан хакълары беяннамеси»ни нешир эттирмеден эвель,
 бутюн укъукъ системлерини араштыргъан ве Пейгъамбер -саллялла-
 ху алейхи ве селлем-нинъ веда хутбесинде илян эткен бутюн алемге
 бирер айдынлыкъ берген мешале оладжакъ шу адалет ве инсанлыкъ
 принциплеринден хабери олгъанда:

«Эй, шанлы Мухаммед! Адалетнинъ ойле бир юксек нокътасына
 иришкенсинъ ки, кимсенинъ о севиени ашмасы бу куньге къадар
 мумкюн оламагъан ве оламайджакътыр!..» деген эди.

Ниает, Аллах Ресули -салляллаху алейхи ве селлем-нинъ вакъфе-
 де булунуп кунеш баткъаны вакъытта энген ает-и керименен, дин-
 нинъ тамамланып кемалгъа, олгъунлыкъына эргени бильдирильди:

«Бугунъ къяфирлер, сизинъ дининъызден (оны ёкъ этювден) умют



кескендирлер. Артыкъ олардан къоркъманъ; менден къоркъунъ! Бугунъ сизге дининъизни текмилледим; узеринъизге олгъан ниметими текмилледим ве сиз ичюн дин оларакъ Ислямны сечтим...» (Маиде, 3)

Хазрети Эбу Бекир -радыяллаху анх-, бу аетни эшитер-эшитмез юксе канълайышынен эр шейни анълады. «Тамамлангъан нимет»нинъ манасыны теренден-теренге сезди. «Икмаль олгъан дин»нинъ артындан келеджек вакъианы ис этмеге башлады.

Бу аетте, анълаган кимселер ичюн Аллах Ресули -салляллаху алейхи ве селлем-нинъ бир тюрю вефаты акъкъында хабер берильмей эди. Аллах -джелле джелялюху-, пек якъында Пейгъмберимизни, Хабибини эбедиет алемине давет этежек эди. Эбу Бекир -радыяллаху анх-нынъ козьлери яшларгъа толды, даа ич кимсе бир шей дуймагъаны алда о, юрегине тюшкен айрылыкъ элемлеринен сессиз агъламагъа башлады.

Чюнки йигирми учъ йылда кельген мукъаддес, темиз эманет, къыяметке къадар келеджек умметке бир рахмет оларакъ къалдырылгъандыр.

Ерюзюне тюшкен къааръ

Хазрети Пейгъмбер -салляллаху алейхи ве селлем-, Веда хаджында Минанен Музделифе арасында олгъан Батн-ы Мухассыр вадийсинден тез-тез кечти. Сахабилер таджипленип сорадылар:

«–Эй, Аллахнынъ Ресули! Не олды, суратландынъ?»

Хазрети Пейгъмбер -салляллаху алейхи ве селлем-:

«–Аллах, бу мекянда эбабиль къушларыны ёллап Эбрехенинъ филь ордусыны эляк эткен эди. О къааръден бир къысмы кельмесин деп тезлештим...» буюрды.

Акъикъаттан да хаджда бу ерде вакъфе ёктыр.

Рахмет ве къааръ теджеллиси, базы вакъыт джансызларда биле эсер къалдыра. Рахмет теджелли эткен Кябе, месджитлер, салихлернинъ меджлислери киби мекянлардан файдаланмакъ керектир. Аксине къаарьнинъ теджелли эткен мекянлардан, олгъан исьян ве гунах ишленген ерлерден де къачынмакъ керек.

Джансызлар да озюне догъру чекме ве чекильме къанунына



табидир. Хазрети Пейгхамбер -салляллаху алейхи ве селлем-нинъ, узеринде хутбе окъугъан хурма кютюги, о нураний дуйгъуларнен толгъан, Ресулюлах -салляллаху алейхи ве селлем-, башкъа бир ерде хутбе окъумагъа башлагъанда да сессиз агълагъан эди. Шубесиз, бу вакъианы аньлаткъан хадислер ривает этильгендир.

Веда хаджылыгъындан сонъ Аллах Ресули -салляллаху алейхи ве селлем-, Медине-и Муневвереге авдет этти. Анджакъ Аллах ниметини тамамлагъан ве дин мукеммеллештирилген олгъанындан артыкъ энъ буюк айрылыкъ ве севдигине къавушув вакъыты кельген эди.



ХИДЖРИЙ 11 СЕНЕ

«РЕФИКЪ-И АЛЯ»ГЪА ЮДЖЕ ЁЛДЖУЛЫКЪ

Пейгъамберлер сильсилесининъ сонъ алкъасы, Сейидуль-Кевнейн, Ресулюс-Секъалейн, Имамуй-Харамейн, Пейгъамберимиз, Алемлерге Рахмет Хазрети Мухаммед Мустафа -салляллаху алейхи ве селлем-, Веда хаджылыгындан сонъ сыджагы котерилип бир хасталыкъкъа тутулды.

Бу хасталыкъ оны умметинден айыраджакъ, омрю бою арзу эткен Рефикъ-ы Алясына къавуштыраджакъ олгъан олюм хасталыгы эди. Затен «Наср» суресининъ энмесинен эджелининъ якълашкъаныны дуйгъан Аллах Ресули -салляллаху алейхи ве селлем-, артыкъ сонъ ёлджулыкъкъа азырлана эди. Олюлернен де, тирилернен де ишаретли бир шекильде сагълыкълаша эди. Керчектен хасталанмадан бир кунъ эвель Мединенинъ Дженнетуль-бакъий денильген мезарлыгына кеткен, олюлер ичюн:

«–Эй, буюк Аллахым! Бу ерде яткъанлардан рахметинъни эксильтме!» деп дуа эткен эди.

Мезарлыкътан къайткъан сонъ да минберге чыкып сахабилерине де адет узьре айрылыкъ акъкъында шу хутбени сёйледи:

«Мен сизден Кевсер хавузына биринджи иришеджем ве сизни о ерде къаршылайджам! Сизлернен къаршылашаджагымыз ер хавуздыр. Мен шу ан оны корем! Мен сизинъ акъкъынъызда шаатлыкъ этеджем! Шу ан манъа ернинъ хазинелери ве оларнынъ анахтарлары берильди.

Аллахкъа ант олсун, мен, сизинъ ичюн менден сонъ, мушриклик-



ке дёнерсинъиз деп кьоркъмам! Лякин мен, сизни дюнъя истеклери-не кьапылыр ве онынъ узеринде бир-биринъизни кунълейджесинъиз, бир-биринъизни ольдюрерсинъиз ве сизден эвелькилернинъ ёкъ олып кеткенлер киби, сиз де ёкъ олур кетерсинъиз деп кьоркъам!..»

Аллах Ресули -салляллаху алейхи ве селлем-, минберден тюшкенден сонъ Хане-и Сеадетине чекильди. Кунъ-кунъден хасталыгъы даа да шиддетленди. Вазияти баягъы агъырлашкъанда да эдеп ве тербие сурети Аллах Ресули -салляллаху алейхи ве селлем-, мубарек къадыларындан изин алып Хазрети Айшенинъ одасында къалмагъа кьарар берди.

Хазрети Пейгъамбер -салляллаху алейхи ве селлем-, о ангъа къадар бойле агъыр бир хасталыкъ кечирмеген эди. Эсасен онынъ яшагъан темиз аят, озюне хасталыкъны якълаштырмагъан бенъзерсиз бир аят эди. Лякин йигирми учъ йыл девам эткен ве бешер такъатынынъ узеринде олгъан энъ юдже ве агъыр бир пейгъамберлик юкю, оны пек болдурткъан, бу арада эвельден чешитли душманларнынъ бинъ-бир зарары да, мубарек беденини ипраткъанындан озюне хасталыкъкъа тутулмасыны адета мумкюн къылгъан эди. Башкъа тарафтан да бу хасталыкъ, оны буюк бир макъамгъа ве юксек дереджелерге ириштиреджек эди. Бунда Хайбердеки зеэрлев вакъиасынынъ тесири де буюк олгъан эди. Керчектен Аллах Ресули -салляллаху алейхи ве селлем-, хасталыгъынынъ агъырлашкъаны бир вакъытта Хазрети Айше анамызгъа:

«–Эй, Айше! Хайберде таткъан олгъаным зеэрли этнинъ аджысыны заман-заман дуям. Шу анда юрегимнинъ дамарынынъ къопкъаныны дуйгъан алдам » буюргъан эди.

Энес бин Малик -радыяллаху анх- да:

«–Ресулюллахнынъ кучюк тили узеринде бу зеэрнинъ изини ве тесирини корип тура эдим!..» деген. (Бухари)

Ресулюллах -салляллаху алейхи ве селлем-, тутулгъан хасталыгъынынъ сыджагъындан санки асылы бир сув савутындан, устюне сув тамгъан киби эди. Зиярет этмеге кельген Эбу Саид-и Худри:

«–Эй, Аллахнынъ Ресули! Хасталыгъынъ не къадар да шиддетли!» айтмакътан озюни туталмагъан эди.



Сонъки кунълерде хасталыгъы джемааткъа чыкъмагъа биле бер-меди. Хазрети Эбу Бекир -радыяллаху анх-ны, джемааткъа озюнинъ ерине имамлыкъ япмасы ичюн ёллады.

Бир къач вакъыт озюни бираз яхшы дуйып месджитке чыкъкъан эди. Асхаб-ы кирамгъа насиатларда булунды ве:

«Шаны юдже олгъан Аллах, бир къулуны, дюнья ве онынъ зийне-тинен озъ къатындаки ниметлер арасында сербест быракъты. О къул да, Аллах къатындакилерни сечти!..» буюрды.

Бу сёзлер узерине пек дуйгъулы ве юреги мехамет толу олгъан Хазрети Эбу Бекир -радыяллаху анх-, Хазрети Пейгъамбер -саллялла-ху алейхи ве селлем-нинъ оларнен ведалашаткъаныны дуйды. Буюк бир кедерге тюшти. Юреги гъамгъа толды; козьлеринден яшлар тё-кюльмеге башлады. Сесли- сесли:

«–Анам, бабам санъа къурбан олсуня, Ресулюллах! Бабаларымыз, аналарымыз, джанларымыз, малларымыз ве эвлятарымыз санъа феда олсун!...» деди.

Джемаат ичинде ондан башкъа ич кимсе, Хазрети Пейгъамбер -салляллаху алейхи ве селлем-нинъ терен дуйгъуларыны, бу индже-ликнинъ эр тарафыны яхшы анълап оламагъан эди. Чюнки ает-и ке-римеде анълатылгъъан Севрдеки «экининъ экинджиси» ялынъыз Эбу Бекир эди. Ресулюллах -салляллаху алейхи ве селлем- онынъ ичюн:

«Юрегимде не бар исе, Эбу Бекирге быракътым!..» буюргъан эди.

Сахабилер, Ресулюллах -салляллаху алейхи ве селлем-нинъ сев-гили аркъадашынынъ агълагъаныны корьгенлеринде, буюк бир таад-жипнен бир-бирлерине:

«–Ресулюллах -салляллаху алейхи ве селлем-, Раббине къавуш-макъны сечкен салих кишини анълаткъанда, онынъ агълагъанына шашылмазмы?!» дедилер.

О исе Хазрети Эбу Бекир -радыяллаху анх-нынъ дуйгъулы ве мер-хамет толу юреги, иляхий ве буюк айырылыкъны сезген ве айры-лыкълардан шикает эткен бир ней киби сесленмеге башлагъан эди.

Лякин Ресулюллах -салляллаху алейхи ве селлем-нинъ хаста-лыгъы джиддий бир алгъа кельгенде, къалгъан сахабилер де якълаш-



къан буюк айырылыкнынь ве пейгхамберимизнинь Раббине къавушаджагыны дуйып козьашлары тѣкмеге башладылар. Мухаджир ве энсар меджлислери матемге чеврильди.

Этрафтакилер:

«–Я, Ресулюллах! Шифа ичюн Алахкъа дуа этсенъ!» дегенлеринде, эр заман сагълыкъ ичюн дуа эткен Аллах Ресули -салляллаху алейхи ве селлем-, бу кересинде дуа этмеди ве артыкъ Алахкъа къавушмакынынъ вакъты якълашканыны бильгенинден:

«Инсанларнынъ ичинде энъ агъыр имтианларгъа огърагъанлар пейгхамберлердир», - буюрды.

Хазрети Айше -радыяллаху анха- анълата:

«Ресулюллах -алейхисселям-, хасталангъаны вакъыт, Муаввизетейн (Фелякъ ве Нас) сурелерини окъуп, къолларына уфлер ве бутюн беденини месх этер эди. Хасталыгынынъ шиддетленгени сырада мен де айны шекильде бу сурелерни окъуп къолларыма уфледим ве онынъ мубарек беденини месх этмеге башладым. Джебраильнинъ, Ресулюллах -алейхисселям-гъа даа эвельки бир хасталыгында окъугъан олгъаны истиазе дуасыны да:

«–Эй, инсанларнынъ Рабби! Шу хасталыкыны кеткиз! Шифа ялынъыз сенинь элинъдедир. Сенден башкъа шифа бериджи ёктыр. Ойле бир шифа бер ки, ич бир хасталыкъ къалмасын!» деп окъудым.

Лякин бунынъ узерине Алах Ресули -салляллаху алейхи ве селлем-, (мубарек башыны манъа чевирип):

«–Узеримден къолларыны ал! Бу окъуманъ (артыкъ) манъа бир файда бермез! Мен, вакътымы беклейим...» деди ».

Хазрети Айше анамыз девам этип шойле анълата:

«Ресулюллах -алейхисселям-, урьметли кызы, терен ве индже рухлу Фатиманы чагъырты. О кельгенде, «Мераба кызым!» деди ве оны, янына отурткъандан сонъ сессиздже бир шей айтты. Фатима агълады.

Сонъ онъа кене сессиздже бир шей айтты. Бу кере де Фатима къуванып тебессюм этти.

Мен, кульменинь агъламагъа, къуванчнынъ кедерге бу къадар якъын олгъаныны бугунки киби ич кormeген эдим. Фатимадан бу



агълама ве кульмесининъ себебини сорагъанымда:

«–Тутулгъан хасталыкънынъ нетиджесинде вефат этеджегини хабер этти. Бунъа агъладым. Сонъ да эв халкъындан онъа биринджи къавушаджакъ мен оладжакъымны хабер этти. Бунъа да севиндим», - деди.»

Хасталыгъы эснасында Аллах Ресули -салляллаху алейхи ве селлем-, озюни бираз яхшы ис эткен вакъытларда джемааткъа бир къач кере намаз къылдырды. Буларнынъ биринде, гонъюлери пейгамберлерининъ вефат этеджеги иссинен, буюк бир кедерге къаплангъан сахабилерине шойле буюрды:

«Эй, инсанлар!

Эшиткениме коре сизлер, пейгамберинъизнинъ вефат этеджегинден къоркъа экенсинъиз!

Менден эвель ёлланып да, уммети ичинде эбедий къалгъан бир пейгамбер бармы ки, мен де сизинъ ичинъизде эбедий къалайым?

Яхшы билинъиз ки, мен Раббиме къавушаджам! Онъа сиз де къавушаджакъсынъыз!

Керчектен де бутюн ишлер, юдже Аллахнынъ изнинен аракет этер.

Яхшы билинъиз ки, мен сизден эвель кетеджем ве сизни беклейджем! Дикъкъат этинъиз; (ярын ахыретте) сизлернен корюшеджек еримиз Кевсер хавузынынъ башыдыр.

Ярын меннен корюшмек истеген элини ве тилини гуняхтан чексин! Эй, инсанлар! Гунях, ниметлернинъ деньиштирьилмесине себеп олур.

Халкъ яхшы олгъанында, идареджилери де яхшы олур. Халкъ яман олгъаны заман исе, идареджилери де фена олур.

Яшайышым къудрет элинде булунгъан Аллахкъа ант этем ки, мен, шу саатте хавузымынъ узеринде турам, шу олгъаным ерден хавузыма бакъам... »

Аллах Ресули -салляллаху алейхи ве селлем-, сёзлерининъ бу еринде фиъган къопарып агълагъан Эбу Бекир -радыяллаху анх-къа бакъты ве:



«–Эй, Эбу Бекир! Агълама!..» буюрып, девам этти:

«Эй, инсанлар! Инсанлардан джанында, малында, достлу-гъында, манъа къаршы Эбу Бекир бин Эбу Къухафеден даа федакяр ве джумерт даврангъан кимсе ёктыр! Эгер Раббимден башкъа, инсанлардан бир дост этинсе эдим, мытлакъ, Эбу Бекирни дост этинир эдим...

Месджитте ачылгъан шу къапыларны къапанъыз! Ялырыз Эбу Бекирини къапысы ачыкъ къалсын! Мен Эбу Бекирини къапысынынъ узеринде бир нур корем...

Асхабым!

Ниает, мен де бир инсаным. Аранъызда базы кимселернинъ хакълары кечкен олмасы мумкюн. Мен кимнинъ тенине токъунгъан олсам, иште, теним! Кельсин, о да токъунсын, хакъкыны алсын!

Кимнинъ белине ургъан олсам, иште, белим! Кельсин, урсун!

Кимнинъ малындан янълышлыкънен алгъан олсам, иште, малым! О да, кельсин алсын!

Эй, Аллахым! Мен, ялынъыз бир инсаным. Мусульманлардан къайсы кишиге агъыр бир сёз айткъан я да ургъан, ве я да лянет эткен исем, буны, онынъ ичюн бир темизлик, савап ве рахмет весилеси къыл!

Аллахым! Къайсы мусульмангъа агъыр бир сёз айткъан исем, сен о сёзюмни, къыямет кунюнде о мусульман ичюн санъа якъынлыкъ весилеси къыл!»

Бойледже, Аллах Ресули -салляллаху алейхи ве селлем-, бир «хакъкы-ы ибад» хеляллашмасы япа эди.

Бу сёзлерден сонъ ёргъун бир шекильде текрар одасына къайтты. Бир даа намазгъа чыкъып оламады. Ялынъыз бир кересинде озюнде аз бир енъгиллик дуйып Хазрети Эбу Бекирини артындан намазыны къылды.

Ниает, сонъ оларакъ Рабиульэввель айынынъ 12-де, базарэтеси саба, кене озюнде бир енъгиллик дуйды. Лякин такъаты джемааткъа чыкъмагъа етмеди. Бунынъ узерине ода къапысынынъ пердесини котерди ве о вакъытта Хазрети Эбу Бекирини имамлыгъында саба намазыны къылгъан севгили асхабыны сонъ кере сейир этти. Оларны сыраларда ян-янгъа турып, джемаат алында намаз къылгъаныны



корьгенинден мемнюн олды, къуванч ичинде тебессюм этти.

О саба Аллах Ресули -салляллаху алейхи ве селлем-, даа эвель азырлангъан, анджакъ раатсызлыгъы себебинен арекети кечиккен ордунынъ ёлгъа чыкъмасына эмир этти. Тайин эткен яш къомитан Усаме бин Зейдге:

«Аллахнынъ берекети узьре, куннинъ саба ве уйле арасында олгъан (къушлукъ) вакътында ёлгъа чыкъынъыз!» деп эмир этти.

О кунь Аллах Ресули -салляллаху алейхи ве селлем-, Айше -радыяллаху анха-нынъ янында олгъан 6-7 динар ахчаны фукъарелерге дагъытмасыны эмир этти. Бир вакъыттан сонъ да динарларнынъ не олгъаныны сорады. Къасевети буюк олгъан Хазрети Айше оларны дагъытмагъа унуткъан эди. Аллахнынъ Ресули динарларны истеп авучларына алды. Сонъ:

«Аллахнынъ Пейгъамбери Мухаммед, буларны фукъарелерге дагъытмайып, янында къалдыргъаны алда Раббине къавушмакъны тюшюнмез!..»деди. Сёзлерининъ артындан, оларнынъ эписи энсар фукъарелеринден беш эв халкъына дагъытылды.

«Иште, шимди раатым!..» буюрып, енгиль бир юкъугъа далды.

Иште, арты-арасы кесильмеген бир инфакъ...

О кунь Алах Ресули -салляллаху алейхи ве селлем-, эв халкъына бойле сесленди:

«Эй, инсанлар! Атеш алевленди. (Дикъкъат этинъ), къаранлыкъ гедже парчалары киби фитнелер келе!...(Санки келеджек заманнынъ адиселерини, козьлер алдына сере эди.)

Мен, тек Аллахнынъ Китабы олгъан Къураннынъ хелял къылгъаныны хелял; онынъ харам къылгъаныны харам къылдым!

Эй, Ресулюллах Мухаммеднинъ къызы Фатима!

Эй, Сафие!

Аллах къатында къабул оладжакъ амеллер ишленъыз! (Салих амеллеринъыз ёкъ исе, манъа ишанманъыз.) Чюнки мен (къуллукъ этмегенинъыз такъдирде) сизни Аллахнынъ азабындан къуртарып оламам!»

О кунь Аллах Ресули -салляллаху алейхи ве селлем-:

«Аман! Аман! Элдеринъизде олгъан къуллерынъызгъа яхшы дав-



раныңыз! Оларның киеджеклерине дикъкъатсызлыкъ этип сонъ-
гъа къалдырманъыз! Къарынларыны тойдурынъыз! Оларгъа юм-
шакъ сёз айтыңыз!

Намазгъа! Намазгъа девам этинъиз!

Намазгъа! Намазгъа девам этинъиз!» буюрды.

О кунъ Алах Ресули -салляллаху алейхи ве селлем-, авесликнен
мисвакъ къулланды. Хазрети Айше валидемиз шойле дей:

«Ресулюллах тишлерини мисвакълагъанда, онынъ бу къадар гу-
зель мисвакъ къулангъаныны корьмеген киби эдим!»

О кунъ Алах Ресули -салляллаху алейхи ве селлем-, Алахкъа
бойле дуа этти:

«Эй, Алахым! Мени мерхаметинънен сарып къушат! Мени,
Рефикъ-ы Алягъа къавуштыр! Эй, Алахым! Мени мерхаметинънен
сарып къушат! Манъа, рахметинъни багъышла! Мени Рефикъ-ы Аля
олгъан юдже «Зат»ынъа къавуштыр!»

О кунъ Алах Ресули -салляллаху алейхи ве селлем-, къызы
Хазрети Фатиманы теселли этти:

«–Эй, къызым! Сакъын агълама! Мен ольсем де...!»

О кунъ Алах Ресули -салляллаху алейхи ве селлем-, Ухуд джен-
кининъ энъ агъыр вакъытларында «Ресулюллах ольди» сёзлери узе-
рине дагъылмагъа башлагъан сахабилерине тенбие ниетинен озю
акъкъында энген шу ает-и керимени окъуды:

«Мухаммед, бир Пейгъамбердир. Ондан эвель де пейгъамбер-
лер келип-кечгендир. Шимди о, ольсе я да ольдюрильсе, окченъиз-
нинъ узеринде артынъызгъа къайтаджакъсынъызмы? Ким, бойле
эки окчеси узеринде артына къайтса, эбетте ки, Алахкъа ич бир
шейнен зарар берген олмаз. Алах, шукюр ве сабыр эткенлерге му-
къфат береджектир.» (Ал-и Имран, 144)

О кунъ Алах Ресули -салляллаху алейхи ве селлем-ге, вахий ме-
леги Джебраиль -алейхисселям- келип:

«Санъа селям олсун эй, Алахнынъ Ресули! Бу, сенинъ ичюн ер
юзюне сонъ кере аякъ басакъаным!» деди.

О кунъ Алах Ресули -салляллаху алейхи ве селлем-, даа эвель



буюргъан:

«Ич бир пейгъамбернинъ руху, дженнеттеки ерини корьмеген-дже алынмаз! Сонъ, о ерине кетмеси, истегине къалдырыла!» сёзлерининъ тежеллисини яшады.

О кунъ Аллах Ресули -салляллаху алейхи ве селлем-ге Азраиль -алейхисселям- кельди ве янына кирмек ичюн изин истеди. Изин алгъандан сонъ Алемлернинъ Эфендисининъ къаршысында турып:

«–Я Ресулюллах! Эй, Ахмед! Юдже Аллах мени санъа ёллады. Сенинъ эр эмиринъе итаат этмемни де эмир буюрды. Эгер сен истесенъ, рухунъны аладжам! Арзу этмесенъ рухунъны сенде къалдыраджам!» деди.

О вакъытта янларында олгъан Джебраиль -алейхисселям- да:

«–Эй, Аллахнынъ Ресули! Юдже Аллах сени сагъынмакъта!» деди.

О кунъ Аллах Ресули -салляллаху алейхи ве селлем-, озюнден изин истеген олюм мелегине:

«(Эй, Азраиль!) Аллах къатында олгъан, даа хайырлы ве даа девамлыдыр! Эй, олюм мелеги! Айды, эмир олунгъанынъ шейни ерине кетир; рухумны ал!» буюрды.

Артындан мубарек элерини янында олгъан сувгъа ыслатып, юзюне сильди ве иляхий асретнен толу аятынынъ севгенине къавуштыраджакъ къапысындан кечкенде келиме-и тевхидни окъуп:

«Эй, Аллахым! Рафикъ-ы Аля, Рефикъ-ы Аля» айта-айта мубарек рух-и шерифлерини теслим этти. Юзюни ыслаткъан мубарек къолу, янында олгъан сув савутынынъ ичине тюшти!..

Йылар эвель эндирильген:

«(Эй, Ресулим!) Сен де оледжексинъ, олар да оледжеклер!..» (Зюмер, 30) ает-и керимеси тежелли этти.

«Эй, Аллахым! Эфендимиз Мухаммед -алейхисселям-гъа, алине ве асхабына саят эт; (эписини) мубарек къыл ве (оларгъа) селям эт!..

Аллах Ресули -салляллаху алейхи ве селлем- Эфендимизнинъ рух-и шерифини теслим этмесинден сонъ эв халкъынынъ козьашы сель киби акъты. Бу вакъытта эв халкъына кендиси корюльмеген



алда тазие ве теселли эткен бир сес эшитильди:

«Аллахнынъ селямы, рахмети ве берекетлери узеринъизге олсун!»

Эв халкъы да айны шекильде къаршылыкъта булунгъандан сонъ о сес, текар эшитильди:

«Эр джан, олюмни татаджакътыр. Къыямет куню, ишлеринъиз эксиксиз сизге бериледжектир. Ким, атештен узакълаштырылып дженнетке къююлса, артыкъ о, мытлакъ мурадына иришгендир. Дюнъя аяты, алда-тыджы менфааттан башкъа бир шей дегильдир.» (Ал-и Имран, 185)

«Яхшы билинъиз ки, эр зорлукънынъ, Аллах къатында бир теселлиси, эр ольгеннинъ бир халефи, ерине кечкени ве эр вефат эткеннинъ де бир бедел бардыр!»

«Аллахкъа сарылынъыз ве истегенинъизни Ондан истенъиз! Асыл огъурсызлыкъкъа огърагъан, севапдан ёкъсул къалгъандыр.»

«Аллахнынъ селямы, рахмет ве берекетлери узеринъизге олсун!»

Ибн-и Умер -радыяллаху анх-:

«Бу сёзлерни, эв халкъынынъ эписи, Месджид-и Небевиде булунгъанлар ве ёлдакилер эшиттилер » дегендир.

Хазрети Али -радыяллаху анх- да, бу сес саибининъ Хызыр олгъаныны бильдирген эди.

Дженнет ханымларынынъ эфендиси Фатима анамыз, мубарек бабалары Рахмет Пейгъамбери дюнъядан айрылгъанда озъ кедерини ифаде этмек ичюн:

«Аллах Ресулининъ ахырет дюнъясына кечмесинен меним узериме ойле бир белъа кельди ки, къаранлыкънынъ устуне кельсе, къаранлыкънынъ туюсу денъишер эди», - деген эди.

Аллах Ресули -салляллаху алейхи ве селлем-нинъ, Мединеге къайтмасындан сонъ он учъ кунъ девам эткен агъыр хасталыкълары нетиджесинде Миллядий 632 сенеси июнь 8 де, Хиджрий эсапкъа коре 11 сенеси Рабиульэввель айынынъ 12 синде, базарэртеси куню артыкъ озюне Аллахнынъ гузеллик уфукълары ачылгъан, О юдже Хабиб, Рефикъы Алясына къавушкъан эди.

Асхаб-ы кирам ичюн догъып баткъан кунешнинъ, ич денъишмеген нурунда гизли бир шей солугъан киби эди. Ойле ки, о кунъден сонъ



Пейгхамбер муеззини олган Билял-и Хабеши -радыяллаху анх-, о коклер-ни къаплаган гузель сесинен бир даа эзан окъуп оламады. Не вакъыт са-хабилер, онъа риджа эткенлеринден сонъ Хазрети Билял, эзан окъумагъа ниет эткен олса да, михрабда Аллах Ресулини корьмегендже козьлери яшланды, богъазына бир шей турган киби олды, сеси къысылды, эзан окъуп оламады. Юрек багърыны къавургъан севги атешини сѣндюрмек ичюн Шамгъа кетти. Хазрети Умер девиринде тюшюнде Ресулюллах -салляллаху алейхи ве селлем-нинъ бир ишарети узерине Къабр-и Шерифни зиярет этмек ичюн Мединеге кельди. Аллах Ресули -салляллаху алейхи ве селлем-нинъ торунлары Хазрети Хасаннен Хазрети Хусейиннинъ риджалары узерине бир саба эзаныны чагъыргъан эди. О вакъытта бутюн Медине халкъы, Месджид-и Небевийнинъ ёлларына тѣкюлип Аллах Ресули тирильди деп тюшюнген эдилер. Пейгхамбер ашыгъы Билял, эзанны окъугъаны вакъыт, Пейгхамбермиз акъкъында шаатлыкъ къысмыны окъумугъа сыра кельгенде козьлери яшарды, богъазына бир юмрукъ тыкъалган киби олды, эсини джойып йыкъланган эди.

Анамыз Умму Селеме -радыяллаху анха- ривает эте ки, Аллах Ресули -салляллаху алейхи ве селлем- аятынынъ сонъ аныны ялынъыз:

«Я, Раббий! Сени тесбих этерим. Санъа тевбе этерим. Санъа хамд этерим!..» сѣзлерини текрарламакънен кечирген эди.

Онынъ эки курек кемиги арасында пейгхамберлигине аит иляхий бир ишарет бар эди. Бир чокъ сахаби, оны опымек ашкъы ве асрети ичинде яшар эди. Имам Бейхаки буюра ки:

«Ресуль-и Экрем -салляллаху алейхи ве селлем- Хазретлери, эбедий алемге кечкени вакъыт, мубарек бетинде ич бир денъишиклик корюн-мегенинден себеп, сахабилер онынъ ахырет аятына къавушкъанына шу-беленмеге башлагъан эдилер. Бунынъ узерине Эсма -радыяллаху анха-, аркъасындаки мубарек Пейгхамберлик Муурине бакъты. Ёкъ олгъаныны корьген сонъ, онынъ ахырет алемини шеревлендиргенини анълады » (Тирмизи)

Дин кемал, олгъунлыкъ булган, сахабилерден даветнинъ тас-дикъы алынган ве Аллахкъа да шехадети истенильген эди. Артындан Пейгхамберимиз, эбедиет алемине чагъырылган эди.

Шимди о, махшерде, сыратта ве Хавз-ы Кевсерде умметини бекле-



мекте.

Шефаат, я Ресулюмах!
Медет, я Ресулюмах!
Ялварам, я Ресулюмах!..

Рабиульэввельнинъ 12-синде, базарэртеси куню догъып дюньяны шерефлендирген эди.

Рабиульэввельнинъ 12- синде, базарэртеси куню Аллах тарафындан озюне пейгамберлик вазифеси берильген эди. Эбу Кытаде Хазретлери бойле ривает этер:

«(Хазрети Пейгамберге) базарэртеси кунюнинъ оразасындан соралды. О да джевап берди:

«–Бу, меним догъум кунюм ве пейгамбер олып ёллангъаным кундир...» буюрды.» (Муслим)

Рабиульэввельнинъ 12-синде, базарэртеси саба, Мединеге кирип янъы кырулгъан ве кыяметке къадар девам этеджек олгъан Ислам девлетининъ темелини аткъан эди.

Ве ниаат Рабиульэввельнинъ 12-синде, базарэртеси куню ахырет алемине кочькен эди.

Онынъ догъумы, пейгамберлиги, хиджрети ве вефаты, иляхий бир теджелли олып, эп Рабиульэввельнинъ 12 - сине, базарэртеси кунюне раст кельмеси, бу айнынъ къудсиетининъ ве эмиетининъ бир аляметидир. Джемал ве джелал теджеллиси олып; къуванчнынъ эеджаны ве кедерге бурюнильмеси берабер яшанмакъта эди. Гонъюль мемлекетинде байрам нешесинен, вефат элемлери, бир-бирине къаршы бир дуйгъы бераберлиги ичинде эди. Кене о, ахыретте севгинен, шефаат ичюн умметини беклемектедир.

Аллах Ресули -саллялаху алейхи ве селлем-нинъ дюньядан ахырет алемине кочьмесинен ондан узакъ къалгъан дюньянынъ вефасызлыгыны, Азиз Махмуд Худайи Хазретлери шу сатырларынен беян эте:

Ким умар сенден вефаны
Ялан дюнья дегильмисинъ?
Мухаммедуль-Мустафаны
Алгъан дюнья дегильмисинъ?



УСВЕ-И ХАСЕНЕ

Яратылганларнынъ ичинде Аллахнынъ эсма-и иляхиййесининъ бутюнинден насип алмакъ шерефи тек инсангъа берильгендир. Бунынънен берабер Аллах, иляхий имтиан себебинен инсанны гунях ве такъва эсасларынен донаткъан; оны хайыргъа да, яманлыкъкъа да мусаит бир кейфиеден сыфатландыргъандыр.

Бу итибарнен диннинъ макъсады, бу шекильде зыт корюнишлерге саип олгъан инсандаки нефсаний менфийликлерни имкяны олгъаны къадар эксильтмек, бунгъа къаршылыкъ нураний сыфатларны да юксек макъамгъа, зирвеге етиштирмектир. Лякин бу макъсатнынъ керчеклешмеси ичюн инсаннынъ шахсиети белли олгъан бир нумюнеге, яни «усве-и хасене» деп ифаде этильген энъ гузель бир нумюнеге ихтияджы бар. Пейгъамберлернинъ ёлланувындаки икметлерден бири де, оларнынъ, инсанлар ичюн боюн эгеджек, итаат этеджек эксиксиз, нукъсансыз бир орьнек алмалары керек олгъан инсандан ибареттир.

Аллах Таала буюра:

«Биз ич бир ресульни, Аллахнынъ изнинен итаат этильмектен башкъа бир макъсатнен ёламадыкъ...» (Ниса, 64)

Бу ал, Аллах Ресули -салляллаху алейхи ве селлем- Эфендимизде энъ усть дереджеде мевджуттир ве бунынъ ичюн Аллах ает-и керимеде бойле буюргъандыр:

«Ант олсун ки, Ресулюллахта сизинъ ичюн, Аллахкъа ве ахырет кунюне къавушмакъны умят эткенлер ве Аллахны чокъ зикир эткенлер ичюн бир «усве-и хасене» бардыр.» (Ахзаб, 21)

Тарихте аятынынъ бутюни энъ индже тефсилятларгъа къадар сагълам



бир шекильде етиштирильген, тек Пейгъамбер ве тек инсан Хазрети Мухаммед Мустафа -самяллаху алейхи ве селлем-дир. Онынъ бутюн иш, сёз ве дуйгъулары кет-кете къайд этилип тарихке бир шерев левхасы алында кечкендир.

Аяты, къыяметке къадар келеджек несиллерге нумюнедир. Къуран-ы Керимнинъ «Къалем» суресинде о акъкъында бойле буюрыла:

«Шубесиз, сен юдже бир ахлякъ узьресинь!» (Къалем, 4)

Ресулюллах -самяллаху алейхи ве селлем-нинъ арекетлери, ахлякъы, ве мубарек шахсиети ялынъыз инсанлыкъ анълайышына сыгъып олгъан, инсаний арекетлернинъ ольчю ве сырасынынъ энъ иришильмез нокътасыны мейдангъа кетиргендир. Чюнки Аллах -джелле джеллялаху-, о мубарек пейгъамберни бутюн инсанлыккъа бир «усве-и хасене», яни энъ эксиксиз бир мисаль оларакъ яраткъан эди. Бу себептен, онынъ аятыны инсанлар ичинде зайыфлыкъ бакъымындан энъ ашагъыда олгъан «етим балалыкъ»тан башлатып, такъдирнинъ бутюн мердивенлеринден кечирип къудрет ве вазифе бакъымындан энъ юксек нокътагъа, яни пейгъамберлик ве девлет реислигине къадар юксельткендир. Ойле ки, инсанлыкъ басамакъларынынъ чешит еринде олгъанлар, ондан озьлери ичюн энъ эксиксиз вазифелерини мисаль алып озь такъатлары ве истидатлары ольчюсинде керчеклештирмеге ёнелирлер. Бу да онъа нисбетен дуолгъан севги ве онынъ руханиетине сарынмакъ багълылыгъындадыр.

Дин рехбери оларакъ мисальдир. Девлет реиси оларакъ мисальдир. Иляхий муаббет багъына киргенлерге мисальдир. Раббининъ ниметлерине баткъан вакътында, шукюр ве алчакъгонъюмлю олувынен мисальдир.

Къыйын вакъытларда ве межанлардаки сабыр ве теслимиетинен мисальдир. Гъанимет къаршысында джумертлиги ве гонъюль токълугъынен мисальдир. Къоранталарына севги ве ярдым этювинен мисальдир. Зайыфларгъа, кимсесизлерге, къулларгъа мерхаметинен мисальдир. Къабаатлы олгъанларгъа авфы ве яхшылыгъынен мисальдир:

Эгер байлыкъ саиби зенгин бир киши олсанъ, бутюн Арабиستانгъа аким олгъан арап буюклери озюне муаббетнен итаат эткен о юдже Пейгъамбернинъ тевазу ве джумертлигини тюшюн!..



Эгер зайыфлардан бири исенъ, Меккеде залым мушриклернинъ нисам, дузен ве идареси ичинде яшагъан Пейгъамбернинъ аятындан мисаль ал!

Эгер гъалебе къазангъан бир фатих исенъ, Бедир ве Хунейинде душманы узеринден гъалебе къазангъан, джесюрлик ве теслимиет Пейгъамберининъ аятындан дерс ал!

Аллах косътермесин, магълубиетке огърагъанынъ такъдирде, Ухуд дженкинде шехит олгъан я да яраланып ерге яткъан асхабы арасында йигитлик ве джесаретнен долашкъан Аллахкъа ишангъан Пейгъамберни хатырла!

Эгер оджа исенъ, джамиде Суффа Асхабына индже, мерхаметли ве дуйгъулы гонъюнен берекетини ашлагъан, иляхий эмирлерни огреткен Пейгъамберни тюшюн!

Эгер талебе исенъ, озюне вахий кетирген Джибриль-и Эминнинъ къаршысында отургъан Пейгъамберни тюшюн!

Эгер насиат берген бири, эмин ве догъру бир ёл косътериджи исенъ, Месджид-и Небевининъ ичинде асхабына икмет нурларыны сачкъан Пейгъамберни динъле! Онынъ татлы сесине къулакъ ас ве гонъюль бер!

Эгер хакъны къорчаламакъ, догърулыкъкъа давет этмек, хакъны тутып косътермеге истесенъ ве бу хусуста сени дестеклеген бир ярдымджынъ биле ёкъ исе, Меккеде эр чешит ярдымдан узакъ къалгъан бир алда экен залымларгъа хакъны илян этип оларны хидаетке давет эткен Пейгъамбернинъ аятына бакъ!

Душманны магълубиетке огъратып, онынъ белини сындыргъан, ондан устюн кельген, яланны перишан этип хакъны илян эткен, Меккенинъ фетхи куню къутсал межнугъа гъалип бир къомитан олгъаны алда, буюк бир алчакъ гонъюлликлнен девесининъ устюнде седжде эткен киби эки букюлип кирген шукюр алындаки Пейгъамберни козьлеринъ къаршысында джанландыр!

Эгер чифтлик саиби бир киши олсанъ ве о ердеки ишлеринъни ёлуна къоймакъ истесенъ, Бени Надир, Хайбер ве Федек киби улъкелерге саип олгъан сонъ, о ерлерни тертипке кетирген ве энъ гузель шекильде идаре этеджек шахысларны иш башына кетирген Пейгъамберден мисаль ал!

Эгер кимсесиз бириси олсанъ, Абдуллах ве Эминенинъ етимлери,



джигерпарелери олган бир гуняхсызны, нурдан оксюзни тюшюн!

Эгер етишкен бир яш олсань, Меккеде эмджеси Эбу Талибнинь сюрюсине чобанлыкь эткен пейгамбер тайин этиледжек яшнынь аятына дикькьат эт!

Эгер руханиетли бир аиле кьурмакь истеген бир генч олсань, Аллах Ресули -салляллаху алейхи ве селлем-нинь кьоранта аятына ве насиатларына дикькьат эт! Сайлап алгьанынь такьвалы олсун ки, эки дюнья бахтлылыгьына ириширсинь!

Эгер алыш-вериш керванларынен ёлгьа чыкькьан бир туджджар, сатыджы исень Шамдан Басрагьа кеткен керваннынь энь улусы олган кишининь эхвалыны яхшы этип тюшюн!

Эгер кьады ве аким исень, Мекке буюклери бир-биринен кьавгьа эткенлеринде Хаджер-и Эсведни Кябедеки ерине кьоймакь хусу-сында онынь адалетли ве акьылы арекетини тюшюн!

Ве текрар козюньни тарихке чевирип Мединеде, Месджид-и Небевиде отурып тарлыкь ичиндеки фукаренен байлыкь саиби зенгинни, кьаршысында тень, айны дереджеде тутып инсанлар арасында энь адалетли бир шекильнен укум берген о Пейгамберге бир бакь!

Эгер бир кьоджа исень, Хазрети Хатидженинь ве Хазрети Айшенинь кьоджасы олган о мубарек пейгамбернинь темиз аркет ве ахлякьына, терен дуйгьуларына ве шефкьатына, бутюн кьадынлары арасындаки адалетли аркетлерине дикькьат эт!

Эгер эвлят саиби исень, Фатыматуз-Зехранынь бабасы ве Хазрети Хасаннен Хазрети Хусеиннинь кьартбабасы олган бу пейгамбернинь оларгьа нисбетен япкьан мунасебетлерини огрен!

Сен ким олсань ол, насыл вазиетте булунсань булун, акьшамсаба – эр вакьыт ве анда Хазрети Мухаммед -салляллаху алейхи ве селлем-ни озюнь ичюн энь эксиксиз ве мукеммель, догьру бир ёл косьтериджи ве энь гузель бир рехбер оларакь кьабул эт...

О ойле бир пейгамбер ки, онынь суннетлери васытасынен эр яньлышны тюзетип олурсынь...Онынь нуру ве рехберлиги ярдымынен аятныньда кьаршылашкьанынь маниаларны енйп ве зорлукьлардан кьуртулып, керчек бахтлылыкьны тапарсынь!..



Эгер озюньни маддий зенгинликлернинь кьулу олмакьтан кьуртарып, руханий бир аят яшамакь истесенъ, о, Алемлернинь Эфендисининь тербиелеген Билял, Ясир ве Севбанларны тап! Оларнен берабер ол ве догьру ол ки, дуйгьулы, индже, ве назик бир гоньюльге саиб олурсынъ. Унутма ки, джахилие инсанлары, Аллах Ресули -салляллаху алейхи ве селлем-нинь ярдымынен хидаетке кьавушып, онынъ этрафында геджелери нур этрафында учкьан перванелер киби олгьанлары ичюн догьру ёлны сечип, адалетке кьавуштылар. Асхаб-ы Кехфнинь Кьытмири биле, садыкьларнынъ муаббети артындан насип алгьанындан не буюк Аллахнынъ гузеллигине наиль олгьан эди. Бунынъ бутюнлей акси олгьан Хазрети Лютнинь кьадыны ве Хазрети Нухнынъ огьлу Кенан, гунахкяр ве залымларнен кьарышып корюшмеси нетиджесинде иляхий азапкьа огьрагьан эдилер. Олар ве олар киби олгьанлар, нефснинь гирдапларында богьулып залымлар топлулыгынен берабер эляк олдылар.

О алда омюр такъвимини Аллах Ресули -салляллаху алейхи ве селлем-нинь догьру сёзлю ве диннинь эмирлерине уйгьан ашыкьлары олгьан зикир саиплеринен берабер олып толдурмагьа гьайрет эт ки, Аллахны унуткьан гьафиллерден олма!

Билесинъ ки, онынъ гузель ахлякьы, назик ве гузель чичеклернен, миск кьокьулы гуллернен яраштырылгьан бир гулистан эди.

Онынъ айры олгьан рухий вазиетининь олгьунлыгы ве гузеллиги киби, бедений гузеллиги де эшсиз-бенъзерсиз эди.

Онынъ бу юдже кьыймети себебинден Аллах Таала буюра:

«Эй, иман эткенлер! Аллах ве Ресулининь огьуне кечменъиз! Аллахтан коркьунъ! Шубесиз Аллах, эшитиджи ве билиджидир.»

«Эй, иман эткенлер! Сеслеринъизни Пейгьамбернинь сесинден юксельтменъиз! Бир-биринъизге кьычыргьанынъыз киби, Пейгьамберге де юксек сеснен кьычырманъ! Ёкьса сиз фаркьына бармайып амеллеринъиз бошкьа кетер.» (Худжурат, 1-2)

Бу ает-и керимелер, бутюн муминлерни Хазрети Пейгьамбер -салляллаху алейхи ве селлем-ге нисбетен эдепли олмагьа давет этмектедир.

Керчектен Кьуран-ы Керимде башкьа пейгьамберлерге адла-



рынен мураджат этильгени алда, Хазрети Пейгхамбер -салляллаху алейхи ве селлем-ге «Я, Мухаммед!» деп мураджаат этильмейип, онъа «Я, Неби; Я, Ресуль» шеклинде муамеле этильгендир. Ойле ки, Аллах бутюн муминлернинъ де бу эдепке риаат этмелери ичюн шойле буюргъан:

«(Эй, муминлер!) Пейгхамберни озъ аранъызда бир-биринъизни чагъыргъан киби чагъырманъ!..» (Нур, 63)

Бу ает-и кериме, Аллах Ресули -салляллаху алейхи ве селлем-ни тек адынен анъылмасынынъ умметлик тербиесине ляйыкъ олмага-ны ифадесинен, онынъ адынен берабер юдже ве къутсал сыфатларынынъ сёйленмеси керек олганыны беян этмектедир. Долайысын Аллах Ресули -салляллаху алейхи ве селлем-нинъ Неби, Ресуль, Ресулюллах, Хабибуллах, Фахр-и Алем, Ресул-и Экрем ве бенъзер сыфатларнен анъылмасы, айрыджа «Ахзаб» суресининъ 56 - ает-и керимесинде иляхий эмир талап эткени киби исм-и шерифи эр айтылгъан ерде онъа селят ве селям кетирильмеси керек. Бу, Пейгхамбер -салляллаху алейхи ве селлем-ге нисбетен бутюн умметке Аллахнынъ истеги ве эмирининъ эдебиндедир.

Ает-и керимеде буюрыла:

«Шубесиз ки, Аллах ве мелеклери, Пейгхамберге чокъча селят этерлер. Эй, муминлер! Сиз де онъа саялават кетиринъиз ве бутюн бир теслимиетнен селям беринъ!..» (Ахзаб, 56)

О, Къуранны ялынъыз сёзлернен огреткен бир оджа дегиль, айны заманда Къуранны яшагъан джанлы бир мисаль эди.

Джабир -радыяллаху анх-тан ривает этильген бир хадис-и шерифте Хазрети Пейгхамбер -салляллаху алейхи ве селлем-:

«Аллах -джелле джеллялюху- мени гузель ахлякъны тамамламакъ узъре ёллады...» (Муватта, 904; Бейхаки, эс-Сюненюл-Кюбра, х, 192) буюргъан эди.

1400 сене девамында язылгъан бутюн Ислямий эсерлер, бир китапны, яни Къуран-и Керимни ве бир инсанны, яни Хазрети Пейгхамбер -салляллаху алейхи ве селлем-ни айдынлатып, анълатмакъ ичюндир.

Аллах, ялынъыз онынъ ичюн «Ле-амруке» буюрып онынъ аяты



узереине ант эткендир.

Акъикъат-и Мухаммедиеге якълашмакъ, акъылдан зияде севги ве ашкънен мумкюндир. Бутюн сырлар, Мухаммедий акъикъатнен чезильмеси мумкюндир. Бу да, Ресулюллах -салляллаху алейхи ве селлем-нинъ «усве-и хасене»синден насип алмакъ, нефсаний дюнья эгленджелеринден узакълашып ибадет, къумукъ ве бильги сырларына етишмекнен мумкюндир. Инсан, руханийет-и Мухаммедиеден насип алмагъа башлагъанынен, бир инджеликлер косътерир ве ёкътан бар этмек гузель шей алына келир ве иляхий тежеллилернинъ сырлары, нурлары ве акъикъатлары озюне хиджрет олуныр.

Къураннынъ сырлары мытлакъ, Аллах Ресулининъ руханийетине бурюнген юреклернинъ гизли икмет ве маналарына коре мейдангъа чыкъкъан алда анълашылыр.

Чюнки бизлер ичюн бир тек «усве-и хасене» олгъан Аллах Ресули -салляллаху алейхи ве селлем-ге итаат, ве онъа уймакъ мевзусында Аллах Таала ает-и керимелерде бойле буюргъандыр:

«Ресуль сизге не берген олса оны алынь! Сизге нени ясакълагъан олса ондан да къачынынъ ве Аллахтан къоркъунь! Чюнки Аллахнынъ азабы шиддетлидир.» (Хашр, 7)

«Эй, иман эткенлер! Аллахкъа итаат этинъ ве Пейгъамберге итаат этинъ ки, амеллеринъизни бошкъа чыкъармань!» (Мухаммед, 33)

«Ким Аллахкъа ве Ресульге итаат этсе, иште олар, Аллахнынъ озълерине нимет оларакъ берген пейгъамберлер, сыддыкълар, шехитлер ве салихлернен берабердир. Олар не гузель дост (лар) дыр.» (Ниса, 69)

«(Эй, Ресулим!) Де ки: Эгер Аллахкъа муаббет этсенъиз (Оны севсенъиз), манъа таби олунъыз ки, Аллах да сизни севсин ве гуняхларынынъизни багъышласын...Аллах, Ѓафур (ве) Рахимдир.»

«(Эй, Ресулим!) Де ки: Аллахкъа ве Ресульге итаат этинъиз! Эгер юз чевирселер, мытлакъ ки, Аллах кяфирлерни севмез!» (Ал-и Имран, 31-32)

«Ким ки, Аллахкъа ве Ресулине итаат этер ве Аллахтан къоркъып О (нынъ азабы) ндан къорчаланса, иште олар, къуртулышкъа эргенлердир.» (Нур, 52)



«Мумин эркеклер ве мумин къадынлар, бир-бирлерининъ вели-сидирлер; яхшылыкъны эмир этер, зарардан мен этер, намазны къылар, зекятны берер ве Аллах ве Ресулине итаат этерлер. Аллах, иште, оларгъа рахмет ве мерхамет этеджектер. Шубесиз Аллах, Азиз (ве) Хакимдир.» (Тёвбе, 71)

«Ким Ресульге итаат этсе, Аллахкъа итаат эткен олур. Ким де юз чевирсе, (Эй, Ресулим, биль ки) биз сени олар узерине бекчи ёлмадыкъ...» (Ниса, 80)

«Бильмедилерми ки, ким Аллахкъа ве Ресулине къаршы къоймагъа къалкъса, онъа ичинде эбедий къаладжагъы джехеннем атеши бардыр. Иште, буюк резимлик будыр.» (Тёвбе, 63)

«Аллахкъа ве Ресульге итаат этинъ! Бир-биринъизнен чекишменъиз! Ёкъса къоркъугъа къапылырсынъыз да, рузгъарынъыз (кучъ, къувет, девлет ве элинъиздеки ниметлер) кетер. Сабыр этинъиз; чюн-ки Аллах сабыр эткенлернен берабердир.» (Энфал, 46)

Мытлакъ ки, мумин Ресулюллах -салляллаху алейхи ве селлем-нинъ муаббети къаршысында иляхий титревлерини эбедий ве гузель олгъан дуйгъуларыны ис эткени, рухуны нефсаниетке аит бутюн чизги ве корюнтилерден бошаткъаны вакъыт, Онынъ муаббет ве орынек алуw шахсиетинден пай алуw ёлуна кирген олур.

Биринджи яратылгъан нур, онынъ нурудыр. Джисм-и назифанелеринде тири, жанлы, къуветли эдеп ве айбетли бир буюк ве юдже азимети, бир арада эди. Ортюсине бурюнген, эвленмеген бир яш къыздан даа эдепли эди.

Онынъ юрек юмшакълыгъыны, теренлигини айдынлатып анълатмакъ мумкюн дегильдир.

Юзюнде нур гузелиги, анълатувдаки къолайлыкъ ве раатлыгъы, арекетлеринде юмшакълыкъ, лаф этювинде кулер юзлюлик, сёзлеринде ачыкълыкъ ве тузгюнлик, беянында юксек бир шекильде хитап эткен кимселерге коре уйгунлыгъы бар эди.

Бош лаф айтмайып, эр сёзю икмет ве насиат эди. Лугъатында асла гыйбет ёкъ эди. Эр кеснинъ акъл ве анълайышына коре сёз айтар эди.

Мулайим ве алчакъгонъюлли эди. Кульгенде къах-къаха атып



кульмез эди. Эр вакыт тебессюм этер эди.

Оны тесадуфен корьген кимсени хашет сара эди. Онынънен достукъ ве субет эткен кимсе, онъа джан ве гонъюльден ашыкъ ола эди.

Дереджелерине коре яхшылыкъ саиплерине урьмет ве сайгы косьтере эди. Акърабасына, да зияде ярдым эте эди. Эв халкъына ве асхабына яхшы ве гузель даврангъан киби, башкъа инсанларгъа да юмшакълыкъ ве яхшылыкънен муамеле эте эди.

Хызметкярларыны пек хошландыра эди. Озю не ашаса ве не кийсе, оларгъа да оны ашата ве оны кийдире эди. Джумерт, ярдым саиби, шефкъатли ве мерхаметли, керек олгъанда джесюр ве керек олгъанда да юмшакъ ола эди.

Емин ве антларына риает эте, лафларында догъру сёзлю эди. Гузель ахлякъында, акъыл ве анълайышынен джумле инсанлыкътан устун ве къыйметли, ве эр тюрлю яхшы ве гузель макътавларгъа ляйыкъ эди.

Къыскъасы, корюниши гузель, ахлякъы эксиксиз, мисли яратылмагъан бир вуджуд-и мубарек эди.

Ресулюллах -салляллаху алейхи ве селем-нинъ гонъюль кедерлери даимий, тюшюндже ве фикирлери терен эди. Керексиз лаф этмез эди. Бир сёзге башлагъанда, яры ташламайып, тамамлап битире эди. Бир чокъ фикирлерни бир къач сёзнен къыскъа шекильде анълатмагъа биле эди. Сёзлери дане-дане, не керегинден чокъ, не де аз эди. Яратылышы юмшакъ олмасына бакъмадан пек сабырлы, сагълам, ве эйбетли эди.

Къызгъаны, ынджынгъаны вакытлар еринден турмаз эди. Кимсенинъ фаркъына барылмагъаны, бир хакъ урьмет этильмегени вакыт ачувланыр, хакъ ерини тапмагъангъа къадар ачувланмагъа девам эте эди, ве тек бундан сонъ раат ола эди. Асла озъ хакъкъы ичюн ачувланмаз эди. Озю де уджюм этмез, кимсенен давалашмагъа киришмез эди.

О, кимсенинъ эвине изин алмагъанджа кирмез эди. Эвине кельгени вакыт да эвде къаладжагъы саатлерни учъке боле эди; бирини Аллах ичюн ибадетке, дигер вакытыны къорантасына, учюнджисини



де озюне айыра эди. Озюне айыргъан вакътыны бутюн инсанлар ичюн айырып къуллана эди, олардан кимсени озюнден узакъ быракъмаз эди. Эписининъ гонълюни фетх эте эди.

Ресулюллах -салляллаху алейхи ве селлем-нинъ эр ал ве арекети, зикирнен эди.

Ким ондан насыл бир керекли шей истесе, о истер къыйметли, истер къыйметсиз олсун, оны ерине кетирмеден раат оламаз, истегине ерине кетирип оламагъаны такъдирде, ич олмаса гузель бир сёзнен гонълюни алмагъа арекет эте эди. О, эр кеснинъ дерт ортагъы эди. Инсанлар, насыл дереджеде олса-олсун, зенгин-фукъаре, алим-джаиль – оларнынъ янында инсан олув шеревине ве айны севиiede бир давранышкъа наиль олур эди. Бутюн меджлислери намус, илим, эдеп, сабыр, тебеккюль ве эманет киби фазилетлернинъ кечкен ве гъалип олгъан бир мекянлар эди.

Айып ве эксикликлеринден долайы кимсени айыпламаз, тенбиелев керек олгъанда, къаршысындакини ынжытмайджакъ бир шекильде индже ве назик бир ишаретнен япар эди. Ич кимсенинъ мейдангъа чыкъмагъан айыбынен мешгъуль олмагъаны киби, бу чешит шейлерни къыдырып тапмакъны да кесин-кес ясакълар эди. Эсас оларакъ башкъалар акъкъында шубе ве ярамай зан япмакъ, иляхий эмирлернен де ясакъ этильгендир.

Ондан даа буюк бир къараман тюшюнмек мумкюн дегиль.

Коркъу ве теляш онда ёкъ эди. Фаркълы аллар къаршысында сабыр ве чыдам косътере, коркъу ве теляшкъа тюшип ярашмагъан арекет япмай эди.

О, Илях-и келиметуллах ичюн эр вакъыт биринджи сырларда дженклеше эди. Хунейн дженки башлагъанда Ислям ордусында мейдангъа кельген дагъылув къаршысында, о, метанетини ич джоймайып озюни душман сырларынынъ ортасына аткъан эди. Минген айваныны огге юрютип, сахабилеринде джесюрлик ислеирини арттыргъан ве ниает, Аллахнынъ ярдымынен де гъалебе насип олгъандыр.

О, бойле буюргъан эди:

«Къудрет ве истегинен яшагъаным Аллахкъа ант олсун ки, Аллах



ёлунда шехит олып тирильмек ве сонъ кене шехит олмакъ истер эдим...»

Хазрети Айше -радыяллаху анха-, Аллах Ресули'ндеки иляхий нурны аньлатып:

«Геджелери Ресулюллахнынъ юзю о къадар нур сачар эди ки, юзю айнынъ ондёртуне чевирилир эди. Гедженинъ къаранлыгында йипни, инеге онынъ юзюнинъ айдынлыгында кечире эдим »- буюргъан эди.

О'нынъ мубарек ахлякъына саип олмакъ макъсадынен бир парча алып, онда девамлы олгъан умметнинъ гонъюль эрлери, къыяметке къадар Аллах Ресулининъ севгисине не гузель мисаллер косьтергенлердир. Аллах Ресулининъ акъикъатында аят тапкъан эдилер.

Алтымыш учъ яшында озюне мезар киби бир ер къаздырып аятыны ве ибадетлерини о ерде девам эттирип:

«–Бу яштан сонъ манъа топракъ устюнде юрьмек харамдыр» - деген, буюк ашкъ ве юксек эеджан къараманы Сеййид Ахмед Есевий, бу келип-кечиджи ёлунда абиделешип тиллерде дестан олгъан биридир. Яшагъан топракны берекет весилеси сайып «Хазрети Туркистан» айтылгъандыр.

Вейсель Қъараниге Ресулюллахнынъ Ухудда бир тишининъ сынъганы хабери кельгенде, ангисининъ сынъганыны бильмегени ичюн бутюн тишлери озюне арткъач киби дуйулгъан эди. Агъызындаки бутюн тишлерини чыкъарткъан ве сонъ юреги раатлыкъ дуйгъан эди.

Динар огъуларындан бир къадыннынъ, Ухудда къоджасы, къардашы ве бабасы шехит олгъан эдилер. Учюнинъ де шехит олгъаны акъкъында хабер бильдирильгенинде:

«Сиз манъа Ресулюллахны косьтеринъ. Оны корейим!»- деди.

Озюне Ресулюллах -салляллаху алейхи ве селлем- косьтерильгенде:

«Я, Ресулюллах! Сен сагъ олгъанынъдан сонъ, эр тюрлю къыйын-джылыкъ манъа бош ве эмиетсиздир!» деди.

Чокъ тесирли бир аят яшагъандан сонъ мусульман олып, гонъюль раатлыгына къавушкъан Ханса Хатунгъа Къадисие дженкинде дёрт огълунынъ шехит олгъаны акъкъында хабер келе. О, буюк бир



иман ичинде:

«–Ислямнынъ бир зафери ичюн дёрт огълум да къурбан олсун!...» деп дёрт шехит анасы олгъанынынъ къуванчы ичинде Аллахкъа шукур эте.

Имам Малик -радыяллаху анх-, Ресулюллах -салляллаху алейхи ве селлем-ге бенъземек арзусынен яшады. Медине-и Муневвередде айван устуне минмеди. Равзада имам олгъанда даима алчакъ сеснен лаф этти. О девирнинъ халифеси олгъан Эбу Джафер Мансур юксек сеснен лаф эткенинде:

«–Эй, халифе! Бу ерде сесинъни азалт! Аллахнынъ тенбиеси сенден чокъ даа фазилетли инсанлар узерине энген эди!...» буюрды. Ве шу ает-и керимени окъуды:

«Эй, иман эткенлер! Сеслеринъизни Пейгъамбернинъ сесинден юксельтмень. Бир-биринъизге багъыргъанынъыз киби, Пейгъамберге юксек сеснен багъырманъ. Ёкъса сиз фаркъына бармайып амеллеринъиз бошуна кетер » (Худжурат, 2)

Бу ает-и кериме назиль олгъандан сонъ Хазрети Умер -радыяллаху анх-, пек гурь сесли олмасына бакъмадан, Алах Ресули -салляллаху алейхи ве селлем-ге бир шей айтаджагъы вакъыт санки бир сыр анълаткъан киби фысылтынен лаф этер эди. Ойле ки, Аллах Ресули -салляллаху алейхи ве селлем-, базы вакъыт Хазрети Умернинъ не айткъаныны эшитип оламагъан ве ондан сёзлерини текрарламасыны истей эди. Хазрети Умернинъ бу алы, Ресулюллах севгисининъ ве ашкъынынъ не гузель мисалидир.

Кене Имам Малик Хазретлери, озюне залымлыкъ эткен Медине валисине хакъкъыны хелял эткен:

«–Махшерде Ресулюллах -салляллаху алейхи ве селлем-нинъ торуну олгъан бир кимсеге даваджы олмакътан утанырым!...» буюргъандыр.

Ашыкъ Юнус да, Хазрети Пейгъамбер -салляллаху алейхи ве селлем-ге олгъан севгисининъ атешини бойле тильге кетире:

Арая, арая булсам изинъни,
Изининъ тозуна сюртсем юзюми,



Хакъ насип эйлесе корьсем юзюньни,
Я, Мухаммед джаным арзулар сени...

Шаир Наби, 1678 сенеси девлет адамларынен берабер хадж сеферине чыкъя. Керван Мединеге якъынлашкъанда Наби, эеджан-дан юкьусыз алгъя келир. Керванда олгъан бир акимнинъ, аягъыны дикъкъатсизлик япып, Медине-и Муневвереге догъру узаткъаныны коре. Бу алдан пек тесирленген Наби, натыны язмагъя башлай.

Саба намазына якъын керван Медине-и Муневвереге якъынлашкъанда Наби, язгъан натыны Месджид-и Небининъ минарелеринден окъунгъаныны эшите:

Сакъын терк-и эдепден къуй-и Махбуб-и Худадыр бу;
Назаргях-ы иляхийдир, макъам-ы Мустафадыр бу!..

(Аллахнынъ назаргяхы ве онынъ севгили пейгъамбери Хазрети Мухаммед Мустафа -саллялаху алейхи ве селлем-нинъ макъамы ве мекаяны олгъан бу ерде эдепсизлиткен сакъын!...)

Мураат-ы эдеп шарты иле кир Наби бу дергяха
Метаф-ы къудсияндыр, бусегах-ы энбиядыр бу.

(Эй, Наби, бу ибадет этильген ерге эдеп къаиделерине уйып кир! Бу ер, мелеклернинъ этрафында кобелеклер олгъаны ве бутюн пейгъамберлернинъ, босагъасыны эдепнен опыкенлери мубарек бир макъамдыр.)

Бу ал къаршысында пек эеджанлангъан Наби, аман муеззинни къыдырып тапа:

«–Бу натни кимден ве насыл огрендинъ?...» - деп сорай.

Муэззин:

«–Бу гедже Алах Ресули -саллялаху алейхи ве селлем, тюшю-мизде бизге:

«–Умметимден Наби адына бир шаир мени зиярет этмеге келе. Бу кишининъ къальби манъя къаршы сонъ дередже ашкъ ве муабетнен толудыр. Бу ашкъы себебинен оны Медине минарелеринден озю язгъан натынен къаршыланъыз!..» буюрды, биз де бу эмр-и Небевийни ерине кетирдик»- дер.

Наби, фигъан къопарып агъламагъя башлай. Эм агълай, эм де бу сёзлерни айта:



«–Демек ки, манъа Аллахнынъ Ресули -салляллаху алейхи ве селлем- «умметим» деди! Демек ки, эки дюнья кунеши мени умметликке къабул этти!...»

Мевлид муэллифи Сулейман Челеби:

«Бир аджеба, нур ким кунеш кобелеги...» сатырларынен кунешнинъ Аллах Ресулюне кобелек олып этрафында дёнгенини, яни джансызлар биле онъа ашыкъ олгъаныны не гузель ифаде этер.

Хазрети Али -радыяллаху анх- айта ки:

«Мен Меккеде Аллахнынъ Ресулинен долаша эдим. Бир кунъ, берабер Мекке тышына чыктыкъ. Янындан кечкенимиз эр таш ве терек онъа:

«Салат ве селям санъа олсун эй, Аллахнынъ Ресули!..» деп селям бермеге башлады ».

Джансыз мевджудатлардаки бу ашкъ ве муаббетнинъ башкъа бир корюниши де бойле сейир эттирилир:

Аллах Ресули -салляллаху алейхи ве селлем-, бир сефер эснасында экен раст кельген бир бедевийни тевхидге давет этти. Бедевий, Аллах Ресули -салляллаху алейхи ве селлем-нинъ бу давети узерине ондан пейгъамберлиги мевзусында бир шаатлыкъ истеди. Хазрети Пейгъамбер -салляллаху алейхи ве селлем- де, къаршыларындаки бир терекке ишарет этип оны янларына чагъырды. Терек, аман Пейгъамбернинъ эмирине риает этип топрагъныны яра-яра кельди ве Ресулюллах -салляллаху алейхи ве селлем-нинъ къаршысында уч кере келиме-и шехадетни текрарлады. Сонъ кене Пейгъамбернинъ эмиринен ерине къайтты. Бу муджизени айрет ичинде сейир эткен бедевий, буюк бир шашкъынлыкънен Ресулюллах -салляллаху алейхи ве селлем-нинъ къаршысында тиз чёкип:

«–Изин бер, санъа седжде этейим!»- деди.

Аллах Ресули -салляллаху алейхи ве селлем- де:

«–Асла! Къулнынъ къулгъа седждеси харам къылынгъандыр »- буюрган эди.

Тек джансызлар дегиль, джанлы варлыкълар да Аллах Ресули -салляллаху алейхи ве селлем-ни таный ве итаат эте эдилер. Бу хусус-



ны, Абдуллах бин Джабир -радыяллаху анх- шу риваетнен аңлата:

«Ресулюллах -салляллаху алейхи ве селлем-нен берабер бир сеферден кяйта эдик. Мединеде Неджджар огууларынын бахчаларына кельгенимизде, бахчалардан биринде ич кимсени ичериге кирсетмеген, кирмеге истегенге уджум эткен бир деве олганыны эшиттик. Бу алны Хазрети Пейгхамбер -салляллаху алейхи ве селлем-ге аңлаткыяларында о, Алемлернин Эфендиси, бахчагъа кетти, ичериге кирди ве ич кимсени янына якълаштырмагъан о девени янына чагъырды. Ресулюллах -салляллаху алейхи ве селлем-нин сени эшиткен деве, дудагъыны ерге тийдиреджек къадар башыны эгип, онынъ янына кельди ве къаршысында ерге чёкти. Аллах Ресули -салляллаху алейхи ве селлем-:

«–Манъа бир йип кетиринъиз!» буюрды.

Кетирилген йипни девенин бойнуна кечирип, оны саибине теслим этти. Сонъ о ерде олгъанларгъа шойле буюрды:

«–Джинлернин ве инсанларнын исьянкар олгъанлары тышында, ер ве кокте олгъан бутюн варлыкълар, меним, Аллахнынъ Ресули олгъанымны билелер». (Ахмед бин Ханбель, Муснед)

Тюшюнмек керек ки, джанлы ве джансыз варлыкълар бу юдже муаббет алына коре бизлер, аджеба Аллах Ресулине не къадар теслим ола, ёлунда не къадар федакарлыкъта булунып оламыз?!

Бильемиз керек ки, эр шейден эвель шу кунлерде онынъ руханиетине не къадар чокъ мухтаджмыз...

Шаирнинъ:

«Тур, эй, алемлернин эфендиси; кыямет къопмакътадыр!..» деп ифаде эткен бир заман ичинде яшамакътамыз...

Саяватларымыз, яни онынънен селямлашмамыз ве онъа олгъан севгимиз, бизлер ичюн не буюк бир теселли чешмесидир...

Индже рухлу назик мусульманлар, Ресулюллахнынъ акыккатына якълашмакъ ичюн онынъ руханиети этрафында кобелеклер олып ёлунда девамлы олувны, дюньянынъ энъ буюк нимети сайып иляхий леззетлерге къапылгъанлардыр.



Бу ерде сёзлернинъ сынъырлангъан, аз сайылы имкянларынен къыскадан эсас этмеге чалышкъанымыз бу юксек яратылыштаки хусусиетлер, онынъ анълайышымызгъа тамлагъан шебнемлеридир. Васыл-ы иллямлах олувнынъ сыры, Алахнынъ китабына ве Пейгъмберимизнинъ суннет-и сениесине, яни юксек ахлякъ ве арекетлерине юректен ве гонъюльден якъынлашмакъ, Алах ве Ресулининъ севгенлерине муаббет, севмегенлерине де нефрет этмектир. Эр экисининъ арасындаки фаркъ, энъ юксек, ве энъ ашагъы дереджелери арасындаки къадар сонъсуздыр. Аллах Ресулининъ дуйгъуларындан файдаланувнынъ темель себеби, онъа муаббет ве онынъ аксине нефреттир.

Тарих боюнджа Хазрети Пейгъмбер -саллялаху алейхи ве селлем-нинъ усве-и хасенесинден насип алгъан мубарек муминлер, олгъунлашкъан иманлары нетиджесинде инсанлыкъкъа юдже мешалелер олгъанлардыр.

Иште, аджиз бир языджынынъ акыкът-и Мухаммедие хусусындаки анълайышы онынъ къулланып олгъан сёзлерининъ сынъырлангъан черчевеси ичине сыгъмагъа имкян булдылар!...

Ве шуны да къайд этмели ки, бу кучюк эсернинъ эки къапагъы арасында сёзлер васытасынен беян этильген бильгилер, белли олмагъан окъуйыджыгъа такъдим этильген океандан бир къач тамчы дереджесиндедир. Акъыкътатта бу ифаделер, тюпсюз бир сессизликинъ шанлы къапысы къаршысында иште, биткендир...

Я, Рабби! Сёзлернинъ сынъырлы имкянларынен анълатмагъа тырышкъанымыз бу язгъанларымызны бизлер ичюн бир рахмет ве берекет весилеси этип акыкът-и Мухаммедиеден бир пай алмамызны насип буюр! Муаббетнинъ къыймети ве чешмеси олгъан Ресулюлах -саллялаху алейхи ве селлем-нинъ юдже шефаатына наиль эт!

Амин!...



МУНДЕРИДЖЕ

СЁЗ БАШЫ	5
ПЕЙГЪАМБЕРЛИКТЕН ЭВЕЛЬ ХАЗРЕТИ МУХАММЕД	13
Филь йылы	13
Пейгъамбер эфендимизнинъ пак сою	14
Хазрети Пейгъамбернинъ бабасы Абдуллах иле	
анасы Эминенинъ эвленюви	16
Пейгъамберимизнинъ догъувы ве бу эснада	
юзь берген алельхусус аллар	19
Хазрети Пейгъамберимизнинъ балалыгъы ве генчлиги	23
Сют анасына берильмеси	24
Биринджи Шерх-и Садр – юрек ачылув адисеси	29
Медине ёлджулыгъы ве анасынынъ вефаты	30
Къартбабасы Абдульмутталибнинъ имаеси	32
Эмджеси Эбу Талибнинъ имаеси	34
Экинджи Шерх-и Садр	35
Пейгъамберимизнинъ къой бакъувы	36
Эмджелеринен берабер ёлджулыкълары	37
Хильфуль-фудуль	39
Рахип Настуранынъ тасдикълавы	40
Хазрети Хатидже иле эвленюви	41
Пейгъамберимизнинъ эвлятлары	43
Кябеде акемлик	45
Къусс бин Саиденинъ хитабы	47
ПЕЙГЪАМБЕРЛИКНИНЪ МЕККЕ ДЕВРИ	51
Вахийнинъ башланмасы: Садыкъ тюшлер	51
Ильк вахий ве вахийнинъ кесилюви (Биринджи йыл)	52

Вахийнинъ текрар башланувы	58
Эмир этильген шейни анълат!	61
Ишкендже деври	72
Хабешистан хиджрети	76
Гъараник меселеси	78
Экинджи Хабешистан хиджрети	80
Хазрети Хамзанынъ мусульман олувы	85
Хазрети Умернинъ мусульман олувы	89
Мушриклернинъ мусульманларны ёкъ этюв сиясети: учъ сене девам эткен бойкот	95
Бойкотнынъ битмеси	97
Шакъкъ-ы Къамер: Айнынъ экиге ярылув муджизеси	99
Кедер сенеси: Хазрети Хатидже ве	102
Эбу Талибнинъ вефаты	102
Таиф ёлджулыгы	104
Итхамлар (Къабаатлавлар)	108
Къуран-ы Керим – эдебий бир муджизедир.	111
Аллах Ресулини къабул этип оламагъанлар	112
Теселлилер	114
Акъабе корюшмеси	118
Учюнджи Шерх-и Садр (коксюнинъ ярылмасы): Мираджгъа азырлыкъ	119
Махбубнынъ Хабибине олгъан эшсиз икрамы:	120
МИРАДЖ	120
Мирадждан бир къач нокъта	133
Мираджнынъ акислери	134
ПЕЙГЪАМБЕРЛИКНИНЪ 12-ДЖИ СЕНЕСИ	137
Биринджи Акъабе бейаты	137
ПЕЙГЪАМБЕРЛИКНИНЪ 13-ДЖИ СЕНЕСИ	141
Экинджи Акъабе бейаты	141
ХИДЖРЕТ	148



(ПЕЙГЪАМБЕРЛИКНИНЪ 13-ДЖИ СЕНЕСИ)	148
Хиджретке изин берильмеси ве Мединеге хиджрет	148
Бекленген мубарек ёлджу	163
Темеллери такъва иле атылган джами: Къуба джамиси	166
Рануна вадисинде ильк джума намазы	168
1. Хутбе:	168
2. Хутбе:	169
ПЕЙГЪАМБЕРЛИКНИНЪ МЕДИНЕ ДЕВРИ	176
Месджид-и Небий ве эзан	177
ХИДЖРИЙ 2 СЕНЕ	179
Къыбланынъ денъишюви	179
Мединенинъ вазиети	180
Батн-ы Нахле	182
БУЮК БЕДИР ДЖЕНКИ (ХИДЖРИЙ 2 СЕНЕ)	186
Куфюрге къаршы ильк сиялы къаршылыкъ	
косътерюв ве биринджи джихад.	186
БЕНИ КЪАЙНУКЪА ДЖЕНКИ (ХИДЖРИЙ 2 СЕНЕ)	197
Тарихнынъ энъ бедбахт къавми – еудийлер	197
Ораза ве зекят	201
УХУД ДЖЕНКИ (Хиджрий 3 сене)	203
Хамрауль-Эсед	214
Мирас меселеси	216
ХИДЖРИЙ 4 СЕНЕ	219
Раджи вакъиасы	219
Бир-и Мауне вакъиасы	220
Бени Надирнинъ хаин планы	222
Ички ве къумарнынъ ясакъ этилови	225
ХИДЖРИЙ 5 СЕНЕ	227
Тесеттюр аети	230
Зат-ур Рикъа	232



ЭНДЕК ДЖЕНКИ (ХИДЖРИЙ 5 СЕНЕ)	234
Ислям тарихындаки энъ буюк дженк	234
Бени Къурайза дженки	239
ХИДЖРИЙ 6 СЕНЕ	242
Мурейси дженки	242
Тейеммум	244
Ифкъ (Ифтира) вакъиасы	244
Душман олардыр, олардан сакъын!	249
ХУДЕЙБИЕ АНЪЛАШМАСЫ (ХИДЖРИЙ 6 СЕНЕ)	254
Фетихлернинъ анахтары	254
Эки къат арткъан берекет	261
ХИДЖРИЙ 7 СЕНЕ	264
Укюмдарларны Ислямгъа давет этюв	264
ХАЙБЕРНИНЪ ФЕТХИ	272
(ХИДЖРИЙ 7 СЕНЕ)	272
Хыянет ве фитнеджи еудийнен сонъки токънашув	272
Мута меселеси	276
Умрегуль-Къаза	278
ХИДЖРИЙ 8 СЕНЕ	281
Бир авуч сахаби язгъан дестан - МУТЕ ДЖЕНКИ	281
МЕККЕНИНЪ ФЕТХИ (ХИДЖРИЙ 8 СЕНЕ)	286
Хакъ кельди, батыл йыкъылды	286
Багъышлама байрамы	296
Меккелилернинъ бейаты	299
Эманетни саибине берингиз!	300
Бенъзерсиз бир сёзюни тутув	301
Хунейн дженки	302
Эвтас дженки	305
Таиф къамачавы	306
Гъаниметлерни пайлаштырув	307
Сен онынъ юрегини ярдынъмы	312



ХИДЖРИЙ 9 СЕНЕ	315
Ибадетсиз динде хайыр ёкътыр!	315
Тильнинъ къудрети	316
Буюк бир иман имтианы - Тебук ёлджулыгъы	319
Эльчилер йылы	339
ХАДЖ - ХИДЖРИЙ 9 СЕНЕ	342
ВЕДА ХАДЖЫ (ХИДЖРИЙ 10 СЕНЕ)	345
Пейгъмберимизнинъ ильк ве сонъки хаджылыгъы	345
ХИДЖРИЙ 11 СЕНЕ	352
«РЕФИКЪ-И АЛЯ»ГЪА ЮДЖЕ ЁЛДЖУЛЫКЪ	352
УСВЕ-И ХАСЕНЕ	364
Мундеридже	380